

ଗ୍ରନ୍ଥାବଳୀ ମିରିଜ

ଯୋଗେଶ-ଗ୍ରନ୍ଥାବଳୀ

(ଦ୍ଵିତୀୟ ଭାଗ)

ଯୋଗେଶଚନ୍ଦ୍ର ଚୌଧୁରୀ ପ୍ରଣୀତ

ବସୁନ୍ଧରୀ - ସାହିତ୍ୟ - ମନ୍ଦିର

୧୬୬, ବହବାଜାର ଷ୍ଟ୍ରୀଟ, କଲିକାତା

ଐନ୍ଦ୍ରବଳୀ ସିରିଜ

ଯୋଗେଶ-ଐନ୍ଦ୍ରବଳୀ

(ଦ୍ଵିତୀୟ ଭାଗ)

ଯୋଗେଶଚନ୍ଦ୍ର ଚୌଧୁରୀ ପ୍ରଣୀତ

- ୧ । ସୀତା । ୨ । ବିଷ୍ଣୁପ୍ରିୟା । ୩ । ପୂର୍ଣ୍ଣିମାମିଳନ ।
୪ । ମହାମାୟାର ଚର ।

ବନ୍ଧୁମତୀ-ସାହିତ୍ୟ-ମନ୍ଦିର ୧୬୬, ବହୁବାଜାର ଷ୍ଟ୍ରୀଟ ହରିଡ଼େ “ବନ୍ଧୁମତୀ-ବୈଦ୍ୟାତିକ-ରୋଟାରୀ-
ମେସିନେ” ତ୍ରିଶସିଷ୍ଟୁଷ୍ଣ ଦତ୍ତ କର୍ତ୍ତୃକ ଯୁଦ୍ଧିତ ଓ ପ୍ରକାଶିତ ।

ମୂଲ୍ୟ—ଦୁଇ ଟଙ୍କା ।

সীতা

যোগেশচন্দ্র চৌধুরী প্রণীত

১৯৫২ সালের নবম সংস্করণ ছুটিতে

শ্রীশিখিরকুমার ভাট্টা, এম-এ, মহাশয়ের

অধিনায়কতায়

নাট্যমন্দিরে প্রথম অভিনয়

পূর্ববাংলা, ২১শে জানুয়ারি, ১৩৩১

গ্রন্থকারের নিবেদন

আদিকবি বাজীকি থেকে আরম্ভ করে ভারতবর্ষের সমস্ত পুরাতন ও আধুনিক বড় কবি গীতাময়কে কিছু না-কিছু লিখেছেন। আমার প্রথম নাটক আমি যে ভারতের এই চিরন্তন পুণ্যকাহিনী অবলম্বন করে লিখবার সুযোগ পেয়েছি, সেজন্য আমি নিজেকে বড়ই সৌভাগ্যবান বলে মনে করি। তথাপি সত্যের খাতিরে বলতে গেলে বলতে হয় যে, আমার অন্তরের কোনও প্রেরণার দ্বারা অনুপ্রাণিত হয়ে আমি এ নাটক লিখতে আগ্রহ হইনি, বাইরের প্রয়োজন আমাকে লিখতে বাধ্য করেছে। কিছু লিখতে আরম্ভ করে আমি “রামগীতাবিরহের নিবারণী দ্বারা” আমার প্রাণের ভিতর অর্পণ করিছি এবং বাইরে তার রূপ ফুটিয়ে তুলবার যথেষ্ট চেষ্টা করেছি। কৃতকার্য হয়েছি কি জানিনে।

স্বর্গীয় দ্বিজেন্দ্রলাল রায় মহাশয়ের “গীতা” আমার চোখের সামনে অনেকবার অভিনীত হয়েছিল। সে নাটকের অনেকগুলি চিত্র ও চরিত্র আমার সমস্ত কল্পনাকে একেবারে আচ্ছন্ন করেছিল; সেজন্য আমার এই “গীতা” নাটকের কোনও কোনও জায়গায় স্বর্গীয় রায়মহাশয়ের নাটকের একটু আদর্শ ছায়া পড়তে পারে—তবে আমি দ্বিজেন্দ্রলালের প্রভাব অতিক্রম করার যথেষ্ট চেষ্টা পেয়েছি।

শ্রীযুক্ত শিশিরকুমার ভাট্টা মহাশয় তাঁর নূতন নাট্যমন্দির-উদ্বোধন উপলক্ষে যে আমার এই নাটকখানি অভিনয় করার জন্য মনোনীত করেছেন, এজন্য আমি তাঁকে আন্তরিক ধন্যবাদ দিচ্ছি।

আমার ছদ্মনাম হিতৈষী বন্ধু—শ্রীযুক্ত শিশিরকুমার ভাট্টা এবং সুপ্রসিদ্ধ সাহিত্যিক শ্রীযুক্ত মণিলাল গুপ্তোপাধ্যায়—এই বইখানি লেখা থেকে আরম্ভ করে ছাপানো পর্যন্ত সমস্তব্যাপারে আমাকে যথেষ্ট সাহায্য করেছেন। এঁদের ছদ্মনাম সাহায্য না পেলে আমি কিছুতেই এ নাটক প্রকাশ করতে পারতাম না। আমার অল্পতম সাহিত্যিক বন্ধু, সুরকবি শ্রীযুক্ত হেমেন্দ্রকুমার রায়, আমার “গীতা” নাটকের জন্য কয়েকখানি গান রচনা করে দিয়েছেন। এই সুযোগে আমি এই সকল সহায় বন্ধুর কাছে আমার আন্তরিক কৃতজ্ঞতা জানাচ্ছি।

‘নাট্যমন্দির’
৬৮বি, বিডন ষ্ট্রীট, কলিকাতা }
বুধবার ২১শে শ্রাবণ, ১৩৩১

শ্রীযোগেশচন্দ্র চৌধুরী

উৎসর্গপত্র

স্বর্গীয়া কিরণশর্মা দেবীর স্মৃতিপূজা

দিদি, ছেলেবেলায় একটা মস্ত বড় নাট্যকার হবার খোঁকে প'ড়ে যখন নাটকের পর নাটক লিখেছি, তখন তুমিই ছিলে আমার সে সকল লেখার একমাত্র সমজদার। আমার সমস্ত রচনা তুমি খুব মনোযোগ দিয়ে শুনতে ও সেগুলি উপভোগ করতে এবং প্রয়োজন মত যথেষ্ট উৎসাহ দিতে। তোমার বড় ইচ্ছা ছিল, সাধারণ রঙ্গালয়ে আমার কোনও নাটকের অভিনয় দেখা। আজ সভ্যই আমার নাটক অভিনয় হ'চ্ছে। প্রথম যৌবনের সে আনন্দ উত্তম আজ আর নেই;—একটা কিছু হতে হবে, এই রকম সঙ্কল্প প্রাণে আর বড় একটা সাড়া আনে না। জীবনের এমন একটা জায়গায় এসে পৌছেছি, যেখান থেকে অতীতকেই মনোরম বলে মনে হয়, ভবিষ্যৎকে উজ্জ্বল দেখায় না। বর্তমানের সমস্ত কোলাহল অতিক্রম করে আজ কেবল তোমার কথাই ভাবছি। জানি না তুমি কোথায়—আমার বর্তমান সুখ-দুঃখের তরঙ্গাঘাতে তোমার হৃদয় স্পন্দিত হ'য়ে ওঠে কিনা। আমি সংশয়ী—তবু যেন মনে হয়, হয়ত কোন্ কল্পলোক থেকে তুমি আমাদের দেখতে পাচ্ছ। সেই বিশ্বাসে—জগতের সর্বশ্রেষ্ঠ মহীয়সী নারীর জীবনকথা নিয়ে গাথা, আমার এই প্রথম প্রকাশিত নাটকখানি তোমাকেই উৎসর্গ করলাম।

তোমার স্নেহের ছোট ভাই
মোগেশ

ষষ্ঠ সংস্করণের বিজ্ঞাপন

“সীতা”র নাট্যাভিনয় আজ সাত বৎসর ধরিয়া কলিকাতায় চলিতেছে। গত বৎসর আমেরিকা-যুক্তরাষ্ট্রদেশে নিউইয়র্ক সহরের “ব্রডওয়ে—ভ্যান্ডার-বিল্ট” থিয়েটারে ১৯৩১ খৃষ্টাব্দের ১২ই জানুয়ারী তারিখে বাংলা ভাষাতেই “সীতা” অভিনয় হয়। শ্রীযুক্ত শিশিরকুমার ভাট্টা, প্রযোজক এবং নাট্যমন্দিরের প্রায় সমস্ত কলাকুশল নটনটী এই অভিনয় করেন। ইহার পূর্বে ভারতের বাহিরে সমুদ্রপারে কোন নাট্যসম্প্রদায় বাংলা ভাষায় এভাবে অভিনয় করেন নাই। আমেরিকার গুলিসমাঞ্জে নাটক ও নাট্যাভিনয়ের যথেষ্ট সূখ্যাতি হইয়াছিল। আমেরিকা প্রবাসী অক্লান্তকর্মী সোদরোপম বন্ধু শ্রীযুক্ত সত্যেন্দ্র সেন নাট্যাভিনয়ে বিশেষ সাহায্য করেন। তাঁহার সাহায্য না পাইলে অভিনয় সূচাক্রমে সম্পন্ন হওয়া সম্ভব হইত না। পরে ভারতে ফিরিয়া ঐ বৎসরই মার্চ মাসে দিল্লীতে তদানীন্তন মাননীয় বড়লাট মহোদয় লর্ড আরউইন ও তদীয় মাননীয় পত্নী এবং অজ্ঞাত ইয়ুরোপীয় ও দেশীয় সম্রাস্ত রাজকর্ষণারীগণের সম্মুখে সূখ্যাতির সহিত “সীতা” অভিনয় হয়। বাংলা নাটক ও নাট্যাভিনয়ের ইতিহাসের অঙ্গরূপে ইহা উল্লিখিত হইল। ইতি

১৫ই আশ্বিন,
১৩৪৮ সাল।

}

শ্রীযোগেশচন্দ্র চৌধু

নাটকের চরিত্র

পুরুষ

রাম, লক্ষণ, ভরত, শত্রুঘ্ন, বশিষ্ঠ, বায়ীকি, লব, কুশ, শম্বক (তপাচারী শূদ্র),
অষ্টাবক্র, কণ্ঠকী, দুর্মুখ, বন্দী, বৈভালিক, মন্ত্রী, সচিব, শূদ্র-ঋষিকগণ,
মুনিগণ, দেবমিগণ, ক্ষত্রিয়রাজগণ, জনৈক ব্রাহ্মণ, প্রতিনিধী-
গণ, অমুচর, গ্রহণীগণ, কয়েকজন লোক, অশ্বরক্ষকদ্বয়,
সৈনিকগণ, রাজ্যের নায়কগণ,
রাজদূত ইত্যাদি।

স্ত্রী

কৌশল্যা, সীতা, উর্মিলা, আভেয়ী (ঋষিকথা—বায়ীকির শিষ্যা),
ভূপতী (শম্বকের স্ত্রী), বনলক্ষ্মীগণ, অরণ্য-
কুমারীগণ ইত্যাদি।

পরিচয়

অধিকারী	..	শিশিরকুমার ভাট্টা
গ্রন্থকার	..	যোগেশচন্দ্র চৌধুরী
সম্পাদক	...	সুনন্দকুমার মুখোপাধ্যায়
অনুষ্ঠান ও শিক্ষক	...	শিশিরকুমার ভাট্টা
নৃত্য-শিক্ষক	...	নৃপেন্দ্রচন্দ্র বসু
সহ-নৃত্যশিক্ষক	...	ব্রজবল্লভ পাল
স্বর-সংযোজক	...	গুরুদাস চট্টোপাধ্যায়
চিত্রশিল্পী	...	চাকচন্দ্র রায়
ঐ সহকারী	...	রমেন্দ্রনাথ চট্টোপাধ্যায়
হারমোনিয়ম-বাদক	...	সুদেশচন্দ্র রায়
বংশীবাদক	...	বঙ্কিমচন্দ্র ঘোষ
আরক		প্রভাতকুমার চট্টোপাধ্যায়
		অনিলকুমার ঘোষ

প্রথম অভিনয়-রজনীর অভিনেতা ও অভিনেত্রীগণ

রাম	...	শশিরকুমার ভাট্টা
লক্ষ্মণ	...	বিশ্বনাথ ভাট্টা
ভরত	...	তারাকুমার ভাট্টা
শত্রুঘ্ন	...	তুলসীচরণ বন্দ্যোপাধ্যায়
বশিষ্ঠ	...	ললিতমোহন লাহিড়ী
বাণীক	...	মনোরঞ্জন ভট্টাচার্য্য
শ্যামক	...	যোগেশচন্দ্র চৌধুরী
গব	...	জীবনকুমার গঙ্গোপাধ্যায়
কৃষ্ণ	...	{ ননীগোপাল সান্যাল (দ্বিতীয় রজনী হইতে) রবীন্দ্রমোহন রায়
দুগ্ধ শ	...	অমিতা ও বসু (এমেচার)
কপূরকা	...	শীতলচন্দ্র পাল
অষ্টাদশ	...	শরৎচন্দ্র চট্টোপাধ্যায়
অমাত্য	...	সুহাসচন্দ্র সরকার
অশ্বরক্ষকদ্বয়	...	{ রমেশচন্দ্র দত্ত বিশ্বেশ্বর মল্লিক
ঋত্বিক	...	নীলমণি বন্দ্যোপাধ্যায়
বৈতালিক ও বন্দী	...	কৃষ্ণচন্দ্র দে
পুত্র-শোকাভূর ব্রাহ্মণ	...	মৃপেশনাথ রায়
কৌশল্যা	...	মতী পান্নারানী
গীতা	...	মতী প্রভা
উর্দ্ধ্বলা	...	মতী উমারানী
তুঙ্গভদ্রা	...	মতী নীরদাসুন্দরী
আত্রেয়ী	...	মতী নিকুপমা

সীতা

প্রথম অঙ্ক

[অযোধ্যা-প্রাসাদের একাংশ । রামের কক্ষের সম্মুখস্থ অলিন্দে সীতা রামচন্দ্রের জামুদেশে মস্তক রক্ষা করিয়া ঘুমাইয়া পড়িয়াছেন । রাম অতি যত্নসহকারে তাঁহাকে বাজন করিতেছেন । নেপথ্য হইতে যন্ত্রসঙ্গীতের ধ্বনি আসিতেছে । বিখ্যাত রাজকন্ঠচারী দুর্শ্বাখ দ্বীরে দ্বীরে প্রবেশ করিল । সীতাদেবীকে দেখিয়া সে অত্যন্ত সন্তুষ্ট হইয়া পড়িল । দুর্শ্বাখ স্থির হইয়া দাঁড়াইয়া রহিল । কিছুক্ষণ পরে রাম সেই দিকে মৃণ ফিরাইয়া দুর্শ্বাখকে দেখিতে পাইলেন ।]

রাম । দুর্শ্বাখ ।
 দুর্শ্বাখ । মহারাজ, বার্তা আনিয়াছি ।
 রাম । ভাল, অসঙ্কোচে কর নিবেদন ।
 দুর্শ্বাখ । প্রভু,
 রাজকাৰ্য্য, সঙ্কোপনে চরণে
 করিব নিবেদন ।
 রাম । দেবীর নিকটে
 সঙ্কোচের নাই প্রয়োজন,—
 জানকীর কাছে অযোধ্যা-রাজ্যের
 গোপন কিছুই নাই ।
 কিন্তু দেবী স্পষ্টা,
 বিশ্রামে ব্যাঘাত হইতে পারে ।

(কঙ্ককীর প্রবেশ)

কঙ্ককী । রামচন্দ্র !
 রাম । আৰ্য্য !
 কঙ্ককী । মহাতপা অষ্টাবক্র—
 ভূপতিরে
 আশীর্বাদ করিবার তরে,
 মাগিছেন রাজ-দরশন ।

রাম । যাও, সসম্মানে
 ত্বরায় লইয়া এস

[কঙ্ককীর প্রস্থান]

রাম । দুর্শ্বাখ, কণেক অপেক্ষা কর,
 বার্তা তব জানিব পশ্চাতে ।
 দুর্শ্বাখ । যথা আজ্ঞা নরেশ্বর !

(অষ্টাবক্রের প্রবেশ)

রাম । প্রণমি চরণে দেব,
 কর আশীর্বাদ ।
 অষ্টা । করি আশীর্বাদ—
 প্রজামুরঞ্জে—শ্রেষ্ঠ স্বার্থ বলিদানে,
 নাহি হও পরান্বিত কভু !
 রাম । মুনিবর, যেই দিন হ'তে
 অযোধ্যার সিংহাসনে
 করিয়াছি আরোহণ, প্রজামুরঞ্জম
 নৃপতির কর্তব্য জেনেছি সার ।
 হৃদয়বংশে জন্ম মোর—
 প্রজামুরঞ্জন হ'তে শ্রেষ্ঠতর কার্য্য
 মোর নাই ।
 অষ্টা । বাক্যে তব বহু প্রীতি করিলাম লাভ ।
 বৎস, কল্যাণ হউক তব ।
 রাম । মুনিবর, কিবা প্রয়োজনে
 রাজপুরে পদার্পণ প্রভু,
 জানিতে কি পারি ?
 অষ্টা । আনিয়াছি তব প্রাপ্য যজ্ঞভাগ
 নরেশ্বর,
 ঋতুশুদ্ধ-যজ্ঞস্থল হ'তে,
 বিশিষ্টের আশীর্বাদ সহ ।
 কহিলেন ঋষি—“হে যশস্বী,
 বংশমান রক্ষা হেতু
 সত্যের পালনে আর প্রজামুরঞ্জে

- সর্ব ইষ্ট দিতে বিসর্জন
রামচন্দ্র বিষুখ না হন যেন !”
- রাম । শিরোধার্য আদেশ ঋষি ;
প্রভু, ইক্ষাকু-কুলের রাজা,—
প্রজার মঙ্গল তার জীবন-সাধনা ।
পুণ্যলোক রাজর্ষি দিলীপ—
রঘু, অজ, পিতা দশরথ—
সূর্য্যবংশ-ধরদ্ধর নরপতিগণ
যেই পুণ্যব্রত করিলেন
চিরদিন জীবনে বরণ,
সে ব্রতে দীক্ষিত আমি দেব !
- অষ্টা । রামচন্দ্র,
করি আশীর্বাদ—বৎস, পিতৃপুরুষের
নামের সম্মান রক্ষা কর চিরদিন ।
- রাম । মুনিবর,
ধনরত্ন যাছা আছে রাজার ভাগ্যারে,
রত্ন-সিংহাসন, বহুমূল্য রাজ-আভরণ,
সাগরী পৃথিবীর অধিকার
প্রজামুরজনে অনায়াসে বিসর্জন
দিতে পারি । আত্মীয়-স্বজন,
আপন জীবন,
বংশের পাবন পুত্র নয়নের মণি—
জ্ঞাত, তাও দিতে পারি ।
সর্ব ধর্ম সাধনার ফল
কর্মলব্ধ উচ্চগতি যদি থাকে কিছু
জীবনের সর্বকাম্য কামনার ধন—
লোকান্তরে স্বর্গ-যোক্ষ ইষ্ট আরাধনা—
প্রজার মঙ্গল হেতু—
এখনি ত্যাগিতে পারি !
অধিক কি কব আর দেব,
হ'লে প্রয়োজন, প্রজামুরজন তরে—
সর্ব কাম্য, সর্ব স্বর্গ,
সর্ব ইষ্ট, সর্ব কামনার শ্রেষ্ঠ—
সহস্র জীবনাধিক—যোর জানকীরে—
(হৃদয়ের সর্বশরীর কাঁপিয়া উঠিল)
হৃদয় হৃদয়—
যোর জানকীরে
এই দণ্ডে বিসর্জন দিতে পারি ।
- অষ্টা । বৎস,
বাক্য তব সূর্য্যবংশধর-যোগ্য বটে
বৎস, করি আশীর্বাদ
হও আদর্শ-নৃপতি । [গ্রন্থান]
- রাম । হৃদয়,
কি কথা বলিতেছিলে—
বল এইবার ।
- হৃদয় । মহারাজ,
ত্রীচরণে অভয় প্রার্থনা করি !
- রাম । দিলাম অভয়,
নির্ভয়ে বলিতে পার—
কোন শঙ্কা নাই ।
- হৃদয় । মহারাজ,
অযোধ্যার পুরবাসী
ধনবান্ প্রজা, রাজ্যের নায়ক যত—
তারপর ?
- রাম । হৃদয়, বিস্তৃত করিলে মোরে ।
বহুদিবসের পুরাতন রাজকর্মচারী
রাজার চরিত্র নাচি জান ?
সমস্ত অপ্রিয় সত্য শুনিতে প্রস্তুত আমি ।
- হৃদয় । (তথাপি সঙ্কুচিত ও নিরুত্তর)
দিয়াছি অভয়—কিসের সঙ্কোচ তবে ?
- হৃদয় । পৌরজন যত পরস্পর কহিতেছে—
মা-জানকী কলঙ্কভাগিনী—
- রাম । হৃদয়—হৃদয়—
মিথ্যাবাদী শঠ, প্রবঞ্চক—
হেন কথা কহিস্ হৃদয় !
- হৃদয় । রূঢ় সত্য, কহিয়াছি
তোমার আদেশে নরবর ।
- রাম । পৌরজন, পৌরজন !
কি কহিছে পৌরজন ?
- হৃদয় । তারা কহে, রাজ-অঙ্ক:পূর-মাঝে
গ্রহণীয়া নন রাজেন্দ্রাণী,
অনার্য্য-রাক্ষস-গৃহে করেছেন বাস ।
- রাম । প্রজামুরজন, প্রজামুরজন—
ভাল আশীর্বাদ ঋষি, করিয়াছেন মোরে ।
প্রজামুরজনে শ্রেষ্ঠ স্বার্থ বিসর্জন—
অনীম ঔদাস্তভরে
নিজে আমি করিয়াছি পণ ।

সীতা

সহস্রাক্ষ বিশ্ববিভূ—বংশের আকর,
দেব দিনকর !

একি মহা সমস্তায়
নিপতিত করিলে আমার প্রভু !

এ কোন্ অশুভক্ষণে
সর্বনাশা হেন গর্দভাণী
মুখ হ'তে স্থলিত হইল মোর ?

বুঝিতে না পারি—

দৃষ্টির অন্তরে থাকি
নিয়তি কি করে পরিহাস !

দুঃস্বপ্ন। ধরণীর অধীশ্বর !

ক্ষমা কর দাসে—

রাম। বুঝিয়াছি,
আর কিছু শুনিবার

নাহি প্রয়োজন ;

যাও, করগে বিশ্রাম—

(দুঃস্বপ্নের গমনোচ্চোগ)

পুরুষার লহ রত্নহার ।

(রত্নহার দিলেন)

দুঃস্বপ্ন। প্রভু, দিওনা গজনা দাসে—

দাও দণ্ড, কর তিরস্কার—

শতলক্ষ অপমান লব বক্ষ পাতি,

সব অকাতরে !

পুরুষার লহিতে নারিব—

পুরুষার-যোগ্য কার্য করেনি দুঃস্বপ্ন !

রাম। না—না, মহাকাব্য করিয়াছ তুমি—

বিনাদ না ভারহ অন্তরে ।

রাজ-সিংহাসনে করি আরোহণ

শুনিয়াছি লক্ষ লক্ষ চাটুকান-বাণী !

নগ্ন-সত্য কঠোর মহানু—

সত্যের সে অপূর্ণ মুরতি

দেখি নাই বহুদিন—

সত্য গিয়াছিল ভুলি !

তুমি দিয়াছ আমার সেই সত্য পুনঃ—

শ্রদ্ধ, স্নানমল কাচমণি-সম

মম জীবনের প্রতিবিম্ব পড়িয়াছে যাহে ।

রে দুঃস্বপ্ন !

শ্রেষ্ঠ ভৃত্য তুমি মোর—

সামান্য সেবক হেন কার্য কভু পারিত নী !

দুঃস্বপ্ন

তব বাক্য চিরদিন করেছি পালন,

আজ তাহা করিব হেলন,

লইব না রত্নহার—

বিদায় চরণে মহারাজ ।

ভাল কাব্য দিয়াছিলে মোরে—

হইল দুঃস্বপ্ন নাম

সার্থক আমার এতদিনে !

[প্রস্থান

রাম

(সীতার নিকটে গিয়া)

পুণ্যবতী জনক-তনয়া

পবিত্রতা-আকার-ধারিণী !

ভাগীরথ-পুত্রবারিসমা—

তীর্থরেণু মত যিনি আপনার

আপনি পাবন—

মুখ পৌরজন, কহে অপবিত্রা তাঁরে !

অগ্নিসমা পরিশুদ্ধা,

রাজর্ষি-জনক-গৃহে জন্ম যার

হোম-যজ্ঞে পুণ্য-ফল সম ;

অপবাদ তাঁর ?

অস্তুর্যামী দেব,

আমার মুখের কথা—তাই সত্য হবে ?

অন্তরের সত্য মোর কেহ দেখিবে না !

মুক্তের মত্ততায় জীবনের ভুল—

জীবনের সব চেয়ে বড় সত্য হ'তে

প্রবল কি হবে ?

(নেপথ্যে সুর শোনা গেল, বৈতালিক

গাহিতে গাহিতে প্রবেশ করিল)

(গীত)

জয় সীতাপতি সুনন্দনভূ

প্রজারজনকারী,

রাঘব রামচন্দ্র জয়তু

সত্য-ব্রতধারী ।

ধরণী পুত্র চরণ-পরশে,

পুরুবাসীগণ মগ্ন হরষে,

আকাশ হ'তে নিত্য বরষে

দেবতা-কৃপাবারি ।

রাম।

মুখ বৈতালিক,

বন্ধ কর গান ।

বৈতা। মহারাজ—

রাম আজ হ'তে

স্বতিগান আর নাহি হবে।

[বৈতালিকের প্রস্থান]

অতীব নির্দ্বর প্রথা

শ্রদ্ধা দিয়ে ঢেকে রাখা

অস্তরের ঘুণা

প্রতি আঁখি-পাশে লুকায়িত

জীব পরিহাস—

জনে-জনে ভাবে মনে মনে

অপবিত্রা সীতা—

রাজদণ্ড-ভয়ে মুখে কিছু করে না প্রকাশ।

সম্মুখে দেখায় ভক্তি—

শ্রদ্ধাপূর্ণ স্বতিগান রচে !

কপটতা—কপটতা

খাস রোধ হয় মোর

জীবন্ত এ মিথ্যা মাঝে করিতে বসতি।

(বশিষ্ঠের প্রবেশ)

বশিষ্ঠ। বৎস,

আসিয়াছি আমি।

সম্পূর্ণ হ'য়েছে যাগ,

দেব-ঋষি-মহর্ষির কল্যাণের তরে—

মহাতপা ঋষিশৃঙ্গ

হোমানলে পূর্ণাহুতি ক'রেছেন দান।

রাজমাহুগণ

রাজগৃহে সমাগত পুনঃ।

বৎস, যৌন ভূমি !

চির-হাস্যময় মুখে নাহি হাসিরেখা—

যেন অশ্রু দিয়ে আঁকা—

যৌন মুক চিত্র বেদনার !

রাম, কহ সবিশেষ—

চিন্তারেখা কোন্ হেতু কুঞ্চিত লগাটে ?

রাম গুরুদেব,

মিথ্যা নাম, মিথ্যা কীর্তি—বংশের সম্মান,

মিথ্যা খ্যাতি !

পৌরুষ কহে,

কলঙ্কিনী জনক নন্দিনী !

বশিষ্ঠ। বৎস,

প্রজাগণ কহিতেছে

জানকীর কলঙ্কের কথা !

সত্য কিংবা প্রতিলিকা ?

মা জানকী কলঙ্কভাগিনী !

হেন কথা

মুখে তারা করে উচ্চারণ !

রাজলক্ষ্মী অযোধ্যা-রাজ্যের

মূর্তিমতী বরুণা-রূপিনী,

রাজ্যের জননী যিনি—

গীর পুণ্যে এ রাজ্যে অভাব কিছুই নাই,

সরলতা-প্রতিচ্ছবি,

সেই সীতা অপবিত্রা !

না—না, রূপপতি,

শুনিয়েছি মিথ্যা-সমাচার !

রাম।

বশিষ্ঠ।

গুরুদেব, দুঃখ এনেছে বার্তা—

দুঃখ ?

শ্রেষ্ঠ ভৃত্য সে তোমার—

কর্তব্যসাধক—

কহে নাই মিথ্যা বাণী।

রাম।

প্রজাগণ চাহিতেছে সীতানির্দগ্ন।

রাজ্যের নায়কগণ কহে,

“রাক্ষস হরিলা যেই নারী,

রাজার কর্তব্য নহে

রাজগৃহে তাঁরে স্থান দেওয়া।”

বশিষ্ঠ।

সত্য, এই প্রচলিত সমাজ-নিয়ম—

অতীব নির্দ্বর প্রথা—প্রচলিত বিধি এই।

সীতা মহীয়সী নারী—লক্ষ্মীস্বরূপিনী,

সাধারণ রমণীর সমতুল্যা নন কভু—

তবু নারী,—সমাজনিয়ম-অনুসারে

নির্যাতন অদৃষ্ট-লিখন তাঁর।

বড়ই সমস্তা রঘুবর,

কর্তব্য বুঝিতে নারি !

রাম।

গুরুদেব !

অষ্টাবক্র ঋষির নিকটে

মুহুর্তেক পূর্বে

নিজে আমি করিয়াছি পণ—

হ'লে প্রয়োজন প্রজাহরণের তরে

জানকীরে দিব বিসর্জন।

বশিষ্ঠ। নিজে তুমি করিয়াছ পণ।
 রাম। কভু কল্পনায় ভাবি নাই দেব,
 অসম্ভব হইবে সম্ভব।
 বশিষ্ঠ। সূর্য্য-বংশধর।
 অচিন্তিত কর্তব্য মহান্
 অনাহুত এসেছে তোমার দ্বারে—
 বিধাতা!-নির্দিষ্ট এই কণ্টক-খচিত
 অভিনব কর্তব্যের পথ—
 সাদরে গ্রহণ কর রণকুলপতি।
 রাম। সত্য—সত্য—সূর্য্য-বংশধর আঁ
 য়নিবর।
 কর্তব্য করেছি স্থির,
 জ্ঞানকীরে দিব বিসর্জন—
 সত্যরক্ষা অবশ্য করিব।
 হৃদয় ভাঙ্গিয়া যদি যায়—
 কি করিব, হয়ত' ভাঙ্গিবে—
 কিন্তু ইন্দ্রাকুলের পতি,
 সত্যরক্ষা বিনা নাহি অস্ত্র গতি।
 বশিষ্ঠ। কল্যাণ হউক বৎস।
 অবিচল চিত্তে কর
 কর্তব্য-পালন।

[প্রস্থান]

রাম। আজি মনে পড়ে
 অতর্কিতে বালিবধ-কথা।
 গীতার হরণ লাগি—
 আত্মহারা বিফলের মত—
 নির্দোষীর বক্ষ-রক্ত-পাত। মনে পড়ে—
 ধূলি-মুসরিতা পতিহার।
 তারার ক্রন্দন—
 মর্শ্বেভেদী দীর্ঘশ্বাস।
 নিদারুণ অভিলাপ সতী রমণীর;
 মন্দোদরী ধূলায় লুটায়
 সহস্র রাক্ষস-বধু দীর্ঘ হাহাকারে
 মূর্ছা যায় ধরণীর কোলে—
 রমণীর অভিলাপ
 ফলিবে কি এত দিনে?—

(লক্ষ্মণের প্রবেশ)

লক্ষ্মণ। রঘুবর!

রাম। সৌমিত্রি।
 কঠোর কর্তব্য তাই
 তোমারে করিতে হবে। কয় পণ—
 আঞ্জা মম করিবে পালন।
 লক্ষ্মণ। ছে রাঘব!
 বিস্মিত করিলে যোরে।
 কখনো কি দেখিয়াছ অশ্রুত—
 প্রতিজ্ঞা করাতে চাহ?
 কবে পালি নাই প্রভু আদেশ তোমার—
 কবে মানি নাই বাক্য তব—
 সত্য বেদনম।
 রাম। তথাপি করিতে হবে পণ—
 জ্ঞাননা'ত প্রিয়বর,
 কি কঠিন আদেশ আমার।
 লক্ষ্মণ। ভাল, সেই মত ইচ্ছা যদি তব,
 করিলাম পণ।
 বল যোরে কি করিতে হবে?
 রাম। জংপিণ্ড ছেদন করিতে হবে,—
 জ্ঞানকীরে দিতে হবে বনে বিসর্জন।
 সাক্ষ হ'য়ে গেছে যোর জীবনের পূজা—
 দেবীর প্রতিমা এবে
 বনে দিব ডালি।
 লক্ষ্মণ। একি কথা কহ দেব?—
 বিনা মেঘে একি বজ্রাঘাত।
 পারিব না—পারিব না কভু!
 ক্ষমা কর অধম কিঙ্করে।
 রাম। লক্ষ্মণ, সুখে দুঃখে
 চিরসার্থি—
 ভৃত্য, বন্ধু, মন্ত্রী তুমি—
 জীবনের চির-সহচর, ত্রুটিও বিমুখ?
 অখোখ্যার রাজপথে ধূলায় লুটায়
 সূর্য্যবংশ-নামের গরিমা!
 করিয়াছি সত্য পণ,
 নিকপায় আমি,
 অস্ত্র পথ নাহি আর
 জ্ঞানকীর নির্কাসন বিনা।
 লক্ষ্মণ। জ্ঞানকীর নির্কাসন!
 যার লাগি জীবনে সহস্র ছাং
 শ্রাবণের বারিধারা-সম

যোগেশ গ্রন্থাবলী

শির পাতি লইয়াছ আপন ইচ্ছায়—

যাঁর তরে ধনুর্ভঙ্গ—

রাজর্ষির স্বয়ম্বর-সভাতলে,—

হতগর্জ নতশির,

পৃথিবীর লক্ষ লক্ষ

বীরেজ নৃপতি সাক্ষ্য করি,

বীরত্বের জয়মালায় সম

যাঁর পাণি গ্রহণ করিলে রঘুবর—

ছায়া-সম জীবনসঙ্গিনী যিনি—

বনবাস স্বর্গবাস, যে সীতার তরে—

সাঁহারে হারিয়ে,

সমগ্র দণ্ডক-বন

সীতানামে মুখরিত করি,

ভেসেছিলে নয়নাশ্রু জলে রঘুবর—

রাম ।

লক্ষণ, লক্ষণ—

লক্ষণ ।

সাঁহার উদ্ধার-হেতু বালিবধ,

শেতুধনু, লক্ষার সময়,

বীরবাহু, মেঘনাদ,

কুন্তকর্ণ, বিশ্বক্সাস রাবণ বিনাশ—

প্রবেশিয়া প্রজ্জ্বলিত হতাশনে

আপন গৌরবে

বাহিরিয়া এল যেই মহীয়সী নারী—

লক্ষী যথা সমুদ্রমহুনে—

পদতলে প্রশান্ত জলধি,

অসীম অম্বর শিরে, যক্ষ-রক্ষ-নাগ-নর—

দেবতা-বন্দিতা সীতা—

কলঙ্কিনী-অপবাদে তাঁর নির্দাসন !

পারিব না—পারিব না প্রভু—

আজ্ঞা তব লহ ফিরাইয়া—!

রাম ।

ক্ষত্রিয়নন্দন,

করিয়াছ পণ—

পণ-রক্ষা কর তরা !

ভুধায়োনা প্রাণ মোরে আর—

জানিহ নিশ্চয়—

ইচ্ছাকু-কুলের পুত মর্যাদারক্ষণে

জানকীরে দিতে হবে ডালি—

কঠিন নিয়তি হেন করেছে বিধান ।

সাজাও শুদ্ধন,

রেখে এস দূরে বনে জনক-নন্দিনী—

সংসারের কঠোর পরশে

আর যেন দেবী ব্যথা নাহি পায় ।

উত্তপ্ত মস্তিষ্ক মোর, বুকে বাজে ব্যথা,

রাজ-প্রাসাদের বায়ু করে শ্বাসরোধ !

[প্রস্থান]

লক্ষণ । চে রাখব !

কোন্ অপরাধে অপরাধী

শ্রীচরণে দাস—

হেন দণ্ড করিলে প্রদান ?

লক্ষার সমরে শক্তিশেলে বাঁচাইয়া,

পুনঃ,

এ হেন জীবন্ত মৃত্যু

কেন দিলে প্রভু !

কঠোর কুলিশ-সম

অগ্রজের দারুণ আদেশ !

এর চেয়ে মৃত্যু মম শ্রেয়ঃ শতবার !

(উদ্ভিলার প্রবেশ)

উদ্ভিলা । প্রাণেশ্বর !

একি—

বিরস বদনে আনমনে বসিয়া একাকী !

কি হ'য়েছে হৃদয়-বল্লভ ?

মলিন নেহারি কেন জীবন-কুসুম ?

লক্ষণ ।

এ হেন দারুণ বজ্র

পড়ে নাই বড় আর

অযোধ্যার প্রাসাদ-শিখরে !

মহুরার মঙ্গলায় নহে সংঘটন ।

দেবি ! সীতা-নির্দাস-আজ্ঞা

দিয়াছেন আপনি রাখব ।

উদ্ভিলা । সীতা-নির্দাসন !

আজ্ঞা দিয়াছেন রাখব ।

সত্য কিম্বা অলীক স্বপন-কথা !

লক্ষণ ।

বলি নাই—

রঘুপতি নিজে আজ্ঞা দিয়াছেন মোরে ?

করিয়াছি পণ,

নির্দোষে এ আদেশ

আমারে পালিতে হবে ।

উদ্ভিলা । কি কারণে এ আদেশ—

জানিয়াছ প্রভু ?

লক্ষণ। কারণ ?
জানি না কারণ দেবি !
অবিচারে পালিয়াছি
রানের আদেশ চিরদিন।
রাম-কার্যো—
কারণ জিজ্ঞাসা করু করিনি জীবনে !

উষ্মিলা। প্রভু,
এ কঠিন সত্য-রক্ষা কেমনে করিবে ?

লক্ষণ। উষ্মিলা, প্রিয়তমে !
তুমি জানকীর নয়নের নিধি,
শ্রেষ্ঠ বন্ধু, প্রাণসখী রাজপুত্রী-মাতা !
এ কঠিন ব্রত-উদ্‌ঘাপনে,
বল, তুমি মোর সহায় হইবে ?
নহে সত্য-ভঙ্গ মহাপাপে
স্বামী তব হইবে পাতকী।

উষ্মিলা। কেমনে সহায় হবে
দাও বুঝাইয়া।

লক্ষণ। দেবীর চরণে মর্শ্বেভেদী এ বারতা,
উষ্মিলা, তোমারে জানাতে হবে।

উষ্মিলা। না, না, না—
এক পদ রমণীর কাছ ?

লক্ষণ। দেবি,
নহে ইচ্ছা পুরুষের কাছ।
মম কার্য্য আরো স্বকঠিন—
আমি তাঁরে বনবাসে রাখিয়া আসিব।
যাই আমি,
পশ্চত রাগিতে বলি রণ !—
নিবেদন কর বার্তা দেবীর চরণে।

[প্রস্থান]

(উষ্মিলা সীতার নিকটে গিয়া একদৃষ্টে তাঁহাকে
দেখিতে লাগিলেন)

উষ্মিলা। রাজরাণী যতক্ষণ অসুস্থির কোলে—
নিদ্রা-অস্ত্রে ভিখারিণী, বন-নিবাসিনী।
রমণীর শিরোমণি,
এত দুঃখ তোমার অদৃষ্টে ছিল !
নাহি জানি—
এ কুলিশ কেমনে হানিব বুকে !

[সীতার পা-ছুখানি বুকে ধরিয়া অশ্রুমোচন করিতে
লাগিলেন। সীতার ঘুম ভাঙ্গিল। তিনি
উঠিয়া বসিলেন।]

সীতা। একি, উষ্মিলা ?
কেন বোন্ পদতলে ?
জল কেন চোখে ?
লক্ষণ ক'রেছে তিরস্কার ?
চতুর্দশ বর্ষ
পত্নী ছাড়ি লম্বি বনে বনে,
দেখিতেছি,
লক্ষণের রীতি-নীতি বলা ছইয়াছে !
নহে মোর উষ্মিলাকে কটু কথা কহে !
শাসন করিব তারে—
তোরই সম্মুখে !

উষ্মিলা। দেবি—(কথা কহিতে পারিলেন না)

সীতা। উষ্মিলা,
কি দুর্জয় অভিমান তো'র !
জানিস, কোথায় রত্ননাথ ?

উষ্মিলা। গিয়াছেন উজ্জান-লম্বণে।
সীতা। সত্য ! দেখেছি বোন্,
ওই মত সদাই চঞ্চল
পুরুষের মন।
জানুদেশে তাঁর মাথা রাগি
দুমায়ে পড়িয়াছিছু,
অমনি গেছেন চলি
আমারে রাখিয়া একাকিনী।
চল,

মোরা দুই বোনে উজ্জান-লম্বণে যাই।

(নীচে নামিয়া)

উষ্মিলা। দেবি !
আমারে করিও ক্ষমা !
বল, কহিবে আমার অপরাধ—
যত গুরু হোক।

সীতা। উষ্মিলা,
কি হ'য়েছে তো'র ?
ছি: বোন্,
মুছে ফেলু নয়নের জল !

দেখ, এই মাত্র নিদ্রাকালে
দেখিলাম অদ্ভুত স্বপন—
শোন ভগ্নি, বলি তোরে।
যেন দেখিলাম—
রথে করি যাইতেছি সরস্বতী তীর দিয়া—
রত্ননাথ কাছে নাই,
লক্ষ্মণ আছেন বসি সারথির পাশে।
তারপর, ঘোর বন—
সিংহ, ব্যাঘ্র, ভল্লুক, রাফস চারিদিকে—
কোথায় লুকাল যেন রথ—
একা আমি, কেহ সেথা নাই—
'রত্ননাথ' 'রত্ননাথ' বলি কাদিয়া উঠিতে,
নিদ্রা ভেঙে গেল।

উর্মিলা। (নীরবে কাদিতে লাগিলেন)

সীতা। মোর স্বপ্নকথা শুনি
এত তুই আশ্চর্য্যারা—
কাদিয়া আকুল ?
স্বপ্ন—স্বপ্ন এ উর্মিলা !

উর্মিলা। নহে স্বপ্ন দেবি,
স্বপ্ন-ঘোরে সত্যের ছলনা।

সীতা। স্বপ্ন মোর সত্যের ছলনা ?
কথা তোর কিছুই বুঝিতে নারি !
সহজ সরল কথা বল দেপি বোন।
কি হ'য়েছে ?

উর্মিলা। দেবি,
আমারে করিও ক্ষমা—
সত্য কহি পতির আদেশে—
“বনে নির্বাসন-দণ্ড
দিয়াছেন তোমারে রাঘব !”

সীতা। কি কহিলি উর্মিলা ?
‘বনে নির্বাসন-দণ্ড’
দিয়াছেন আমারে রাঘব ?
তাই তোর চোখে জল—
মুখে কথা নাই !
সরলা ভগিনী মোর,
লক্ষ্মণের পরিহাস বুঝিতে নারিলি ?—
কৈদে ভাঙ্গাইলি নাক, মুখ, চোখ !

উর্মিলা। দিদি, সত্য—সত্য ? সত্য পরিহাস ইহা ?
তাই হবে—তাই হবে বুঝি—

তাই কর—তাই কর, দেব দিনকর,
সত্য—সত্য, পরিহাস দেবি ?

সীতা। “সীতা-নির্বাসন”—

“রাঘব দেছেন আজ্ঞা”—

“লক্ষ্মণ এনেছে সমাচার”—

আজ্ঞা, মনে তুই দেখি বিচারিয়া—
সত্য কিম্বা পরিহাস ইহা ?

উর্মিলা। দেবি,

কেন মোর বামেতর নয়ন নাচিল ?
সত্য বুঝি তবে অমঙ্গল !
আর—আর—স্বামী মোর
পরিহাস ছলে—
মিথ্যা কথা কভু না কহেন !

সীতা। ভাল,—তোর
সন্দেহ ভাঙিতে
নিজে আমি
রত্ননাথে জিজ্ঞাসিয়া আসি।

প্রস্থান

উর্মিলা। হেন সুনিবিড় প্রেম,
এমন বিশ্বাস—
এ একান্ত আত্মসমর্পণ
হে বিশ্ব-দেবতা !
ভান্সিয়ে না কঠিন আঘাতে ;
মিথ্যা হোক—
হোক পরিহাস
মোর স্বামীর আদেশ !

[প্রস্থান

(রাম ও ভরতের অপর দিক দিয়া প্রবেশ)

রাম। ভরত !
নহে ইহা প্রলাপ-বচন,
কহিয়াছে শ্রেষ্ঠ ভৃত্য
দ্রুম্বিধ আমারে ! জানি আমি
চিরদিন তারে—অপ্রিয় হ'লেও
সত্য করেনা গোপন।

ভরত। অসম্ভব—হেন কার্য্য
কভু আমি হইতে দিব না।
গর্ভবতী শাখী সতী
পতিমাত্র ধ্যান—

নির্ধেঘ-আকাশসমা পবিত্রা রমণী,
তারে দিয়া বনবাস
সত্যরক্ষা করিতে যত্বপি হয়—
সে সত্যে দিকার দিই আমি।
তার চেয়ে মিথ্যা মোর হৃদয়ভূষণ!

শাস্ত হও বৎস,
দ্বির চিন্তে চিন্তা করি দেখ,
সূর্য্যবংশে জনম তোমার,
যে কুলের আদর্শ নৃপতি
হরিশ্চন্দ্র, রাজা দশরথ—
জীবন-মরণ তুচ্ছ করি—
করেছেন সত্যের সাধনা—
সেই কুলে জন্ম তব, ভুলিয়োনা কতু।
ভরত, কেমনে বুঝাব তোরে,
জীবনের শ্রেষ্ঠ রত্ন হোমানলে
আহুতি ঢালিয়া—
সত্যত্রত পালন করিতে হয়?
তেবে দেখ মনে,
জানকীরে পাঠাইব বনে,
জনক-ভ্রমণ
জীবনের প্রবতারা মম!
কিছু আমি বুঝিতে না চাই।
তোমা হেতু সয়েছি বিস্তর—
নির্দয় রাখব!
নিম্মম হৃদয়হীন তুমি,
অহুজের প্রতি নাই বিন্দুমাত্র
করুণা তোমার।
চতুদশ বর্ষ ধরি অতি গুরুভার
স্বপ্না, লজ্জা, কলঙ্কের বোঝা
বহিয়াছি আদেশে তোমার,
লোকনিন্দা করিয়াছি মাগার ভূষণ,
সহিয়াছি সব অকাতরে,—
কিন্তু আর আমি সহ্য করিব না—
শেষ কথা—আপন জননী-জায়া লয়ে
দূর বনান্তরে শাস্ত ক্রমকের সনে
করিব বসতি। সত্য লয়ে
থাক তুমি দেব,
মর্ত্যের মাহুঘ আমি—
বুঝিনাকো সত্যের মহিমা—

মানবহৃদয় নিয়ে ছেলেখেলা করা
আমা হ'তে না হবে সম্ভব।—

[প্রস্থান।

কৌশল্যার প্রবেশ)

কৌশল্যা। রাম,

যাহা শুনিতেছি অন্তঃপুরে
পৌরজন মুখে—সত্য কি সে কথা বৎস?
সৌমিত্রকে গেলাম শুধাতে
কাঁদিয়া ফিরাল মুখ—
রোষ-রুদ্ধ রক্তিম বদন
ভরত চলিয়া গেল—দিল নাক
প্রেমের উত্তর।

রাম।

সত্য মাতা,
রাজধর্ম রক্ষা হেতু—
জানকীর নির্দাসন,
নিজ্ঞে আমি ক'রেছি বিধান।

কৌশল্যা। বৎস,

মুখে মোর কথা নাহি সরে—
নরশ্রেষ্ঠ রামের জননী আমি,
এত দিন এই গর্ক—অতি যত্নে
অন্তরের কোণে লালন ক'রেছি আমি,
সে গর্ক ভাঙিল মোর।—
রাম নামে কলঙ্ক রটিল!

রাম।

জননি।

কৌশল্যা।

জানবানু তুমি পুত্র! সর্বশাস্ত্রবিৎ,
ত্ৰায়নিষ্ঠ, বিচারক, পৃথিবীর রাজা—
পুণ্যবতী, পতি-প্রাণা, সতী রমণীর বনবাস,
যদি রাম বিধান তোমার—
সত্যই বুঝিব তবে,
ধরনীতে ধর্ম আর নাই—
সত্য পরিণত হ'য়েছে মিথ্যায়—
প্রেম নাই, স্নেহ নাই—
দয়া কৃতজ্ঞতা নাই,
সৃষ্টি বুঝি প্রলয়-কবলে।

রাম।

মা—মা, জননী আমার—
সর্ব দুঃখ সহিতে প্রস্তুত রাম—
তুমি যদি দয়া কর দেখি।
মাতা, সহস্র হৃদয়হীন নরনারী মম—

তুমিও জননী
বাহিরের কার্য শুধু করিবে বিচার—
দেখিবে না অন্তর আমার ?
নিজ হৃদয়ে চিত্তা রচি'
আপন জীবন আমি
বিসর্জন দিতে চলিয়াছি,
এ কথা কি তোমাকেও বুঝাইতে হবে ?
“সাতানির্কাসন”—তুমিও বলিবে মাতা
“নারীনির্যাতন” ?
তবে দুঃখ জানাব কাহায় ?
কর্মক্রান্ত দিবসান্তে নিতৃত নিশীথে
কার পায়ে মাথা রাখি,
জীবনের অভিলাষ বহন করিব ?

কৌশল্যা। রাম—রাম।

তোর অনিচ্ছায় তবে সীতানির্কাসন ?
কি হ'য়েছে আমারে সকল কথা বল,
দেখি, আমি যদি উপায় করিতে পারি।
রাম। নিরুপায়—নিরুপায় মাতা—
কিছুই উপায় নাই আর !
পণে বদ্ধ, সন্তের সেবক, স্বর্গ্যবংশধর—
পণরক্ষা বিনা
অথ কিবা গতি আর মাতা ?
করিয়াছি সত্যপণ—
সন্তের শৃঙ্খলে হস্ত-পদ আবদ্ধ আমার।

কৌশল্যা। রাম,

কদিয়াছ সত্যপণ ?
ভগবান,
এক ঘোর পরীক্ষায় ফেলিয়াছ
রামচন্দ্রে মোর ?
একদিকে সত্যভঙ্গ,
অজ্ঞান সীতা-নির্কাসন—
একদিকে বংশমান,
অজ্ঞান জীবন-অধিক—
রক্ষা কর, রক্ষা কর দেব,
রক্ষা কর রামভদ্রে মোর।

রাম।

জননি,
স্বর্গ্যবংশ-বধু তুমি
দশরথ-রাজার মহিষী—
তুমি জান এ বংশের প্রথা !

কৌশল্যা। জানি রাম—

কত্রিয়নন্দন—স্বর্গ্য বংশধর—
সত্যরক্ষা অবশ্য করিতে হবে।
তবু কাদে প্রাণ, তাই কহিতেছি—
রাজবধু—রাজার তনয়া—
গর্ভে তার রত্ন-বংশধর—
নির্কাসন-যোগ্যকাল এই কি রাখব ?
মাতা, নিয়তি-প্রেরিত বিধি—
আকাশের বজ্রের মতন—
কখন মৃত্যুকে পড়ে কার,
কালাকাল করে না বিচার !

কৌশল্যা। তাই বটে—সত্যই এ বস্ত্র বিধাতার—

হেন বস্ত্র পড়িল এ রাজগৃহে !
রাজলক্ষী রাজ্য ছাড়ি যায় বনবাস,
গৃহলক্ষী হল গৃহহারা !
অমঙ্গল চারিদিকে,
কি কুশ্পে পোহাইল আজিকার রাত্তি !
রাম—রাম,
ওই বুঝি আসিছে জানকী—
প্রকল্প-কমল-সমা
সদা হাতধরা মা আমার !
অভাগিনী আপন অদৃষ্ট-লিপি
জানেনা এখনো !
যাই অগুরালে,
মুখ তারে দেখাতে নারিব।

[প্রস্থান।

রাম

বিড়ম্বনা—
বিড়ম্বনা সন্তের সাধনা !

(সীতার প্রবেশ)

সীতা।

আর্যপুত্র,
তুমি নাকি আমারে দিয়াছ নির্কাসন ?—
উন্মিলার মুখে শুনিলাম সমাচার।
অবোধ বালিকা,
লগ্নগণের পরিহাস বুঝিতে না পারি,
অশ্রুজলে ধৌত করি মোর কলেবর,
কত কথা কহিলা আমার !
একি !
আর্যপুত্র, মোরে সন্তাষণ নাহি কর ?

কি হ'য়েছে প্রাণেশ্বর, প্রভু ?

একি !—কহিছ না কথা ?

সত্য বল, কি হ'য়েছে ?

বুঝিতেছি উন্মিনার অশ্রু মিথ্যা নহে।

কথা কও প্রাণেশ্বর,

সত্য আর গোপন ক'রোনা মোরে।

রাম। সীতা—সীতা, প্রাণেশ্বর !

সীতা। বল, নাথ বল—

শ্রুনিব মুখের কথা তব !

বল, "সীতা ! তোমারে চাহিনা আর—

তুমি যাও দূর বনবাসে"—

হাসিমুখে এখনই যাইব।

রাম। প্রিয়ে ! ক্ষমায়োগ্য নহে অপরাধ—

তবু ক্ষমা চাহিতেছি—

দেবী তুমি, ক্ষমা করিবে না ?

শোন প্রিয়ে, কহি সত্য কথা,

ক্লট সত্য, অতীত কঠোর !

নীলকণ্ঠ-কণ্ঠবিষ-সম এই হলহল

আকণ্ঠ করেছি পান !

অতি তীব্র বিষবহু—

জ্বালায় তাহার মর্ম্ম মোর দহে নিরন্তর—

তবু বিষ উদ্গীরিতে নারি।

নাহি জানি

কি কক্ষণে এই পাপ রসনা আমার—

ঋষির সঙ্কে প্রতিক্রিয়া করিয়াছিল,

"হ'লে প্রয়োজন—

প্রজ্ঞামুরঞ্জন তরে

জানকীবে দিব বিসর্জন !"

ক্ষুদ্র মানবের পণ শ্রুনি

বুঝি অন্তরীক্ষে বসি

নিয়তি হাসিয়াছিল বিজ্ঞপের হাসি !

সীতা। নাথ,

বুঝিলাম সব।

কালচক্র নিয়ত গুরিছে—

সেই চক্রে নিপতিত আমি !

তোমার কিছুই দোষ নাই।

আমি কি জানিনে নাথ !

কত তুমি ভালবাস দাসীরে তোমার ?

আমি সহধর্ম্মিণী তোমার—

ধর্ম্মকার্য্যে, সত্যের পালনে,

কভু বাধা নাহি হব।

রাম। সীতা, সীতা—প্রাণেশ্বর !

সীতা। দেবতা আমার—

প্রভু—রাজরাজেশ্বর !

তুমি দণ্ড দিয়াছ দাসীরে,

নিষ্কিচায়ে গ্রহণ করিছ দণ্ডদেশ।

প্রেম, ঘৃণা, কৃপা, অকৃপণা—

তোমার সকলি প্রিয়, ওগো প্রিয়তম

পক্ষণ,

(লক্ষ্মণের প্রবেশ)

এখান প্রস্তুত রাখ রথ—

এই দণ্ডে বনে যাব আমি।

লক্ষ্মণ। যথা আজ্ঞা দেবি !

[প্রস্থান]

সীতা। প্রাণনাথ,

যাই তবে, দেহ পদধূলি।

(রাম অত্ৰদিকে মুখ ফিরাইলেন)

প্রাণেশ্বর,

কহিবে না কথা বিদায়ের কালে ?

তোমার বিদায়-বাণী

অবশিষ্ট জীবনের পাথের আমার

বন্ধনা ক'রনা তায় !

রাম। সীতা, প্রাণেশ্বর !

হে বরেন্দ্র্য সপিতা দেবতা,

তুমি সাক্ষী,

তুমি জান মোর অপরাধ।

বিনা দোষে, ক্লট অবিচারে,

হৃদয়ের ধন

বনে দিই ডালি—

তুমি রক্ষা ক'র দেব—তব কুলবধু !

(লক্ষ্মণের পুনঃ প্রবেশ)

লক্ষ্মণ। প্রস্তুত রথ দেবি !

রাজ-মাতৃগণ—পুরনারীগণ—

ফেলে অশ্রুজল

বিদায়ের মৌন আয়োজনে !

সীতা । হে অযোধ্যা, হে সরযু,
জীবনসঙ্গিনী মোর—
মনে রেখো
অযোধ্যা বান্ধবী ।

রাম । সীতা ।

সীতা । নাপ !

দ্বিতীয় অঙ্ক

প্রথম দৃশ্য

রাজোদ্যান—অদূরে সরযু

(বন্দীর গান)

অন্ধকারের অস্তরেতে অশ্রু-বাদল ঝরে,
লক্ষ্মীহীন এ শূন্য-পুরী প্রাণ যে কেমন করে !
কোথায় আলো, কোথায় আলো,
আকাশ ধরা কালোয় কালো,
ফিরবো না আর প্রাণ-কাঁদানো মা-হারাগো-ঘরে !
হায় সরযু সজল সুরে শোকের গীতা গো,
ডাকছে যেন করুণ তানে কোথায় সীতা গো—
কোথায় সীতা কোথায় সীতা !

অ'লুছে বুকে স্মৃতির চিত্র—

কাজ্লা রাতের বেদন-বীশী বাজছে করুণ সুরে ।

[প্রস্থান]

(রামচন্দ্রের প্রবেশ)

রাম । অভিশপ্তা রাজপুরী
চির-অন্ধকার রাজি দিয়ে ঘেরা ?
বিহঙ্গের নাহি কল-গান—
কারো মুখে নাহি হাস্যরেখা—
মৌখ-চূড়ে নাহি উড়ে মঙ্গল-পতাকা,—
মরণের শীতকর পরশনে যেন
থেকে গেছে জীবন-প্রবাহ ।

(মঞ্জীর প্রবেশ)

কি সংবাদ ?

মঞ্জী । মহারাজ,
রাজ্যে অনাবৃষ্টি দীর্ঘকাল ধরি,
প্রজা কাদিতেছে দীর্ঘ হাহাকারে !

রাম । বিধির নির্বন্ধ মঞ্জী !
বুঝিতে না পারি—
নৃপতির কর্তব্য কি আছে ইথে !
যাও,—

জনাশয়-প্রতিষ্ঠার তরে
রাজকোষ হ'তে অকাতরে
অর্থ কর দান ।

মঞ্জী । যথা আজ্ঞা মহারাজ !
এই'দণ্ডে রাজ্যদেশ
দিব জানাইয়া জনে জনে !—

রাম । শুক রাজকাষা, নীরস কঠব্য,
নিশিদিন এ কঠোর আত্মপ্রবঞ্চনা
আর বুঝি পারি না সহিতে !

যদ্যপোরোগস্ত সম
বিন্দু বিন্দু করি
প্রতিদিন নিয়মিতভাবে
অনস মরণ-রস পান ।
রাজসভা তিত্ত মনে হ'ল—
আসিলাম উপবনে,—
উপবন তিত্তভর হেরি !

(সচিবের প্রবেশ)

সচিব । মহারাজ !
দাক্ষিণাত্য হ'তে এসেছে সংবাদ—
ভুক্তিফরাক্ষস সারাদেশ গ্রাস করিয়াছে ;
গৃহহীন প্রজা—

নৃপতির অভয় চরণে মাগিছে আশ্রয় ।

রাম । রাজভাণ্ডারের অর্থে
বহু স্থানে অন্নসত্ত্ব হোক প্রতিষ্ঠিত ।
মুক্ত কর রাজগৃহ, রাজার ভাণ্ডার,
খাদ্য দাও বুদ্ধজিত জনে ।

সচিব । আজ্ঞামত কার্য প্রহু, অচিরে হইবে ।

[প্রস্থান]

রাম । প্রজামুরঞ্জন—প্রজামুরঞ্জন—
বিসজ্জন দিহু সীতা প্রজামুরঞ্জন—
প্রজাদের মনস্তৃষ্টি করিহু বিধান,—

কিস্ত তাহে কি ফল ফলিল ?
প্রজারক্ষা কেমনে হইবে ?
(প্রতিহারীর প্রবেশ)

প্রতিহারী। মহারাজ,
বিপ্র এক—
ছন্নমতি মনে হেন লয়—
রাজদরশন যাচে।

রাম। ল'য়ে এস তরা।

প্রতিহারী। পাছে বিশ্রামের ঘটে অন্তরায়—

রাম। ঘটবেনা—যাও।

[প্রতিহারীর প্রস্থান।]
বিশ্রামের নাহি প্রয়োজন!—
গৃহধর্ম দিছি সিসঙ্গন ওক রাজকার্য্যো!

(ব্রাহ্মণের প্রবেশ)

ব্রাহ্মণ। রাজা! আমার সাত বৎসরের পুত্র
মরেছে!—রাজা রামচন্দ্র, তোমার রাজ্যে অকাল-
মরণ! স্বর্গ্যবংশে কোন রাজ্যে রাজত্বকালে অকাল-
মরণ হয়নি—তোমার রাজ্যে হয় কেন রাজা?
আমার পুত্রের মৃত্যুর জন্ত ভূমি দায়ী!

রাম। ব্রাহ্মণ,

প্রজার মঙ্গল-তরে

নিজ হস্তে আপনার হৃদয় ছিঁড়েছি!

তার পুরস্কার—

ব্রাহ্মণ। রাজা! যদি রাজ্যে অকাল-মৃত্যু
নিবারণ ক'রতে না পার, তবে কেন সিংহাসনে
ব'সেছ? এই তোমার প্রজাহরজন? শুধু পত্নী
ত্যাগ ক'রে লোকের সুখ্যাতি নিলেই প্রজাহরজন
হয় না, প্রজাহরজন কঠোর সাধনা। খুঁজে দেখ
রাজা, হয় ভূমি মহাপাপ ক'রেছ, না হয় তোমার
রাজ্যে কোন মহাপাপ হ'চ্ছে; তারই ফলে আমার
এই সর্বনাশ, এই অকাল-মরণ!

রাম। হে ব্রাহ্মণ, ক্ষম অপরাধ,

আতিথ্য গ্রহণ কর মোর।

পরে শাস্ত্রমত করিব বিচার

কেন এই অকাল-মরণ।

ব্রাহ্মণ। না—না, আমি তোমার মত অন্যায়
রাজ্যের আতিথ্য গ্রহণ ক'রব না।

[প্রস্থান]

রাম। সত্য কথা ব'লেছ ব্রাহ্মণ,
আমি নিজে মহাপাপী!
বিনাদোষে সতী নারী দিছি নির্দাসন!
উনাদের মত
আপন মঙ্গল আমি দলিয়াছি পদে।
(বশিষ্ঠের প্রবেশ)

বশিষ্ঠ। রাম!

রাম। প্রভুদেব,

এ আমার মহাপাপ

রাজ্যে অমঙ্গল, মরিল ব্রাহ্মণ-শিশু!

বল দেব প্রায়শ্চিত্ত কিবা?

ভূষানলে ছেয় প্রাণ দিব বিসর্জন

অমঙ্গল নাশিতে যত্নপি নারি!

বশিষ্ঠ। কেন বৎস কষ্ট পাও বুঝা মনস্তাপে?

নহে ভূমি পাপাচার ক'র!

কর্তব্য-পথের পাছ, সত্যের সেবক!

পাপ তোমা স্পর্শিতে না পারে!

গোদাবরী-তীরবাণী শ্রবণ করজন

নিবেদন করেছেন মোরে,

আমি জ্ঞানি

কিবা হেতু রাজ্যে এই অকাল-মরণ।

শযুক নামেতে শূদ্র

স্বধর্ম ত্যাগি হইয়াছে তপাচারী,

ব্রাহ্মণের যাগধর্ম ক'রেছে গ্রহণ—

দাক্ষিণাত্যে অনাবৃষ্টি,

ভূমি শস্ত্রহীনা, অকাল-মরণ

হেঁচু হেঁচু।

দণ্ডক অরণ্যমধ্যে সন্ধ্যাপনে করিতেছে যাগ

বর্ষাশ্রম-ধর্মদ্রোহী,

ভাঙ্গিয়াছে সমাজ-শৃঙ্খলা—

দণ্ডযোগ্য নিতান্তই।

যাও রাজা, দণ্ড দাও তারে—

দূরে যাবে সর্ব অমঙ্গল।

রাম। বুঝিতে না পারি, কি হেতু শযুক দোষী!

করে মাত্র যাগযজ্ঞ ধর্ম আচরণ

নিজ কুচি-অমুসারে!

যদি তাহে পাপ ক'রু হয়,

ফল তার সেইতো ভুঞ্জিবে

মৃত্যু-অস্ত্রে কিবা ইহকালে।

এই হেতু কেন বা মরিবে ব্রাহ্মণ কুমার ।
 ননে ছয়,
 নৃসিংহীন অচ্যুতান তব মুনিবর ।
 নির্দোষীর বৃকে অস্ত্র
 আর আমি হানিতে নারিব ।
 বরঞ্চ, আমার পাপে মরিয়াছে শিশু,
 সে পাপের প্রায়শ্চিত্ত আমিই করিব ।
 বশিষ্ঠ । বর্ণাশ্রম-ধর্মকথা বুঝাইব তোমা ।
 বুদ্ধিমান তুমি বসুধর,
 শাস্ত্রমর্ম অবশ্য বুঝিবে,
 আর্ঘ্য ঋষিদের বিধি নহে অমূল্যদার ।
 সমাজ নিয়ম-ভঙ্গকারী
 ধর্মভ্রোষ্ঠী শব্দকের অপরাধ
 যদি দণ্ডযোগ্য মনে কর,
 তখন তাহারে দণ্ড দিও !
 রাম । ভাল, দেব, শব্দকে বধিব
 যদি বুঝি
 সত্য অপরাধী ।

(প্রতিহারীর প্রবেশ)

প্রতিহারী । মহারাজ,
 যমুনার তীরবাসী ঋষিগণ,
 লবণ-রাফস ভয়ে
 নৃপতির শরণ মাগিছে !
 রাম । যাও, শত্রুরে আল্লান কর
 অবিলম্বে রাজ-সভায়াবে ।
 [প্রতিহারীর প্রস্থান]

গুরুদেব,
 লবণ-সংহার-হেতু শত্রুরে পাঠাব !
 বর্ণাশ্রম-ধর্মকথা শুনিব পশ্চাতে ।

[একদিকে প্রতিহারী এবং অত্রদিকে
 বশিষ্ঠ ও রামের প্রস্থান ।]

(লক্ষণ ও উর্ধ্বলাব প্রবেশ)

উর্ধ্বলা । এস নাথ,
 বস এই শিলাভলে,
 বলিয়াছ বহবার—বল পুনরায়
 শুনিতে লালস' জাগে মনে—
 বল সেই পুত-স্মৃতি
 পুণ্যবতী জানকীর কথা ।

জানকীর কথা—প্রিয়ে,
 কব আজীবন—অচ্ছ কথা
 চিন্তা না করিব ।
 সায়াকে মধ্যাহ্নে প্রাতে
 সীতা নাম করি উচ্চারণ—
 দেবী আর নাই,
 তাই প্রিয়ে নাম করি পূজা ।
 অস্তগৃঢ়বাসীকূলা দেবী
 রথ হ'তে নামি
 গঙ্গাজলে করিলেন স্নান ।
 কহিলেন, মোরে, “লক্ষণ, ফিরিয়া
 তুমি যাও অযোধ্যায়—বলিও শ্রীরামে—
 দুঃখ যেন না করেন রত্ননাথ—
 পতিসত্য রক্ষা হেতু
 স্বেচ্ছায় পশেছি বনে ।
 গর্ভে মোর রঘুবংশধর—
 দেহরক্ষা অবশ্য করিব ।”

উর্ধ্বলা । নাথ,
 বুঝিতে না পারি,
 সত্য কেন এত দুঃখ সহে ?
 হেন তীব্র শেল, আজীবন
 কেন তাঁর বৃকে,
 জন্ম বার জগৎ-পাবন হেতু !
 দেগিয়াছ প্রভু
 রুক্মবর্ণ ঘনঘোর মেঘ একখান
 আসি ঘেরিয়াছে অযোধ্যার
 স্বচ্ছ নীল'কাশ—যেই দিন হ'তে
 দেবী নির্দাসিতা ?
 অযোধ্যার সুখরবি, বুঝি নাথ,
 গেছে অন্তাচলে ।

লক্ষণ । তাই বুঝি হবে প্রিয়—
 হেন মনে লয়,
 শঙ্কা তব নহে অমূলক ।
 নিত্য শুনি রোদনের ধ্বনি
 নীরব নিশীথে—
 নিশীথিনী নিজে নিদ্রাতুরা যবে ।
 কোথা হ'তে উঠে ধ্বনি—কোথায় মিশায়,
 কিছুই বুঝিতে নারি !
 নিদ্রাকালে স্বপ্ন দেখি,—

কালপুরুষের প্রায়—অভিদির্ঘ,
শালতরু সম
এক পুরুষপ্রবর—
আসি রঘুনাথ পাশে, কাহছেন তাঁরে,—
পণে বদ্ধ, লক্ষ্মণে তাজিতে হবে।
সীতারাম-হারা হ'য়ে,
জীবনের ভার আর না বহিতে পারি'
যেন প্রিয়ে, কাঁপ দিহু সরযু-গলিলে।
নাথ—নাথ,
চেন কথা নাচি বল।—
[লক্ষ্মণের বৃকে লগ্ন হঠলেন]
লক্ষ্মণ গত্য ইহা নহে—স্বপ্নমাত্র,
কিস্ত প্রিয়ে।
নিত্য রজনীতে হেন স্বপ্ন দেখি—
(অদূরে রাম)
নে-রাম সৌমিত্রি।
উষ্মিলা নাথ, রঘুপতি নিজে,
অন্তরালে যাই আমি।

[প্রস্থান

(রামের প্রবেশ)

লক্ষ্মণ। কি আদেশ রঘুবর ?
রাম। লক্ষ্মণ, তুমি ছাড়িলে না মোরে ?
লক্ষ্মণ। চেন কথা কেন কহ দেব ?
রাম। সীতাবে দিয়াছি বিসর্জন,
ভরত গিয়াছে ছাড়ি
অভিমানভরে।
লক্ষ্মণ, সদা মনে ভয় হয় ভাই,
তোরে বুঝি কখন হারাই,
পলকের অদর্শন সহিতে না পারি।
কৈশোর যৌবন গেছে,
সুখনিশি চির-অবসান—
নির্ধ্বম নিয়তি যেন হালে অন্তরালে
রে লক্ষ্মণ,
তুই গোর জীবনের অন্তিম সঞ্চল,—
রিক্ত আমি,
আমার কিছুই আর নাই।
সঙ্গ রঘুবর,
আমি চিরদিন সেবক ভোমার।

রাম। রাজকাণ্ডে
দণ্ডক অরণ্যে আমি যাব পুনরায়।
লক্ষ্মণ, আমার সাথে চল।
যৌবনের প্রথম আশ্বান, সেই বনে
জনক তনয়া সাথে
ভুনেছিহু—নদী-কলতানে
ভরুর মর্ম্মর-গানে।
ময়ূর-মগুরী সনে নাচিত জানকী,
খেলিত হরিণ-শিশু আনিয়া আশ্রমে,
বিহনেহে শিখাত কাকলী,
নিব'রিণী—ঝর-ঝর-ধ্বনি
বহিত কুটির পাশে,
তিনজনে ভীবে বসি
ভূমিতাম তটিনীর গান—
চিত্রে দেখি ইচ্ছা জেগেছিল মনে
হয়নি স্রবোপগ—
স্রবোপ আগত এবে,
চল ভাই যাইব দণ্ডকে।

লক্ষ্মণ।

প্রভু,
গোদাবরীতীরে,
জনক-তনয়া-স্নান-পুণ্যোদক হেতু
হয়েছে নূতন তীর্থ
“সীতাতীর্থ” নামে।
সেই তীর্থে করি স্নান
জীবনের দুঃখ-গ্রামি দৌত করি লব।
রাম। সীতাতীর্থ,—সীতাতীর্থ।
রে লক্ষ্মণ,
সমগ্র দণ্ডক-বন সীতাতীর্থ
আজি মোর কাজে।

[উভয়ের প্রস্থান

দ্বিতীয় দৃশ্য

দণ্ডক বনের একাংশ

(একদল লোক প্রবেশ করিল)

১ম-লোক। চল, চল, শীঘ্র চল,—আজ শূদ্ররাজ
শষকের যজ্ঞে পূর্ণাহুতি,—আমাকে ঋষিকের কাজ
কর্ত্তে হবে।

২য়-লোক। তুমি করবে ঋত্বিকের কাজ ?
বেঁচে থাকলে আরও কত কি দেখতে হবে। বলি,
যানেন্টা না হয় নাই জিজ্ঞাসা করলাম, ঋত্বিক-শব্দটা
একবার বানান করতো বাপু! যেমন তোমার
শুদ্ররাজ শব্দক, তেমনি তোমরা একএকটি তাঁর
চেলা জুটেছে! দেশটা জালিয়ে না দিয়ে আর
ছাড়লে না দেখছি।

৩য়-লোক। আবে তুমি ভো ও কথা বলবেই
ঠাকুর, বামুন কিনা—অমন স্বার্থপর জাত আর হয়
না। তা, শোন ঠাকুর! শব্দক আর যাই হোক,
লেখাপড়াটা সত্যি-সত্যিই শিখেছিল। তোমার
মত পণ্ডিতকেও সে দশ বছর বেদ পড়াতো পারে।

১ম-লোক। না, তোমরা ক্রমে ঝগড়া বাধাবে
দেখছি। আমি আর দেবী করতে পারি নে,
আমাকে ঋত্বিকের কাজ কর্তে হবে।—

[সকলের গন্তান।

(বনলক্ষ্মীগণের আনন্দ-গান গাহিতে
গাহিতে প্রবেশ)

(গীত)

মঙ্গল মঞ্জরী নব সাজে—

কে এল, ওরে কে এল, কে এলবে বন-মাঝে।

বন সাজিল, সাজিল, সাজিল রে

হরন-পরশে তার হাগে বসন্ত,

পুষ্প-পাগল হ'লো বন-বনাস্ত,

লীলায়িত চঞ্চল, শ্রায়ায়িত অঞ্চল

যৌবন-হিম্মলে গঞ্জিত লাজে।

মরমের মরমে জাগিল আনন্দ

সঙ্গীতে বাজিল নন্দিত ছন্দ,

কুঞ্জের পিঞ্জরে, ভুঞ্জেরা গুঞ্জরে

২য় পবনে কোন্ বীণা বাজে।

(রাম ও লক্ষ্মণের প্রবেশ)

রাম। ওগো পঞ্চবটী,
ওগো মোর যৌবনের নিকুঞ্জ-ভয়ন,
লক্ষ-শত স্মৃতি-বিজড়িত
চৈবপ্রিয়—ওগো বনভূমি!
অভিশপ্ত এ জীবনে
একদিন আছিল যে পরিপূর্ণ সুখ,

বিশ্বতির চিররুদ্ধ দ্বার খুলি তুমি,
সেই কথা আজ মোরে করালে অরণ।

সুখ গেছে, শান্তি গেছে,
তুমি শুধু আছ নিদর্শন।

লক্ষ্মণ। রঘুনাথ,

যে সুখ কখনো ফিবে

পাবনা জীবনে আর,

তার তরে হৃদয় ভরিয়া উঠে মোর!

রাম।

বে লক্ষ্মণ, এই পঞ্চবটী,

পূণ্যবারি গোদাবরী-ধৌত

এই রমা বনস্থল

জনক-তনয়-পুত্রচরণ-পরশে

মহাতীর্থে পরিণত আজি।

এ ভূমির প্রতি শ্লিকণা

বড় প্রিয়, বড় প্রিয় মোর,—

মিশে আছে এর সাথে

বৈদেহীর পূণ্য পদরেণু,

এস ভাই, সর্বাঙ্গে লেপন করি'

জুড়াইব জালা!

[অঙ্গে মৃত্তিকা স্পর্শ করিলেন]

লক্ষ্মণ।

হে রাধব,

ওই যে প্রসবণ গিরি, আছে

দাঁড়াইয়া অনন্তদী গর্কোন্নতশির!

নিম্নে তার বহু গোদাবরী

নিরন্তর ঝরঝর ধারে;—

প্রহু, হোথা আছে চিত্র-আকাঙ্ক্ষিত—

“সীতাভীর্ষ” মোর। চল সেথা

যাই রঘুবর!

রাম।

চল প্রিয়ানুজ,

ওই গোদাবরী,

সীতার হরণদুঃখ-কাহিনী সে জানে।

দুর্ধতি রাবণ যবে হরিল জানকী

শাশ্রুনেত্রে দুই ভাই,

এ নদীর দুই তীর করেছিল

অবেষণ। এবে আর নাহি দশানন,

আপনি আপন বৈরী!

কত সাধনার ধন, বিসর্জন

দিয় অনাস্বাদে।

রঘুবর !

নীরস কর্তব্য এক

এখনো রয়েছে বাকী ।

গুরুতর কার্য—যার লাগি

দণ্ডকে এগেছ ।

সত্য—সত্য, তপাচারী শূদ্রমুনি

শম্বকের প্রাণদণ্ড বিধান

করিতে হবে । অতীব অপ্রিয় কার্য—

তবু তাহা সাধিতে হইবে

প্রজার মঙ্গল হেতু ।

যৌবনের প্রিয় সাথী হেরি' রাজ্য

রাজসিংহাসন, শুক বস্ত্রমান—

সকলি ভূনিয়াছিহু—এ তক্ষণ,

রে লক্ষণ, ছিহু আমি

মোর যৌবনের সেই কল্পনার

সুখস্বর্ণলোকে । শুক সত্য

কঠিন আঘাতে ভাঙ্গিল সে কল্পলোক,—

নেমে এহু পুনঃ মৃত্তিকায় ।

চল ভাই, শম্বকের যজ্ঞস্থলে

করিব গমন ।

[উভয়ের প্রস্থান]

পট পরিবর্তন

দণ্ডকারণ্যের অপরাংশ

(শূদ্রগাজ শম্বকের যজ্ঞস্থল)

শূদ্র-ঋত্বিকগণ ও শূদ্রাণীগণ

(শম্বক ও তুঙ্গভদ্রার প্রবেশ)

অভিনব যাগ মোর—

আজ গাজ হ'ল এতদিনে ।

শূদ্র-অমুষ্টিত যাগ,

ব্রাহ্মণের সমাগম নাই একেবারে !

শূদ্র হোতা, শূদ্র সে উদ্গাতা—

সকল ঋত্বিক শূদ্র ।

আর্য্যাবর্তে, দাক্ষিণাত্যে হেন যজ্ঞ

এহু করে নাই কভু ।

শম্বকের আবিষ্কার এ নববিধান—

দেখা যাক কিবা ফল ফলে !

(বেদগান)

শ্রুত্ব বিশ্বে অমৃতস্ত পূত্রাঃ

আ যে ধামানি দিব্যানি তস্থঃ ।

বেদাহমেতং পুরুষং মহাস্তম্

আদিত্যবর্ণং তমসঃ পরস্তাৎ ।

তমেব বিদিত্বাহতিমৃত্যুমেতি

নাশ্রুঃ পশ্য বিজ্ঞতেইয়নায় ॥

শোন শোন স্তরলোকবাসী,

অমৃতের যে আজ সন্তান !

জানিয়াছি সেই অবিনাশী

জ্যোতির্ময় পুরুষপ্রধান,

তপন-বরণ যিনি, আধারের পারে তিনি,

তঁাহারে জানিয়া জীব মরণ এড়ায়—

নিস্তারলাভের আর নাহিরে উপায় ॥

এতক্ষণেই নিত্যমেবাদ্ভ্যগংস্থং

নাশ্রুঃপরং বেদিতব্যং চি কিঞ্চিৎ ।

সংপ্রাপ্তপানমুন্ময়ো জ্ঞানতৃপ্তাঃ ।

কৃতান্মানো বীতরাগাঃ প্রশান্তাঃ ।

তমেব বিদিত্বাহতিমৃত্যুমেতি

নাশ্রুঃ পশ্য বিজ্ঞতেইয়নায় ॥

নিত্য যিনি রয়েছেন আপনাতে করি ভর ।

জ্ঞান তাঁরে, জ্ঞানিবার কি আছে তাঁহার পর ?

বীহারে পাঠিয়া জ্ঞানপবিত্রস্ত ঋষিগণ ।

কৃতার্থ, বিগতরাগ, নিলিপ্ত প্রশান্ত মন ॥

তঁাহারে জানিয়া জীব মরণ এড়ায় ।

নিস্তার-লাভের আর নাহিরে উপায় ॥

শম্বক । অগ্নিদেব,

পূর্বাভূতি করহ গ্রহণ ।

স্বর্ণবর্ণ তেজোময় যজ্ঞানলে

পুনঃ স্তুতাভূতি করি দান—

বিতাবস্তু,

প্রজ্বলিত হও দেব, শতগুণ তেজে ।

যজ্ঞফলে অনায়াসে

পাই যেন যোগীশ্বরবাহিত গতি ।

অজ কাম্য কিছু মোর নাই—

(রাম লঙ্গণের প্রবেশ)

শব্দক । উজলিয়া দশদিশি
রূপের আভায়,
শ্রামরূপে কে এলো রে বনে,—
মুর্খিমান যজ্ঞফল
নয়ন সম্মুখে মোর,
যেন মনে হয়, হেনু অপূর্ণ মূর্তি
নয়নে হেরিব বলি,
আজীবন করিয়াছি তপ !

[শব্দক অগ্রসর হইয়া তাঁহাদের দুইজনকে
অভ্যর্থনা করিলেন । লঙ্গণ একস্থানে
দাঁড়াইয়া রহিলেন ।]

রাম । শূদ্ররাজ,
আমারে চিনিতে পার ?
শব্দক । তুমি মম ইষ্টমূর্তি !
ধ্যানযোগে তোমাতে হেরেছি ।
হেন নব দুর্দাদল-শ্রামরূপ,
নয়ন মুদলে নিত্য আমি
দেখিবারে পাই ।
রাম । নহি আমি ইষ্টমূর্তি দেবতা কাহার,
ধ্যানযোগে নরহৃদে করিনা বসতি ।
নিভান্ত মানব আমি,
মুক্তিকানিধিত মোর কায়া ।
শব্দক । না না, কহি আমি লত্যা কথা,
হেন শ্রামরূপ,—
রহ স্থির দেখি মিলাইয়া ।

(চক্ষু মুদিয়া ধ্যান করিয়া পরে চক্ষু খুলিয়া)

এই মূর্তি ! এত মূর্তি !
এক রূপ অন্তরে বাহিরে !
কে তুমি, কে তুমি,—
দেহ সত্য পরিচয় ।

রাম । নহি ইষ্টদেব,
লত্যাট্ তোমার আমি ।
তুনিয়াছ রামনাম ?

শব্দক । তুনিয়াছি বহুবার ।
প্রথম যৌবনে রামনাম জপিয়াছি
নিশিদিন ধরি ।

পিতৃ-সত্যরক্ষা তরে
যেইদিন গিয়াছিলে বনে,
সেই উন্মুখ যৌবনে তব,
সত্যসত্য সত্যরক্ষা করিলে যে দিন,
সে দিন তোমার নাম জপমালা ছিল ।
কিন্তু রঘুপতি—যে দিন শুনিছ লোক-
নিন্দাভয়ে
সতী নারী ছায়াগম জীবনসঙ্গিনী যিনি
তব—

ভ্রান্ত লোকাচাব, প্রথা মাত্র রক্ষাহেতু
বিনা দোষে দেছ বনবাস,
সেইদিন হ'তে ভাঙ্গিয়াছে সে স্বপন মোর !
একদিন দেবতা বলিয়া তোমা
ভ্রম ক'রেছি—আজ দেখিতেছি
ক্ষুদ্র নর ভূমি—বিন্দুমাত্র দেবভাব
রঘুপতি, তোমার চরিত্রে আমি
দেখিতে না পাই । তথাপি রাধব,
একমূর্তি তুমি আর মম ইষ্টদেব ;
এ রহস্ত বুঝিতে না পারি !

রাম । বুঝবার নাহি প্রয়োজন—
শব্দক, প্রস্তুত হও !
শমন তোমার আমি,
আসিয়াছি প্রাণদণ্ড দিতে ।

শব্দক । প্রাণদণ্ড !
সঙ্গাগরা-ধরণী-ঈশ্বর,
হেন দণ্ডযোগ্য কোন অপরাধ
করিয়াছি আমি, মনেত পড়ে না প্রভু !
কি তোমার অভিযোগ রাজা ?

রাম । ভাঙ্গিয়াছ সমাজশৃঙ্খলা,
বর্ণাশ্রম-ধর্মদ্রোহী তুমি,
অনাচারী, তব যাগ-যজ্ঞফলে
দাক্ষিণাত্যে হইয়াছে অনারুণি—
মরিয়াছে ব্রাহ্মণকুমার,—

শব্দক । ভূমি শত্রুহীনা,
রাজ্যে অকাল-মরণ,
এ সকল মম অনাচারে—
ঠিক জান তুমি ?
হেন যুক্তিহীন বাণী
মুখে তুমি উচ্চারণ করিলে কেমনে ?

নরেশ্বর । এই কিগো
 ভায়নিষ্ঠা তব ?
 কিংবা বুদ্ধি জ্ঞানকীরে
 নির্বাসিতা করি, ছন্নমতি তুমি,
 সেই হেতু হেন কথা কহ ।

রাম । শূদ্ররাজ !
 বাকবিতণ্ডায় নাহি কোন প্রয়োজন ।
 বিচার হইয়া গেছে তব,
 দণ্ড দিতে আসিয়াছি এবে ।

শম্ভুক । রাজদণ্ডে মরিতে বসেছি—
 তবু রাম, হাসি পায়
 শুনিয়া তোমার কথা !
 দোষী নিজে জানিল না কিবা অভিযোগ,
 বিচার হইয়া গেল তবু !
 এ তো বড় অদ্ভুত বিচার !
 দুঃখ হয়, তোমার এ অধঃপাত
 নেহারি নয়নে—হে রাঘব !
 যৌবনেয় সে প্রতিভা
 এমনই কি নষ্ট হ'য়ে গেছে !—
 কিছু তার নাই ।
 যে সতীর তেজে তেজস্বী রাঘব,
 সেই সীতা-হারী হ'য়ে
 এ দুর্দশা তব !

রাম । শম্ভুক,
 নহ তুমি বিচারক মোর ।
 তোমার সহিত তর্ক আমি
 করিতে না চাই ।
 যুক্তি মম আছে মোর মনে,
 কিম্বা নাই—না থাকে যতপি,
 শাস্ত্রমর্ম্ম অমূল্যারে
 প্রাণদণ্ড তব অপরাধে—
 সেই দণ্ড লইতে হইবে ।

[তুঙ্গভদ্রা অদূরে দাঁড়াইয়া একমনে সকল কথা
 শুনিতেছিলেন,—তিনি সম্মুখে আসিলেন]

রাম । কিরূপ মরণ চাহ তুমি ?
 করিবে সময় শূদ্ররাজ ?
 গৈল্য যদি থাকে তব—করহ আত্মদান,
 বৈরুণ সময় যদি চাও,

তাতেও প্রস্তুত আমি ।
 বল শীঘ্র, কি তোমার অভিপ্রায় !

শম্ভুক । কাজ নাই যুদ্ধে মহারাজ,
 বীর তুমি, রাক্ষস-বিজয়ী,
 তোমাতে কে সমরে আঁটিবে ?
 আর যুদ্ধ কত দণ্ড নয়,—
 বলিয়াছ মোরে, দণ্ড দিতে
 আসিয়াছ হেথা । দণ্ড দণ্ড, প্রাণদণ্ড—
 আত্মসমর্পণ করিলাম বিচারক,
 তোমার বিচার পরে ।

তুঙ্গ । তুমি রাজা রামচন্দ্র
 সত্যব্রত রণবংশধর ?
 নাম, কীর্ত্তি, খ্যাতি তব
 আশৈশব শুনিয়াছি—
 মনে মনে করিয়াছি পূজা ;
 কিন্তু তব এ কোন্ বিধান,
 বিনা দোষে স্বামীরে বধিতে চাও !

রাম । কল্যাণি,
 স্বামী তব সমাজ-বিদ্রোহী,
 অপরাধ কত গুরু তার,
 নারী তুমি বুঝিতে নারিবে ।

তুঙ্গ । প্রভু, সত্য যদি দোষী তিনি,
 ক্ষমা কর অপরাধ তাঁর
 শাস্ত্রনেত্রে নারী আমি,
 ক্ষমা চাহিতেছি ।
 নৃপতির ভূষণ মার্জ্জনা—
 এই ক্ষমাগুণে পৃথিবীর রাজ্য তাঁর
 বর্গরাজ্যে হয় পরিণত !
 ক্ষমা কর হে রাজেন্দ্র !

রাম । গুরুতর অপরাধ
 পতির তোমার, হে কল্যাণি,
 ক্ষমাযোগ্য নহে ।
 শিক্ষায় তাঁহার দাক্ষিণাত্যে
 শূদ্রজাতি কৃষিকার্য্য ছাড়িয়াছে,
 ব্রাহ্মণের ব্রতধারী হবে ।
 মহান্ অনিষ্টকারী সমাজবিপ্লব
 এর ফল ।

শম্ভুক । তুঙ্গভদ্রা,
 করি নাই অপরাধ আমি,

কমা নাহি চাহ !

স্বজাতির সংস্কার করিয়াছি শুধু ;
দিয়াছি তাদের আমি সেই অধিকার
বিপ্রজাতি বঞ্চনা করেছে যাহা ;—
মানবের ক্ষুদ্র স্বার্থনীতি তুচ্ছ করি,
মানিয়াছি দৈবের বিধি ।
দাও প্রাণদণ্ড রঘুনাথ,
অকারণ কালক্ষেপ কি হেতু করিছ ?

[শম্ভুক গর্কোন্নত বৃকে দাঁড়াইলেন, রামচন্দ্র কটিদেশ
হুইতে তরবারি খুলিলেন ; তুঙ্গভদ্রা হুইঅনের
মধ্যে আসিয়া দাঁড়াইলেন ।]

তুঙ্গ । নির্ধুর রাঘব !
তার আগে মোর লহ প্রাণ,
বহু হরিণীর বৃক বিনা দোষে
যেমন বিধিয়া থাক ।
মৌন কেন নরপতি ?
কেন কর কুক্ষিত ললাট ?
হান অস্ত্র মোর বৃকে ;—
নারীনর্থে রুতিত্ব ভোগার রঘুনাথ !
পতিব্রতা সতী নারী বনে দেছ ডালি,
হানিয়াছ তীব্র শেল তারার হৃদয়ে,
লক্ষ রক্ষঃবধূ-বৃকে জেলে দেছ
শ্মশান-অনল !
এ বক্ষ চিরিয়া ফেল তীক্ষ্ণ অস্ত্রাধাতে,
ত্রিভুবন যশোগাথা গাহিবে তোমার !
রাম । বিলাট ঘটাল নারী,
লক্ষণ, রমণীরে রেখে এস
অন্ত কোন স্থানে !

[লক্ষণ অগ্রসর হইলেন]

তুঙ্গ । কার সাধ্য ল'য়ে যাবে
স্থানান্তরে মোর ।
যদি রাম মারিবে না মোরে,
বধ কর স্বামীরে আমার ।
সতীর সম্মুখে কর পতির বিনাশ,-
দেখিব রাঘব,
কি পাষণে বেঁধেছ হৃদয় ।

রাম । ভদ্রে, সত্যসত্য বাঁধিয়াছি
পাষণে হৃদয় ।
কঠিন পাষণপ্রাণে
বাঞ্ছনাক ব্যথা !
সত্য হেতু জানকীরে দিছি বিসর্জন ;
সত্য হেতু শম্ভুক মরিবে ।
শম্ভুক । নহে—নহে—কভু নহে রঘুনাথ ;
সত্যের কঙ্কাল তুমি করিতেছ পূজা,
সত্য গেছে ছাড়ি বহুদিন ।
প্রথম যৌবনে তুমি
রেখেছিলে সত্যের সন্মান,
শুধু চণ্ডালে যবে দিয়াছিলে কোল ;
অনার্য বানরের—রক্ষঃ বিত্তীষণে
মিতা বলি ডেকেছিল যবে—
সত্য ছিল সাথে সাথে তব ।
শ্রামল কাস্তারে, নিব্বিরণী-কলগানে
পেয়েছিলে সত্যের সন্ধান ;
নীলাকাশ হ'তে সত্য প'ড়েছিল ঝরি
গর্গ অঙ্গে, যৌবনের প্রথম দিবসে
এই পঞ্চবটা বনে ।
রাজধানী মাঝে, রাজসিংহাসনে বসি,
সেই সত্য হারিয়ে ফেলেছ তুমি—
বুঝি তায় এ জীবনে পাবে নাকি আর !
রাক্ষ, সত্যই অভাগা তুমি !
তথাপি ও শ্রামমূর্তি
ভালবাসি আমি ।
হান অস্ত্র মোরে রঘুনাথ—
নয়ন মুদ্রিয়া আমি শ্রামরূপ হেরি ।

[রাম শম্ভুকের বৃকে তরবারি হানিলেন ।
সঙ্গে সঙ্গে তুঙ্গভদ্রা মুচ্ছিতা হইলেন ।

তুঙ্গ । (মুচ্ছিতে) প্রভু—প্রাণেশ্বর,
মৃত্যুঞ্জয়ী পুরুষপ্রবর !
মহাসত্য রক্ষা হেতু মরণেরে
করেছ বরণ, বীরনারী আমি,
বিন্দুমাত্র ছুখে করিব না ! স্বর্গলোকে-
অচিরে মিলিব নাথ, তোমার সহিত ।
স্বামীহস্তা, নির্দয় রাঘব !—

অভিশপ্ত জীবনে তোমার, যুহুর্ন্তের
শাস্তি পাইবে না। তীব্র শোচনায়
তব দিন যাবে কেটে—কণ্টক-শয্যায়
ভয়ে কাটাইবে নিশি—নিজা নাহি হবে,
তজ্রাযোগে ভয়ঙ্কর স্বপন দেখিবে,
সহস্র বান্ধব মাঝে রহিবে একাকী,
তোমার প্রাণের দুঃখ কেহ না বুঝিবে,
সম্মুখে দেখিবে স্তম্ভ, মকুতুয়ে
মরীচিকা সম,—যেমন ধরিতে যাবে
বাতাসে মিশাবে। মৃত্যু হবে তীব্র
নিরাশায়! হয়ত' বা নারায়ণ ভূমি,
সতীর এ অভিশাপ তথাপি ফলিবে।

রাম। দেবি,
বহুমান্নে শিরঃ পাতি
লইলাম অভিশাপ-আশীর্বাদ তব।

তৃতীয় অঙ্ক

প্রথম দৃশ্য

তমসার ভীর। মহর্ষি বান্ধীকির আশ্রম।

[বনবালাগণ গান করিতেছিলেন, মহর্ষি বান্ধীকি
লিখিতে রত]

(গীত)

রূপ-সায়রের দোহুল তালে আলোর কমল
ফুটলো গো!
রঙের বাঁশী বাজিয়ে শোন আকাশ জেগে
উঠলো গো—
পথ-হারানো সোণার হরিণ বনের মাঝে আনলে কে?
মায়ায় ভরা চাউনি যে তার—মন গোপনে
চান্লে রে—
সোণার মায়ায়, রাতের হাতের কাজল-লতা
চুটলো গো!
মনের বনের সোণার হরিণ, মনের ভেতর আয়—
আমরা তোমায় বাসরো ভালো মন যে
তোমায় চায়—
তোমার সাড়ান্ন বকুল বনে ভোরের হাওয়া বইছে-রে,

ঘুম পাড়িয়ে দুখের কাদন সুখের কথা কইচে রে,
তোর গলার মালা হবে ব'লে অশোক পলাশ
ফুটলো গো।

(লবের প্রবেশ)

লব। মুনি! তোমায় একটি কথা জিজ্ঞাসা করিব।
মনে বড় সন্দ জাগিয়াছে!

বান্ধীকি। কি সন্দ তাই!

লব। রামায়ণে পড়িয়াছি—
রামচন্দ্র-রাজ্যার বনিতা
সীতা, নির্বাসিতা বিজন বিপিনে।
তুমি ডাক জননীরে সীতানামে।
রামায়ণ তোমার রচনা—
জনমদুখিনী সীতা কল্পনা তোমার
অথবা জননী মোর?

বান্ধীকি। (স্বগত) কি বলিব বুঝিতে না পারি।

লব। মুনি,
নিরন্তর কেন তুমি?

বান্ধীকি। সীতা মানসী ভনয়া মোর,
আমার স্নেহের সৃষ্টি,—বাস তার
মম কল্পনায়।
বড় ভালবাসি মোর মানসী কল্পনা,
তনয়ার নামে পরিচয় দিয়াছি
সে হেতু। এর চেয়ে প্রিয়তর নাম
আর মোর জানা নাই!

লব। তবে, নহে সীতা জননী আমার?

বান্ধীকি। তোমারি জননী সীতা।

লব। রামায়ণে ষাঁর কথা আছে,
নন তিনি জননী আমার?

বান্ধীকি। জননী হইলে তিনি সুখী যদি হও,
মনে কর, তিনিই জননী তব।

লব। দুই সীতা, দু'জনারে
প্রাণ ভ'রে ভালবাসি আমি।
নয়ন মুদিয়া আমি হেরি যেন সীতা,
নির্বাসিতা অযোধ্যার প্রাসাদ হইতে।
সারি সারি পুরনারী ফেলে অশ্রুবারি,
অভিমানে ফিরায়ে প্রবাহ
সরয় উজান ধায়—

ভাবিতে ভাবিতে আর দেখিতে দেখিতে—
হুই সীতা এক হ'য়ে যায়!—

(অদূরে অশ্ব দেখিয়া)

কি সুন্দর অশ্ব!

বান্ধীকি। কি দেখিছ লব?

লব। অশ্ব! আমি ধরিব উহারে।

স্বামীরে ক'র না মানা।

বল, মানা করিবেনা?

বান্ধীকি। না—বাও, ধর অশ্ব পার যদি।

[লবের প্রস্থান

নিশ্চিন্ত রহিতে নারি আর—

বয়ঃপ্রাপ্ত কুশীলব

সর্বশাস্ত্রে সুপণ্ডিত,

কত্রোচিত ধনুর্বিদ্যা—

করিয়াছে লাভ।

আজি জাগ্রত বাসনা হৃদে

জানিবারে পিতৃ-পরিচয়।

(সীতা দেবীর প্রবেশ)

সীতা। পিতা!

বান্ধীকি। এন, মা কল্যাণি!

সীতা। সমাপ্ত হ'য়েছে গ্রন্থ?

বান্ধীকি। ভারতীর আলীকাদে

হইয়াছে শেষ।

সীতা। জানকীর জীবলীলা

কেমনে সমাপ্ত হবে পিতা!

নিয়তির ভাবী চিত্রপট

দেখিতে বাসনা আগে চিতে।

বান্ধীকি। জননী আমার,

হেন প্রশ্ন তুমি কর দেবি?

কণস্থায়ী বিরহ-মিলন—

ক্ষুদ্র মানবের অতি ক্ষুদ্র জীবনের

ধারা, মোর রামসীতা প্রতি

ক'রোনা আরোপ মাতা!

বান্ধীকির রামসীতা চির-অবিচ্ছেদ;

অন্তরে-অন্তরে চিরন্তন

মিলনের প্রবাহ বহিছে।

সীতা। f তা,

বুঝিয়াছি নিয়তির নির্ধর্ম ইঙ্গিত!

[যাইতে প্রস্তুত হইলেন]

বান্ধীকি। সত্যই জটিল প্রশ্ন

নিজে আমি বুঝিতে না পারি।

অন্তরে আমার,

রাম-সীতাবিরহের নিরুপরিধা ধারা

প্রবাহিতা নিত্য নিরন্তর।

এ বিশ্বের পুঞ্জীভূত শোকের

করণ কোমলতা—ছন্দে ছন্দে,

শ্লোকে শ্লোকে আকার লভিতে চায়,—

মহৎ সে বিরহের ব্যাধ।

ক্ষুদ্র শাস্ত্র মিলনেরে করি অতিক্রম

নাহি জানি চলিয়াছে

কোন্ সুদূরের পানে!

সীতা।

সীতা। (ফিরিয়া আসিলেন)

পিতা, ডাকিলেন মোরে?

বান্ধীকি। আমি অযোধ্যায় যাইতেছি।

সীতা। অযোধ্যায়!

বান্ধীকি। দেখিব রাঘবে—মিলাইব

কল্পনার ছবি। বুঝিব কল্যাণি,

বান্ধীকির কাব্যকথা অলৌকিক কল্পনা

কিংবা সত্যের মুরতি!

সীতা। পিতা,—আর এক প্রশ্ন মোর

মনে জাগিয়াছে,—

কে বসিবে রাঘবের সিংহাসনে?

বান্ধীকি। সেই কথা জিজ্ঞাসিব রামে।

বলিয়াছি দেবি,

মম কল্পনার রাম

আর নরপতি রামে—

মিলায়ে দেখিব একবার।

আত্রেয়ী কোথায়?

সীতা। পাঠাত্যাসে আছে রত

তমসার তীরে।

বান্ধীকি। সীতা, শোন সত্য কথা।

রামচন্দ্র করিছেন অশ্বমেধ যাগ,

সেই যজ্ঞে নিমন্ত্রিত আমি।

সেহেতু যাইব অযোধ্যায়।

সীতা। জানি দেব,
অযোধ্যার রাজদূতে দেখিয়াছি !
যজ্ঞ-অশ্ব—তাও দেখিয়াছি মনে হয় ;

কাননে ফিরিতেছিল ।
নব-রাজলক্ষ্মী করিয়া বরণ
কল্যাণ হউক অযোধ্যার,
প্রজাগণ সুখী হ'ক সবে ।

বান্ধীকি। নব রাজলক্ষ্মী ?
বুঝিতে না পারি বাক্য তব !

সীতা। পিতা, আছে যজ্ঞপ্রথা
বামভাগে বসাইতে হয় রাজরাণী ।
নব পরিণীতা পত্নী রাঘবের
বসিবেন যজ্ঞস্থলে বামপার্শ্বে তাঁর ।
নব রাজলক্ষ্মী সেহেতু কহিহু ।

বান্ধীকি। হে কল্যাণি, অতি দীর্ঘকাল
রামনাম, রামের চরিত্র-গাথা
ধ্যান করিয়াছি ।
“নব পরিণীতা পত্নী রাঘবের”—
অসম্ভব কথা—বান্ধীকির কল্পনায়
কতু আসে নাই । নাহি যাহা
বান্ধীকির কল্পনায়, হেন কাণ্ড
কতু করিবে না রাম । চিন্তা দূর
কর মাতা !

(আত্রেয়ীর প্রবেশ)

আত্রেয়ী। দেবি, দেবি !

সীতা। কেন মা আত্রেয়ী ?

আত্রেয়ী। (একান্তে জানকীর প্রতি)
কি স্নানর অশ্ব ধরিয়াছে লব ।
বাধিয়াছে তমসার তীরে ।
এস, দেখাই তোমাংরে ।

সীতা। অশ্ব । কোন্ অশ্ব ?
যজ্ঞ-অশ্ব রাঘবের ?

আত্রেয়ী। নাহি জানি মাতা—
আপনি দেখিবে চল ।

বান্ধীকি। আত্রেয়ী, সাবধানে
থাকিও কাননে
লব-কুশ-জানকীর সাপে ।

আমি যাইতেছি অযোধ্যায় ।

[সীতা ও আত্রেয়ী বান্ধীকিকে প্রণাম করিয়া
প্রস্থান করিলেন । বান্ধীকি যাইতে যাইতে—]

বিরহের স্বর্গলোক বান্ধীকি-হৃদয়,
সেখা মোর সীতা-রাম নিত্য করে বাস ;
ছ'জনের মাঝে বহে নদী গোদাবরী—
তুই তীরে দাঁড়ায়ে ছ'জন ফেলে মশ
শাখত কালের তরে ।
কে বলিবে—কত যুগ-যুগান্তরে,
ঘুচিবে বিরহ ।

[অপর দিক দিয়া প্রস্থান

(লব ও কুশের প্রবেশ)

কুশ। দেখিছ না, অশ্বভালে র'য়েছে
লিখন—অশ্বমেধ-যজ্ঞের বারতা ?
অবশ্য এ রাজ-অশ্ব ।

লব। তাই যদি হয়,
ক্ষতি কিবা তাহে ?

কুশ। যুদ্ধ হবে,
তেসে যাবে পুণ্য তপোবন
নর-রক্তশ্রোতে !

লব। নিরুপায় ।
আমি ধরিয়াছি, অশ্ব,
কাপুরুষের প্রায় কিছুতেই
ছাড়িয়া না দিব ।

কুশ। আপনি জননী যদি করেন বারণ,
তবু গুনিবে না ?

লব। মা আমার ক্ষত্রনারী ।
কুশ। রাজশক্তি অস্বীকার করা
বিদ্রোহিতা—ক্ষাত্রধর্ম নহে ।
জান, কার অশ্ব ধরিয়াছ ?

লব। কার ?

কুশ। রাঘবের,—
রামচন্দ্র নামে খ্যাত যিনি
পুণ্যগ্রন্থ রামায়ণে ।

লব। সত্য, সত্য ?
কুশ। অশ্বভালে রহিয়াছে লেখা
কর নাই পাঠ ?

শুনেছিছ মূনির নিকটে
 প্রজার মঙ্গল হেতু—
 অশ্বমেধ করিছেন রাজা।
 হেন পুণ্য কার্যে তুমি বাধা হবে ?
 লব। অবশ্য হইব বাধা—
 যজ্ঞকর্তা রামচন্দ্র যদি।
 (সীতার প্রবেশ)
 লব। জননি।
 অতি শুভদিন আসিয়াছে
 জীবনে আমার ;
 রামচন্দ্র সনে যুদ্ধের স্ত্রযোগ
 আসিয়াছে—এ জীবনে আসিবে না আর।
 আমাদের আদেশ দাও মাতা !
 সীতা। রামচন্দ্র সনে রণ ?
 লব। হাঁ জননি,
 রামচন্দ্র সনে রণ।
 রামচন্দ্র, লক্ষ্যত কীর্তি ধার
 রামায়ণে পড়িয়াছি। রামচন্দ্র,
 হরধনু ভাঙিল যে রাজর্ষি
 জনকগৃহে, সমুদ্র বাঁধিল,
 শত শত রাক্ষস নাশিল,
 লঙ্কার সমরে বিনাশিল
 দশানন-শুরে।
 যে অবধি পড়িয়াছি রামায়ণ
 সার্থ জাগে চিতে—
 রাঘবের কীর্তি খর্ব করিব জননি !
 মাতা, জানকীর হৃৎখে অশ্রু মোর
 ঝরে নিশিদিন ! অবিচারে জানকীরে
 পাঠাইলা বনে রামচন্দ্র,—তাঁরে
 আমি শাস্তি দিতে চাই।
 আমাদের আদেশ দাও মাতা !
 সীতা। লব, তুই দুঃখিনীর নয়নের নিধি।
 লব। মাতা, হেন কথা নাহি কহ !
 ক্ষত্রিয়-নন্দন আমি, ধরিয়াছি বাজী,
 বিনা যুদ্ধে না পারিব ছেড়ে দিতে।
 ধরি পায়—জননী আমার—
 করিও না অহুরোধ।
 কুশ। একান্ত বাসনা যদি করিবারে রণ,
 বারণ না কর মাতা !

তুই ভাই কার্যুক ধরিলে
 কার সাধ্য নিবারিবে গতি ?
 সীতা। রাঘবের সনে রণ—
 কোন্ প্রাণে সমরে আদেশ দিব।
 কিন্তু ক্ষত্রিয়-জননী আমি,
 নিবারণ করিব কেমনে !
 বীরপুত্র চাহিছে সংগ্রাম—
 পিতাপুত্র বাধিবে কি রণ ?
 বুঝিতে না পারি
 দৈবের অদ্ভুত সংঘটন !
 লব। মাগো !
 নিরুত্তর রহিও না আর।
 দাও আজ্ঞা !
 সীতা। অন্তর্যামী দেবতা আমার,
 আমার প্রাণের ব্যাধা সব জান তুমি !
 অবলা রমণী মাত্র আমি,—
 আমাদের কতব্য-পথ দাও দেখাইয়া।
 (সীতা নিরুত্তর ও চিন্তামগ্ন)

লব ও কুশ। মা, জননি !
 সীতা। কে এসেছে অশ্বের রক্ষক হ'য়ে ?
 লব। ত্রীরাণের অমুচর সেনাপতি এক।
 রামচন্দ্র আসিবে না,
 অশ্বরক্ষকের মুখে
 শুনিলাম সমাচার।
 সীতা। যা' হবার হবে,—
 ক্ষত্রিয় রমণী আমি
 তনয়ের ক্ষত্রোচিত গৌরব-ইচ্ছায়
 বাধাদান কভু না করিব।
 লব। মাতা।
 সীতা। দিলাম আদেশ,
 সমরে অজ্ঞেয় হও ভাই দুইজন।

[সীতাকে প্রণাম করিয়া-তুই ভায়ের প্রস্থান
 মঙ্গল-দায়িনী মাতা,
 কর মাগো মঙ্গলবিধান।
 স্বামীর কল্যাণ, পুত্রের কল্যাণ,
 অযোধ্যার প্রজার কল্যাণ,
 সবার কল্যাণ—যাচি আমি
 হে কল্যাণি, চরণে তোমার। [প্রস্থান]

তমসার ভীর—আশ্রমের অপরাংশ

অদূরে শত্রুয়ের শিবির

(দুইদিক হইতে দুইজন অশ্ব-রক্ষকের প্রবেশ)

১ম-অ-র। কি রে সন্ধান পেলি ?

২য়-অ-র। পেয়েছি বই কি ! বড় শত্রু ঠাই।

১ম-অ-র। কোথা গেল—? কে ধরেছে ?

২য়-অ-র। এই বনে। দু'জন তাপস-বালক !

১ম-অ-র। তুই ছিনিয়ে আনতে পারলি না ?

দূর—!

২য়-অ-র। কাজটা যতটা সহজ মনে ক'রছ ভায়া, ততটা সহজ নয় !

১ম-অ-র। তুই যে অবাক করলি !

২য়-অ-র। আমি আর কি অবাক ক'রলাম ?—

তবে সে হোঁড়াছুটো একটু অবাক ক'রে তুলেছে বটে। যাও না, ঐ বাম্বাণীকি মূর্খির তপোবনে তারা আছে।

১ম-অ-র। কি বলে তারা ?

২য়-অ-র। যুদ্ধ ক'রতে চায়।

১ম-অ-র। যুদ্ধের সাধটা একবার মিটিয়ে দিলেই তো পারতিস্।

২য়-অ-র। আমাদের তারা গ্রাহ্যের মধ্যেই আনলে না—স্বয়ং রামচন্দ্রের সঙ্গে যুদ্ধ ক'রতে চায়—অভাব পক্ষে তাঁর সেনাপতি !

১ম-অ-র। বড় রসিক ছোকরা তো দেখতে পাচ্ছি।

২য়-অ-র। হ্যাঁ, তা একটু রসিক বলেই যেন বোধ হচ্ছে। ঐ যে তারা এইদিকে আসছে। চল, সেনাপতিকে খবর দিই গে।

[উভয়ের প্রস্থান]

(অপর দিক দিয়া লব ও কুশের প্রবেশ)

লব। দাদা ! যুদ্ধ বাধলে তুমি আশ্রম রক্ষা ক'রবে। যুদ্ধ অনিবার্য। তুমি এখন থেকেই অস্ত্রশস্ত্রে সুসজ্জিত হ'য়ে কুটীরদ্বারে গিয়ে দাঁড়াও। জননী আর ভগিনী আত্রেয়ী যেন বিপন্ন না হন।

কুশ। তুমি এখন কি ক'রবে লব ?

লব। আমি অযোধ্যার সেনাপতির সঙ্গে সাক্ষাৎ ক'রবো।

কুশ। কি আবশ্যক আমাদের ? বরং তিনিই আসবেন আমাদের কাছে অশ্বের সন্ধানে !

লব। যুদ্ধের নিয়মে তাই হওয়া উচিত বটে। কিন্তু দাদা, আমি আর কোতুল চপে রাখতে পাচ্ছি না। যুদ্ধের বিলম্ব আমার সহ্য হ'চ্ছে না— তাই আমি নিজেই সেনাপতিকে যুদ্ধে আহ্বান ক'রতে চলেছি ! ঐ বুঝি সেনাপতি নিজেই আসছেন। তুমি কুটীরে যাও !

[কুশের প্রস্থান]

(অপর দিক দিয়া শত্রুয়ের প্রবেশ)

শত্রুয়। বালক ! কে এ বালক ? আপনি রাঘব, বালকের বেশে আসি আমাদের কি করেন হলনা ! অথবা এ নয়নের ভুল !—বালক, নয়ন মানস মুগ্ধ করা এ মাধুরী কোথায় পাইলে ?

লব। অযোধ্যার সেনাপতি।

সৈনিকের কার্য নহে

মাধুরী হেরিয়া মুগ্ধ হওয়া।

আমি ধরিয়ছি অশ্ব তব ;

আমার মাধুরী হেরি মুগ্ধ যদি হও,

অশ্ব নাহি পাবে—

রাঘবের অশ্বমেধ অপরূপ রহিবে।

আমি করিয়াছি পণ—

রণ বিনা অশ্ব নাহি দিব।

শত্রুয়। সত্য, তুমি করিয়াছ পণ ?

লব। মিথ্যাপণ

ক্ষত্রিয়কন্মার কখনো কি করে ?

একা আমি করিব সমর,

ডাক তব অমুচর সৈনিকের দল,

যে আছে যেথায়।

শত্রুয়। সমস্ত চৈতন্য মোর

ব্যাকুল বাসনাময় হ'য়ে

ধেম্বে যায় বালকেরে দিতে আলিঙ্গন !

বক্ষঃ দীর্ণ কেমনে করিব তার

তীক্ষ্ণ শরাঘাতে ?

আজীবন করেছি সমর,

লক্ষ লক্ষ প্রাণিবধ করিয়াছি রণে,—

হেন দুর্বলতা করি নাই

অমুত্তব !

শিখিল এ কর হ'তে কাম্বুক

ধসিয়া বুঝি পড়ে !

হে বালক ! যুদ্ধে ক্ষমা দেহ বীর !

লব । এই অযোধ্যার বীর ।

রাবণ-বিজয়ী মহাবীর রাঘবের

সেনাপতি তুমি ? শত ধিক্ !

হেন রমণীর প্রাণ লয়ে

কেন আসিয়াছ অশ্বের রক্ষক হ'য়ে ?

যাও অযোধ্যায় ফিরে কাপুরুষ !

অশ্বমেধ-যজ্ঞ পূর্ণ নাহি হবে,

জানাইও রামচন্দ্রে—বাল্মীকির

শিষ্য লব ধরিয়াছে বাজী ।

শত্রু । দেখিতেছি বীর,

যুদ্ধসাধ প্রবল তোমার মনে,—

রণ বিনা অস্ত্র চিন্তা স্থান নাহি পায় ।

একান্ত বাসনা যদি করিবে সমর,

এস স্বরা—ই নদীতীরে

শ্রামল প্রান্তরে !

সসৈন্তে ঘুরিতে চাও,

কিংবা একা তুমি করিবে সমর ?

লব । তাপস-বালক আমি সৈন্ত কোথা পাব ?

সঙ্গারী ধরণীর অধীশ্বর,

তীর সেনাপতি তুমি—

সৈন্তের অভাব তব নাই ।

দেহরক্ষা তরে—

যত ইচ্ছা সৈন্তের সাহায্য নিতে পার !

আমি একা করিব সমর !

শত্রু । মুগ্ধ আমি বারম্বার তোমার,

এস' স্বরা মোর সাথে ।

নাহি জানি চিন্ত কেন বিচলিত

নেহারি তোমায় ।—যেন মনে হয়,

জনমের পূর্ব হ'তে

কোন্ নিগূঢ় রহস্ত-ডোরে

তোমায় আমায়

একসঙ্গে বেঁধেছেন ধাতা ।

এস সাথে যুদ্ধ যদি চাও,

যুদ্ধসাধ মিটার তোমার ।

[উভয়ের প্রস্থান]

(একদল যুধ্যমান উন্নত সৈনিক চলিয়া গেল)

(কুশের প্রবেশ)

কুশ ।

লব—লব ।

কোথা লব ? একা শিশু

অসংখ্য অরির মাঝে—

শরজালে আচ্ছন্ন গগন,

ধোর ধূম ঘেরিয়াছে দিক্‌চয়—

সৈন্ত কোলাহল চারিদিক হ'তে আসি

কর্ণে পশিতেছে,—

অস্তরীক্ষে দামিনী-ঝলকে

চ'ক্ষের পলকে—ইরশ্মদ তেজে

লক্ষ বাণ ধায় দশদিকে ।

লব—লব,

কোথা লব,—এ সৈন্তের বিপুল প্লাবনে ?

কুটীরে ব্যাকুলা মাতা

বন্ধ ভেদি প্রাণ তাঁর

বাহিরে আসিতে

চায় । কেমনে প্রবোধ দিব তাঁরে,

লব যদি সঙ্গে নাহি ফিরে ?

লব—লব !

(লবের প্রবেশ)

লব

দাদা, দাদা ।

(দুই ভা'য়ে আলিঙ্গন করিল)

কুশ ।

যুদ্ধের সংবাদ বল !

লব ।

দাদা, করিয়াছি রণজয় ।

জুস্তকাস্ত্রে সর্বসৈন্ত চেতন হরেছি—

সেনাপতি জ্ঞানহারা ভূমিতে লুটায়—

বিলুপ্তচেতনা, শুয়ে আছে তমসার

তীরে । তিন রাত্রি গত হ'লে চৈতন্ত

ফিরিবে, প্রাণে মরিবে না কেহ ।

কুশ ।

চল তবে মাতার নিকট !

লব ।

নহে মাতার নিকট এবে ।

জননীর পায়ে জানাইও নমস্কার,

অবিলম্বে অযোধ্যা যাইব আমি ।

কুশ ।

অযোধ্যা কি হেতু লব ?

লব ।

যজ্ঞ-অশ্ব রহিল হেথায়,

সংবাদ লইয়া যাবে রাজার সকাশে,

হেন জন কেহ আর নাই ।

অশ্বপুষ্ঠে করিব গমন—

দিবসের পথ কর দণ্ডে উত্তরিব।

কুশ। জননী ব্যাকুলা অতি।

লব। বুঝাইয়া ব'লো তাঁরে—
আজন্মের কামনা পুরাব,
একবার দেখিব রাঘবে।

বিনা দোষে যদিও সে নির্কাসিতা
করিল। গীতায়—তথাপি
তুনেছি মূনির যুগে—
নরশ্রেষ্ঠ রঘুপতি।
যাও ভাই মাতার সকাশে।

কুশ। শীঘ্র ফিরে এস',
রাজধানী দেখে ভুলোনা'ক' বেন
পর্ণপত্র ঘেরা যোর মায়ে'র কুটীর।

লব। না ভাই—না।

[কুশের প্রস্থান

লক্ষ-শত সৌধ-কিরীটিনী রাজধানী,
রাজপথ,—সরোবর, স্বর্ণমঠ—
সুশোভিত সে অযোধ্যাধাম,
কেমনে ভুলাবে যোর
তমসার তীরে
মায়ে'র কুটীরখানি যোর।

(মনে মনে নমস্কার করিলেন)

গীতানির্কাসন কেন দিলে রঘুমণি !
পূর্ণচন্দ্রে কলঙ্কের রেখা !
দেখা যদি পাই একবার
তিরঙ্কার করিব রাঘবে।
স্পষ্ট কথা বলিব তাঁহার
“নরপতি !
নারীনিষ্ঠ্যাতন করি
বীর বলি দাও পরিচয় ?”
ভাল' আমি বাসিতাম রায়ে
গীতারে না বনে দিত যদি।

দ্বিতীয় দৃশ্য

অযোধ্যা-রাজপ্রাসাদ

রামের কক্ষ

(রাম একাকী উত্তপ্তমস্তকে পদচারণা
করিতেছিলেন)

রাম। “সহস্র বান্ধব যাঁকে রহিব একাকী,
আমার প্রাণের দুঃখ কেহ বুঝিবেনা,—
মৃত্যু হবে তীব্র নিরাশায়—”
গতী-নারী দেছে অভিষাপ—
বাও শান্তি, বাও সুখ, সংসার-বন্ধন,
আমারে বিদায় দাও চিরদিন তরে,—
দেবলোকে, নরলোকে কিংবা রসাতলে
আমার আত্মীয় কেহ নাই,
কারো সাথে মিলিবে না
আমার এ অভিষপ্ত জীবনের ধারা,—
সৃষ্টিছাড়া সৃষ্টিমাঝে হবে মোর বাস।

(প্রতিহারীর প্রবেশ)

প্রতিহারী। মহারাজ, মহর্ষি বশিষ্ঠদেব।—

রাম। না—না, আসিতে হবে না তাঁকে ;
ব'লে দাও—নাহি প্রয়োজন ;
শাস্ত্রমর্ম আর আমি
জানিতে না চাই।

প্রতিহারী। নিজে ঋষি এসেছেন হেথা !

রাম। যাও তুমি হেথা হ'তে।

[প্রতিহারীর প্রস্থান

(বশিষ্ঠের প্রবেশ)

বশিষ্ঠ। বৎস,
নিমন্ত্রণভার সৌমিত্রি ল'য়েছে
নিজে। অখসাথে দেশ-দেশান্তরে
ফিরিছেন শত্রুয় সসৈন্তে।
নন্দীগ্রাম হ'তে ভরতে আনিতে—

রাম। গুরুদেব,
বন্ধ কর আরোহণ,
যজ্ঞ হইবে না।

বশিষ্ঠ। যজ্ঞ হইবে না। রাম,
আশ্চর্য্য করিলে যোরে।

রাম তুলক্রমে অন্তর্যমেন
দিয়াছিছ মত ; যজ্ঞ-অহুষ্ঠান
অসম্ভব—

বশিষ্ঠ । অসম্ভব !—কেন অসম্ভব ?

রাম । উপযুক্ত কারণ অবশ্য আছে,
যথাকালে নিবেদন করিব চরণে ।

বশিষ্ঠ । বৎস রাম,
একাকী, বান্ধবহান, চিন্তামাত্রসাধী
যাপিছ দিবস-নিশি সন্জোপনে
রাজ-অন্তঃপুরে ।

কতদিন গত হ'ল—

অলঙ্কৃত কর মাই বিচার-আসন,
প্রজাগণ ছিল সব মৌন বেদনার—
হেন উদাসীন ভাব নেহারি তোমার ।

অশমেধ-যজ্ঞ-বার্তা শুনি—

রাম । নিতান্ত অস্থূষ আমি তাত,
রাজকার্য্য করিতে অক্ষম !

প্রজাহুরঞ্জন আপাততঃ

কিছুদিন রত্নক স্থগিত—

একাকী বিশ্রাম আমি চাই ।

বশিষ্ঠ । রাম, বুঝিতে না পারি—

হেন ভাবান্তর কিবা হেতু ?

রাম । বুঝিবার কি আছে বিষয় ঋষি !

বিশ্রাম, রাস্তা আমি জীবন-সংগ্রামে—

বিশ্রাম, বিশ্রাম সে হেতু চাই ।

তাও কি দিবে না মোরে

রাজতন্তু প্রজা অযোধ্যার ?

বশিষ্ঠ । রঘুনাত,

হেন কথা সূর্য্যবংশধর-যোগ্য নহে,—

রাজকার্য্যে বিশ্রামের নাহি অবসর ।

রাম । রাজকার্য্য, রাজকার্য্য—

অন্ত কোন কার্য্য যেন নাহি ত্রিভুবনে

মানবের । রাজকার্য্য—

রাজকার্য্য শয়নে স্বপনে,

রাজকার্য্য চিন্তা-জাগরণে !

গুরুদেব ! বলিতে কি চাও,

রাজ্য হ'লে মানবত্ব একেবারে

দি'ছি বিসর্জন ?—সিংহাসনে বসি

উৎপাটন করিয়াছি মানবহৃদয় ?

বশিষ্ঠ । শাস্ত হও বৎস,
তুমি আদর্শ নৃপতি,
নহে উপযুক্ত
হেন দুর্বলতা ।

রাম । দুর্বলতা !

তোমার আদর্শ-রক্ষা তরে,
উন্মাদিনী ছিন্নমস্তা সম
নিজহাতে ছি'ড়িয়াছি আপনার
জীবনবন্ধন,—
ধর্ম্মনিষ্ঠ পুণ্যাশ্রয় বুক বি'ধিয়াছি ।

বশিষ্ঠ । এ অবস্থা নহে আভাবিক ।

কি হ'য়েছে রঘুবর ? (হাত ধরিলেন)

সত্য মোরে ক'র না গোপন ।

বৎস জ্ঞানকীর স্মৃতি,—

রাম । গুরুদেব, গুরুদেব !

স্তব্ধ হও, স্তব্ধ হও—

ওনাম ক'রনা উচ্চারণ ।

স্মৃতিমাত্র রাখিয়াছি প্রাণের

নিভৃত কোণে অতি সন্জোপনে ।

রাজনীতি-আবর্জ্জনা-কলুষিত

পঙ্কিল এ রাজধানী মাঝে,

মিনতি চরণে গুরুদেব,

ওনাম ক'রনা উচ্চারণ ।

অযোধ্যার অধিবাসী ওই নাম

উচ্চারণে নহে অধিকারী ।

রাজকার্য্য—সেই ভাল,

প্রজাহুরঞ্জন—তাও ভাল !

[বশিষ্ঠ কিছু বলিলেন না, শুধু একবার
রামের দিকে চাহিলেন]

বশিষ্ঠ । বৎস,
চিরদিন কল্যাণ কামনা তব করি ।

বাক্য ধর যোর,

কার্য্য কর মম উপদেশে,—

কর অশমেধ-যজ্ঞ-অহুষ্ঠান ।

কার্য্যে মগ্ন থাক রঘুবর

হৃদয়ের চিন্তা যাবে দূরে ।

রাম । গুরুদেব,

অশমেধ-যজ্ঞ-অহুষ্ঠানে

প্রচলিত শাস্ত্রবিধি
স্বরণ কি নাই তব ?
বশিষ্ঠ । সত্য বটে, সত্য বটে,—
সহস্রাব্দী সহ যজ্ঞ অমুষ্ঠান,
শাস্ত্রবিধি ।
যজ্ঞ হইবে না তবে ?
প্রজাগণ ক্ষুব্ধ হবে ।
রাম । কি করিব মুনিবর,
সাধ্যমত করিয়াছি প্রজামুরঞ্জন ।
কেমনে করিব—
সাধ্যের অতীত বাহা—?
যজ্ঞ-অমুষ্ঠান অসম্ভব ।

(কৌশল্যার প্রবেশ)

কৌশল্যা । নহে অসম্ভব—
কার্য যদি কর বৎস, মম উপদেশে ।
বশিষ্ঠ । কি তোমার উপদেশ
কহ রাজমাতা ।
কৌশল্যা । স্বর্ণসীতা বসাইয়া রাঘবের বামে
সম্পূর্ণ করাব যাগ ।
দক্ষ শিল্পী করেছি নিয়োগ,
জানকীর প্রতিকৃতি করিতে নিম্নাণ ।
রাম । স্বর্ণসীতা,—স্বর্ণসীতা !
কৌশল্যা । হেমকান্তি জানকী আমার—
প্রিয়তমা পূজ্যধু,
গোণার বরণ—জানকীর বরণের
সমতুল্য হবে ।—বৎস,
স্বর্ণসীতা লয়ে বামে পূর্ণ কর যাগ ।
রাম । সোনার প্রতিমা—জানকীর ।
অস্তরের ব্যাকুল বাগনা যোর
বাহিরে কি আকার লভিবে ।

কৌশল্যা । বৎস,

রাম । গুরুদেব,
হোক যজ্ঞ-আয়োজন ।
মাতা, শিল্পী পারিবে না—
হিরণ্ময়ী প্রতিকৃতি,
নিজে আমি করিব নিম্নাণ ।
দীর্ঘ অষ্টাদশ বর্ষ ধরি
নিশিদিন গোপন প্রাণের ধ্যান যোর,—

নহে শিল্পী, শিল্পী নহে—
মূর্তিদান, নিজে আমি করিব জননি ।

[প্রহান

বশিষ্ঠ । গিদ্ধ হোক অতীষ্ট তোমার ।
[উভয়ের প্রহান

(সীতাস্মৃতি-ধ্যানমগ্ন রাম)

রাম । সীতা, সীতা, সীতা !
ধ্যানযোগে দেখা দাও,
হে করুণাময়ি ;
স্বর্ণ-প্রতিকৃতি তব প্রাণময়ী করিব জানকি !
হৃদয়ের দীপ্তি, তৃপ্তি সর্ব ইন্দ্রিয়ের
ও-রূপমাধুরী প্রিয়ে, নরচক্ষে
দেখিতে পাবনা বুঝি আর—
এস তবে ধ্যানের নয়নে ।
হৃৎপদ্ম করি আলোকিত
উর দেবি মর্ন্তস্থলে মোর,
সেখা তব স্বর্ণাঙ্গন নিশিদিন
রাখিয়াছি পাতি ।
সর্ব-লোক-চক্ষু-অন্তরালে সজোপনে
হৃদয়-মন্দিরে এস প্রাণেশ্বরী !
ভুমি আর আমি, সেখা আর কেহ নাই ।
অভিমান-বেদনায় ভরা
ছল ছল আঁখি দুটি হ'তে
বারিধারা ঝরি' দিক্ নিভাইয়া
মোর হৃদয়-অনল । বিরহের
তমসার পার হ'তে, এস' দেবি,
মিলনের আলোক-নিখ'র-তীরে !—
সীতা, সীতা, সীতা, সীতা—

কৌশল্যা । রাম !

রাম । জননি !

দেবীরে পেয়েছি আজ হৃদয় বাঝারে—
কৃপা করি দিয়াছেন দেখা !

কৌশল্যা । রাম,
পত্নীশোকে—শেষ এই পরিণাম !
ভগবান,
হেম'দৃষ্ট আবারে দেখিতে হ'ল ।

ভাল মনে করি' যেই কার্য
করি' অমুষ্ঠান, অভাগিনী আমি,
মম ভাগ্যদোষে বিপরীত ফলে ফল।

রাম। মাতা,
বিবাদ কি হেতু ভাব মনে ?
আজ সত্য আনন্দের দিন।
হৃদয়ের অধিষ্ঠাত্রী দেবী,
দীর্ঘ বিরহের অবসানে আজি,
অবতীর্ণ হ'য়েছেন হৃদয়-মন্দিরে
যোর। কি আশ্চর্য্য মাতা—
নহে রাজ্যরাণী আর,
তপস্বিনী, বঙ্কল-ধারিণী—
রুশ তলুলতা—অচল অটল তবু
আপনার তেজে।
নয়নে অমৃত-দৃষ্টি—কণ্ঠে বাণী
সঙ্গীত-রূপিণী !
মাগো, দেখিছু অপূৰ্ণ রূপ,
হেন দেবী স্বর্গে বুদ্ধি নাই !

কৌশল্যা। বৎস,
বাক্য তব বুদ্ধিতে না পারি,
কি যেন রহস্য-কথা।
সম্যক না হয় প্রণিধান।
রাম। নহে মা রহস্য-কথা!
অভাব সরল সত্য,
জানকীর দেখা পাইয়াছি।

কৌশল্যা। জানকি, জানকি,
প্রাণপ্রিয়া বধু যোর, হুহিতা-অধিক
নাম-মাত্র-অবশেষ আজি।
বৎস,

জলন্ত অনলে কেন দ্বতাহতি দাও !
পাবনা কখনো যারে আর
তার নাম করি উচ্চারণ,
প্রাপ্তির লালসা কেন হিঙণ বাড়ায় ?

রাম। আমি পাইয়াছি তাঁরে,—
এসেছেন গীতা—
প্রাণে প্রাণে স্পর্শ তাঁর অমৃত্যু করিয়াছি।
সে নয়ন ছুটি ধরার মালিণী—
যুক্ত হ'য়ে দীপ্তি পায়—দূর নীলিমার
গায়, শুক তারা যেন।

পার্বিব নয়ন দিগ্না নহে যদি—
তবু দেখিতেছি।

কৌশল্যা। রাম !

রাম। শঙ্কা ত্যজ জননী আমার।
উন্মাদ হইনি আমি,
আছে দিব্য জ্ঞান।
এই বৃকে মাতা, এই বৃকে
দেবীর মুরতি আছে।
এই বক্ষ দীর্ণ করি
দেখাইতে পারিতাম যদি
অবশ্য বুদ্ধিতে মাতা
কত সত্য বচন আমার।

কৌশল্যা। ভগবান !

রক্ষা কর রামভক্তে যোর,
দুঃখিনীর জীবনের অস্তিম সম্বল
রাম। ধ্যানযোগে দেখিয়াছি
দেবীর মুরতি। স্বর্ণপ্রতিকৃতি এবে—
প্রাণস্পর্শে—চেতন করিব।
তারপর—

অশ্রুজলে সে মুরতি করাইব গ্নান,
প্রেমের অমৃত-ধারা করাইব পান,—
হবে না কি দেবী-মূর্ত্তি মানবী আবার ?
কর আশীর্বাদ মাতা !

কৌশল্যা। পূর্ণকাম হও বৎস,
মম আশীর্বাদে।—

(প্রস্থান)

রাম। লক্ষণ !

(লক্ষণের প্রবেশ)

লক্ষণ। প্রভু !

রাম। এই মন্দিরের ঘারে রহ দাঁড়াইয়া,
যতক্ষণ স্বর্ণমূর্ত্তি
নিষ্কাশ না হবে শেষ—
কেহ যেন নাহি পশে মন্দির ভিতরে,
নাহি দেয় বাধা যোরে জানকীর ধ্যানে !

(রাম শিল্প-মন্দিরে প্রবেশ করিলেন)

লক্ষণ। সেই একদিন আর এই একদিন।
সেই পঞ্চবটী বনে—

অযোধ্যার রাজস্ব-ভোগ
দিয়া বিসর্জন—পশিলা জানকী সনে
যেদিন বৈদেহীনাথ—
রিক্ত-মুক্তা-মাণিক্যের-ছটা,
রিক্ত-সর্ক-রাজগর্ক—ঐশ্বর্যের-ঘটা,
গুরুপর্ণপত্র-ঘেরা, আভরণহারা
‘সুজ্ঞ এক পাতার কুটীরে,—
সেইদিন হ’তে, দীর্ঘ চতুর্দশ বর্ষ,
শর-শরাসন করে কুটীরের ঘারে
বাঁপিয়াছি দিন, বেচ্ছাত্রত চিরভৃত্য
দীন ব্রহ্মচারী !—আজ পুনরায়
কত যুগ পরে—রঘুপতি
পশিলেন এ মন্দিরে, পুণ্যস্মৃতি
জানকীর ধ্যানে ।
সেই গীতারাম, চিরভৃত্য
সে লক্ষণ ঘারে—সব সেই—
গীতার বিহনে শুধু অযোধ্যার
এ রাজপ্রাসাদ
অরণ্যের দীনতায় ভরা ।
(ত্র্যম্বকাবে ভরতের প্রবেশ)

ভরত । লক্ষণ ! কোথা রঘুপতি, প্রাণের দেবতা
মোর ভাই ? নিশিদিন বন্দ করি
হৃদয়ের সনে, পরাজিত
অভিমান মোর ।
আসিয়াছি ত্রীশ্রামের চরণদর্শনে ।

(লক্ষণ নিমন্তক হইতে সঙ্কেত করিলেন)

লক্ষণ । শুক হও—ধীরে কথা কও ।
ধীরে, অতি ধীরে কর মৃদু পাদক্ষেপ—
শাস্ত কর সর্ক চঞ্চলতা । মিনতি চরণে
হে অগ্রজ ! অসংযত বাক্যে তব
ভাঙিও না প্রভুর সমাধি !

ভরত । প্রভুর সমাধি !
বাক্য তব বুদ্ধিতে না পারি—
বল শীঘ্র কোথা রঘুপতি ?

লক্ষণ । ওই মন্দিরের মাঝে
মগ্ন গীতাস্মৃতিধ্যানে

ভরত । গীতাস্মৃতিধ্যানে !
দেবতা আমার,—

বজ্র হ’তে লুপ্তিন,
প্রফুল্ল কুহুম সম অতি সুকোমল
লোকোত্তর চরিত্র মহান্ তব—
সামান্য মানব আমি—
আমার বুদ্ধির অগোচর ।
হে রাঘব, রঘুকুল-রবি,
তুমি সত্য দশরথ-রাজার তনয়,—
প্রাণদিয়ে সত্যরক্ষা করা
এ বংশের ধারা ! মূর্খ আমি,
হেন কথা পূর্বে বুঝি নাই ।

(উন্মত্ত লবের প্রবেশ)

লব । আমারে কে বাধা দিবে ?
আমি মানিব না কোন মানা ।
কোথায় রাঘব,
কোথায় সে পত্নীত্যাগী
বেচ্ছাত্রের রাজা ?
লক্ষণ । অবোধ বালক !
সমাধিস্থ রামচন্দ্র,
উচ্চকণ্ঠে কহিও না কথা ।

(রামের প্রবেশ)

রাম । কার কণ্ঠস্বর ? কার কণ্ঠস্বর ?
স্বর্ণময়ী দেবীর প্রতিমা
মানবী হইয়া চিরপরিচিত
পুরাতন কণ্ঠস্বরে আমারে
নাশ্বনা দিতে এল !

ভরত । ইন্দ্রাকু-কুলের রবি,
কমা কর বুদ্ধিহীন
সেবকের গুরু অপরাধ ।

রাম । ভরত, ভরত !
তোমারে পাইয়া ভাই,
কণিতম আশা অন্তরে জাগিছে কেন ?
কেন মনে হয়—বুঝি তুমি
আসিয়াছ অগ্রদূতরূপে
অতীত সুখের কথা কব্রাতে স্মরণ—
মলয় হিম্মাল যথা,
গীতাস্মের শীর্ণ জীর্ণ ধরণীর বুকে,
নব বসন্তের বার্তা দেয় জানাইয়া ।

[লব রামের সম্মুখে আসিয়া দাঁড়াইলেন]

কিশোর বালক,
দেখিবি সে দেবীমূর্তি ?—

[মন্দিরের দ্বার খুলিয়া লবকে দেবীমূর্তি দেখাইলেন]

লব । তুমি, রাজা রামচন্দ্র
ধরণীর অধীশ্বর ?
রাম । তুমি—তুমি—কে তুমি বালক ?
লব । মহারাজ,
ধরেছিলাম আমি অশ্বমেধ-যজ্ঞ-অশ্ব তব ।
তোমার সমস্ত সৈন্য
সেনাপতি সহ পরাজিত মম করে,
তমসার তীরে জ্ঞানহারী—
ধরণী লোটার !
রাম । সেই নীল-নলিন-নয়ন ছুটি !
আঁখি-ভারকায় সেই স্নিগ্ধ
অমৃত পরশ ! বালক, বালক,
হেল রূপ কে তোমারে দিল,—
কোন্ মাতৃ-বক্ষ হ'তে
উচ্ছ্বসিত স্নেহ-রস-ধারা
করি' পান—ভুবনমোহন
দিব্য রূপ পাইয়াছ ?
লব । আমি তব শত্রু, হে রাঘব,—
আগি নাই শুনিবারে প্রিয় সম্ভাষণ ।
রণ—রণ মোরে দেহ রঘুপতি !
রাবণ-বিজয়ী মহাশূর,
যুদ্ধসাধ তোমার সহিত,
তাই আসিয়াছি আমি এ অযোধ্যাপুর ।
রাম । শত্রু নহ তুমি—
শ্রামকান্তি বনাস্তের নবীন
বসন্তশোভা, চির-অভ্যাগত তুমি,
শুভ আর্ত এ হৃদয়-ধারে ।
ওই চক্ষুছটি তব অষ্টাদশ বর্ষ
ধরি' করিয়াছি ধ্যান,—আমার সে
দেবীমূর্তি মাঝে, তব মূর্তি
সদোপনে ছিল লুকাইয়া—
বর্ণ, গন্ধ, স্পর্শ তার এসেছিল
সর্বদিক হ'তে, তরঙ্গ
তুলিয়াছিল প্রাণে,—
তবু যেন পাইনি সন্ধান !
কিন্তু তোর কণ্ঠস্বর—
আর ওই ভুবনভুলানো আঁখি—

লব । একি, জননী আমার !
রাম । তোমার জননী !
তুমি তবে, সীতার তনয় ?
লব । জনম-দুখিনি জনক-তনয়া সীতা
জননী আমার !
রাম । রাজপুত্র ভিখারীর বেশে !
ওরে বৎস ! কোলে আয়—
কোলে আয় ।
লব । না-না-না-না-না,
নহি আমি রাজপুত্র ।
তুমি করিয়াছ ভিখারী আমার,—
জনমের সঙ্গে সঙ্গে
ভিক্ষাপাত্র করে দেছ' তুলি !
মা—মা, কোথা তুমি জননী আমার !
[লবের দ্রুতবেগে প্রস্থান]

রাম । ভরত, লক্ষণ !
ফিরাও বালকে ।
[ভরত ও লক্ষণের প্রস্থান]

[রাম মূচ্ছিত হইয়া পড়িলেন—রক্তমণ্ড অন্ধকার
হইয়া গেল । ক্রমে ধীরে ধীরে আলোকের
প্রকাশ হইল ও রাম চেতনা পাইলেন]

রাম । ভগবান, ভগবান,
দয়া কর, দয়া কর মোরে প্রভু ।
মস্ত মন প্রমত্ত বারণ,
কোন বাধা মানিতে না চায়—
ধেরে যায় সেই দূর বনে—
বহুতোয়া স্থির-শান্ত তমসার তীরে,
নির্জল কান্তারে—
বেধা মোর প্রিয়া,
নিত্য ভাসে নয়নাশ্র-জলে ।
দেবগণ, ঋষিগণ !
ভিক্ষা মাগি সবাংকার কাছে—
হৃদয়ের রক্ত মোরে দাও ফিরাইয়া,
ফিরাইয়া দাও প্রভু !

সত্যাসত্য, কার্যাকাৰ্য্য কিছুই
বুঝিতে আর নারি।
যেঁর ভাষাচ্ছন্ন হৃদয় আমার—
নিৰ্ধাপিত সত্যের নিবাত নিকল্প
দীপশিখা, শ্রেয়শ্রেয়
একসঙ্গে বুঝি বা হারাই!

(ভরত ও লক্ষ্মণের প্রবেশ)

আসিল না ফিরে?
লক্ষ্মণ। না মহারাজ,
সরযু-সৈকত দিয়া
ছুটেছে বালক। জননীর দুঃখ স্মরি'
ছুই চ'ক্ষে ঝরিছে সহস্রধারা—
সরযুর দুই তীর
মাতৃনামে মুখরিত করি
চলিয়াছে মহাবীর।

ভরত। কহিলাম তারে—
“আয় বৎস, ফিরে আয়,
ফিরে আয় অযোধ্যায়—”
অভিমান-বিদ্ধ বুকে, রুদ্ধকণ্ঠ
মৰ্ম্ম-বেদনার কহিলা বালক—
“যজ্ঞ-অশ্ব এই নাও প্রভু,
বীরত্ব-গৌরব—রণ-আকিঞ্চন,
আমার ফুরায়ে গেছে সব।
জননী দেবতা মোর, তাঁরে নিয়ে
দেশে দেশে করিব ভ্রমণ,
অযোধ্যার রাজ্যে দেব আর ফিরিব না!
জননীর অপমান যেথা,
সেথা আর কেমনে ফিরিব?—
পিতা যার জননীর অপমান করে,
শ্রেয় তার প্রাণবিসৰ্জন।

রাম। হে ঈশ্বর,—
অন্তর্যামী দেবতা বিখের,
যথার্থ সত্যের পথ
দাও দেখাইয়া মোরে।—
সত্যই সত্যের ককাল আমি
করিতেছি পূজা—
কোথা সত্য, কোন্ কললোকে?

থেকো না লুকায়ে আর—
শাস্ত্রের জটিল আবর্তমাঝে—
একবার নেমে এস, মৃত্তিকার
ধরণীর' পরে।—তারস্বরে
মৰ্ম্ম হোর কহে বার বার,—অবিচার
অবিচার! অবিচার করিয়াছ
জানকীর প্রতি, অবিচার করিয়াছ
প্রফুল্ল কুম্ভ সম স্মৃটোমুখ
সুকুমার যুগল শিশুর প্রতি,
অবিচার করিয়াছ মাতা ভ্রাতা,
আত্মীয়-স্বজন প্রতি, নিজ
হৃদয়ের প্রতি।
অবিচার, কারো প্রতি অবিচার
রাজধৰ্ম্ম নহে।
কুদ্ৰ সত্য রক্ষা হেতু বুঝি হায়—
মহা সত্যে দিছি জলাঞ্জলি!
কে বলিবে—?
শাস্ত্রের বচন সত্য—কিছা সত্য
এই মোর মৰ্ম্মভাণ্ডা—
মৰ্ম্মের কাহিনী!

(বাত্মীকির প্রবেশ)

বাত্মীকি। বৎস,
মৰ্ম্মের কাহিনী।
মৰ্ম্ম যায়ে সত্য বলি দেয়
দেখাইয়া, সেই সত্য, —অন্ত সত্য নাই
সত্য হৃদয়ের গ্রন্থি করে ভেদ,
সত্যের পরশে হৃদয়-আঁধার
দূরে যায়—ধরণীর অন্ধকার যথা
প্রভাত-রবির স্নিগ্ধ কিরণসম্পাতে,
বিকশিত হৃদয়-সরোজে
নিমিষে সংশয়নাশ,
বৎস, সত্য আপনার আপনি প্রকাশ!

রাম। দৈববাণী সম
গভীর উদাস্তস্বরে প্রচারিয়া
সত্যের মহিমা—
কোন্ দেব উদিলেন রাজপুরে?
বাত্মীকি। আমি যে ঋষি বাত্মীকি,
রামায়ণ-গ্রন্থ-কর্তা;

বৎস, বাস্তব জগৎ হ'তে দূরে—অতি দূরে
কাব্যের জগতে, কল্পনার রাজ্যে,
তুমি আমারি স্বজিত,
আপনার আত্মজগম
বড় প্রিয়, বড় প্রিয় নয়বর !

[তিন ভ্রাতা বাত্মীকিকে প্রণাম করিলেন]

রাম । দেব,
কৃতার্থ এ দাস তব আগমনে ।
বড় স্নগময়ে আসিয়াছ দেব !
তুষিত আকুল চিত্ত তোমারেই
বুঝি ডেকেছিল—সঙ্কোপনে
প্রাণের ভিতরে—।
রামায়ণ-কাহিনীর মহাকবি,
অন্তর-বাহির মোর সব জ্ঞান তুমি—
তব অবদিত কিছু নাই !

বাত্মীকি । আনি বৎস, সব আনি—
গীতাময় তুমি,
জানকীর ধ্যানে যাপিতেছ
এ দীর্ঘ বিরহ ।

শঙ্কা দূর কর মহাভাগ,
গীতা আছেন কুশলে
মদ্যস্রমে পুত্রবয়স সহ ।

রাম । অশ্বমেধ-যজ্ঞ-অশ্ব করি জয়
এসেছিল পুত্র মোর অযোধ্যায় ।
পিতৃ-পরিচয় পেয়ে—
লজ্জার ঘণায়,
কৈদে ফিরে গেছে ।

বাত্মীকি । তাও আনি রাম,
সরযুর তীরে রুণ্ডমান
বালকে দেখিছ ।

রাম । এখন আমরা প্রভু,
সত্য পথ দাও দেখাইয়া !
রাজধর্ম ডুবুক অতল জলে—
হৃদয়ের ধর্ম সনে
যদি তার না হয় মিলন ।
হৃদয়ের উপবাস—
আর আমি সহিতে না পারি ।
তব আগমনে দেব,
সত্যপথ পেয়েছি দেখিতে—

সহজ, সরল—

নহে আর সমস্তার জাল দিয়ে ঘেরা ।
প্রভু, এ দৃঢ় সঙ্কল্প মোর
কহি' কথা পাদস্পর্শ করি—
জানকীর তরে রাজ্য ত্যজি
কাননে পশিব পুনরায় ।

(বশিষ্ঠের প্রবেশ)

বশিষ্ঠ । রাম, গোমতীর তীরে,
পুণ্য যজ্ঞক্ষেত্রে—সমাগত
দেব-ঋষি-মুনিসত্ত্ব, আর আর
রাজগণ যত । সমস্ত ভারতবর্ষ
একত্রিত মিলিত হ'য়েছে—স্বর্গে
বসেছেন দেবগণ পুষ্পবৃষ্টি
করিবার তরে,—
এস ডরা, যজ্ঞারম্ভ হবে !—
একি ! মহর্ষি বাত্মীকি !
নমস্কার, নমস্কার ঋষি !

বাত্মীকি । নমস্কার দেব !

রাম । গুরুদেব,
যজ্ঞ আপাততঃ রহিবে স্থগিত,
সমাগত রাজ-ঋষি-প্রজাগণ
সবার সম্মুখে, ভরতেয়ে দিরা
সিংহাসন, বানপ্রস্থ গ্রহণ করিব আমি—
স্বর্ধ্যবংশে ভরত হইবে রাজা ।

বশিষ্ঠ । রাম, বাক্য তব বুঝিতে না পারি ।

রাম । হৃদয়ের ধর্ম ছাড়া
অস্ত্র ধর্ম মানিতে নারিব, প্রভু ।
শুভ শাস্ত্রের বচন,
লোকাচর, সমাজ-নিয়ম,
যার চাপে নির্দোষীর বুক ভেঙ্গে যার,
তারে সত্য বলি মানিব না !—
হেন স্বাধীনতা যদি নাহি নৃপতির,
নৃপতিত্ব দিহু বিসর্জন ।
আমার প্রেমের লাগি সন্ন্যাসিনী
হইরাছে প্রিয়ার—
জানকীর পূজাতরে
বনবাসী সন্ন্যাসী হইব আমি ।

বশিষ্ঠ । যজ্ঞ-অমুষ্ঠান হেতু
স্বর্ণসীতা নিজে তুমি করিলে নির্দাণ,—
রাম । স্বর্ণসীতা, স্বর্ণসীতা ?
সোনার প্রতিমা দিব বিসর্জন
নিজ হস্তে সরসু-গলিলে !
ভরতে বসাব সিংহাসনে ।
তারপর,
বানপ্রস্থ করিব গ্রহণ ।
ভরত । তব পরিত্যক্ত অভিশপ্ত স্বর্ণসিংহাসন
গ্রহণ করিব আমি—
কত মনে নাহি দিও স্থান !
বশিষ্ঠ । রাঘবের তক্ত সিংহাসন
সূর্য্যবংশে কেহ লইবে না !
রাম । কেহ লইবে না ?
লক্ষণ !
লক্ষণ । প্রভু ! (অস্বীকার করিলেন)
রাম । অভিশাপ—অভিশাপ
আমার প্রাণের ব্যথা
কেহ বুঝিবে না !

(কঙ্কূকীর প্রবেশ)

কঙ্কূকী । শতানন্দ, জাবালি, নারদ,
অষ্টাবক্র, ক্রতু, অত্রিযুনি
সমাগত যজ্ঞস্থলে—
রাজভ্রাতা, রাজগুরু
নৃপতির অদর্শনে অতীব চঞ্চল ।
রাম । চঞ্চল—চঞ্চল ?
বশিষ্ঠ । রাম,
ত্রিভুবন আছে প্রতীক্ষায়—
রাজ্যে বিপ্লব আশঙ্কা করি,
তুমি যদি বানপ্রস্থ করহ গ্রহণ ।
রাম । প্রভু,
ত্রিভুবন থাক্ প্রতীক্ষায়—
বিপ্লবে ভাগিনা বাক্ রাজ্য—
প্রভু !
রাজ্য নাহি চাই,—
সহস্র সাম্রাজ্য হ'তে, রাজ্যের কর্তব্য হ'তে
শ্রেষ্ঠতর জানকীর প্রেম ।

সে প্রেম সাধনতরে কাননে পশিব,
সতী-দেহহারা হ'য়ে পশিলেন
উমাপতি যথা—
ধবল ভূবারমৌলি হিমাজি শিখরে !
বশিষ্ঠ । কি উপায়, মহর্ষি বাম্মীকি !
তুমি যদি উপায় না কর,
সূর্য্যবংশ—দেবতা-স্থাপিত বংশ—
বুঝি দেব, যার রসাতলে ।
বাম্মীকি । দিব্য চক্রে দেখিতেছি
একমাত্র উপায়—‘জানকী’;
কিন্তু অযোধ্যার প্রজাগণ
অপমান করিয়াছে যোর জননীরে ।
শাস্ত্রনেত্রে রাজলক্ষ্মী—রাজ্য হ'তে
লয়েছে বিদায়—
কেমনে ফিরাবে তাঁরে আর ?
বশিষ্ঠ । মহর্ষি বাম্মীকি, তুমি বিনা
এ সমস্তা সমাধান
আর কে করিবে ?
বাম্মীকি । আবাল-বনিতা-বৃদ্ধ, অযোধ্যার প্রজা,
রাজ্যের নায়কগণ—
জানকীর ত্রিচরণে ক্ষমা যদি চায়—
সকলের মঙ্গলের তরে,
আমার সে বনলক্ষ্মী—
অযোধ্যায় আবার আনিতে পারি ।
বশিষ্ঠ । তাই কর, তাই কর ঋষি !
জানকীরে এনে দাও,
রাজলক্ষ্মী রাজ্যে পুনঃ
হোন্ প্রতিষ্ঠিত ।
নহে যুনিবর, এ রাজ্যের
মঙ্গল কোথায় ?—
অযোধ্যার প্রজাগণ
ত্রিকালজ্ঞ ঋষি বাম্মীকির আজ্ঞা
নিশ্চয় পালিবে ।
ভরত । অবশ্য পালিতে হবে ।
আমি নিজে জিজ্ঞাসিব জনে জনে—
ঋষিবাক্য কেহ যদি করে অবহেলা,
এই শর-শরাসন দিয়া
রাজ্য পাঠাইব রসাতলে
প্রজাগণ সহ ।

(হুম্মুখের প্রবেশ)

রাম হুম্মুখ !—

(আত্মগত) অমরল, অমরল !

হুম্মুখ । রাজপুরোহিত,
আদিকবি মহর্ষি বান্দীকি,
মহারাজ, রাজ-ভ্রাতৃগণ—
অক্লান্ত কাহিনী এক নিবেদন
করিতে এসেছি ।

বশিষ্ঠ শীঘ্র বল, ভূমিকায় নাহি প্রয়োজন ।
রাজ্যের নামকগণ,
আবাল-বনিতা-বৃদ্ধ অযোধ্যার প্রজা,
হেরি স্বর্ণময়ী মূর্তি জানকীর,
রাজ-মহিষীর চরণ-দর্শন হেতু—
ব্যাকুল হয়েছি ।

ভরত । (সোম্বাসে) সত্য ?—সত্য ?—

হুম্মুখ । মহাভাগ,
মিথ্যা কথা হুম্মুখ কি কহে ?—
কহিছে তাহার—
“এমন দেবীর মূর্তি ধীর—
বিহনে সে পুণ্যবতী মহীশূরী রাণী
রামরাজ্য অসম্পূর্ণ,
রাণীরে আনিতে হবে পুনঃ অযোধ্যায়
ভরত দেব,
দেবপুত্র্য ঋষিবর, অবিলম্বে
যজ্ঞস্থলে চল—
ঋষির চরণ ছুঁয়ে করাব শপথ
সবে ।—লক্ষণ প্রস্তুত রাখ রথ—
তোমাকে যাইতে হবে ।
হুম্মুখ,

[ভরত হুম্মুখের কানে কানে কি বলিলেন,
তারপর রাম ও হুম্মুখ ব্যতীত সকলে
চলিয়া গেলেন]

রাম । হুম্মুখ !

হুম্মুখ । মহারাজ,
সুদীর্ঘ রজনী প্রভু,
বুঝি পোহাইল এত কাল পরে ।
নরেশ্বর,
আজ আমি রত্নহার পুরস্কার চাই !

রাম ।

হুম্মুখ,
কি বলিলে,
চাহ রত্নহার ?—

[রত্নহার প্রদান করিতে গিয়া মূর্ত্তিত হইলেন]

চতুর্থ অঙ্ক

প্রথম দৃশ্য

[তমসার তীর—ধরিত্রীর বুকের ভিতর হইতে
এক করুণ-সঙ্গীত বাহির হইতেছিল ।
সঙ্গীতের সেই মূর্ত্তনা আকাশে বাতাসে,
তরুর মর্ম্মরধ্বনিতে, তমসার কল্লোলে
অঞ্চল বিশ্ব-প্রকৃতিতে বিলীন
হইল । সীতা আনমনে গান
গুনিতেছিলেন । আজ্ঞেরী
সীতার মুখের দিকে
চাহিয়াছিলেন ।]

(গান)

ধরার মেয়ে, ধরার মেয়ে
আমি গো ধরার মেয়ে ।
শীতল অতল ডাকছে তোমায়,
মুখের পানে চেয়ে ।
বাতাস তোমায় বলছে আপন,
আকাশ তোমায় দেখছে স্বপন,
তোমার তরে চন্দ্র-তপন
আসছে অসীম বেয়ে—

সীতা । কি সুন্দর গান ।

আজ্ঞেরী, শুনেছিস ?
আমি বিমোহিত-প্রাণ,
আপনারে দিয়াছি ভাবায়
ও মধুর সঙ্গীত-প্রবাহে !
আজ্ঞেরী । গুনিলাম সঙ্গীত-লহরী—
বড় সুরঙ্গ, বড় সুমধুর ।
কিন্তু মাগো, কোথা হ'তে
আসে গান—কোথায় বিলাস—

এ বিজনে কেবা গায়—
কেন গায়—কিছুই বুঝিতে নারি !
সীতা । ভূতধাত্রী ধরিত্রী জননী

প্রকৃতি-রূপিণী ;
হৃদয়-কন্ডর হ'তে তাঁর,
হেন গান সমবেদনার
সদাই ঝঙ্কত হয়—
সে-ই শুনে, শুনিতে যে জানে !
সংসারের রোলে বধির যে জন,
মনোবিমোহন এ সঙ্গীত
শুনিতে না পায় কভু ।

আজ্জেরি,
শুনিতেছি নিত্য নিশিদিন,
এ আহ্বান জননীর,
মাতা ডাকিছেন মোরে,
“আয় বাছা, ফিরে আয়,
ফেলে আয়, ছিঁড়ে আয়,
সংসার-বন্ধন ।”

আজ্জেরী । জননি । জননি ।

হেন নিদারুণ বাণী নাহি কহ ।

সীতা । প্রথম যৌবনে,
পঞ্চবটী বনে—রাঘবের সনে,
জীবনের পরিপূর্ণ স্নেহের মাঝারে,
মধুর বহিত যবে জীবন-প্রবাহ—
এই গান প্রথম শুনিয়াছিহু,
গোদাবরী-নদী-কলতানে,
তরঙ্গের লহরী-লীলায় ।
সেদিন অফুট ছিল ধ্বনি,—
অর্থ তার রহস্তের জাল দিয়ে ঘেরা ।—
ক্রমে “ফুটন্তর ধ্বনি
জীবনের স্তরে স্তরে—
অশোক-কাননে, লঙ্কায় সমুজ্জ্বলিত
অযোধ্যার রাজসিংহাসন-অস্তরালে,—
আজি অর্থ সহজ, সরল—
রহস্ত-আবৃত নহে আর !

(নেপথ্যে গান)

মর্জ মর, শূণ্য তরুর কুঞ্জ,
দীপ্ত হেথা তপ্ত বায়ুর গুঞ্জ,

বিধ যে তাই তস্মাহারা—
তটিনী তার অশ্রুধারা—
চিন্ত আকুল চুখে গারা—
ক্রন্দন-গান গেয়ে ।

সীতা । ওই শোন—ওই পুনরাবৃত্ত,
জননী আমার সঙ্গীতের তানে
মোরে ডাকিছেন ।
এত দিন পাইনি সন্ধান—
আজ আমি অহুভব করিতেছি—
“বড় মধুময় মৃত্যু,
জীবন-রোগের মহোষধি !”
আজ্জেরি, আজ্জেরি !
ওই দেখ, ভ্রমসার কালো জলে
জননীর সিংহাসন পাতা ।

আজ্জেরী । বার বার চুখের আঘাতে,
মস্তিষ্ক-বিকৃতি বুঝি ঘটিল মাতার !
শাস্ত হও, শাস্ত হও জননী আমার,
লবকুশ পুত্র-ছুটা
আছে মাগো তোর মুখ চেয়ে !

সীতা । ও কথা তুলো না কানে আর !
অষ্টাদশ বর্ষ ধরি
যে বন্ধনে বাঁধিয়াছি প্রাণ—

[লব ছুটিয়া আসিয়া জননীর কোলে মুখ লুকাইল]

লব । মা, মা, অভাগিনী জননী আমার !

[লব আর কোন উত্তর করিতে পারিল না ।
তার কথা বলার সমস্ত প্রচেষ্টা
রোদনে পর্যাবসিত হইল]

সীতা । এ কি লব ।
প্রিয়তম পুত্র মোর—
কি হ'য়েছে ?
রে অশান্ত, রে চঞ্চল-বিহ্বল আমার—
আমার বুকের নীড়ে মুখ লুকাইয়া
কেন বাছা—কেন এ ক্রন্দন ?
কি দুর্জয় অভিমান
আঘাতে ক'রেছে দীর্ঘ ওই ছোট বুক !

লব । (বুকের মধ্য হইতে ধীরে ধীরে মুখ তুলিল)
কেন, কেন—কেন বল নাই মোরে ?

শুধাইয়াছিহু প্রাণ কত শতবার,
 তবু কেন পাইনি উত্তর ?
 আমি কি তোমার পর !—
 তোমার দুঃখে বারে নাক' মোর আঁখিধারা ?
 গীতা । লব, অভিমানী তনয় আমার,
 দুঃখিনী জননী প্রতি
 কেন, কেন এত' অভিমান ?
 লব । তুমি আমার ঘরনী,
 হেন কথা পূর্বে কেন বল নাই মোরে ?
 নির্দাসিতা, নির্ধ্যাতিতা, প্রীড়িতা
 জননী আমার !—
 গীতা । লব, লব !
 আত্মেয়ি, আত্মেয়ি !
 সব দুঃখ ভুলি' তবু কেন
 চিত্ত মোর ভরে উঠে
 আনন্দের পূর্ণ বেদনায় !
 লব । যৌবনে যোগিনীবেশে,
 অনাহুত দুঃখের পসরা নিলে শিরে—
 লঙ্কেশ্বরে ঘুণায় দলিয়া পদতরে,
 সহিলে অশেষ দুঃখ অশোক-কাননে—
 অপমান নিলে বক্ষ' পাতি,
 পতির কারণে পশিলে মা
 জলন্ত অনলে । শত অবিচার
 সহিয়াছ অকাতরে জনক-তনয়া,
 সেই তুমি জননী আমার ।
 গীতা । সর্ব দুঃখ হইয়াছে লয়,
 মায়ের গৌরবে—বৎস,
 কুশ আর তোরে পেয়ে কোলে !
 লব । তোমার দুঃখের লাগি
 বাসিয়াছি তোমারে মা ভালো,
 নয়ন-আনন্দ তুমি—তুমি, তুমি,
 তুমি মাগো, হৃদয়ের আলো !
 (বাহ্মীকির প্রবেশ)
 বাহ্মীকি । গীতা !
 গীতা । একি, পিতা ! আসিলেন ফিরে,
 অশ্বমেধ হ'য়েছে কি শেষ ?
 বাহ্মীকি । না বৎসে, হয় নাই শেষ ।
 সত্য সহধর্মিণীর সহ
 করিবেন যাগ নরেশ্বর ।

তোমারে যাইতে হবে মাতা,
 রাজধানী অবোধানগরে ।
 লব । না, না, না,—
 হেন কার্য কখন' হবে না,—
 মোর জননীরে আমি
 যেতে নাহি দিব ।
 বাহ্মীকি । লব !
 লব । অবোধার রাজধানী,
 রাজা, প্রজা, রাজপুরুষাঙ্গী
 করিয়াছে অপমান জননীরে মোর ।
 অতিশয় সে রাজধানীতে
 জননী আমার কত করিবে না
 পদার্পণ । ধনগর্বে গর্বিত নগরী,
 নাহি জানে নারীর সম্মান—
 শিখিয়াছে সুবর্ণের পূজা !
 বাহ্মীকি । লব,
 করিয়ে না অবিচার রাঘবের প্রতি ।
 রাজধর্ম রক্ষা হেতু—পালিবারে
 অতি প্রতিপাল্য সমাজনিয়ম,
 জানকীরে দিলা বিসর্জন ।—
 মহৎ সে আত্মদান—
 তোমারি পিতার যোগ্য লব ।
 পুণ্য অশ্বমেধ-যজ্ঞে,—
 ত্রিভুবন একত্রিত যেথা,
 সেথা সর্ব প্রজা মাঝে, রামচন্দ্র জানকীরে
 ধর্মপত্নী বলি' করিয়া গ্রহণ
 বসাবেন স্বীয় সিংহাসনে ।
 লব । রাজসিংহাসন চেয়ে
 শ্রামাঞ্চল বনানীর
 প্রিয় জননীর মোর !
 বাহ্মীকি । সত্য লব !
 কিন্তু প্রিয় শিষ্য মোর,—
 “গীতারে আনিয়া দিব”
 করিয়াছি বাক্যদান ।—
 রাঘবের কাতরতা দেখিতে নারিছ ।
 গীতা যাবে এ কানন ত্যজি,
 বনলক্ষ্মী লইবে বিদায়—
 চির অন্ধকার গ্রাসিবে এ বন—
 মাতার বিহনে,

হয়তো' বা বাঁদীকি মরিবে,—
তবু,—তবু,—তবু হায়
জননীরে যেতে দিতে হবে।

সীতা। পিতা,
অযোধ্যার প্রজা—

বাঁদীকি। মাতা,
নাহি আর রাখ অভিমান !
ক্ষমা কর অযোধ সন্তান ভাবি'
অজ্ঞানের গুরু অপরাধ।
ঘুচে গেছে সবাকার ভ্রম।
দেখ মাগো, রাজ্যের নায়কগণ
আসিতেছে অভ্যর্থনা করিতে
তোমায়। লক্ষণ এনেছে রথ।

[কুশের সহিত লক্ষণের প্রবেশ ; সেই সঙ্গে
অযোধ্যারাজ্যের নায়কগণও শঙ্কিত পদে
প্রবেশ করিল]

কুশ। দেখ লব,
কাহারে এনেছি ধ'রে ;—
মেঘনাদ-জয়ী বীর, পিতৃব্য মোদের।
লব। চরণে প্রণাম তাত।

[লব লক্ষণকে প্রণাম করিল, লক্ষণ
আলিঙ্গন করিলেন]

লক্ষণ। দেবি,
নির্লজ্জ লক্ষণ আসিয়াছে পুনরায়।
এস দেবি, ফিরে চল অযোধ্যায়।
চল, একবার ফিরে চল—
কর ক্ষমা, অযোধ্যার পুরবাসী
সবাকার গুরু অপরাধ।

সীতা। হে সৌমিলি,
কুশল সবার, সরযু-মেখলা
অযোধ্যার প্রজাগণ সুখে আছে ?

লক্ষণ। অযোধ্যার কুশল—কল্যাণ
হে কল্যাণি, কিছু আর নাই।
কর কৃপা দেবি।

সকলি মজিবে মাতা, তব কৃপা বিনা।

বাঁদীকি। চল মা জননী,
রাখবের দুঃখ আর সহিতে না পারি—
চল কুশী-লব।

সীতা। ডাকিছেন রঘুনাথ,
পিতা ক'রেছেন বাক্যদান,
লক্ষণ এনেছে রথ ;—
কেমনে রহিব স্থির এ কাননে আর ?—
চল কুশী-লব।

অভিমান দূর কর লব,—
দেখ আমি ত্যজিয়াছি সর্ব অভিমান,
ডাকিছেন রাম,—অযোধ বালক,
আর কিরে অভিমান সাজে।

[আবার অন্তরীক্ষে গান শোনা গেল]

(গান)

ধরার মেয়ে, ধরার মেয়ে,
আয় গো ধরার মেয়ে।
শীতল অতল ডাকছে তোমায়
মুখের পানে চেয়ে।

[সকলের প্রস্থান]

[বাঁদীকি কিছুক্ষণ দাঁড়াইয়া গান শুনিলেন। তারপর
যে অদৃশ মহাশক্তি মানব-জীবনকে মহা পরিণতির
দিকে লইয়া যান, তাঁহাকে প্রণাম করিলেন]

বাঁদীকি। নমো, নমো, নমো, নমো
পরমা নিরুত্তি—
নমো, নমো
হে অজ্ঞাত মহাপরিণাম।

দ্বিতীয় দৃশ্য

[দেবর্ষিগণ, ব্রহ্মর্ষিগণ, মহর্ষিগণ, রাজগণ, রাজকুমারগণ,
রাজকর্মচারিগণ, সৈন্যগণ, বানরগণ, রাক্ষসগণ,
রাজদূত, প্রতিহারী, ক্রীতদাসীগণ, নাগরিক-
নাগরিকাগণ, কুলবধূগণ প্রভৃতি। রাজসিংহাসনে
উপবিষ্ট রাম—চারিপার্শ্বে ভরত, শত্রুঘ্ন, রাক্ষস-বানর
প্রভৃতি মিত্রগণ। মুখে প্রতীক্ষার চিহ্ন। উৎসবের
আনন্দ হইতে নির্বাসিত তাঁর মন ছিল বনপথে।]

(বৈভালিকের গান)

শ্রীরামচন্দ্র কৃপালু ভজু মন হরণ ভব-ভয় দারুণম্।
নব কজ্জলোচন, কজ্জলুখকর-কজ্জল কজ্জলগম্॥

কন্দর্প-অগণিত অমিত ছবি নব,
নীল নীরদ স্নানরম্ ।
পটপীত মানহ তড়িৎ রুচিশুচি,
নৌমি জনক-সুতাবরম্ ॥
ভঙ্কু দীনবঙ্কু দীনেশ, দানব-দৈয়েতবংশ-নিকন্দনম্ ।
শির-মুকুট-কুণ্ডল, তিলকচাক্র, উদারঅঙ্গবিভূষণম্ ।
আজানভূজ শর-চাপ-ধর,
সংগ্রামজিৎ খর-দোষণম্ ॥

বশিষ্ঠ । সপ্তর্ষি-মণ্ডল,
দেবপুত্র্য ঋষিগণ, রাজগণ,
প্রজাগণ সবে,
আজ সত্য আনন্দের দিন,—
রাজলক্ষ্মী আসিবেন রাজপুরে ফিরে ;
সমাগত শত লক্ষ মানবের,
অয়ধ্বনি মাঝে,
বসিবেন রাজসিংহাসনে,—
অযোধ্যার রাজ্য ধন্য হবে,
প্রজা সুখী হবে,—
উঠিবে আনন্দধ্বনি বিপুল গোরবে ।
(রাজদূতের প্রবেশ)

রাজদূত । রাজভ্রাতা
লক্ষণের রথ সরযুর তীরে
দেখা যাম্ ।
ভরত । যাও দূত,
নগর-তোরণদ্বারে বাজুক মঙ্গল-
বাণ । পুরনারীগণ
শঙ্খধ্বনি, ছলুধ্বনি করুন যতনে ।
[দূতের প্রস্থান]
রাম । অষ্টাদশবর্ষ পরে
আবার পাইব দেখা,
ফিরে পাবো হারাণো রতন ।
নহে শুধু সীতা—সুকুমার দুই পুত্র
সর্ববিভা-বিশারদ আয়ুধ-কুশল,—
তবু কেন কেঁপে উঠে প্রাণ ।
(দ্বিতীয় রাজদূতের প্রবেশ)

দ্বিতীয় দূত । যজ্ঞশালা-বারদেশে
উপনীত রথ ।
দেবী অবতীর্ণা রথ হ'তে ।

[নেপথ্যে মঙ্গলবাণ বাজিল ও শঙ্খধ্বনি হইল ।
অগ্রে বাম্মীকি, পরে সীতা, পশ্চাৎ
লক্ষণ, সকলের শেষে লক্ষণের
প্রবেশ ।]

ভরত । সভাসদগণ ! ওই হের
মহর্ষি বাম্মীকি সাধে
আসিছেন জনক-তনয়া,
ঐতি যথা ব্রহ্মাঙ্গারিণী ।
কার সাধ্য এ দেবী অপবিত্রা কহে ?

[রাম সিংহাসনে চঞ্চল হইলেন । নিজের
অজ্ঞাতগারে তাঁর মুখ দিয়া বাহির হইল—]

রাম । সীতা—সীতা ।
বশিষ্ঠ । এস মা জননি,
সমাগত সর্ব রাজ-ঋষি প্রজাগণ—
সবারে শুনায়ে কর মা শপথ,
পতিব্রতা তুমি,
পতিধ্যানে যাপিয়াছ এ দীর্ঘ জীবন ।
(সীতা শুধু একবার মুখ তুলিয়া বলিলেন)

সীতা । আবার শপথ !
বাম্মীকি । মহর্ষি বশিষ্ঠদেব,
জননীয়ে শপথ করিতে হবে ?
বশিষ্ঠ । সূর্য্যবংশ-নৃপতির
কলঙ্কক্ষালন হেতু
হে মহর্ষি,
শপথের আছে প্রয়োজন ।
বাম্মীকি । ষাঁর নাম, ষাঁর কার্য্য,
যাঁর পবিত্র চরিত্র-কথা
ধ্যান করি আজীবন,
দস্যু রত্নাকর আজ মহর্ষি বাম্মীকি—
সেই সতীকুল-রাণী, রাজেন্দ্রাণী—
জনক-তনয়া—ত্রিভুবন সাক্ষী রাখি'
করিবে শপথ, আপনার পবিত্রতা
করিতে প্রমাণ ?
এর চেয়ে হস্তকর কি আছে অগভে আর ।
মূর্খ পৌরজন !
এখনো সময় আছে,

এই বেলা আত্মকৃত অপরাধ-
কালনের ভরে—চাহ কমা জননীর পদে ;
অন্তধায় অনর্থ ঘটিবে !

বশিষ্ঠ । কমা কর দেব !

প্রজার বিশ্বাস হেতু
হেন কথা কহি !

মুচ পৌরজন আর যেন কভু,
কটু কথা কহিবার সুযোগ না পায় ।

[রামচন্দ্র প্রতিবাদ করিতে গেলেন,
কিন্তু মুখে কথা ফুটল না]

বান্ধীকি । জননী আমার,

ক'রো কমা বৃদ্ধ এ তনয়ে তোর !
আমি নাহি জানিতাম,
রাজকাণ্ড হেনমত, রাজসভা
হেন ভয়ঙ্কর স্থান—প্রতিজ্ঞদে
অতি ক্রুর সংশয় সন্দেহ করে বাস,—
না জানিয়া অমুরোধ ক'রেছিছু মাতা,
রাঘবের দুঃখ স্মরি' । রাজা রামচন্দ্র !—

লব । হেন অপমান ত্রিভুবন সাক্ষী রাখি ।
আয় মাগো, রাজ-সিংহাসনে
কাজ নাই ।

বান্ধীকি । সেই ভাল—সেই ভাল—

চলে আয় মাতা ।

[রামচন্দ্র আর একবার প্রতিবাদ করিতে গেলেন,
সীতার তেজস্বিতাপূর্ণ মুখের দিকে চাহিয়া আর
তার প্রতিবাদের শক্তি রহিল না ।]

সীতা । শাস্ত হও লব,
শাস্ত হ'ন পিতা ।

সবাকার সন্দেহ ভাঙিব ।
প্রতিজ্ঞা করিব, মহতী এ
রাজসভা-তলে ।

সাক্ষী হও—দেব-ঋষি, ব্রহ্মর্ষি, মহর্ষি,
সাক্ষী হও—অন্তরীক্ষ-দেবতা-মণ্ডলী,
সাক্ষী হও—সমাগত ক্রতু-রাজগণ,
সাক্ষী হও—প্রজা অবোধার পৌরজন,
সাক্ষী হও—স্বামী রামচন্দ্র—

রাম । কাস্ত হও, কাস্ত হও, সীতা !
স্বক হও, কহিও না কথা ।

সীতা

প্রাণেশ্বর, তোমায়ে লইয়া
রাজ্য ছাড়ি কাননে পশিব ।

শাস্ত হও স্বামী,

শাস্ত হও প্রভু,

সাক্ষী হও—ঋগ্বেদবীগণ, রাজবধু

উর্মিলা, মাণ্ডবী, শ্রুতকীর্তি,

রাজ-অন্তঃপুর-নিবাসিনী নারীগণ,

সবার সম্মুখে আমি সত্য কহিতেছি,

স্বামী-ধ্যান, স্বামী-জ্ঞান মম,

স্বামী ছাড়া অল্প কথা

ভাবিনী জীবনে ।

রাম । না—না—না—না—

রাখ অমুরোধ সীতা,

করিও না পণ ।

সীতা । শাস্ত হও প্রভু !

(স্বর্গ হইতে সীতার মস্তকে পুষ্পরুটি হইতে লাগিল)

ভরত । হের,

অবিস্বাসী পৌরজন,

স্বর্গ হ'তে দেবগণ

দেবীর মস্তকে করে পুষ্প বরিষণ ।

সীতা । ভূতধাত্রী ধরিত্রী জননী,

সত্য যদি পতিব্রতা আমি,

সত্য যদি দুহিতা তোমার,—

মাগো, স্থান দাও কোলে ।—

সংসারের তাপ মাগো,

আর আমি সহিতে না পারি ।

বহুদিন শুনিয়াছি তোমার আহ্বান,—

আজ সকাভরে ডাকিতেছি'

কোলে নাও—কোলে নাও মাতা,

মা—মা—মা—মা—মা ।

[সহসা অন্তরীক্ষ হইতে সঙ্গীত উঠিল—“ধরার
যেয়ে” । সীতা উন্মনা হইলেন । সজা
নিরীক বিশ্বয়ে অভিভূত ।]

রাম । সীতা—প্রাণেশ্বর,

জীবনসর্ব্বম মোর—

কেমনে কঠিনা হলে ।

চির পরিচিত পুরাতন প্রেম

কেমনে হইলে বিশ্বরণ ?—

[সহসা আকাশ প্রলয়ের মেঘে ঢাকিয়া গেল,—
 অন্ধকার—ঘন অন্ধকার ; সেই অন্ধকারে
 সমস্ত রাজসভা কাঁপিয়া উঠিল—ভূমি
 বিদীর্ণ হইল—সীতা সেই বিদীর্ণ-
 ভূমির উপর দিয়া কোন্
 রহস্যময় লোকে চলিয়া
 যাইতেছেন ।]

রাম । একি, একি !
 ঘোর প্রলয়ের মেঘ,
 চ'ক্ষুর নিমিষে অকস্মাৎ
 ছাইল গগন ধরা,—অন্ধকার,
 ঘন অন্ধকার !
 জীবধ্বংসী প্রলয়-লক্ষণ,
 আকাশে বাতাসে !
 একি, একি !
 প্রলয়ের দোলে দোঁহুল ছলিছে ধরা !
 অতিক্রমি দুই ভীর, নদী গোমতীর
 প্লাবন ধাইছে—ভাসাইয়া শত শত
 জনপদ—পদতলে ধরিয়া
 বিদীর্ণ হ'ল বুঝি !
 সীতা, সীতা, কোথা তুমি ?

বান্ধীকি । সীতা, সীতা,
 কোথা মা আমার !

সীতা । মা আমার নিরেছেন কোলে,
 আমি বাঁহিতেছি দূর রহস্তের পারে
 যেথায় জননী মোর ।
 রঘুনাথ—বিদায় জন্মের তরে— ।

রাম । সীতা, সীতা—

সীতা । প্রাণেশ্বর, বিদায়, বিদায় ।—
 জন্মান্তরে দেখা যেন পাই ।

[সীতা ভুগর্ভে অস্তহিতা হইলেন । কোশল্য
 ছুটিয়া আসিয়া লবকুশকে কোলে লইলেন
 তাহারা মায়ের অশ্রু কাঁদিতে ।
 লাগিল ।]

রাম । নির্ধম নিয়তি !
 জীবনের পরিপূর্ণ স্মৃতি
 দেখাইয়া বিজলী-ঝলকে—
 আবার কাড়িয়া নিবি ?
 তোর চেষ্টা বিফল করিব ।
 রে লক্ষণ,
 আন, আন মোর শর-শরাসন,
 গুপ্ত সিদ্ধি মণিত করিয়া,
 জ্ঞানকীরে ফিরায়ে আনিব ।
 সীতা, সীতা, সীতা, সীতা,—

[রাম উন্নতের মত ছুটিলেন । বান্ধীকি তাঁহাকে
 ধরিয়া ফেলিলেন । উন্নত জনতা “মা
 জানকী,” “মা জানকী” বলিয়া
 চীৎকার করিতে
 লাগিল ।]

বান্ধীকি । রাম,
 প্রিয়তম সন্তান আমার,
 আপন হৃদয় মাঝে
 জানকীরে কর অব্বেষণ ।
 বান্ধীকির রামসীতা
 চির-অবিচ্ছেদ !

ଶ୍ରୀଶ୍ରୀବିଷ୍ଣୁପ୍ରିୟା

ଭାବରସାତ୍ମକ ପଞ୍ଚାକ୍ଷ ନାଟକ

ଯୋଗେଶଚନ୍ଦ୍ର ଚୌଧୁରୀ ପ୍ରଣୀତ

“ରଘୁମହଲେ”ର ଉଦ୍ଘୋଷନ-ରଞ୍ଜନାତ୍ରେ
ପ୍ରଥମ ଅଭିନୟ

ଶନିବାର, ୧୭ତମ ଆବଣ, ୧୩୭୮ ସାମ୍ବତ

সংগীত

নাট্যসম্রাট গিরিশচন্দ্র ঘোষ মহাশয়ের

পুণ্য স্মৃতির উদ্দেশে

মহাস্মৃতি

শ্রীশ্রীচৈতন্য-মহাপ্রভুর লীলামৃতরস অবলম্বন করিয়া আপনিই প্রথম বঙ্গ-রঙ্গালয়ের জ্ঞাত নাটক রচনা করেন। সেই নাট্যাভিনয় রঙ্গালয়ে সত্যই দুগাক্ষর আনিয়াছিল। শ্রীগৌরাজ-বিষ্ণুপ্রিয়া-প্রেম ও বিরহ লইয়া নাটক লিখিতে বসিয়া আপনাকেই সকলের আগে স্মরণ করি, আপনার আশীর্বাদ ও শুভ ইচ্ছা প্রার্থনা করি। বাংলা সাহিত্যে ও রঙ্গালয়ে এই নাটকখানির কোনো স্থান হইবে কি না, জানি না ; তবে এ নাটক আমি অন্তর দিয়া লিখিয়াছি এবং শ্রীমন্নহাপ্রভু ও তদীয় সহধর্মিণী শ্রীশ্রীবিষ্ণুপ্রিয়া-দেবীর প্রেম ও বিরহই ইহার মর্ম্ম কথা। এজন্য আপনার অমর নামের সঙ্গে গ্রন্থখানিকে সংশ্লিষ্ট করিতে সাহসী হইলাম। ইতি—

শ্রদ্ধাবনত

গোপেশচন্দ্র চৌধুরী

নিবেদন

শ্রীশ্রীচৈতন্য-মহাপ্রভুর জীবনী প্রাচীন বাংলা সাহিত্যের যে কত বড় সম্পদ, তাহা এককথায় বলিবার বা বুঝাইবার উপায় নাই। তাঁহার জীবনী ও ধর্মকে অবলম্বন করিয়া যে কত সাহিত্য, কাব্য, দর্শন, সঙ্গীত ও নাটক রচিত হইয়াছে, তাহার ইয়াক নাই। এত বড় জাতীয় আন্দোলন বাংলায় আর হয় নাই। সেইদিন হইতে আরম্ভ করিয়া, চারি শতাব্দী ধরিয়া বাংলা সাহিত্যে যে ভাবসম্পদ সঞ্চিত হইয়াছে, তাহা হইতেই বাঙালীচরিত্রের বৈশিষ্ট্য গড়িয়া উঠিয়াছে। তাই বাঙালীজাতিকে জানিতে হইলে নবদ্বীপের দিকে একবার তাকাইয়া দেখিতে হয়। কবি সত্যেন্দ্রনাথ সত্যই বলিয়াছেন—“বাঙালীর হিয়া-অমিয় মথিয়া নিমাই ধরেছে কামা !”

এই নবদ্বীপচন্দ্রকে তাঁহার সমসাময়িক কবিগণ কি প্রচণ্ড বিশ্বাসের সহিত দেবতা বলিয়া স্বীকার করিয়াছেন, পাঠ করিলে আশ্চর্য্য হইতে হয়। কবি কর্ণপুর তাঁহার রচিত শ্রীচৈতন্যচরিতামৃত মহাকাব্যের প্রারম্ভে কি অপূর্ণ গৌরব রচনা করিয়াছেন। তাহাতে যে বিশ্বাস, ভক্তি, রস ও কল্পনার প্রসার আছে, তাহা দেখিলে মনে হয়, সত্যই একদিন ভক্তিরসের বজ্রায় “শান্তিপুর ডুবু ডুবু” হইয়াছিল এবং নবদ্বীপ ভাসিয়া গিয়াছিল। শ্লোকটি এই,—

যঃ শ্রীকৃন্দাবনভূবি পুরা সচ্চিদানন্দসাক্ষো

গৌরান্ধীভিঃ সদৃশকৃতিভিঃ শ্রামধামা ননন্দ।

তাসাং শম্ভুদ্যুতর-পরীরন্তসম্ভেদতঃ কিং

গৌরান্ধঃ সন্ জয়তি স নবদ্বীপমালম্বমানঃ ॥

সেই শ্রীগৌরান্ধের পারিবারিক জীবনের রস ও কাব্য আশ্রয় করিয়া তাঁহার সহধর্ম্মিণী শ্রীমতী বিষ্ণুপ্রিয়া দেবীর নামে এই নাটক রচিত হইল। মহাপ্রভুর ধর্ম্মজীবন সম্বন্ধে আমি এই নাটকে কিছু বলিবার চেষ্টা করি নাই; তাঁহার পারিবারিক ও সামাজিক জীবন এবং তিনি গোড়দেশকে যে ভাবের প্রেরণা দিয়াছেন, তাহাই এই নাটকে ফুটাইতে যত্ন করিয়াছি। কত দূর কৃতকার্য্য হইয়াছি, তাহা পাঠক ও দর্শকবৃন্দ বলিতে পারিবেন।

বিরহের ভিতর দিয়া যে মিলন, সেই মিলনকেই বৈষ্ণব কবিগণ শ্রেষ্ঠ মিলন বলিয়া ইঙ্গিত করিয়াছেন। তাবের দিক দিয়া এই নাটকে শ্রীগৌরান্ধদেবের এবং শ্রীমতী বিষ্ণুপ্রিয়াদেবীর জীবনে সেই সাংখ্যিক বিরহই একমাত্র অবলম্বন। ইহা মিলনের চেয়েও বড়! যে কথা বিষ্ণুপ্রিয়া-দেবী মুখে কোন দিন বলিতে পারেন নাই, অথচ যে অন্তর্গৃহ বেদনা তাঁহার জীবনের কণিক মিলন ও দীর্ঘ বিরহকে এক-সূত্রে বাঁধিয়া তাঁহার জীবনকে পবিত্র, শুভ্র ও জ্বলন করিয়া তাঁহার অগম্যরম্য দেবতা স্বামীর পাশে তাঁহার যথাযোগ্য আসন নির্দেশ করিয়া দিয়াছে, সেই কথা এবং সেই বেদনাই এই নাটকের প্রাণ।

অভিনয়ের সুবিধার জন্ত এই নাটকের কোন কোন অংশ নাট্যাভিনয়ে পরিত্যক্ত হইতেছে। পরিপূর্ণ রসানুভূতির জন্ত পাঠকের সেই অংশগুলিও পড়া উচিত মনে করি, এক্ষণ্ড পুরা নাটকখানিই প্রকাশ করিলাম।

আমার অগ্র দুইখানি নাটকের মত এখানিরও প্রযোজনায় তার বন্ধুর শ্রীযুক্ত শিশিরকুমার ভাট্টা মহাশয় স্বেচ্ছায় গ্রহণ করিয়াছেন। “রঙমহলের” কর্তৃপক্ষগণ তাঁহাদের নূতন রঙ্গভবন-উদ্বোধনে যে এই নাটকখানি নিকাচন করিয়াছেন, সেইজন্ত তাঁহাদের এবং শিশিরকুমারের নিকট আমি কৃতজ্ঞ। ইতি—

৫০২, রাজা রাজবল্লভ ষ্ট্রীট,
কলিকাতা;
শ্রীশ্রীকৃষ্ণের বৃন্দনযাত্রা
রবিবার, সন ১৩৩৮ সাল

}

মোগেশচন্দ্র চৌধুরী

চরিত্র-পরিচয়

পুরুষ

শ্রীগৌরাজ	...ভক্তাবতার (নিমাই পণ্ডিত, সাধারণ পরিচয়)
নিত্যানন্দ	...ঐ নীলসহচর (অবদূত, সাধারণ পরিচয়)
অদ্বৈত আচার্য্য	...তৎকালীন শ্রেষ্ঠ পণ্ডিত (গৌরাজপার্ষদ)
শ্রীবাস	...গৃহস্থ-ব্রাহ্মণপাণ্ডিত, ভক্ত (গৌরাজপার্ষদ)
গজদাস	...নিমাইয়ের দাস্যকালেব আচার্য্য
কামদেব নাগর	} ...অদ্বৈতের শিষ্যস্বয়
শঙ্কর	
ভরিদাস	...গৌরাজপার্ষদ
বাসুদেব	...স্বপ্নসিদ্ধ পদার্থী ও গায়ক
গোপাল চাঁপাল	} ...নবদ্বীপবাসী ব্রাহ্মণস্বয় (গৌরাজবিরোধী)
রামদাস	
মুবন্দ, সজয় প্রভৃতি	...নিমাই পণ্ডিতের ছাত্রগণ
দামোদর, ভরত প্রভৃতি	...নবদ্বীপের অন্তর্গত ছাত্র
কনৈক পাগল	... (নবীন সন্ন্যাসী শ্রীগৌরাজের রূপ দেখিয়া ইনি পাগল চইয়াছেন)

ভক্তগণ, ব্রহ্মগণ, পার্শদগণ, কীৰ্ত্তনীয়াগণ, প্রতিবাসীগণ,
নবদ্বীপের জনম গুণা ।

নারী

শ্রীশ্রীবিষ্ণুপ্রিয়	... গৌরাজদেবের সতর্ধর্ম্মিনী
শচীমাতা	... ঐ মাতা
সরসজয়া	... শচীমাতার ভগিনী
মালিনী	... শ্রীবাসের পত্নী
নারায়ণী	... শ্রীবাসের ভাতৃপুত্রী
সীতাদেবী	... অদ্বৈত-গৃহিণী
সঙ্গীতবানী, প্রতিবেশিনীগণ, ইত্যাদি ।	

পরিচয়

প্রমোদগির্জা

সুরশিল্পী

মঞ্চশিল্পী

ঐ সহকারী

হারমোনিয়াম-বাদক

নৃত্যশিল্পক

বংশীবাদক

সঙ্গীত ও খোলবাদক

বেহালাবাদক

স্বরক

চিত্রশিল্পী

মঞ্চসজ্জাকর

শিশিরকুমার ভাট্টা

কৃষ্ণচন্দ্র দে (অঙ্কগায়ক)

সত্যেন্দ্র সেন

মণিমোহন চট্টোপাধ্যায়

কালিদাস ভট্টাচার্য

ব্রজবল্লভ পাল

শৈলেন্দ্রনাথ রায়চৌধুরী

{ শশীকশেখর চতুর্বেদী

{ অনাদিনাথ মুখোপাধ্যায়

{ ললিতমোহন বসাক,

{ কুমার কনক নারায়ণ ও নরেন্দ্রনাথ দাস

{ মণিমোহন চট্টোপাধ্যায়

{ বিমলচন্দ্র ঘোষ

শ্রীরমেন্দ্রনাথ চট্টোপাধ্যায়

ভূতনাথ দাস

প্রথম রজনীর অভিনেতৃবর্গ

পুরুষ

শ্রীগৌরাজ

নিত্যানন্দ

অদ্বৈত আচার্য্য

শ্রীবাণ

গঙ্গাদাস

কামদেব-নাগর

শঙ্কর

রামরূপ

গোপাল-চাপাল

হরিদাস

মুকুন্দ

সঞ্জয়

তৃতীয় ছাত্র

চতুর্থ ছাত্র

দামোদর

ভরত

অনৈক পাগল

সেবক

হৃত্যঙ্কর

শিশিরকুমার ভাট্টা

নৃপেশনাথ রায়

যোগেশচন্দ্র চৌধুরী

শীতলচন্দ্র পাল

অমলেন্দু লাহিড়ী (এম্‌সি)

শৈলেন্দ্র চৌধুরী

কুম্মকুমার গোস্বামী

কার্তিকচন্দ্র দে

মণীন্দ্রনাথ চট্টোপাধ্যায়

কুমার কনক নারায়ণ

গোষ্ঠবিহারী ঘোষাল

মানিকলাল বন্দ্যোপাধ্যায়

প্রফুল্লকুমার দাস

ভূপেন্দ্রকুমার চক্রবর্তী

মোহিতমোহন ভট্ট

কালিদাস বন্দ্যোপাধ্যায় .

কৃষ্ণচন্দ্র দে (অঙ্কগায়ক)

রবীন্দ্রমোহন রায়

তারকনাথ দে ও কৃষ্ণচন্দ্র দাস

স্ত্রী

শ্রীশ্রীবিষ্ণুপ্রিয়া

শচীমাতা

নারায়ণী

মালিনী

সর্বজয়া

সঙ্গীত বাণী

পরিচারিক'

প্রভাবতী

কঙ্কাবতী

সরযুবালা

রাজলক্ষ্মী (১নং)

মানিকমালা

কমলাবালা (২নং)

କୀର୍ତ୍ତନୀୟାଗମ

ବାହୁଦେବ (ମୂଳଗାୟନ)
ମୁରାରି, ଗଦାଧର, ନରହରି,
ଚନ୍ଦ୍ରଶେଖର, ବିଞ୍ଜୟ, ପୁଞ୍ଜରୀକ,
ଜଗାହି, ଯାଧାହି ପ୍ରଭୃତି
ଭକ୍ତଗଣ

କୃଷ୍ଣଚନ୍ଦ୍ର ଦେ (ଅଙ୍କନାୟକ)
ହରେଚନ୍ଦ୍ରସୋହନ ରାୟ
କାଳୀଦାସ ଭଟ୍ଟାଚାର୍ଯ୍ୟ
ନିଶାକ୍ତଶେଖର ଚତୁର୍ବେଦୀ
ବ୍ରହ୍ମବଲ୍ଲଭ ପାଲ
ଅନାଦିନାଥ ଯୁଧୋପାଧ୍ୟାୟ
ସନ୍ତେଶ୍ଵର ପ୍ରାୟାଗିକ
ବିଞ୍ଜୟକୃଷ୍ଣ ମଞ୍ଜୁନାଥ
ସତୀଶନାଥ ଦାଶ
ତାରକନାଥ ଦେ
ଧୀରେନ୍ଦ୍ରନାଥ ପାଞ୍ଜି
କୃଷ୍ଣଚନ୍ଦ୍ରଦାସ
କୃଷ୍ଣଧନ ଯୁଧୋପାଧ୍ୟାୟ

ଶ୍ରୀଶ୍ରୀଗୋରଚନ୍ଦ୍ରିକାୟ ନଟ ଓ ନଟିଗଣ

କୂଳାର କନକ ନାରାୟଣ
ବ୍ରହ୍ମବଲ୍ଲଭ ପାଲ
ଅନାଦିନାଥ ଯୁଧୋପାଧ୍ୟାୟ
ସନ୍ତେଶ୍ଵର ପ୍ରାୟାଗିକ
ରାଞ୍ଜଲକ୍ଷ୍ମୀ (୨୩୯)
ଚାକ୍ରବାଳା
କମଳାବାଳା (୧୩୯)
ସ୍ନେହଲତା

শ্রীশ্রীবিষ্ণুপ্রিয়া

—:~:—

শ্রীশ্রীগৌরচন্দ্রিকা

(নট ও নটী কর্তৃক গীত)

আজু কে গো মুরলী বাজার,
এতো কছু নহে শ্যামরায়।
ইহার বরণ নহে তো কালো,
চুড়াটি বাঁধিয়া কে বা দিল।
কে বনাইল হেন রূপখানি—
ইহার বামে দেখি চিকণ-বরণী।

প্রথম অঙ্ক

[শচীদেবীর বাড়ীর ভিতর। ঘরের দাওয়া ও উঠানের কিয়দংশ দেখা যাইতেছে। নিমাই ঘরের ছয়ার খুলিয়া উঠানে আসিয়া দাঁড়াইলেন। বিষ্ণুপ্রিয়া পিছু পিছু আসিলেন। রাত্রি দ্বিপ্রহর—আকাশ নক্ষত্র-ভরা, একপাশে দশমীর ক্ষীণচন্দ্র। নিমাই উঠানে নামিয়া স্থির হইয়া আকাশের দিকে চাহিলেন।]

বিষ্ণুপ্রিয়া। আকাশের দিকে চেয়ে কি দেখেছ? একটু ঘুমিয়েছিলাম—এরই মধ্যে কখন উঠে এলে?

নিমাই। তুমি ঘুমোও লক্ষ্মী, আমার ঘুম আসছে না। আমি এখানেই আছি।

বিষ্ণুপ্রিয়া। তুমি না ঘুমলে আমারও ঘুম আসবে না।

নিমাই। তুমি কি আমার অল্প সময় রাত জেগে থাক?

বিষ্ণুপ্রিয়া। যাক্, তবু ভাল। আমি ঘুমাই। কি জেগে থাকি, একথা জিজ্ঞাসা করবার অবকাশ পেরেছ।

নিমাই। কেন, কেন, একথা বলছ কেন? আচ্ছা, আমার এ কি হ'ল?

বিষ্ণুপ্রিয়া। কেন, তোমার কি হবে?

নিমাই। আমি ঠিক বুঝতে পারিনে। কে যেন আমার ডাকে—কত লোক আসে যান—কথা কয়। আমার আশে পাশে যেন অসংখ্য আত্মা।

বিষ্ণুপ্রিয়া। আচ্ছা, তুমি রাতদিন কি ভাব? নিমাই। কত কি—ভাবনার আদি নেই, অন্ত নেই। আচ্ছা, যা জানতে পেরেছেন?

বিষ্ণুপ্রিয়া। কি?

নিমাই। আমার এই মনের ভাব। মাঝে মাঝে আমি বুঝতে পারি এ ঠিক নয়—আবার কি রকম গোলমাল হ'য়ে যায়।

বিষ্ণুপ্রিয়া। তুমি এস, শোবে এস। কবিরাজ বলে গেছে, ভাল ঘুম হ'লে লেগে যাবে।

নিমাই। কবিরাজ এসেছিল নাকি ?

বিষ্ণুপ্রিয়া। আসবে না ? তুমি মাঝে মাঝে কাঁদ—মাঝে মাঝে হাস—কাল রাত্রেও ঘুঁর্ছা গেছ। এ ক'দিন কি তোমার মুখে কথা ছিল ! আজ আমার কি ভাগ্য যে তুমি কথা ব'লেছ।

নিমাই। কবিরাজ কি ব'লেছে জান ?

বিষ্ণুপ্রিয়া। বায়ুরোগ।

নিমাই। বায়ুরোগ ?

বিষ্ণুপ্রিয়া। আজ তিন দিন তোমায় শিবাদি-স্বস্ত মাখানো হ'চ্ছে।

নিমাই। বায়ুরোগ ? হবে, আশ্চর্য্য কি !

বিষ্ণুপ্রিয়া। কবিরাজ বলে, ছেলেবেলায় ছিল—এই গল্পা যাতায়াতে পথের কষ্টে আবার দেখা দিয়েছে।

নিমাই। ক'দিন চতুষ্পাশীতে যাইনি ?

বিষ্ণুপ্রিয়া। তোমার কি কিছুই মনে নেই ?

নিমাই। আব'ছায়া আব'ছায়া। স্পষ্ট কিছুই মনে করতে পারি নে। আমার স্বতি বুদ্ধি সব যেন এই শীতের রাতের জ্যোৎস্নার মত কুয়াসাচ্ছন্ন। তুমি আছ—তোমার আভাস পাচ্ছি, কিন্তু সম্পূর্ণ-ভাবে তোমায় ধ'রতে পাচ্ছি নে।

বিষ্ণুপ্রিয়া। কেন এমন হ'ল ?

নিমাই। আমারও তো ঠিক ঐ একই প্রশ্ন—কেন এমন হ'ল ! ছাত্রেরা এসেছিল ?

বিষ্ণুপ্রিয়া। কাল তাদের আস্তে ব'লেছ, তারা এখানেই আসবে।

নিমাই। আমি পড়াব ব'লেছি ?

বিষ্ণুপ্রিয়া। হাঁ, ব'লেছ। যদি না পার, না হয় তারা চলে যাবে কিংবা অল্প কারো কাছে প'ড়বে। আগে তোমার শরীর, তারপর তো পড়ানো ?

নিমাই। আচ্ছা, দাদা এসেছিলেন ?

বিষ্ণুপ্রিয়া। কোন্ দাদা ?

নিমাই। আমার দাদা—অবধূতের মত চেছারা, মাথায় জটা।

বিষ্ণুপ্রিয়া। আমি তো কোনদিন তাঁকে দেখিনি। শুনিছি, তিনি তো অনেকদিন হ'ল সন্ন্যাস নিয়ে চলে গেছেন।

নিমাই। আমার যেন মনে হ'ল দাদা এসেছেন। শুধু দাদা নয়, অনেক লোক—আসছে, যাচ্ছে, উৎসব করছে।

বিষ্ণুপ্রিয়া। তুমি ওসব কথা ভেবোনা। ঘরে চল।

নিমাই। কেন ? এই জ্যোৎস্নারাত্রে ঘরের বাইরে—তোমার ভাল লাগছে না ?

বিষ্ণুপ্রিয়া। ভাল লাগবেনা কেন,—তুমি সঙ্গে আছ।

নিমাই। আমার সঙ্গে তোমার ভাল লাগে, লক্ষী ?—আমি তো বায়ুরোগগ্রস্ত—পাগল বলেই হয়। কি, হাসছো যে ?—আমায় পাগল মনে ক'রে ?

বিষ্ণুপ্রিয়া। না—একটা কথা মনে হ'ল।

নিমাই। কি কথা ?

বিষ্ণুপ্রিয়া। সতীনের কথা। আমার তুমি সতীনের নাম ধ'রে ডাক কেন ?

নিমাই। তোমার সতীন আর তুমি যে এক। কেননা, লক্ষীই বিষ্ণুপ্রিয়া, আর বিষ্ণুপ্রিয়াই লক্ষী।

বিষ্ণুপ্রিয়া। বিষ্ণুপ্রিয়া তো সরস্বতীকেও বলা চলে।

নিমাই। তা'হলে আজ থেকে তোমায় সরস্বতী ব'লে ডাকব।

বিষ্ণুপ্রিয়া। ওমা—আমি সরস্বতী !—আমার নাকি বিয়ের অস্ত্র নেই। না গো—তোমার বা খুশী তুমি আমার তাই ব'লে ডেকো।

নিমাই। তাই ডাকব।

(স্থির হইয়া কি যেন গুনিতে লাগিলেন)

বিষ্ণুপ্রিয়া। ওকি, উৎকর্ণ হ'য়ে কি শুনছো ?

নিমাই। আমার গুণতে দাঁও, পরে তোমায় বলছি।...প্রকৃতি নীরব, কিন্তু প্রকৃতির অন্তরে যে প্রকৃতি আছে, তার ভিতর থেকে স্রবের গুঞ্জনধ্বনি উঠে সমস্ত স্রষ্টিকে প্রাবিত করছে—সে স্রব এক অপরূপ রূপের অমৃতভূতি।

শ্রীমৎ হিরণ্যপরিধিং বনমাল্যবর্হ-

ধাতুপ্রবালনটবেশমহুত্রতাংসে।

বিত্তভবভবিতরেণ ধুনানমজ্ঞং

কর্ণোৎপলালক কপোলমুখাজহাসম্।

বিষ্ণুপ্রিয়া। একি, কথা ব'লতে ব'লতে নীরব হ'লে কেন ?

নিমাই। এ বৃন্দাবনের রূপ, বৃন্দাবনের বেশ—গোপীরা দেখেছিলেন। আকাশের মত তাঁর বর্ণ চিরশ্রাম—তার উপর প্রাভঃস্বর্ধ্যাকৃতি তাঁর গীতবাস।

বিষ্ণুপ্রিয়া। তাই তুমি আকাশ দেখেছিলে ?

নিমাই। আচ্ছা, মা বড় ভাবিত হ'য়েছেন ?—না ?

বিষ্ণুপ্রিয়া। তাঁর আহার-নিদ্রা নেই।

নিমাই। আর তুমি ?—তুমিও খুব ভাব ?

বিষ্ণুপ্রিয়া। এমনি ঠাকুর-দেবতার কথা ব'ললে তো কোন ভাবনা হয় না। কিন্তু তুমি যে মাঝে মাঝে মুর্ছা যাও, কঁাদ—তাতেই তো আমরা ভয় পাই। তুমি যত কঁাদ, মাও তত কঁাদেন।

নিমাই। আর তুমি ?

বিষ্ণুপ্রিয়া। আমি কান্না রোধ ক'রবার চেষ্টা করি, কিন্তু ছ'জনকে কঁাদতে দেখলে আর স্থির থাকতে পারি নে—আমিও কঁাদি।

নিমাই। কি জানি—আমার মনে হয়, বুঝি' বা কান্নাই জীবনের সার, নিগুঢ় মৰ্মবেদনাই জীবনের রস—সবচেয়ে মধুর রস।

বিষ্ণুপ্রিয়া। চল আমরা ঘরের ভিতর যাই। মা তাঁর ঘরের দোর খুললেন—এখনি এদিকে আসবেন।

নিমাই। বেশ তো, আসুন না।

বিষ্ণুপ্রিয়া। তবে তুমি থাক—আমি ঘরে যাই।

[প্রস্থান]

(শচী মাতার প্রবেশ)

শচী। ওখানে দাঁড়িয়ে কে ?

নিমাই। আমি, আমার চিন্তে পারছ না মা ?

শচী। কে, নিমাই ? তুমি উঠেছ বাবা !

নিমাই। হাঁ মা, ঘুম হ'চ্ছে না—তাই এই ঠাণ্ডার একটু বেড়াচ্ছি।

শচী। বোমা—আমার বোমা কোথায় ?

নিমাই। এখানেই ছিলেন—তুমি আসছ দেখে বোধ হয় একটু লজ্জা হ'য়েছে।

শচী। আমার আবার কিগের লজ্জা। বোমা, ও বোমা—

বিষ্ণুপ্রিয়া। যাই মা।

(বিষ্ণুপ্রিয়ার প্রবেশ)

শচী। এস, আমরা এই দাওয়ার বসি। আমার লজ্জা কিগের মা—তুমি তো আমার বোনও মা, তুমি আমার মেয়ে।

নিমাই। তা'হলে আমার সঙ্গে ওঁর সম্পর্কটা কি দাঁড়াল মা ?

বিষ্ণুপ্রিয়া। আঃ, কি যে বল।

শচী। নিমাই, তুই যে আবার এ রকম ঠাট্টা ক'রবি, কাল লজ্জা বেলাও তা মনে করিনি।

নিমাই। কেন, আমার কি হয়েছিল ?

শচী। কি হয়েছিল তা তুমিই জান বাবা। দেশানের কাছে শুক্লান, গয়া থেকে আসতে রাস্তায় তুমি নাকি অমন অজ্ঞান হয়ে প'ড়তে।

নিমাই। আচ্ছা মা, ছেলেবেলায় কি আমি পাগল ছিলাম ?

শচী। শুনছো বোমা—আমার ছেলের কথা।

নিমাই। আচ্ছা, বাবারও বোধ হয় মাথা খারাপ ছিল।

শচী। কিসে বুঝলে ?

নিমাই। হঁ, ছিল বইকি। তোমারও মাথা খারাপ—তোমার বাবা নীলাম্বর-চক্রবর্তীরও মাথা খারাপ ছিল—দাদার মাথা খারাপ। আমরা দত্তর-মত একটা পাগলের বংশ—পিতৃকুল মাতৃকুল দুইই।

শচী। তোমার পিতৃকুল হ'তে পারে, কিন্তু মাতৃকুল নয়।

নিমাই। মাতৃকুল আরও বেশী। তবে, শতুরকুলের মাথা খুব পরিষ্কার—বিশেষ তোমার বধুর, উনি বুদ্ধিতে একেবারে লাক্ষ্য সরস্বতী।

(একদল পাখী ডাকিয়া গেল)

শচী। বাবা, তুমি যদি এই রকম কথাবার্তা কও, আমার আর কোন ভাবনা থাকে না।

নিমাই। এখন থেকে রাতদিন কেবলই কথা কইব। ওকি।—ওকি।—ওকি।

শচী। কি বাবা।

নিমাই। কে গান গায় ?

শচী। রাত শ্রায় শেষ হ'য়ে এসেছে—পথে
লোক-চলচল আরম্ভ হ'য়েছে। কে গাইতে
গাইতে বোধ হয় গজান্বানে যাচ্ছে।

(নেপথ্যে গান, পরে নিতাই প্রবেশ করিলেন)

গান।

শ্রাম কি আমার এল নদীরায় ?

আমি খুঁজে মরি, চিন্তে নারি,

এবার নাকি গৌরকায় ?

বুলাবনে বাজিয়েছিল মোহন বাঁশরী,

তাই তো কুলে থাক্লে না কো নবীন কিশোরী !

অকুলে কে ভাসবে এবার,

সেই কিশোরীর প্রেমের দায়।

(নিতাই নিমাইয়ের নিকট আসিলেন)

নিতাই। তুমি—তুমি—সেই তুমি।

নিমাই। তুমি কি দাদা ?

শচী। কাকে দাদা বল্ছ নিমাই ?

নিমাই। আমার দাদা—চিন্তে পার্ছনা মা ?

নিতাই। মা, আমি এসেছি—আবার এসেছি।

শচী। তুমি কি আমার—

নিতাই। তোমার ছেলে।

শচী। তোমার নাম কি বাবা ?

নিতাই। আমি যে অবধূত মা—আমার তো
নাম নেই। আমার নাম নেই, গোত্র নেই—কুল-
শীল কিছু নেই। আমি শুধু তোমার ছেলে। এই
যে, বোঁমাও আছেন।

নিমাই। দাদা, তুমি এসেছ—আমার আশা
হ'চ্ছে। এতদিন আমি বড় একা ছিলাম, বড়
একা—বড় একা।

নিতাই। আর ভয় নেই। আমি এসেছি,
এখন কত লোক আসবে—নিত্য নতুন লোক
আসবে।

নিমাই। তারা কারা ?

নিতাই। জন্ম-জন্মান্তরের পরিচিত আত্মীয়
বন্ধু-স্বজন। মা, আমি আসছি—পাড়ার পাড়ায়
সুখবর দিয়ে আসি। আমার অল্প ভেবোনা।
আমি আবার আসবো—অনেক লোক নিয়ে
আসবো।

নিমাই। তুমি কি সুখবর দেবে ?

নিতাই। সে তো আমি এখন ব'লবো না—
যখন সবাই আসবে, তখন ব'লবো।

শচী। কারা আসবে বাবা ?

নিতাই। রাজা, প্রজা, জমিদার, লোক, লস্কর,
পণ্ডিত, অধ্যাপক, কাজি, হাজি, জোলা, তাঁতি,
গুঁড়ি, হাড়ি—কত, কত লোক; কত অজানা,
অচেনা জাত-হারানো কাণ্ডপ।

(যাইতে যাইতে নিতাই ফিরিয়া আসিলেন)

নিতাই। আসল কথাই ভুলেছি।

নিমাই। আসল কথা কি ?

নিতাই। আমার পথের পাথের।

নিমাই। তোমার পাথের কি ?

নিতাই। তোমার মুখে হরিনাম। একবার
বল, আমি শুনি; তবে তো তাদের ডাকবো—
নৈলে, তারা আমার কথা শুনে কেন ?

নিমাই। হরেনার্ম হরেনার্ম হরেনার্মেব কেবলম্।
কলৌ নাশ্ত্যেব নাশ্ত্যেব নাশ্ত্যেব গতিরত্থা ॥

নিতাই। আর ভয় নেই—আমি পেরেছি !

গান।

এ কোন্ পাগল এল নদীরায় !

বুঝিবে আকাশের চাঁদ

ধূলায় গড়াগড়ি যায়।

না জানি তার একি ধরণ,

অজ কাঁচা সোনার বরণ,

দেখলে করে হৃদয়হরণ,

হরি বলে প্রাণ মাতায়।

(আমি) হরি কেমন জানিনে ভাই—

আমার হরি গৌর রায়।

আমার হরি গৌরকায় ॥

[নিতাইয়ের প্রস্থান]

শচী। না, এক পাগলে রকে নেই, আর এক
পাগল এসে হাজির।

নিমাই। তার উপর, যা ব'ললে তাই যদি
করে, তা'হলে তো পাগলের মেনা বসাবে।

শচী। তা বটে। তুমি ওকে বেশী উৎসাহ
দিয়ো না বাবা।

নিমাই। ঠুঁর নিজের যে রকম উৎসাহ দেখা
গেল, তাতে মনে হ'চ্ছে উনি একাই একসহস্র।
শচী। না বাবা—তুমি ওসব লোকের সঙ্গে
বেশী মিশো না। ও পাগল তো বটেই—তার
উপর নেশা করে ব'লে মনে হ'ল। তুমি মন স্থির
কো—সকাল হয়েছে, এখনি তোমার ছাত্রেরা
আসবে—আজ বেশ মনোযোগ দিয়ে তাদের
পড়াও। আমি যাই, ঘরের কাজকর্ম সেরে নিই।

[প্রস্থান]

বিষ্ণুপ্রিয়া। উনি তোমার দাদা?

নিমাই। হাঁ, উনি আমার দাদা। আমার
দাদাকে কেমন মনে হ'ল?

বিষ্ণুপ্রিয়া। তোমারই দাদা হবার উপযুক্ত
বটে। আমার কিন্তু বেশ ভাল লাগলো। কেমন
আলাপ করলেন—যেন কতদিনের পরিচয়!

নিমাই। কিন্তু উনি যা ব'লে গেলেন, যদি
সত্যিই তাই ক'রে বলেন?

বিষ্ণুপ্রিয়া। কি?

নিমাই। বাড়ীতে হাট বসাবেন! যে রকম
উৎসাহ দেখলাম—ইচ্ছা করলেই পারেন।

বিষ্ণুপ্রিয়া। এখনি তোমার ছাত্রেরা আসবে।
তুমি সঙ্ঘাতিক ক'রে নাও—আর দেয়ী করা ঠিক
হবে না। আমি তাদের স্থানটা মার্জনা করে দিই।

[নিমাই পরিশ্রমণ করতে করিতে বাড়ীর ভিতরে
গেলেন। বিষ্ণুপ্রিয়া গৃহমার্জনা করিতেছেন।

শ্রীবাস ও শচীঠাকুরাণী প্রবেশ করিলেন।]

শ্রীবাস। কই গো মিশ্রগৃহিণী, তোমার নিমাই
কোথায়?

শচী। এই যে এখানেই ছিল—এস ঠাকুরপো,
বস।

শ্রীবাস। কাল ব্রাহ্মণীর মুখে শুন্লাম—
শুক্রাষ্টম্যে বন্ধে—তোমরা কবিরাজী চিকিৎসা
করাচ্ছ।

শচী। কি করি তাই, আমার ওই শিবরাত্রির
সন্তে!—এ ক'দিন যা গেছে, তুমি যদি দেখতে
ঠাকুরপো! এই আজ যা একটু ভাল আছে।
বোমা, ও বোমা! ঠাকুরপো, তুমি এই দাওয়ার
বস।

(বিষ্ণুপ্রিয়ার প্রবেশ)

বোমা, কোথায় নিমু?

(বিষ্ণুপ্রিয়া ঘাড় নাড়িলেন)

শচী। জান না? না মা, ওকে চোখের আড়
ক'রো না। আমি তো আর সদা সর্করণ চোখে
চোখে রাখতে পারিনে—তুমি সোমন্ত বো, একটু
খুঁজে দেখ। আমি ঠাকুরপোর সঙ্গে কথা কইছি,
এখানে পাঠিয়ে দিও—ব'লো, তোমার ও পাড়ার
বড়খুড়া এসেছেন।

(বিষ্ণুপ্রিয়া ঘোমটার ভিতর হইতে)

কি জিজ্ঞাসা করিলেন)

শচী। পায়ের ধুলো নেবে বৈকি মা। বাপের
বাড়ীর সম্পর্কে জোঠা, আর এখানকার সম্পর্কে
খুঁজুও।

(বিষ্ণুপ্রিয়া পায়ের ধুলো লইলেন)

আশীর্বাদ করো ঠাকুরপো, যা আমার জন্ম-এয়োজী
হয়ে পাকা চুলে সিঁদুর পরুক।

শ্রীবাস। আশীর্বাদ করবো বৈকি বো,
তোমার ছেলে বো কি আমাদের পর?—কল্যাণ
কামনা না ক'রে জলগ্রহণ করিনে। যাও মা,
নিমুকে এখানে পঠিয়ে দাও।

[বিষ্ণুপ্রিয়ার প্রস্থান]

আচ্ছা, তোমার কি রকম মনে হয় বল দেখি?

শচী। আমার প্রাণ কেঁপে ওঠে। আজ ভোর
বেলা কে এতজন এসেছিল।

শ্রীবাস। কে সে?

শচী। কি করে ব'লবো তাই!—হাসলে,
কাঁদলে, নাচলে, গান গাইলে—লোকজন ডেকে
নিয়ে আসি বলে চলে গেল।

শ্রীবাস। অবধূত?

শচী। হবে—আমার তো পাগল ব'লে মনে
হ'ল।

শ্রীবাস। কি রকম চেহারা?

শচী। আমি কি তার দিকে চাইতে পেরেছি
ঠাকুরপো! আমার মা বলে ডাকলো,—নিমু
তাকে দাদা ব'ললে—আমার বিশ্বরূপের কথা মনে
প'ড়লো!—সঙ্গে সঙ্গে সমস্ত বুক তোলপাড়

হ'রে গেল—বুঝি বা বিশ্বরূপই নিমাইকে নিতে এসেছে !

শ্রীবাস। বৌ, তুমি পাগল হ'য়ে গেছ।

শচী। সে কি তুমি একবার বলবে। আমি চন্দ্রশেখরকে ব'লেছি, তোমার বলছি, মুরারিকে ব'লেছি, গঙ্গাদাস পণ্ডিতকে খবর দিছি—তোমরা সবাই মিলে বাবাকে আমার ঘরবাগী কর। আমি ছেলে তোমাদের হাতে স'পে দিলাম। আমি হয়তো পারবো না—সব গেছে—ওই একটা। ঠাকুরপো, আমার বুকের ভিতর কেঁপে কেঁপে ওঠে ! মাঝে মাঝে বেশ থাকে—আজ শেষরাত্রে খাসা সহজ কথাবার্তা ক'ছিল...এই...যে আসছে, তুমি গোপনে সব কথা জিজ্ঞাসা কর। ও যদি আবার লেখাপড়ায় মন দিতে পারে, তা'হলে আমি আর ভাবিনে।

(নিমাই প্রবেশ করিলেন)

নিমাই, দেখ কে এসেছেন !

নিমাই। হাঁ, ওঁকে আমি জানি বৈকি, অনেক দিনের পরিচয়।

শচী। ঐ শোন ঠাকুরপো ! ওকি নিমু, তোমার ও পাড়ার বড়থুড়ো—ওঁর সঙ্গে কি ঐ রকম কথা কর ?

নিমাই। সে আর এক কথা—উনি জানেন আর আমি জানি। আর কেউ জানে না। মুরারিকে ব'লেছি—আজ ওঁকেও ব'লবো।

শচী। ঠাকুরপো, তুমি নিমুর সঙ্গে কথা কও। আমি একবার বাড়ীর ভিতর দেখে আসি, বৌমা কি করছেন—একে ছেলেমাছুষ, তার উপর সংসারের ঋতুনি, রাতজাগা—হাউ হাউ করে আমিও যত কঁাদি, ওও তত কঁাদে—হাজার হোক, বয়স তো হচ্ছে।

[প্রস্থান।

শ্রীবাস। আমার কি কথা বলবে ?

নিমাই। অনেকদিন আগেকার কথা।

শ্রীবাস। আমি ভুলিনি। তুমি বলেছিলে—

“এমন বৈষ্ণব আমি হইব সংসারে,
অজ-ভব আসিবেক দেখিতে আমারে।”

আমি বুকেছি, আজ সে শুভদিন এসেছে।

নিমাই। তুমিও তো বৈষ্ণব ?

শ্রীবাস। আমি বৈষ্ণবের দাস !

নিমাই। দাস কেন গো, তুমি বৈষ্ণবের বাপের ঠাকুর—কৃষ্ণ তোমার হাতের মুঠোর মধ্যে। আমার একটু আশীর্বাদ কর-না পণ্ডিত, আমার কৃষ্ণপ্রেম-হোক। তুমি আশীর্বাদ না ক'রলে তো হবে না।

শ্রীবাস। আমি আশীর্বাদ ক'রবো তোমাকে !

নিমাই। কেন, দোষ কি ? তুমি যে আমার বাপের বয়সী।

শ্রীবাস। তুমি আমার অনেকদিন অনেকবার ভুলিয়েছ—তাই কি মনে কর, আমি বারবার তুল ক'রবো।

নিমাই। তুমি বুঝতে পেরেছ ?

শ্রীবাস। তোমারই রূপায় তোমাকে বোঝা যায়।

নিমাই। স্পষ্ট করে বল, বুঝতে পেরেছ কিনা ?

শ্রীবাস। এত বড় দস্তুর কথা মুখে বলতে পারি, এমন শক্তি যে তুমি দাও নি।

নিমাই। তিনি এসেছিলেন।

শ্রীবাস। তিনি ? কে তিনি ?

নিমাই। শ্রীপাদ অবধূত—আমার দাদা।

শ্রীবাস। তিনি না এলে তো হবে না—উষোধন ক'রবে কে ? তাঁর যে আসা চাই।

নিমাই। তিনিই তো উষোধন ক'রে গেলেন, তাই তো আজ আমি আমাকে জানতে পেরেছি। কিন্তু যে আমার নাড়া দিয়ে টেনে নিয়ে এল, সে কই ? সে কি খবর পায়নি ?

শ্রীবাস। শ্রীপাদ যখন বেরিয়েছেন, তখন জানতে তো কেউ বাকী থাকবে না।

নিমাই। পণ্ডিত, আমি তোমার বাড়ী যাব, তুমি আমার আশ্রয় দাও—তোমার বাড়ীতে হরিবাসর হবে। তোমার বাড়ী না গেলে আমার হরিসাধন হবে না। বাড়ীতে বিষ্ণুপ্রিয়া—তাঁকে ছেড়ে যে হরির দিকে মন দিতে পারি না !

(শচী ঠাকুরাণীর প্রবেশ)

নিমাই। মা, পণ্ডিত ব'লছেন, আমি একেবারে উম্মাদ—কামারবাড়ী শিকল গড়াতে না দিলে আমার ধ'রে রাখা দার হবে।

শচী। পণ্ডিত, নিমাইয়ের মুখের দিকে চেয়ে কি দেখছ? তোমার কি মনে হ'ল?

নিমাই। তোমার পায়ে ধরি পণ্ডিত—সত্যি ক'রে বল, আমি কি পাগল? আমার নিজের মনের সংশয় যায় না।

শ্রীবাস। তুমি পাগল? (শচীদেবীর প্রতি) আমি তোমার মুখে কি বলবো মিশগৃহিণী, তোমার তুল্য ভাগ্যবতী নবমীপে কেন, গোড়দেশে নেই—ভারতে নেই।

নিমাই। না পণ্ডিত, মাঝে মাঝে মনে হয়, বুঝি সত্যিই আমি পাগল! মাঝে মাঝে মনে হয়, হয়তো হরি কৃপা ক'রেছেন। তবে গয়া থেকে যখন আসি, তখন কানাইনাটশালা ব'লে একখানা গায়ের ভিতর এসে দেখি—বনমালাধারী নব-নটবর বেশে এক কিশোর বীণী বাজাতে বাজাতে আমার সামনে দিয়ে চ'লে গেল। সে কি রূপ!—ভাগবতের শ্লোকের সঙ্গে একেবারে অবিকল মিল! আচ্ছা পণ্ডিত, তুমি কি মনে কর, সত্যি কৃষ্ণ এসেছিলেন? ঈশেন দেখল না, যেসো দেখতে পেলেন না—আমাকেই বা কৃষ্ণ দেখা দিতে গেলেন কেন? আমি কি?—আমিও তো কলির ব্রাহ্মণ, আমার এমন ভাগ্য কি ক'রে হবে? তাই আমার মাঝে মাঝে মনে হয়, বোধ হয় পাগলামি!

শ্রীবাস। এ যদি পাগলামি হয়, তা'হলে জন্ম-জন্ম ধ'রে ঐ পাগলামিই আমি কামনা করি। তুমি আমার সঙ্গে গঙ্গাস্নানে এস। নিমাইয়ের মা, আমি তোমার বিখণ্ডরকে গঙ্গা নাইয়ে আনি। তুমি ভেব না—তোমার ছেলেকে আমি দিনরাত সঙ্গে ক'রে রাখবো।

নিমাই। অর্থাৎ, একা যদি ঠিক পাগলটা না হ'তে পারি, ওঁরা পাঁচজনে মিলে আমার পাগল ক'রে তুলবেন।

(শ্রীবাস নিমাইয়ের দিকে অর্ধপূর্ণ দৃষ্টিতে চাহিলেন। নিমাইয়ের কথার অর্থ বুঝিতে না পারিয়া শচীদেবী হির হইয়া দাঁড়াইয়া রহিলেন, শ্রীবাস নিমাইকে লইয়া চলিয়া গেলেন। পরে বিকুপ্রিয়া প্রবেশ করিলেন)

শচী। ছেলের কথা শুনে বোমা?

বিকুপ্রিয়া। আমার মনে হয়, ঠিকই ব'লেছেন। মা, তুমি ওঁকে কোথাও যেতে দিয়ে না। পাঁচজনেই ওঁকে পাগল ক'রবে। তোমার আমার কাছে তো উনি ঠিক থাকেন!

শচী। অমন কথা ব'লতে নেই মা!

বিকুপ্রিয়া। না, বলতে নেই! সত্যি বলছি মা, আমার রাগ হ'য়েছে। বুড়ো ব্রাহ্মণ, বাপ-পিতামহের বয়সী—আমি ঘর থেকে দেখলাম কি না, হাত জোড় করে সামনে দাঁড়িয়ে। এ কি রকম কথা বল দেখি মা। বেশী বাড়াবাড়ি করেন তো আমি কাউকে ছেড়ে কথা ক'ব না—তা তোমায় ব'লে দিচ্ছি।

শচী। নিমুর ছাত্ররা আসছে বোমা, তুমি তাদের বসবার জায়গাটা ঠিক ক'রে দাও।

[বিকুপ্রিয়ার প্রস্থান]

(সঞ্জয়, মুকুন্দ প্রভৃতি ছাত্রগণের পুঁথি লইয়া প্রবেশ)

মুকুন্দ। আচার্য্য আজ এখানেই পাঠ নেবেন ব'লেছিলেন। কোথায় তিনি?—কেমন আছেন?

শচী। তোমরা এইখানেই ব'স। নিমাই আমার গঙ্গাস্নানে গেছে! তোমাদের কল্যাণে আজ একটু ভাল আছে।

[শচীমাতার প্রস্থান]

তৃতীয় ছাত্র। আচ্ছা মুকুন্দ, তুমি তো অনেক খবর রাখ—আচার্য্যের অসুখটা কি বল দেখি?

সঞ্জয়। শুনেছি বায়ুরোগ!

চতুর্থ ছাত্র। আগে বৈষ্ণবদের কত ঠাট্টা ক'রতেন—লোকে তো ওঁকে এক রকম নাস্তিক ব'লেই মনে ক'রতো!

তৃতীয় ছাত্র। আর আজ কি না একেবারে হরি ব'লতে অজ্ঞান!

চতুর্থ ছাত্র। আজ আচার্য্যের সঙ্গে আমি তর্ক ক'রবো—শুধু তাই নয়, ওঁকে তর্কে হারিয়ে দেব!

মুকুন্দ। আজ গঙ্গাস্নান পণ্ডিতও আসবেন শুনেছি, তিনিও আচার্য্যের সঙ্গে তর্ক ক'রবেন।

সঞ্জয়। শুধু তর্ক করলে কি হবে বল?—তর্ক যুক্তিমূল, আর শুদ্ধা ভক্তি অন্তরের কথা।

তৃতীয় ছাত্র। মোট কথা, আমাদের দিক দিয়ে সুবিধা কিছু নেই। ঘর-বাড়ী বাপ-মা ছেড়ে বিদেশে এসে প'ড়ে আছি বিদ্যালয়ের জন্য। কৃষ্ণকথা তো দেশে আমার নবীন কথকও জানে, তার জন্য নবদ্বীপ আসার তো কোন দরকার ছিল না।

চতুর্থ ছাত্র। ঠিকই তো। আজ আমরা স্পষ্ট জিজ্ঞাসা করবো। উনি মনোযোগ দিয়ে পড়ান। তো ভাল, নইলে আমরা অস্ত্র চেষ্টা দেখি।

(নিমাইয়ের প্রবেশ)

নিমাই। তাই সব, আমার তো ইচ্ছা মনোযোগ দিয়ে তোমাদের পড়াই, কিন্তু মন যে আমার বশ নয়। আজ আমি চেষ্টা করবো—শেষ চেষ্টা। যদি মন স্থির করিতে না পারি, অধ্যাপনা ছেড়ে দেব।

সঞ্জয়। আপনি স্থির হ'য়ে বসুন, তারপর আমরা পাঠ নেবো।

নিমাই। আমাদের আজকার পাঠ্য কি?

সঞ্জয়। ধাতুসংজ্ঞা।

নিমাই। বেশ, ভাল কথা—ধাতুসংজ্ঞা বুঝবার চেষ্টা করা যাক। ধাতু কাকে বলে? বৈয়াকরণ ব'লছেন, “ভূবাদয়ো ধাতবঃ”; অর্থাৎ—ভূ-ধাতোৰ্ভব-ভীতি ক্রিয়ারূপঃ—যা কিছু কার্য হয়, ধাতুই তার মূল—ধাতু ব্যতিরেকে কার্য স্থচিত হয় না। তারপর ধাতু যেমন ক্রিয়ারূপ, ক্রিয়া তেমনি প্রাণ-রূপ। ক্রিয়া অর্থাৎ গতি, আর গতি হ'ল প্রাণের লক্ষণ। তা'হলে ধাতু হ'ল সর্কজীবের প্রাণ—জীবের প্রাণ অর্থাৎ আত্মা। আত্মাকে? দেহ আত্মা নয়, হস্তপদ আত্মা নয়, চক্ষু আত্মা নয়—এমন কি, মন পর্যন্তও আত্মা নয়; তবে আত্মা কে? আত্মারাম ত্রীহরি—সেই নন্দনন্দন ত্রীহরি। জীবের আত্মজ্ঞানরূপে প্রতি নরনারীর অন্তঃকরণে তিনিই ধাতু—তদযোগেন সংজ্ঞা—অভাবে বিলোপ। কৃষ্ণ ধাতু, কৃষ্ণ সংজ্ঞা—কৃষ্ণ আছেন তাই জীব আছে, জগৎ আছে, আমি আছি, তুমি আছ। কৃষ্ণের সংসার—কৃষ্ণ শত্রু, কৃষ্ণ মিত্র। তাই সব! সেই কৃষ্ণ, সেই ত্রীহরি, সেই নন্দনন্দন। তাঁর উৎপত্তি আনন্দে—তিনি ছাড়া আর কেউ নাই, কিছু নাই

কৃষ্ণ ছাড়া জীবের জ্ঞান নাই, জ্ঞের নাই, ভজনা নাই, পূজা নাই, পূজ্য নাই। সেই কৃষ্ণ—যিনি ষাপরে দেবকীর গর্ভে জন্মেছিলেন, যিনি গোপীজন-বল্লভ—তোমরা তাঁকে চিন্তা কর, তাঁকে দেখ, তাঁকে জান, তাঁর ভজনা কর—কেন না, ভাবার্ণবে তিনিই নোকা, তিনি কর্ণধার। তিনিই সর্করসের মূলধার! কলিযুগ সর্কযুগের সার—কলিতে তিনি এসেছেন নামরূপে, কলিযুগের সাধনা নামসাধন—

হরেন্নাম হরেন্নাম হরেন্নামৈব কেবলম্।

কলৌ নাস্ত্যেব নাস্ত্যেব নাস্ত্যেব গতিরত্থা ॥

(গঙ্গাদাস পণ্ডিত ব্যাখ্যার মধ্যে বীরে বীরে প্রবেশ করিলেন)

গঙ্গা। আমি তোমার সঙ্গে তর্ক করবো নিমাই।

নিমাই। কলিযুগে কৃষ্ণ, কৃষ্ণ—

গঙ্গা। কৃষ্ণের কথা নয়—আমি তোমার আচার্য্য।

নিমাই। ও—হাঁ—তাই, আচার্য্য—আমুন, আমুন! আজ আমার গৃহ পবিত্র হ'ল ...বলুন প্রভু, আপনার কি বক্তব্য।

(পদধূলি লইলেন)

গঙ্গা। আমি তোমার সঙ্গে তর্ক করবো। আমাকে বুঝিয়ে দিতে হবে।

নিমাই। আপনি আমাকে প্রশ্ন করুন।

গঙ্গা। তুমি এই মাত্র ব'লুলে—কলিযুগ সর্ক-যুগের সার। এ কথা কোন্ শাস্ত্রে আছে?

নিমাই। এ আমার নিজের কথা। এ কথা শাস্ত্রে নেই।

গঙ্গা। শাস্ত্রে কলিযুগ নিলিত। কলিযুগে ধর্ম একপাদ—জীব আচার্য্য। একালকে তুমি কোন্ যুক্তিতে সর্ককালের শ্রেষ্ঠ কাল ব'লতে চাও?

নিমাই। কলিতে ভগবান এসেছেন নামরূপে।

গঙ্গা। এও তোমার মনগড়া কথা। কোন শাস্ত্রে নেই। শাস্ত্রে তাঁর নাম নেই, রূপ নেই, উপাধি নেই। আমি বলি, কলির লোকের পক্ষে ভগবান অব্যবহৃত। সুতরাং তিনি আছেন, কিনা আছেন, তা নিয়ে চিন্তা করবার প্রয়োজন নেই।

নিমাই। প্রভু, আগে আমি আপনারই মত ঐ কথাই মনে কর্তাম। অবতাম, দৈবর নেই—কিংবা যদি থাকেন, মাহুঘের কার্য্যার্থ্যের উপর তাঁর কোন হাত নেই। মাহুঘের সব চেয়ে বড় আশ্রয় কর্ম।

গঙ্গা। নিশ্চয়—নিঃসন্দেহ। কর্ম ছাড়া গতি নেই—মুক্তি নেই। কত ভাগ্যবলে লোকে ব্রাহ্মণ-বংশে জন্মায়; তারপর পণ্ডিত হওয়া আরও দুর্লভ সৌভাগ্য। এই পরম সৌভাগ্যকে তুমি অবহেলা করছ? তোমার মাতামহ নীলধর চক্রবর্তী—মহামহোপাধ্যায়—দেশবিখ্যাত লোক। পরম পণ্ডিত তোমার পিতা। সেই বংশে জন্মে তুমি কি না হরিভজা হয়ে প'ড়লে! ঐ ওপাড়ার শ্রামা বাগদী—সেও তো মাঝে মাঝে হরিবোল হরিবোল বলে—তা'হলে তাতে আর তোমাতে প্রভেদ কি হল?

নিমাই। কিন্তু প্রভু, আমার মত পরিবর্তন হয়েছে।

গঙ্গা। হঠাৎ মত পরিবর্তনের চেতু?

নিমাই। প্রভু, গঙ্গাধাম—আশ্চর্য্য অদ্ভুত।—আমি কল্পনা করিনি।

গঙ্গা। গঙ্গাধামে তুমি কি প্রত্যক্ষ করেছ?

নিমাই। বিষ্ণুপাদপদ্ম।

গঙ্গা। বিষ্ণুপাদপদ্মের কি বিশেষত্ব?

নিমাই। তুমি যেমন ফুট কুম্ভমগন্ধে চারিদিক হ'তে ফুলের কাছে ধেয়ে আসে, তেমনি দেব আমি প্রত্যক্ষ দেখেছি—অসংখ্য অশরীরী আত্মা ঐ পাদপদ্ম বেঠন করে মুক্তির আশায়।

গঙ্গা। নিমাই, এমন অযৌক্তিক কথা তোমার মত পণ্ডিতের মুখে শুনবো তা আমি ভাবিনি। তুমি পুরাণ প'ড়েছ। প্রাচীন পুরাণকাহিনী তোমার কল্পনাকে আগ্রত করেছে—এ প্রত্যক্ষ নয়, অজ্ঞানও নয়।

নিমাই। প্রভু, আমি তো প্রমাণ করুতে পারবো না—আমি প্রত্যক্ষ দেখেছি আমার চোখের সামনে, যেমন আপনাকে দেখছি। জগতের শ্রেষ্ঠ জ্ঞান অহুভূতিসাপেক্ষ। প্রমাণ দিয়ে তাকে ধরা যায় না; শুদ্ধদেব, তার কাছে আত্মসমর্পণ করুতে হয়।

গঙ্গা। আচ্ছা বেশ, আমি তোমার অহুভূতির বিষয় নিয়ে কোন তর্ক করুতে চাই নে। কিন্তু ব্যাকরণের ধাতুসংজ্ঞা পড়াতে গিয়ে তুমি কৃষ্ণগ্রন্থ কেন আন? সৃষ্টিতত্ত্ব বা ধর্মতত্ত্বের ব্যাখ্যা শুনতে ছাত্রেরা তো আসিনি।

নিমাই। আপনার কথায় আমি লজ্জিত হচ্ছি। আমার আশঙ্কা হচ্ছে আর আমি অধ্যাপনা করুতে পারবো না।

গঙ্গা। অমন কথা ব'লো না নিমাই! সমগ্র নবদ্বীপের মধ্যে তুমি শ্রেষ্ঠ পণ্ডিত, বহুশাস্ত্রবিৎ। দ্বিগিজয়ী পণ্ডিত কেশব কান্দীরীকে তর্কযুদ্ধে পরাস্ত করে তুমি শুধু আমার নয়, নবদ্বীপের—গৌড়দেশের মর্যাদা অক্ষুণ্ণ রেখেছ। এ কথা তোমার মুখে শোভা পায় না।

নিমাই। প্রভু, আপনি আমার অপরাধ নেনবেন না। ভাই সব, তোমরা আমার আশা ছাড়। আমার মন এদিকে নেই, আমি শাস্ত্রে মন দিতে পারছি নে; আমার মন শুকিয়ে উঠছে। যদি আমার ভালবাসেন, আশীর্বাদ করুন দেব! আমার কৃষ্ণভক্তি হোক। কৃষ্ণ ছাড়া অগ্র চিন্তা করুতে আমি অক্ষম। কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ...

(ভাবাবেশ)

অশরীরী গঙ্গীত-বাণী

এ আমার সহই কেমন হ'ল

প্রাণের কথা কব কারে,

আমি জানি—মন জানে যোর

আর তো কেউ সহই জানে না রে।

গোপনে প্রেম করা সহই

ভেবেছিলাম সহজ কথা,

প্রাণে প্রাণে দেখা শোনা

জানবে না কেউ গোপন ব্যথা।

সাধ-সাগরে ডুবলো যে মন

ভাসলো নয়ন অশ্রুধারে,

কুলহারানো প্রেম যে আমার

কুলে কে আর থাকতে পারে।

গঙ্গা। নিমাই।

নিমাই। কেন আচার্য্যদেব।

গঙ্গা। তোমার কি হয়েছিল ?

নিমাই। কিছুই তো হয়নি।

গঙ্গা। শোন আশ্চর্য্য কথা—এইমাত্র এইস্থানে আমি যেন কার আবির্ভাব অনুভব ক'রেছি। 'ফুট কমলগন্ধ, বংশীধ্বনি, ভ্রমরগুঞ্জন, নপূরনিকণ—সে কি শুধু কল্পনা ? আচ্ছা, তোমরা কিছু অনুভব ক'রেছ ? আমি তো কখনও কল্পনাকে প্রশ্রয় দিই নে।

নিমাই। হয় তো তিনি এসেছিলেন।

গঙ্গা। তিনি কে ?

নিমাই। কৃষ্ণনাম—কৃষ্ণপ্রেম। আমি তাঁকে অনুভব করি স্রের ভিতর দিয়ে—আমার কাছে তিনি ফ্লাদিনী সঙ্গীতরূপিণী।

গঙ্গা। শোন বিশ্বস্তর, অধ্যাত্ম জ্ঞান হয় তো থাকতে পারে। আমি সাংখ্যবাদী, সংসারে এর চেয়ে বড় জ্ঞান দরকার নেই। আমি জানি দুঃখনিবৃত্তিই মানুষের পুরুষার্থ। কিন্তু তোমার এ মনোভাব—এতো দুঃখকে বরণ ক'রে নেওয়া !

নিমাই। সত্য প্রভু, আমার সাধনা দুঃখেই সাধনা—দুঃখই আমার সুখ। বেদনার ভিতর দিয়েই তাঁর আত্মপ্রকাশ—দেবকী, যশোমতী, বসুদেব, নন্দ, গোপ-বালক, শ্রীরাধা—তাঁর আত্মগোষ্ঠী সবাই তো দুঃখেরই সাধনা ক'রেছেন !

গঙ্গা। আমি তোমার কথা বুঝবার চেষ্টা ক'রবো।

নিমাই। আমার প্রতি বড় দয়া করা হয়, যদি আপনি আমার এই সব ছাত্রদের অধ্যয়নের ব্যবস্থা করেন। আমি পারছি নে, আমি চেষ্টা ক'রেছি—এখন দেখছি আমার সাধ্যাতীত। অথচ এদের প্রতি আমার দায়িত্ব আছে। আমার হয়ে আপনি এদের ভার নিন।

গঙ্গা। আচ্ছা, আমি তোমায় কথা দিচ্ছি এদের অধ্যয়নের ব্যবস্থা হবে। আজ আমি তোমার কিছু বলতে চাই নে, আমি আরও কিছুদিন অপেক্ষা করতে প্রস্তুত আছি। আমি এখন আসি।

[প্রস্থান।

নিমাই। ভাই সব, তোমরা আমার বিদায় দাও। গুরু-শিষ্যসম্বন্ধ আমাদের দূর হোক। পাণ্ডিত্যের গুরুত্ব আর আমি সইতে পারছি না !

তোমরা আমার ভাই, আমরা সবাই শ্রীহরির পুত্র—তাঁর আশ্রিত। তোমরা সবাই আমার আলিঙ্গন কর। না—না—প্রণাম চাই নে। আমি সত্য বলছি ভাই, আমি প্রণয়্য নই। তোমরা আমার হ'য়ে শুভকামনা কর—আমি যেন কৃষ্ণপ্রেম অনুভব ক'রতে পারি।

[সকলের দীরে দীরে প্রস্থান। নিমাই স্থিরভাবে দাঁড়াইয়া রহিলেন। বিষ্ণুপ্রিয়া প্রবেশ করিলেন।

বিষ্ণুপ্রিয়া। ওরা সবাই চ'লে গেল যে ?

নিমাই। ওদের বিদায় দিলাম লক্ষ্মী !

বিষ্ণুপ্রিয়া। বিদায় দিলে—কেন ?

নিমাই। বিদায়-বেদনা অনুভব ক'রবো ব'লে।

বিষ্ণুপ্রিয়া। তার মানে ?

নিমাই। তার মানে তুমি বুঝতে পারছ না ?

বিষ্ণুপ্রিয়া। না।

নিমাই। তবে তোমায় আমি বোঝাতে পারবনা।

বিষ্ণুপ্রিয়া। কেন ?

নিমাই। আমার মাঝে মাঝে মনে হয় লক্ষ্মী, আমি এক মহাসমুদ্রের তীরে দাঁড়িয়ে—লোকালয়ের অগংখ্য মানুষ আমার ডাকছে; আমার অসীম রহস্যময় সিন্ধুগর্ভ হ'তে কে যেন আমার বাশরী-স্বরলহরীতে আহ্বান ক'রছে। এই দুই আহ্বানের ব্যথাই সমান ভাবে আমার অন্তরকে আঘাত করছে—আমি কুলের জগুও কাঁদছি, অকুলের জগুও কাঁদছি।

বিষ্ণুপ্রিয়া। তুমি অমন কথা ব'লো না।

তোমার মুখে ও কথা শুনে আমার প্রাণ কেঁপে ওঠে। আমার স্রুথের সংসার, শান্তি আমার মায়ের মত যত্ন করেন। এর চেয়ে বড় স্রুথ আর কোথায় আছে ?

নিমাই। এর চেয়েও বড় স্রুথ আছে লক্ষ্মী।

কিন্তু সে স্রুথ কি দুঃখ—তা জানিনে; সে লীলারস—রাধাকৃষ্ণের লীলামৃত রস। সে রসের এক কণার যে আনন্দ আছে লক্ষ্মী, সংসারের সমস্ত স্রুথ এক ক'রলেও তার তুলনা হয় না।

বিষ্ণুপ্রিয়া। আমি তো সে রস জানিনে—
তুমি আমার বল, আমি শুনি।

নিমাই। রাধাকৃষ্ণের কোন্ ভাব তোমার
ভাল লাগে লক্ষ্মী?

বিষ্ণুপ্রিয়া। আগে বল, তোমার কোন্ ভাব
ভাল লাগে?

নিমাই। আমি আগে বলবো না—আগে
তোমার কথা শুনবো।

বিষ্ণুপ্রিয়া। সবচেয়ে আমার ভাল লাগে
অভিসার। রাত্রি অন্ধকার—সকলকে গোপন
ক'রে রাই চ'লেছেন কৃষ্ণের উদ্দেশে কুঞ্জে। পথে
কোথাও কাদা, কোথাও কাঁটাবন—ভ্রক্ষেপ নেই—
আমার বড় ভাল লাগে! তার চেয়েও ভাল
লাগে—

নিমাই। সেই অন্ধকারে রাই আমার
চ'লেছেন! কিন্তু অন্ধকার তো ক্ষণিক, পরক্ষণেই
তো কৃষ্ণচক্রে উদয়; তখন অন্ধকার—পথের কষ্ট
—শুধু স্মৃতি।

মন্দির তেজি সব পদচারি আঙলু

নিশি হেরি কম্পিত অঙ্গ।

তিমির হুরন্ত পথ লখই না পারয়ে

পদবুগে বেঢ়ল ভুজঙ্গ ॥

বিষ্ণুপ্রিয়া। এর চেয়েও ভাল লাগে শ্রীমতী
যখন কৃষ্ণের কাছে মুরলী শিখছেন। সে দিন
তুমি গাঠিছিলে আমার বড় ভাল লেগেছিল।

কোন্ রঞ্জে বাজে বাঁশী অতি অল্পম।

কোন্ রঞ্জে রাধা বলে ডাকে আমার নাম ॥

নিমাই। রাধাকৃষ্ণের এই নিত্য রসবিলাস—
এই অমুরাগ, পূর্বরাগ, রূপরাগ—মধুর মধুর, অতি
মধুর! কিন্তু আমি পাগল হ'য়ে বাই লক্ষ্মী, এই
মিলনের পরিণতি যখন দেখি—রাধার মহাভাব-
রস যখন অহুভব করি।

বিষ্ণুপ্রিয়া। তুমি রাসলীলার কথা বলছো?

নিমাই। না, রাসলীলা নয়। মহাভুঃখ ছাড়া
কে অহুভব করবে প্রেমের মহিমা লক্ষ্মী? আমি
বলছি মহাবিরহের কথা।

বিষ্ণুপ্রিয়া। মহাবিরহ!

নিমাই। হাঁ লক্ষ্মী, সেই সাত্ত্বিক বিরহ—
চণ্ডীদাস যার গান গেয়েছেন। রাত্রির মিলন—
প্রাতের বিরহ; সে তো কতবার এলো—কতবার
গেলো। তারপর অকুর এসে রামকৃষ্ণকে যমুনার
পারে নিয়ে গেলেন—কৃষ্ণ সেই যে গেলেন আর
ফিরলেন না! এ কথা কে তখন ভেবেছিল? তারপর
—তারপর মনে কর লক্ষ্মী, সেই শূন্য কুঞ্জকাননে—
ধূলিধূসরিতা আমার শ্রীমতী! পল গণনা ক'রে দিন
কেটে গেল—দিন গণনা ক'রে মাস চ'লে যায়—
মাসের পর মাস, বৎসরের পর বৎসর—যুগযুগান্ত!
আমি আমার চোখের সামনে দেখছি, শ্রীমতী
শ্রীমতী শ্রীমতী রাধার নয়নে ধারা—

(অশরীরী সঙ্গীত-বাণী)

রাধার নয়নে ধারা!

কৃষ্ণবিরহে মরি

শ্রাম শ্রাম সোঙরি

মানিনী একাকিনী

তজ্জাহারা।

শ্রাবণ নিশি কত

কাঁদিয়া কাটিল তার—

শারদ পূর্ণিমা

এল গেল কতবার,

তবু সে নিঠুর শ্রাম

আসে না যে ব্রজধাম

শ্রীমতী শ্রীপতি বিনা

হায়রে পাগল পারা।

রাধাকৃষ্ণ মাঝে

শুধু রে যমুনা নদী,

আসিতে পারিত শ্রাম

আসিতে চাহিত যদি—

ধূলার ধূসর রাই

নয়নে পলক নাই,

বিজুলী বরষা গোৱী

আজিরে জ্যোতিহার।

দ্বিতীয় অঙ্ক

প্রথম দৃশ্য

(বেলা একপ্রহর অতীত হইয়াছে। অধৈতাচাৰ্য্যের বাড়ী—চতুর্পাশীর্গহের উচ্চ বেদিকায় আচাৰ্য্য অধৈত। নিম্নে কামদেব নাগর ও শঙ্কর তদীয় শিষ্যদ্বয়। অধৈত বেদান্তের আলোচনা করিতে করিতে কখন যে গৌরনিত্যানন্দ এসঙ্গে আসিয়া পড়িয়াছেন, তাহা তিনি জানিতেও পারেন নাই।)

কাম। দেখুন, আপনি ওদের অমন ক'রে প্রশ্ন দেবেন না। কালকের ছেলে বিশ্বম্ভর—আপনার নাতির বয়সী; আপনি কিনা অবলীলাক্রমে ওদের সঙ্গে নাচতে লাগলেন!

শঙ্কর। ওরা সবাই অত্যন্ত তরলমতি। আপনার মত জ্ঞানবৃদ্ধের পক্ষে ওদের সঙ্গে মেলাই অসুচিত। আপনি অধৈতবাদী, মহামহোপাধ্যায়, জ্ঞানী—গোড়দেশের যাবতীয় ধর্মসম্প্রদায়ের মুকুটমণি। আপনি—আপনি যদি এই সমস্ত ছেলেমাছুষীর প্রশ্ন দেন, পণ্ডিতসমাজে আমাদের মুখ-দেখানো ভার।

অধৈত। তোমরা মহাভারত প'ড়েছ নিশ্চয়?

শঙ্কর। প'ড়েছি, কেন?

অধৈত। আচ্ছা, কুরুক্ষেত্রের যুদ্ধ যখন হয়—ভীষ্মের বয়স কত? তিনি যথেষ্ট প্রবীণ হয়েছিলেন, তাতে তো আর সন্দেহ নেই?

কাম। না—তা নেই।

অধৈত। কৃষ্ণের বয়স তখন কত?

শঙ্কর। কৃষ্ণ তখন যুবক—ধরুন, তিনি অর্জুনের সমবয়স্ক।

অধৈত। ভীষ্ম যখন শরশয্যা—আসন্ন মৃত্যুকে চোখের সামনে দেখে ধ্যানযোগে যেই আপন ইষ্টকে সমর্পণ ক'রলেন, অমন দেখেন, তাঁর সম্মুখে সেই নবজন্মের—শ্রীকৃষ্ণের মূর্তি। কুরুক্ষেত্রের সময়ক্রে জীবন-মরণের সন্ধিক্ষণে সখা অর্জুনের জীবনরক্ষার্থে যিনি আপন প্রতিজ্ঞা ভুলে রথচক্র ধ'রেছিলেন ভীষ্মের প্রাণবিনাশের জন্য, সেই বালক

কৃষ্ণের পায় মাশানত ক'রতে তিনি ইতস্ততঃ করেন নি।

শঙ্কর। আপনি ব'লতে চান, কৃষ্ণ যে স্বয়ং ভগবান, ভায়দেব তা' বুঝেছিলেন?

অধৈত। শুধু ভীষ্মদেব নয়, সে সময়ে অনেকেই বুঝেছিলেন কৃষ্ণ স্বয়ং ভগবান।

কাম। আপনি কি ব'লতে চান, জগন্নাথ মিশ্রের পুত্র বিশ্বম্ভর কৃষ্ণের অবতার?

অধৈত। নিশ্চয় ক'রে কোন কথা ব'লবার মত বিশ্বাসের জোর আমার নেই। ভক্তির পথ—বিশ্বাসের পথ তো আমার নয়। আমি আজন্ম কঠোর সাধনা ক'রেছি—চলেছি শুদ্ধ যুক্তির পথে জ্ঞানের চর্চায়। কোন কিছুকে সহজে স্বীকার আমি করি নে।

শঙ্কর। কিন্তু এই নিমাইয়ের সম্বন্ধে আপনার যথেষ্ট দুর্বলতা আছে, একথা আমি জোর গলায় ব'লবো; আর শুধু কি নিমাইয়ের? নিমাই, নিতাই—ওদের সবায়ের প্রতি আপনার দুর্বলতা।

অধৈত। তা' মিথ্যা ব'লনি শঙ্কর। ওদের উপর একটু স্নেহ আমার আছে, আমি অস্বীকার করি নে।

কাম। স্নেহ নয়, আপনি ওদের প্রাধাত্য স্বীকার করেন। ওদের দলে গেলে আপনি নিজের বিশিষ্টতা রক্ষা ক'রতে পারেন না।

অধৈত। শিং-তেঙে বাছুরের দলে বেশ মিলে মিশে যাই। সেদিন যাত্রা শুনেছিলে চন্দ্রশেখরের বাড়ীতে? কি কাণ্ডই ক'রলে! আমি বুড়ো মানুষ, ছিয়াত্তর বছর বয়স—আমাকে শ্রীকৃষ্ণ সাজালে। শুধু তাই নয়, আসরে দাঁড়িয়ে আমাকে নাচতে হ'ল—গাইতে হ'ল। আচ্ছা, আমার কি বাস্তুত্বের ধ'রেছে। শেষ পর্যন্ত বোধ হয় ভীমরতি হ'ল।

(সীতাদেবীর প্রবেশ)

সীতা। তাতে আর সন্দেহ আছে!

অধৈত। সন্দেহ নেই? তাই বটে, কি বল বড়গিন্নি? আচ্ছা, তুমি তো যাত্রা শুন্তে গিয়েছিলে—কি রকম মানিয়েছিল বল দেখি? একেবারে নুবীনকিশোর শ্রীমন্টবর।

সীতা। তা' কিন্তু মানিয়েছিল—বড় চমৎকার মানিয়েছিল।

অবৈত। সেইদিন থেকেই তো মাথা ঘুরিয়ে দিলে!

শঙ্কর। না, আপনি ওদের মানতে পাবেন না—কেন, আপনি কম ক্রিসে? বিপুল অন্নৈতবাদই এফমাত্র সত্য। গান ক'রতে ক'রতে যে মূর্ছা যায়, বিপুল জ্ঞান তার কি ক'রে সম্ভব। উচ্চ তত্ত্ব জ্ঞানবার অধিকারীই সে নয়।

অবৈত। হাঁ তুমি ঠিক ব'লেছ। যথার্থ কথা, নাচন গাওন আবার কিসের ধর্ম বটে? কিন্তু কি জ্ঞান? কি রকম গুণগোল ক'রে দেয়!

কাম। আপনি প্রতিজ্ঞা করুন ওদেব দলে আর মিশবেন না। নিমাইটে পাগল, শ্রীবাস পণ্ডিতের হ'য়েছে ভীমরতি! হরিদাসের কথা তো ডেড়েই দিন, আর নিতাই তো যেমন গোয়ার তেমনি পাগল।

অবৈত। মিথ্যে বলনি কামদেব, লক্ষ্মীছাড়া ঐ নিতাই; কি কাণ্ড ক'রলে সেদিন আমার সঙ্গে, জলে ডুবিয়ে আমায় মেরে ফেলবার যোগাড়! আরে! সে যোয়ান হোঁড়া, তাব সঙ্গে আমি বুড়ো মামুষ পেরে উঠবো কেন?

সীতা। যেমন গোয়ালের সঙ্গে মিশতে যাও—আজকাল তো মার ধ'বেছে শুন্‌লাম।

শঙ্কর। খবরদার ব'লছি—আপনি মিশতে পাবেন না। আপনার কতবড় মানসম্মত, দেশশুদ্ধ লোক আপনাকে মানে চেনে—কত বড় বড় বাজা-রাজড়া আপনাকে সম্মান সম্বরণ করে; এব্যসে আপনার কেন যে এরকম মতিগতি হ'ল তা' ব'লতে পারিনি!

কাম। আপনি শ্রাব্য কাজ যখন করেন, তখন আমরা কিছু বলি? হরিদাসকে যখন বাড়ীতে রাখেন, লোকে যে কত কথা ব'লেছিল—একঘরে পর্যন্ত ক'রেছিল; একথা তো তখন কেউ আমরা বলিনি যে, মুসলমানকে বাড়ীতে রাখবেন না। আপনি অবৈতবাদী—হিন্দু-মুসলমানের ভেদ আপনার জ্ঞান নয়, সে আমরা মানি; কিন্তু একি! কতকগুলি অকালপক ছোকরা—আপনাকে তারা বেমান্ন না?

অবৈত। হাঁ—হাঁ—তোমরা ঠিক ব'লেছ, বাঁচি কথা। ওদের—বিশেষ ঐ ছোকরাকে—

শঙ্কর। ও তো আপনাকে একরকম নাকে দড়ি দিয়ে ঘোরায়।

অবৈত। হাঁ—তা' ঘোরায় বইকি। আমি ওর সঙ্গে পারবো কেন? একে ঘোরান—তার উপর প্রচণ্ড মাতাল। আমার দুর্দশাটা একবার দেখ—আমি শ্রীঅবৈত আচার্য্য, দুটো হোঁড়া আমায় নাকের জলে চোখের জলে ক'রে তুলে। আমায় যেন পাগল পেয়ে ব'সেছে! তোমরা ঠিক ব'লেছ—কি বল বড়গিরি, আমি দিনকতক শাস্তিপুরের বাড়ীতেই গা-ঢাকা দিই?

সীতা। অবিশ্বাসি মানিয়েছিল চমৎকার—কিন্তু তুমি কি ব'লে ওদের সঙ্গে যাত্রায় নাচলে!

অবৈত। আরে বড়গিরি, নাচি কি আর ইচ্ছে ক'রে? আমায় নাচালে যে। যত নষ্টের মূল হচ্ছে ঐ নিতাই! ওয়ে কি না ক'রতে পারে, তা' ব'লতে পারি নে! আরে আমি তো আমি, যদি ইচ্ছে করে ও—তোমাকেও নাচাতে পারে! ওর কি লজ্জা সরম আছে! সমস্ত রাত ধ'রে পায়ে মাথা খুঁড়বে, খাবে না—সে কাণ্ডই আলাদা! গঙ্গায় কুমোবেব সঙ্গেই কুন্তী ক'রলে—তারি ডাং-পিটে। আচ্ছা যাও তুমি, রান্নাবাড়নার যোগাড় দেখ। আর ভয় নেই, আমি খুব শক্ত হব। ও ভক্তিতত্ত্ব নয়—দিনকতক জ্ঞানচর্চায় মন দিই। হাঁ, আমাদের আলোচনা হ'ছিল কি?

কাম। বিত্তা আর ব্রহ্মের স্বরূপ।

শঙ্কর। আপনি ব'লছিলেন, স্বরূপ ব্রহ্ম প্রথমে এই আত্মজ্ঞান লাভ করেন। তারপর তিনি তাঁর জ্যেষ্ঠপুত্র অথর্কাকে এই বিত্তা ব'লেছিলেন।

কাম। তারপর অথর্ক ব'লেছিলেন অজিরকে, অজির বলেন ভরদ্বাজ-গোত্রীয় সত্যবাহকে—সত্যবাহ বলেন অজিরকে। মহাগৃহস্থ শৌনক অজিরের শাম্‌নে এসে একদিন ব'ললেন—এই পর্যন্ত আপনি বলেছিলেন।

অবৈত। এমন সময় বুঝি গৌর-নিতাইয়ের কথা ওঠে! আচ্ছা যাক, এটা হ'চ্ছে মণ্ডুক উপনিষদের অজিরস-শৌনকসংবাদ। শৌনক প্রশ্ন ক'রলেন

অঙ্গিরসকে—কি প্রশ্ন ? “কন্নিয়, ভগবো বিজ্ঞাতে
সৰ্বমিদং বিজ্ঞাতং ভবতীতি” হে ভগবন্, কি জানিলে
এই সমস্ত অর্থাৎ এই পরিদৃষ্টমান জগৎব্রহ্মাণ্ডের
সকল কথাই জানা যায়। অঙ্গিরস ব’ললেন
“দেবিত্তে বেদিতব্য ইতিহ স্ব যদব্রহ্মবিদো বদন্তি পরা
চৈবাপরা চ” ব্রহ্মবিদ্রা, বলেন, ছ’রকম বিজ্ঞা
জানা দরকার—পরা বিজ্ঞা ও অপরা বিজ্ঞা।

(নিত্যানন্দ ও হরিদাসের পরস্পর গলা-ধরাধরি
করিয়া প্রবেশ ও নৃত্য-গীত)

উভয়ে। (সুরে)

ভজ গৌরান্ধ কহ গৌরান্ধ
লহ গৌরান্ধের নাম রে।
যেজন গৌরান্ধ ভজে—
সে আমার প্রাণরে।

(অদ্বৈত সেদিকে দৃকপাত না করিয়া বলিয়া
চলিলেন)

অদ্বৈত। “তত্রাপরা ঋগ্বেদো যজুর্বেদঃ
সামবেদোঽথর্কবেদঃ শিক্ষা কল্পো ব্যাকরণং নিকৃন্তং
ছন্দো জ্যোতিষমিতি। অথ পরা যয়া
ভদ্রকরমধিগম্যতে।”

নিতাই। (সুরে)

ধন্য ন’দে বৃন্দাবন ন’দের পথের মাটিরে,
যে গৌর ছেড়ে শাস্ত্র পড়ে তাব মাথায় মার চাঁটিরে।

(নিতাই অদ্বৈতের মাথায় চাঁটি মারিলেন)

কাম। আঃ, কি মাত্লামো করেন মশায়।
বান্।

নিতাই। থাকবো ব’লে এসেছি, যাবার জ্ঞান
আসিনি।

শঙ্কর। থাকতে চাও থাক—বারণ কেউ
ক’রছে না। ওরকম মাত্লামো ক’রবেন না।

নিতাই। মাত্লামো ক’রবো না ? বেশ
তো। পরলা খরচ ক’রে মদ খেলায়—মাত্লামো
ক’রবো না, তার মানে !

কাম। উনি আমাদের আচার্য্য—ওঁর সঙ্গে
ওরকম ব্যবহার ক’রো না ব’লছি।

নিতাই। তোমাদের আচার্য্য আমার ইয়ার।
তোমাদের লজ্জা হয়, তোমরা স’রে পড় না
বাবা !

কাম। আমরা স’রে প’ড়বো ! আমরা ওঁর
কাছে বিজ্ঞা শিখছি—য’ও, আমাদের পাঠের
ব্যাঘাত ক’রো না।

নিতাই। তোমরা বাপু আর কারো কাছে
গিয়ে পড়গে—শাস্ত্রালোচনা ঠিক ক’রতে দেওয়া
হবে না।

কাম। কি, গায়ের জোর নাকি ?

নিতাই। হাঁ, মন্দ কি—চলে এস ? দেখি,
কে ওঁর মুখ দিয়ে অং বং বার করে ? চালাকি !
খরদার ভট্টচাঙ্গ, একটা সংস্কৃত কথা মুখ দিয়ে
বার ক’রেছ কি, এখানে আজ ব্রহ্মহত্যে হয়ে
যাবে। হরিদাস চাচা, মুখপাতটা তারে ধুরে
ফেল। আমি এই ছোক্রা-ছুটির সঙ্গে একটু
বোঝাপড়া ক’রে নিই।

(হরিদাস অদ্বৈতের পায়ের ধূলি লইলেন।

কামদেব ও শঙ্করের হাত ধরিয়া নিত্যানন্দ)

নিতাই। বাপধন—একটু অগ্রত্ৰ যাওনা বাবা !
আমরা একটু ইয়ার্কি আড্ডা দেব। লেখাপড়া তো
অনেক শিখেছ বাবা, আর কেন ? ব্রহ্মবিজ্ঞাটা না
হয় নাই শিখলে—খুব বেশী ক্ষতি হবে কি বাবা ?
ক’রতে হবে তো শেষ পর্যন্ত দশকর্ম ! এই
বিশ্তেতেই হবে।

অদ্বৈত। ওহে নিতাই, শোন—শোন।

নিতাই। হুমি ধায় ভট্টচাঙ্গ, তোমায় মধ্যস্থ
ক’রতে হবে না।

শঙ্কর। একটা ছোক্রা মাতাল এগে আপনাকে
বলে ‘ইয়ার’। আপনাকে মাথায় চাঁটি মারুলে—
আপনার অপমান করুলে, আর আপনি চূপ করে
আছেন ? ওরা আপনাকে গুণ ক’রেছে। চল
হে কামদেব, এখানে আমরা থাকবো না।

নিতাই। এই এতক্ষণে একটা বুদ্ধিমানের মত
কথা ব’লুলে ! তোমাদের আচার্য্যকে নিয়ে আমরা
একটু মদ খাব—একটু আনন্দ ক’রবো ! তোমাদের
তো আর চ’লবে না ? আর যদি চলে তো না
হয় গৌর ব’লে বসেই পড়।

কামদেব } আরে রাম! রাম! ছি: ছি:
শব্দর }
—যত বল্লিক অর্কাটীন।

[কামদেব ও শব্দরের প্রস্থান।]

অধৈত। তোর সঙ্গে আমি আর কথা কব না।
নিতাই। কেন—আমি কি ক'রলাম বাবা-
ঠাকুর?

অধৈত। আমি তোর উপর রাগ ক'রেছি।
আজ সকাল থেকেই ভাবছি কথা কব না। তার
উপর—

নিতাই। তার উপর কি?

অধৈত। তার উপর, আমার ছাত্রদের সামনে
তুই আমায় মাতাল ব'ললি।

নিতাই। তাতে হ'য়েছে কি? সত্যি কথাই
ব'লেছি।

অধৈত। সত্যি কথা? আমি মদ খাই?

নিতাই। খাওনা? সেই সেদিন, আমি
তোমার হাতে দিলাম আর তুমি ঢুক করে গিলে
ফেললে? আমার নিজের তৈরি মদ—ইয়াকি।
তাতেই তো তোমার ব্রহ্মজ্ঞান গোল্লায় গেল।

গান।

আমি নিতাই শু'ড়ি, চোলাই করি,
গৌর নামের স্মারস,
খেলে এ মদ, টলে না পদ,
উথলে ওঠে মনের হরষ।

দেবাসুরে তুললে স্মৃধা
অগাধ সাগর মখন ক'রে—
গৌরহরি নামের স্মৃধা
আকাশ থেকে প'ড়লো ঝ'রে,—
প্রেমের নেশা একনিমিষে
জমে গেল সকল দেশে,
কত লোহা সোনা হ'ল
পরশমণির পেয়ে পরশ।

নিতাই। বটঠাকুরণ, বটঠাকুরণ, বটঠাকুরণ!
বলি, কি ক'রছো ঘরের কোণে—বেরিয়ে
পড় না?

অধৈত। ওরে ও নিতাই, শোন—শোন।

নিতাই। পেছু ডেকোনা বলছি ভট্টাচার্য,
আমি অন্নপূর্ণার কাছে চ'লেছি—তার ভাণ্ডার
দেখতে। খিদেয় পেট জলে যাচ্ছে।

(নীতা দেবীর প্রবেশ)

নিতাই। এই যে দেবী ভক্তের স্মরণ মাত্রেই
এসে হাজির।

নীতা। যে রকম জুলুমদার ভক্ত, না এসে কি
নিস্তার আছে! দরকার হলে দেবীর পা ধ'রে
নিয়ে আসবে।

নিতাই। নিশ্চয়ই—পা-দুটো জোর ক'রে
ধ'রতে পারলে বশ না মানেন, এমন তো কাউকে
দেখি নে। যাক, এখন তোমার কি আছে বার
কর—চি'ড়ে, মুড়কি, কলা, দই, দুধ—দোহাই
জননি, বড় ক্ষিদে!

অধৈত। আরে নিতাই, শোন—শোন।

নিতাই। কি আর শুনবো?

অধৈত। তুই না অবধূত? উনি সন্ন্যাসী।
রাতদিন কুটুর-কাটুর মুখ চ'লছে—অতো খেলে
তা'র সন্ন্যাস হয়? সন্ন্যাসীর খাণ্ড হ'চ্ছে সপ্তাহ
অন্তে একটা ফল কি ত'লুকণা!

নিতাই। শোন কথা বটঠাকুরণ, “চালুনি
বলেন সূচ তুমি নাকি ছাদা”। উনি অধৈত
আচার্য্য—ব্রহ্মবিদ্যা, ব্রহ্মজ্ঞান, ব্রহ্মচর্যা,—মুখে ব্রহ্ম
ছাড়া কথা নেই। আর ঘরে দুটো গৃহিণী—তার
উপর ব্রহ্মবিদের বয়স ছিয়ান্তর।

[মুখে কাপড় দিরা লজ্জায় নীতাদেবীর প্রস্থান।]

অধৈত। তোর মুখ বড় আলগা—অসভ্য
কোথাকার!

নিতাই। চিলটি মারলেই পালকেলটি খেতে
হয়—আমায় ক্ষেপাতে গেলে কেন? নাও এখন
উঠ, আমার অনেক কাজ—আড্ডা দেবার সময়
নেই। শ্রীবাস পণ্ডিতের বাড়ী আজ অষ্টগ্রহরা,
দেবী ক'র না—চল।

অধৈত। আমি যাব না।

নিতাই। যাবে না কি রকম?

অধৈত। না, যাব না। তোমাদের সঙ্গে
আমার মতের মিল নেই। নাচন-গাওন আবার
ধর্ম কি?

নিতাই। ধর্ম তা'হলে কি রকম অপূর্ণ বস্তু ?
অবৈত। এখানে ধর্ম অর্থে মুক্তিপ্রদ ধর্ম।
ব্রহ্মকে না জানা পর্যন্ত মানুষের কোন ধর্মই তাকে
মুক্তি দিতে পারে না। ব্রহ্মবিৎ তাঁকে ধ্যানে
দেখেছেন। তিনি কেমন—

অপাণিপাদো জ্বনো গ্রহীতা
পশুত্যাচক্ষুঃ স শৃণোত্যকর্ণঃ।
স বেত্তি বেত্তং ন চ ভুঞ্জাস্তি বেত্তা
তমাহরগ্র্যং পুরুষং মহাস্তম ॥

নিতাই। একেবারে তরল জলমিব—ব্রহ্মজ্ঞান
একেবারে নগদ চাতে হাতে পাওয়া গেল! ওসব
বৃক্ষকি ছাড় ভট্টাচার, তোমার আগে অনেক
আচার্য্যচর্য্য অংবংসং করে গেছে। অনেক ত্রিশূল,
অনেক চক্র, বীজ, ছন্দার, হ্রীক্ষার—যথেষ্ট হয়ে
গেছে। আর কেন? চোখে দেখ—কানে শোন,
কি বল চাচা?

হরিদাস। আমাকে আবার ওর মধ্যে টান
কেন বাবাজি, আমি সবারই পায়ের ধুলো!
তোমাদের বাদাম্ববাদে কি আমি যোগ দিতে
পারি?

নিতাই। তুমি ভারি চালাক—তা' আর
জানিনে! আমরা তর্ক ঝগড়া করি, আর তুমি
সেই অবকাশে গৌরচিন্তা কর'বে মৌনো হয়ে?
অবৈত। অগ্নি গৌরান্নকে অবতার ব'লে
মানিনে, তোমায় স্পষ্ট কথা ব'লে দিচ্ছি; তা' তুমি
রাগই কর আর যাই কর:

নিতাই। মান না?

অবৈত। না—মানি নে।

নিতাই। সত্যি ব'লছো—মান না?

অবৈত। হাঁ, সত্যি ব'লছি—মানি নে।

নিতাই। তোমার ষাড় যে সে-ই মান'বে।
মানিনে—মানিনে, কেন তুমি মান'বে না? তুমি
জানী, তুমি ভক্ত, তুমি আজীবন হরিকে ডেকেছ।
তোমার ডাকে তাঁর বৈকুণ্ঠের আসন টলেছিল,
তাই ঠাকুর আমার মহাবিরহের অহুভূতি নিয়ে
মাটাতে নেমে এলেন—আর তুমি এখন বল মানি
নে। যদি না মান, তোমার হাড় ক'খানা আমি
এক জারগায় রাখবো না—এ কথা যেন মনে
থাকে।

অবৈত। আরে, তুই আমার মান'বি না কি?

নিতাই। না মারব না, তোমার ক্ষীরমুড়কি
খেতে দেব? এতক্ষণ মারিনি, এই তোমার ভাগ্য,
এদেশের উপর দিয়ে কি বিপ্লব ব'য়ে গেছে তা
জান? বৌদ্ধতান্ত্রিকের কত অনাচার, শূন্য উপাসনা,
নিরীশ্বরবাদ। ন'দের পণ্ডিতরা আজ যে নাস্তিক
হ'য়ে শুধু সংসারধর্ম ছাড়া অল্প কোন ধর্মের অস্তিত্বই
স্বীকার করে না, যে মনোভাব দেখে—চাচার মুখে
শুনতে পাই, তুমি নিজেই কত কৈদেছ! আর
আজ—শুভদিন যখন এল, তখন তুমিই কি না ব'লে
ব'স্লে আমি মানিনে!

অবৈত। আমি কেমন করে মান'বো নিতাই,
আমার যে তোমার মত বিশ্বাস নেই।

নিতাই। বিশ্বাস নেই।

অবৈত। না নিতাই, আমি যোর সংশয়বাদী।
এ কথা সত্য, একদিন আমিই আশা করেছিলাম—
তিনি আস'বেন; আবার একথাও সত্য, আজ
তোমরা সবাই যখন ব'লছ তিনে এসেছেন—আমার
মনে সংশয়ের আর অস্ত নেই।

নিতাই। আচ্ছা, এক কাজ কর না কেন
বাবাঠাকুর?

অবৈত। কি?

নিতাই। তুমি তাঁকে বাজিয়ে নাও-না?
একবার পরীক্ষা করে দেখ। তুমি তো শাস্ত্রজ্ঞ,
পরম পণ্ডিত,—তুমি তো আর নাস্তিক নও।
শ্রীভগবান মানুষ হ'য়ে পৃথিবীতে আসেন, একথা
মান তো?

অবৈত। মানি, আবার মানি নে।

নিতাই। ঠাকুর, তোমার ওসব চালাকি।
আচ্ছা, তুমি যে ব'ললে নাচন-গাওন আবার ধর্ম
কি? তোমার ভগবান কি ব'লছেন—

নাহং বসামি বৈকুণ্ঠে যোগিনাং হৃদয়ে ন চ।

মদভক্তা যত্র গায়ন্তি তত্র ত্রিষ্টামি নারদ ॥

অবৈত। তাতেও কিছু প্রমাণ হয় না নিতাই।

নিতাই। তা' প্রমাণের দরকারই বা কি?
বলি, তুমি নিমাইকে ভালবাস তো? নাই বা
হ'লো সে ভগবান—ভালবাস তো?

অবৈত। তা বোধ হয় বাসি।

নিতাই। তবে তার কীর্তন শুনে বাবে না কেন? তাতে যদি ধর্ম না হয়, নাই হ'ল! ঐ যে তোমাদের কাণভট্ট, শুনে পাই প্রকাণ্ড পণ্ডিত। তাঁর টোলে একদিন ত্রায়ের বিচার শুনে গেলাম। একজন ব'লে ঈশ্বর আছেন, একজন ব'লে ঈশ্বর নেই—তারপর তর্ক। আরে বাপরে, কি সে তর্ক! দেখে মনে হ'ল, ঈশ্বর যদি বা থাকেন, পণ্ডিত যশায়রা তাঁকে তাড়াবেন। ওরকম তর্কের চেয়ে তো কীর্তন ভাল? উপনিষদে তাঁকে পাওয়া বাবে না অদ্বৈত ঠাকুর, ওখানে নেই—ওখানে নেই। যদি দেখতে চাও, আমার সঙ্গে এস।

গান

ভাবছ যেখায় নাইকো সেখায়
কোথায় করে খোঁজরে মম।
বেদে কিংবা দরশনে
মেলেনা তার দরশন।

যেখানে পাবেনা তারে,
সেখানে খোঁজ বারে বারে,
যেখায় দেখা মিলতে পারে—
রইলে মুদে ছ'নয়ন!

শত তীর্থ পর্য্যটনে,
পাইনি কাশী বৃন্দাবনে,
ত্রিবাসের ত্রিঅঙ্গনে—
সে যে ধূলায় অচেতন!

অদ্বৈত। নিতাই, তোরা সত্যি বিশ্বাস—
আজ ত্রিবাসের অঙ্গনে যে নাচছে, সে-ই একদিন
ব্রহ্মগোপীদের সঙ্গে রাসলীলা ক'রেছিল?

নিতাই। ঠাকুর, সন্দেহ জীবের ধর্ম। গোপাল-
নন্দনকে দেখে অসং ব্রজারও একদিন সন্দেহ হ'য়ে-
ছিল—ইনিই সেই পরম পুরুষ কি না?

অদ্বৈত। তাইই বটে! ভাল, বিশ্বাস যখন
নেই—বিশ্বাসের প্রয়োজন নেই; তবু আর এক-
বার দেখব তোমার গৌরচাঁদকে। আমি আমার
পথ ছাড়বো না। চিরদিন প্রমাণ যেনেছি—
অন্তরকে বিশ্বাস করিনি, চোখের জলকে বিশ্বাস

করিনি। যিনি বাক্য-মন-ইন্দ্রিয়ের অগোচর, তাঁকে
বুঝবো কি দিয়ে! চল যাই।

(সীতাদেবীর পুনঃ প্রবেশ)

নিতাই। বটঠাকুরণ, বুড়োকে নিয়ে চ'ললাম।
সীতা। সে কি, উনি যে তখন ব'লেন তোমা-
দের বাছুরের দলে আর মিশ'বেন না!

নিতাই। তা'হলে গোপালনন্দনকেও পাবেন
না—বাছুর যে তাঁর ভক্ত! সর্কোপনিষদো গাবো;
দোন্ডা গোপালনন্দনঃ, পার্থঃ বৎসঃ, স্মরীভোক্তা—
অদ্বৈত। নিতাই, তুই গীতা পড়েছিস?

নিতাই। না, লেখাপড়াটা তোমারই একচে-
পৈতৃক সম্পত্তি! ছোট্টঠাকুরণ কোথায় গো?
সীতা। শান্তিপুত্রের বাড়ীতে গেছে।

নিতাই। একদিন দুর্গাগঙ্গার 'সতীনে' কৌদল'
দেখবার ইচ্ছা ছিল।

সীতা। বুড়ো শিব সে বিষয়ে খুব চালাক!
ছুটকে এক জায়গায় বড় করেন না।

অদ্বৈত। আগে ঠেকেছি, এখন "ভনতি বিজ্ঞতমঃ
ক্রমশো জনঃ"।

সীতা। যাই হোক, নিতাই খেতে চেয়েছে—
না খাইয়ে ছাড়তে পারি নে।

নিতাই। তাইতো চাচা, খাওয়ার কথাটা
তো ভুলেই গেছি! শীগ'গির—শীগ'গির! আচ্ছা,
কি খেতে দেবে বলতো ঠাকুরণ?

সীতা। দুটা ভাত খাবে?
নিতাই। কি কি রে'খেছ বল দেখি?

সীতা। মূলোবেগুনের শুকতুলি, যোচার ঘণ্ট,
ইচ্ছের দালনা, সোনামুগের ডাল, বড়ি ভাজা,
চালুতার অম্বল।

নিতাই। মি, দুধ, চিনি—এতো গোঁসাই-
বাড়ী আছেই। উপস্থিত ত্যাগ করা ঠিক নয়।
চলে এস চাচা—বাবাঠাকুর, তুমিও দুটো খেয়ে
নাও! তোমার বাড়ীতে আমরা খাব আর তুমি
উপবাস ক'রবে, এটা বোধ হয় ভাল দেখায় না।

[সকলে বাড়ীর ভিতরে গেলেন]

দ্বিতীয় দৃশ্য

(নবদ্বীপের পথ। অনেক লোকজন যাতায়াত করিতেছে—প্রায়শঃ পণ্ডিত ও ছাত্রগণ। তার মধ্যে অদ্বৈতের শিষ্য কামদেব ও শঙ্কর ছিলেন।)

দামোদর। ওহে শঙ্কর, নিমাই পণ্ডিতের খবর জান? আচার্য্যও নাকি যাতায়াত করছেন?

কামদেব। ক'রছেন বৈকি—শুধু যাতায়াত কেন, তাঁরও বেশ মাখামাখি ভাব!

শঙ্কর। আচ্ছা, সমস্ত নবদ্বীপ কি পাগল হ'য়ে উঠল?

ভরত। সমস্ত নবদ্বীপ পাগল হ'তে যাবে কেন? পাগল যারা হবার তারাই হ'য়েছে। কি আশ্চর্য্য! বড় বড় সব গ্রাম-সাংখ্য-পাণ্ডুলের পণ্ডিত—একটা ছোঁড়াকে নিয়ে অস্থির।

দামোদর। নিমাইটেও কম পাগল নয়। অমন চমৎকার বইখানা লিখে গঙ্গার জলে ফেলে দিলে?

ভরত। হাঁ, ফেলে দিলে! তুমিও যেমন! ওসব গল্প কথা এখন ভুলে রটাচ্ছে। ও আবার ছায়েব বই কি লিখবে? ব্যাকরণ ছাড়া কিছু জানে না। সাধারণ বুদ্ধি আগে একটু ছিল—হরিনাম ক'রে শেঁকুও লোপ পেয়েছে!

দামোদর। না হে না; আমি স্বয়ং কাণ্ডটের কাছ থেকে শুনেছি। কাণ্ডট শতমুখে প্রশংসা করলে; বলে—যেমন যুক্তি, তেমন সিদ্ধান্ত! নিজে বলে “আমার দীর্ঘীতি তার কাছে লাগেনা”। তাতেই তো নিমাই বইখানা জলে ফেলে দিয়ে ব'লেন—“বন্ধু, আমি পাণ্ডিত্যের যশ চাই না।”

শঙ্কর। শুনেছি নাকি গঙ্গাদাস পণ্ডিতও টলমল?

ভরত। বুঝিনে ওসব—ভাই!

শঙ্কর। তবে আমরা ভাই ন'দে ছেড়ে চ'ললাম।

ভরত। কেন—কেন? তোমরা নবদ্বীপের শ্রেষ্ঠ ছাত্র, সর্গবিজ্ঞা অর্জন ক'রে ব্রহ্মবিজ্ঞার আলোচনা করছিলে—আর তোমরা—কেন, তোমাদের বিজ্ঞা কি আস্ত হ'য়েছে?

কামদেব। তা' নয় ভাই, তা' নয়। এক অদ্বৈত আচার্য্য ছাড়া ব্রহ্মবিজ্ঞার অধ্যাপক নবদ্বীপে আর কে আছেন? তিনিই এখন নিমাই পণ্ডিতের দলে ভিড়লেন, তখন আর কার কাছে পড়বো?

ভরত। আচার্য্য কি সত্যিই হরিতজা হ'লেন? শঙ্কর। এক রকম হওয়াই। ওদের সঙ্গে

মিলে যাত্রা গাইলেন—নাচলেন। আজ সকালে আমাদের যুখের উপর নিতে এসে ব'লল, তোদের আচার্য্য আমাদের ইয়ার—আমাদের সঙ্গে মদ খায়।

কামদেব। গুরুনিন্দা শুনতে হ'ল—আমাদের প্রায়শ্চিত্ত ক'রে দেশত্যাগ করা উচিত। আর সাতটা দিন দেখ'বো, তবে আশা নেই। ঐ যে, নিমাই পণ্ডিতের কীর্তনের দল বেরিয়েছে—চলছে শঙ্কর, এখানে আর থাকা নয়! আগমবাগীশের টোলটা একবার ঘুরে আসা যাক।

(একদল ছাত্র চলিয়া গেল। তারপর গোপাল, চাপাল ও রামরূপ প্রবেশ করিল।)

গোপাল। ও হতছাড়াবাদের কথা ছেড়ে দেও খুড়ো—ওরা ম'রেছে!

রামরূপ। ম'রেছে কি রকম?

গোপাল। সে মরার বাড়া—আমি এত ক'রে বোঝাবার চেষ্টা করলাম, ওসব বুজুকি; তা' একটা কথার জবাব দিলে না—কানে আঙ্গুল দিয়ে রইল—হাউ হাউ ক'রে কাঁদতে লাগলো!

রামরূপ। খুব আশ্চর্য্য বটে বাবাজি—জগাই, মাধাই এরকম হ'য়ে যাবে কে ভেবেছিল বল দেখি!

গোপাল। দিন দিন দলে পুষ্ট হচ্ছে। জগন্নাথ মিশ্রের বেটা এখন হ'য়েছেন—শ্রীশচীনন্দন! ভারে ভারে দই, দুধ, ছানা, চিনি, উৎকৃষ্ট ফল, কাপড়, গহনা সব আসছে প্রভুর ভোগের জন্য—আর প্রভু ফুলের মালা গলায় দিয়ে নন্দচুল হ'য়ে নেচে নেচে বেড়াচ্ছেন।

রামরূপ। ওর বুঝি রাধাভাব? নেকা!

গোপাল। আর শ্রীবাসটা হ'চ্ছে আসল গোবোচারা—মেয়েমাছেরও অধম। ওর স্বন্ধে ভর ক'রে অষ্টগ্রহা হ'চ্ছে—হরিবাসর হ'চ্ছে—সাতগুটি মিষ্ট ওর বাড়ী ছ'বেলা গিলছে!

রামরূপ। বল কি হে।

গোপাল। জাতজন্ম আর রইলো না খুড়ো—
—বামুনের ছেলে মোছলমানের সঙ্গে ভাত খায়,
বাড়ীর বোঝির সামনে টপ্পা খেউড় গায়! সখী
আর বঁধু ছাড়া গান নেই! চালাকি পেয়েছে
বটে?—আমরা বুঝিনে কিছু, আর এঁরাই হ'লেন
ভক্ত!

রামরূপ। তুমি তো শেদিন শ্রীবাসের বাড়ীর
সামনে খুব ঘটা ব'রে কালীপূজো ক'রেছিলে?

গোপাল। তা বেটারা এমনি নাস্তিক যে
একবার দোর খুলে?

রামরূপ। আচ্ছা, বাড়ীর ভিতর কি করে
ওরা?

গোপাল। স্ত্রীলোক আর মদ্য নিয়ে ফুর্তি
করে নিশ্চয়ই। নইলে অত শীগ'গির দল পুষ্ট হয়!
তোমাকে খুড়ো একটা কাজ ক'রতে হবে।

রামরূপ। কি কাজ?

গোপাল। একতীবার ওদের দলে ভিঁড়ে
ভিতরের ব্যাপারটা কি খোঁজ নিতে হবে। তুমি
ওদের মত বৈষ্ণব সেজে কীর্তনের দলে ঢুকে
প'ড়বে!

রামরূপ। ভয় করে বাবাজি, ঐ নিতাইটে
ভারি গৌয়ার! একা পেয়ে শেষ পর্যন্ত যদি—

গোপাল। পাগল আর কি? শুন্লায়
নানারকম মজা আছে! সখী আছে, কুজ জাগায়
—দস্তর মত নকল বুদ্ধাবন!

রামরূপ। গৌড়দেশের মত এমন মজার দেশ
আর কোথাও পাবেনা বাবাজি!

গোপাল। বুজুকি না ক'রলে ভালমাহুষের
এখানে অন্ন হয় না।

রামরূপ। অষ্টমত পণ্ডিতকে নাকি দলে
নিষেছে?

গোপাল। তিনি হ'ছেন মহাদেব!

রামরূপ। অষ্টমতকে ভোলালে কি ক'রে?

গোপাল। বুড়ো হ'লে ভীমরতি হয় না? এ
তাই। তাইতো তোমায় ব'লছি খুড়ো—একবার
স্বচক্ষে দেখে এস। তুমি যদি ঠিকঠাক খবরটা
আনতে পার—তখন আমি দেখে নেব।

রামরূপ। কি ক'রবে তুমি?

গোপাল। দেশছাড়া ক'রবো—চালাকি নাকি?
আমি কাজী—এমন কি, বাদশাহকে পর্যন্ত খবর
দেব। কিন্তু তার আগে সঠিক খবরটা জানা
দরকার।

রামরূপ। আচ্ছা, আমি যাব; কিন্তু লোকজন
নিষে আশেপাশে থেকে বাবাজি, যদি মারধোর
দেয়—আমি চেষ্টাব!

গোপাল। খুড়ো, এত ভয় তোমার? মারে
অনেক শালা! ঐ যে সব গাইতে গাইতে যাচ্ছে।
মাঝখানে গৌরনিতাই—গা জালা করে! কিরকম
ভঙ্গিমে ক'রুড়ে দেখছো?

রামরূপ। বাসুঘোষ হ'য়েছে বুঝি মূল গায়েন?

গোপাল। আর বল কেন, ঐ শালা হ'ল
গাইয়ে। “যত ছিল উল্লুনে সব হ'ল কীর্তুনে!”
তুমি খুড়ো একটা তিলক কেটে নাও, তারপর
আস্তে আস্তে ওদের সঙ্গে শ্রীবাসের বাড়ীতে—।
তোমার রাগ হ'চ্ছে না খুড়ো?

রামরূপ। খুব হ'চ্ছে—কিন্তু বাবাজি পিছনে
থেকো!

[উভয়ের প্রস্থান]

তৃতীয় দৃশ্য

(শ্রীবাসের বাড়ীর অন্তর। শ্রীশ্রীহরিবাসরের
আয়োজন—তুলসীমঞ্চ। শ্রদ্ধাবান ভক্ত শ্রীবাস
প্রবেশ করিয়া তাঁহার ভ্রাতৃগণ, আত্মীয়গণ
ও ভ্রাতৃগণকে সভাপ্রস্তুত করণের
উপদেশ দিতেছেন।)

শ্রীবাস। ওহে শ্রীকান্ত, কই হে—ফুলের মালা,
চন্দন, অগুরু, এসব কই? আলোড়লো সব জেলে
দেও। এখনো ধূপধুনো গঙ্গাজল দেওয়া হ'ল না?
রোজই এসব আমাকে তদারক ক'রতে হবে?
প্রভুর আসবার সময় হ'য়ে গেল যে!

(মালিনীর প্রবেশ)

মালিনী। আজ এখানে হরিবাসর ক'রবে?

শ্রীবাস। কেন, কি হ'য়েছে?

মালিনী। তুমি তো দেখে এলে। ছলের অবস্থা তো আমি আদৌ ভাল বুঝছি না। আমি বলি, আজ হরিবাসর থাক্।

শ্রীবাস। ব্রাহ্মণি, তুমি কি ব'লছ? ছলের অন্তর দেখে তোমার মাথা খারাপ হ'য়েছে!

মালিনী। না—না, তুমি দেখলেনা? বাছা আমার ভাল ক'রে চোখ চাইতে পারছে না! আমার বড় ভয় ক'চ্ছে—তুমি বরং ছলের কাছে এসে ব'স। হরিসংকীর্ণন আজ থাক্।

শ্রীবাস। ব্রাহ্মণি, তুমি নিজের চোখে গৌর-চক্রে দেখেছ। এই নবদীপে তোমার আমার মত ভাগ্যবান কেউ নেই। সর্বপ্রথম আমাদেরই কাছে প্রভু আত্মপ্রকাশ ক'রেছেন। সেই গৌর-চক্রে হরিসংকীর্ণনে তুমি আজ বাধা দেবে! ছলে কার ব্রাহ্মণি? আমাদের তো গচ্ছিত ধনের অধিকারী! যার জিনিস তিনি যদি ফিরিয়ে নিতে চান, তুমি আমি কাছে ব'সে থেকে কি রক্ষা ক'র্তে পারি! তুমি জান, আমি কতবার তোমায় ব'লেছি, একবার মাত্র হরিসংকীর্তনে আমি অকাল-মৃত্যুর হাত থেকে রক্ষা পেয়েছি। আমার আত্মা মনে পড়ে—গতরাতির স্বপ্নের মত! মহাপুরুষ এসে আমার কানে মন্ত্র দিলেন—“হরেন্দ্রনামৈব কেবলম্”—আমি আচ্ছন্ন আবিষ্টের মত উঠে ব'সলাম। সে মুহূর্তপূর্ব্বম্ কে, তাও তোমায় ব'লছি—যদি তোমার ছেলেকে কেউ রক্ষা ক'র্তে পারেন, তিনি গৌরচন্দ্র!

মালিনী। তা'হলে হরিবাসর হবে?

শ্রীবাস। নিশ্চয়ই! যদি রক্ষা পাবার হয়, হরিনামেই রক্ষা পাবে; আর যদি সত্যই আজ তার জীবনের শেষ দিন হয়, তা'হলেই বা তার চেয়ে ভাগ্যবান পৃথিবীতে আর কে আছে? স্বয়ং নরদেহধারী ভগবানের মুখোচ্চারিত হরিনাম শুনতে শুনতে তার জীবনীলা শেষ হবে।

মালিনী। ও কথা মুখে এনো না! গৌরহরি যদি সত্যি অবতার হন, তা'হলে নিশ্চয়ই তিনি আমার বাছাকে রক্ষা ক'রবেন।

শ্রীবাস। রক্ষা তিনি তাকে নিশ্চয়ই ক'রবেন, তাতে আমার কোন সন্দেহ নেই। কিন্তু ব্রাহ্মণি, যাহুবের পার্শ্ব জীবন তো একমাত্র জীবন নয়—

তার আধ্যাত্মিক জীবনের কল্যাণ-কামনায় আজ যদি তার পার্শ্ব জীবন শেষ হয়, কখনো যেন মনে ক'র না গৌরচাদের রূপা হতে আমরা বঞ্চিত! তুমি যাও, ছলের কাছে গিয়ে ব'স।

মালিনী। তুমি এদিকে একটু কান রেখো, যেন একেবারে সংকীর্ণনে মেতে যেওনা! অবস্থা খারাপ দেখলে আমি তখনই তোমায় ডাকতে পাঠাবো।

শ্রীবাস। ব্রাহ্মণি, তুমি কি মনে কর—আমি সমস্ত সাংসারিক সুখ-দুঃখ, ভয়-আশঙ্কা প্রভৃতির অতীত! আজ তোমার মনে যে সংশয়, আমার মনেও তাই। আজ যে আমি সংকীর্ণনে মন দিতে পারবো, এ বিশ্বাস আমারও নেই! তুমি যাও মালিনি, ঐ আমার প্রভু আসছেন।

মালিনী। প্রভু, যদি তুমি সত্যই আমাদের ইষ্ট দেবতা হও—আমার একটি মাত্র ছেলে তোমার পায়ের তলায় ফেলে দিলাম, তুমি ওকে বাঁচাও!

(গৌরচন্দ্র, গদাধর, নিত্যানন্দ, অদ্বৈত, বাসুদেব, মুরারিগুপ্ত প্রভৃতি কীর্তনের দল সঙ্গে ভণ্ড ভক্ত রামরূপ।)

গান।

রূপ লাগি আঁগি বুঝে

গুণে মন ভোর—

প্রতি অঙ্গ লাগি কীদে

প্রতি অঙ্গ মোর।

হিয়ার পরশ লাগি

হিয়া মোর কান্দে,

পরাগ পিরীতি লাগি

খির নাহি বাঁকে।

রূপ দেখি হিয়ার

আরতি নাহি টুটে,

বল কি বলিতে পার

বস মনে উঠে।

হাসিতে খসিয়া পড়ে কত মধু ধার

লহ লহ কহে কথা পিরীতির সার।

(কীর্তন শেষ হইলে গৌরচন্দ্র সর্বপ্রথমেই রামরূপের প্রতি দৃষ্টিক্রমে করিতে লাগিলেন।
১. রামরূপ মনে মনে চঞ্চল হইয়া উঠিল।)

নিমাই। তুমি কে ?

রামরূপ। আমি এই নদীয়াবাসী প্রভু, আপনাত্ত ভক্ত।

নিমাই। গোরাচাঁদ, আমার একটি নিবেদন আছে।

নিমাই। কি নিবেদন ?

নিমাই। এই রত্নটীর সঙ্গে আমি একটু আলাপ ক'র্ব্বো।

নিমাই। কেন শ্রীপাদ ?

নিমাই। দিন দিন আপনার ভক্তসংখ্যা বাড়ছে দেখে আমার বড় আনন্দ হচ্ছে প্রভু !

অবৈত। আবার বুঝি ঐ ব্রাহ্মণটীকে জ্বালাবি ? ঠাকুর, আপনি কিছু মনে ক'র্ব্বেন না—ও ঐরকম !

নিমাই। (রামরূপের প্রতি) তারপর প্রভু, কেমন আছেন—আপনার তিনি কেমন আছেন ?

রামরূপ। তিনি ! তিনি আবার কে ?

নিমাই। যিনি আপনার বাপস্ব না ক'রে জগগ্রহণ করেন না—যাঁর কুঞ্জ প্রতি সন্ধ্যায় আপনি চণ্ডীপাঠ করেন। তা' সহসা সেই জামা মহিষমর্দিনীর পূজা ছেড়ে এখানে কি মনে করে ?

রামরূপ। তুমি কি ব'ল্ছো নিতাইদা ! আর প্রভুর সামনে ওসব কি কথা ব'ল্ছ ?

(দাসী জনান্তিকে শ্রীবাগকে ইসারায় ডাকিল।

শ্রীবাস অভ্যস্ত উৎকণ্ঠার সহিত
অন্তঃপুরে গেলেন)

নিমাই। তোমার তো মাত্র একটি প্রভুই আছেন জানুতেম ! যাক, এসেছ—এসেছ, বেশ ক'রেছ ! তা' ঐরকম বৌরূপী সেজে এসেছ কেন খুঁড়ো !

রামরূপ। আঃ ! কি রক্ত কর—ভাল লাগেনা মাইরি !

নিমাই। পরচুলটা সংগ্রহ ক'লে কোথেকে ?

(চুল খুলিয়া লইল। সকলে হাসিতে লাগিল।)

রামরূপ। তোমাদের ভারি আশ্পর্ক—হাসুছো যে সব, হাসুছো যে বড় !

নিমাই। সত্যি, তুমি কেন এসেছ ?

রামরূপ। সে কৈফিয়ৎ আমি তোমাকে দেবনা।

নিমাই। কিন্তু কৈফিয়ৎ যে দিতে হয় রামরূপ খুঁড়ো ! নৈলে তো এখানে স্থান হবে না। এ শ্রীহরির সভা, যারা তাঁর ভক্ত—অন্তরঙ্গ, তাঁরা ছাড়া এখানে আর কেউই স্থান পায় না।

রামরূপ। স্থান পায়না—তার মানে ? এই তো আমি এসেছি, কি ক'র্ব্বো—আমায় তাড়িয়ে দেবে ?

নিমাই। নিশ্চয়ই, তাতে আর কোন সন্দেহ আছে ?

রামরূপ। মনে রেখো আমি অমনি আসিনি—কাজীর লুকুমে এসেছি।

নিমাই। তা' জানি। তা' হলে তোমার কাজী এসে তোমায় রক্ষা করুক। ওঠ।

রামরূপ। তার মানে ?

নিমাই। ওঠ—

রামরূপ। আরে ?

নিমাই। পথ দেখ না স্ত্রাণ্ডাৎ !

রামরূপ। কি রকম ?

নিমাই। এই যে যাবার পথ—ঐ সদর দরজা।

রামরূপ। আরে নিতাইদা, তুমি কিনা—

নিমাই। হাঁ আমি কিনা—আপনি এখন আসুতে আজ্ঞা করুন দেখি।

রামরূপ। নিমাই, তুমি কিছু ব'ল্ছো না।

নিমাই। তুমি চুরি ক'রে এদের সঙ্গে ঢুকে প'ড়লে কেন ?

রামরূপ। বেশ ক'রেছি, আমার খুসী ! তোমরা যা ক'র্ব্বতে পার কর।

নিমাই। তাই নাকি ? আচ্ছা। ওঠ, তোমার জন্তে কীর্ত্তন বন্ধ আছে, ওঠ।

রামরূপ। দেখ, আমি এখনো রাগিনি তাই ! রাগলে কিন্তু—

নিমাই। আমি জানি লঙ্কাকাণ্ড হবে। তা' রাগবার দরকার কি তোমার ! এমন, বেশ মানে মানে বিদায় হও না—দাদা।

রামরূপ। তোমার ভারি বাড় বেড়েছে ! ওঃ, ভারি আমার রেড়ো বায়ুন কিনা ? তুই তো শতাব্দী জাতের অন্ন খেয়ে বেড়াই—তুই আবার বায়ুন কিসের ?

নিতাই। তা' খাই। মা-লক্ষ্মীর অন্ন যখন যেখানে
জোটে, খেয়ে নিই। এখন তুমি যাবে কি না?

রামরূপ। নিমাই, তুমি কিছু বললে না?
তোমারই আঙ্কারা পেয়ে ঐ রেড়ো ভূতের এত
আম্পর্ক হ'য়েছে। আচ্ছা, আমি যাচ্ছি—কিন্তু এর
ফল তোমাদের ভুগতে হবে।

নিতাই। কি ফল?

রামরূপ। আমি কুলীন ব্রাহ্মণের ছেলে, আমি
অভিসম্পাত কচ্ছি—

(শ্রীবাসের পুনঃ প্রবেশ)

শ্রীবাস। আহা-হা, কর কি—কর কি!

নিমাই। পণ্ডিত, চুপ্ কর। কি বলতে চাও
ব্রাহ্মণ, কি শাপ দিতে চাও—দাও।

রামরূপ। গুমরে তোমরা আর কেউ চোখে
কানে দেখতে পাও না। কিন্তু আমি শাপ
দিচ্ছি—এ গুমর তোমাদের থাকবে না। শোন
বিশ্বস্তর, ন'দের বামুন হ'য়ে তুমি যখন ঐ
জাত হারাণো অবধূত দিয়ে ন'দের বামুনকে
অপমান ক'রিয়েছ, তখন নিশ্চয়ই জেনে', তোমার
ন'দের বসতি উঠেছে। সুখে স্বচ্ছন্দে সংসার
ক'রবে মনে ক'রেছ? সে গুড়ে বালি প'ড়বে!
কাঁদতে কাঁদতে তোমাকে ন'দে ছাড়া হ'তে হবে!
আর শুধু তুমি একা নও—যারা এখানে আছে,
তাদের সবাইকে চোখের জল ফেলতে হবে!

নিমাই। তোমার অভিশাপ ফ'লবে তো
ঠাকুর? ঠিক ফ'লবে?

রামরূপ। যখন ফ'লবে, তখন বুঝতে পারবে।

[গ্রন্থান

নিমাই। কিন্তু এতো তোমার অভিশাপ নয়
ব্রাহ্মণ, এযে আমারই প্রাণের কামনা!

অদ্বৈত। লক্ষ্মীছাড়া ছোড়া। কি ক'রলি বল
দেখি? ব্রাহ্মণ রাগ ক'রে চ'লে গেল। অমন
ক'রে ওর প্রাণে আঘাত দিতে হয়!

নিতাই। তা' আমার গাল দিলে না কেন?
একের দোষে আরেকের দণ্ড—এ কৌনুদিশে বিচার!

অদ্বৈত। ওরা গ্রামভারি লোক, মাছি মেরে
হাত কাল করে না। তোমার মত অবধূতকে ওরা
গ্রাহ্যই করে না।

নিতাই। তাই তো বাবাঠাকুর, সত্যিই আমি
অপরাধী। আমার কান্না পাচ্ছে। আমি এই
তোমার পায়ের ধুলো নিচ্ছি—কান্নামলা খাচ্ছি—

অদ্বৈত। তা' আমার পায়ের ধুলো নলে কি
হবে। রামরূপকে ডেকে আনি—তার পায়ের
ধুলো নে।

নিতাই। তা' বুঝি আর পারিনে—খুব পারি।
কিন্তু কেন নেব? বেশ ক'রেছি—ও আমার
রেড়োভূত ব'লে কেন? নিমাই। ভাই, বলনা,
সত্যি ওর কথা খাটবে?

নিমাই। ব্রাহ্মণের বাক্য কখনো মিথ্যা
হয়?

নিতাই। ওঃ, ভারিতো বামুন—কলির বামুন।

নিমাই। আমরা সবাই তো কলির ব্রাহ্মণ!

নিতাই। সংসারের সুখ তুমি পাবে না?

নিমাই। আমি তো কোনদিন সংসারের
সুখ চাইনি!

নিতাই। কিন্তু তোমার সংসারে তো সুখের
অভাব নেই—তোমার কৌশল্যার মত জননী,
সীতার মত বধ ঘরে!

নিমাই। সীতা আমার ঘরে কেন? ঐ যে
আমাদের সীতাপতি শ্রীঅদ্বৈত আচার্য্য!

অদ্বৈত। আর উনি যদুপতি—স্বয়ং। সঙ্গিনী
শ্রীশ্রীবিষ্ণুপ্রিয়া!

নিমাই। যাক সে কথা; কিন্তু ভাই, সত্যিই
যার জননী কৌশল্যা আর বধু সীতা—মনে ক'রে
দেখ দেখি, তিনিই কি সংসারের সুখ পেয়েছিলেন।

নিতাই। তুমি আপনি ক'লবে, তাঁদের
কাঁদাবে?

নিমাই। যদি পারি—শ্রীপাদ—যদি পারি,
এর চেয়ে বড় কামনা আমার নেই!

(শ্রীগৌরাজ কিছুক্ষণ পরিক্রমণ করিলেন। তারপর
যেন কোন স্রুত্বের বংশীধ্বনি শুনিয়া উঠিয়া হইলেন।
মৃদু যন্ত্র সঙ্গীত—শ্রীগৌরাজ ধ্যানমৌন। ভাবাবিষ্ট
হইয়া সহসা অদ্বৈত আচার্য্য উঠিলেন। প্রাঙ্গণের
একদিকে ফুলের মালা ও ভুগলীপত্র সজ্জিত ছিল—
তাহা আনিয়া ধ্যানমৌন গৌরচন্দ্ৰের চরণে
কুসুমার্ঘ্য দিলেন।)

অধৈত। একি, একি! এ কোন্ রূপে তুমি আমার চোখের সামনে এসে দাঁড়ালে! জ্যোতির্ময় স্নানর স্তম্ভাম দেহ, কোটীকন্দর্পের লাভণ্য দিয়ে কে তোমায় অভিষেক ক'রেছে! হে স্নানর, পরম স্নানর! তুমি কে?

নিমাই। তুমি দিবানিশি থাকে ডাক—থাকে দেখতে চাও!

অধৈত। তুমি সে-ই?

নিমাই। হাঁ, আমি সে-ই?

অধৈত। তুমি সত্য এসেছ?

নিমাই। সত্য এসেছি।

অধৈত। কিন্তু আমি যে জ্ঞান বুদ্ধি তর্কের দ্বারা তোমার এ রূপকে আয়ত্ত ক'রতে পারিনি।

নিমাই। আমি জ্ঞান—বুদ্ধি—তর্কের অতীত।

অধৈত। এখন তুমি কেন এলে।

নিমাই। তোমারই ইচ্ছায়—তুমি যে আমার ডেকেছিলে!

অধৈত। আমি তোমায় ডেকেছিলাম, তাই এসেছ! আমার প্রতি তোমার এত করুণা—দয়াময়।

নিমাই। তুমি আমার পরম প্রিয়।

অধৈত। কিন্তু শাস্ত্রে তো এ সময় তোমার আসবার কথা ছিল না।

নিমাই। শাস্ত্র আমার অধীন—আমি শাস্ত্রাধীন নই। আমি সর্বশাস্ত্রের অতীত।

অধৈত। তুমি আমার প্রেমতরঙ্গে ভাসিয়ে দাও, আমার অহঙ্কার ভেঙ্গে দাও—আমার সংশয় দূর কর। তোমার এই অনিন্দ্যস্নানর অপার্থিব মূর্তি আমি চোখ দিয়ে দেখেছি, তোমার মুখে হরিনাম গীষুধারা পান ক'রেছি—তবু আবার কেন তোমায় জীব বোধ হয়! এ সংশয়ের হাত থেকে আমার মুক্তি দাও প্রভু!

নিমাই। সংশয় মানুষের ধর্ম—জ্ঞানীর ধর্ম। তুমি জ্ঞানী!

অধৈত। আমি জ্ঞান চাইনা—জ্ঞানের গরিমা চাইনা—আমায় ভাসিয়ে দাও প্রভু! একি—একি!

(শ্রীগৌরাজ ভাবাবেশে অধৈতকে স্পর্শ করিলেন)

অধৈত। আমি বৈকুণ্ঠে, না গোলোকে, না বৃন্দাবনে। আমি কোথায়?

মধুরং মধুরং মধুরং বপুবস্ত্র বিতোঃ,

মধুরং মধুরং বদনং মধুরম্।

মধুগন্ধি মৃদুশ্রিতমেতদহো

মধুরং মধুরং মধুরং মধুরম্॥

নিমাই। (প্রকৃতিস্থ হইয়া) আচার্য্য একি! আমার পায়ের তলায় প'ড়ে!

অধৈত। আমি আমার ইষ্টদেবতার পূজা করছি!

নিমাই। কি ক'রছেন আপনি! ছিঃ, এতো বড় অত্মায়! আমায় অপরাধী ক'রবেন না আচার্য্য! আপনার পায়ের পড়ি। দেখ পণ্ডিত দেখ—আচার্য্যের আচরণ দেখ। ওঁর কি জ্ঞানবুদ্ধি লোপ পেয়েছে সব?

অধৈত। আমার হৃৎ যে এখনো জ্ঞানবুদ্ধি আছে!

নিমাই। কেন, তোমার আবার হ'ল কি?

(অধৈত একদৃষ্টে গৌরাজের দিকে চাহিয়া রহিলেন)

নিমাই। এইরে, বুড়ো বুঝি' ফেপ'লো! আহা-হা! আমি যে বড় রাগীর আঁচলের গেরো থেকে খুলে এনেছি। অঞ্চলের নিষি ফিরিয়ে নিয়ে যেতে পারবো তো ভালয় ভালয়!

অধৈত। ওরে নিমাই, শোন।

(নিমাই গান ধরিলেন)

নিমাই। (তখন) অতি অপরূপ তিমিরে রঙ্গ।

অধৈত। শোন না?

নিমাই। তোমার কথা শুন্বো, না গান ধ'রবো? ধরো বাস্তু খুড়ো—

(নিমাই ও বাস্তুঘোষ গান ধরিলেন)

গান।

(তখন) অতি অপরূপ তিমিরে রঙ্গ

রাই বাহিরিল করি রঙ্গ ভঙ্গ।

(রাই ধনী বেরুল রে—

আমার গজগামিনী বেরুলরে

মদন মোহন মন মোহিনী)

বেরুল রে—

বারণ নাহি মানে !
 রাই হেলিয়া ছলিয়া চলিয়া যায়,
 নীল নিচোল উড়িছে গায়,
 গায়ের বসন তিতিছে বামে—
 কেমনে দাঁড়াবে শ্রামের বামে !
 (যেতে যেতে ঢ'লে পড়ে)

হংসিনীগামিনী রাই—
 রাই সমান পদে সমান চলে,
 (অমনি) সমান পিঠে বেণী দোলে,
 রাই যাইতে যাইতে পুছে
 কেলিকুঞ্জবন নিকুঞ্জ কানন
 আর কতদূরে আছে !

(কীর্তনের মধ্যে দাসী আসিয়া শ্রীবাসকে পুনরায়
 ইঙ্গিত করিল। উৎকণ্ঠিত শ্রীবাস মুখ ফিরাইতেই
 দেখিলেন ঘরের নিকট মালিনী; তাঁহার হুই
 চোখ দিয়া অজস্র অশ্রুপাত হইতেছে। তাঁহাকে
 দেখিয়াই শ্রীবাসের প্রাণ কাঁদিয়া উঠিল—শ্রীবাস
 নিকটে গেলেন।)

শ্রীবাস। মালিনী—তবে কি ?

মালিনী। তুমি একবার এসে শেষ দেখা দেখে
 যাও।

(শ্রীবাস ও মালিনী বাড়ীর ভিতর গেলেন ও
 ফিরিয়া আসিলেন)

শ্রীবাস। যা' হবার হ'য়েছে মালিনী! স্বয়ং
 নারায়ণ আমার আঙ্গিনায় নৃত্য ক'রছেন। তাঁর
 কণ্ঠের মধুর हरिनाम শুনে শুনে—সে ইহলোক
 ত্যাগ ক'রেছে। মুক্তি কৈবল্য গোলোক—তার
 হস্তামলক।

মালিনী। কিন্তু আমার যে মায়ের প্রাণ—
 আমি যে আর চুপ ক'রে থাকতে পারছি নে।

শ্রীবাস। আমারও কি উঠে:স্বরে কাঁদতে
 ইচ্ছা ক'রছে না মালিনী! কিন্তু এখন কেঁদে প্রভুর
 সমাধির মহা আনন্দ ভেঙ্গে দিয়ে না! যদি
 থাকতে না পার “কৃষ্ণ—কৃষ্ণ” ব'লে কাঁদ—তোমার
 আত্মিক শোক ব্রজধামের আধ্যাত্মিক শোকে
 পরিণত কর মালিনী! তোমার মাকে বারণ কর
 মালিনী! বালকবালিকা, আত্মীয়স্বজন—যে যেখানে

আছে, কিছুকণের জন্য শোক দমন করুক। আমি
 নিজে মহাপ্রভুর সঙ্গে মহাগংকীর্তনে যোগ দিয়ে
 এ শোক ভুলবো।

(শ্রীবাস উন্নতবৎ কীর্তনের প্রার্থনায় যোগ
 দিলেন। যথাসময়ে পান শেষ হইল)

নিমাই। পণ্ডিত, তোমার মুখে এ কিসের
 চিহ্ন? আনন্দ না বিষাদ!

শ্রীবাস। তুমি যখন আমার সামনে—আমার
 আঙ্গিনায়, তখন বিষাদ কেমন ক'রে স্থান পাবে
 এখানে! আমার সব ব্যথা যে তোমার পায়ে
 আত্ম'নবেদন ক'রে ধুত হ'য়েছে প্রভু! আর তো
 তাদের মালিঙ্গ নেই!

নিমাই। আমি বুঝতে পারছি নে। কিন্তু
 পণ্ডিত, তুমি আমার পূজনীয়—পিতৃতুল্য পিতৃব্য;
 অমন কথা তুমি মুখে এনো না!

শ্রীবাস। তোমার যখন সেই ইচ্ছা, তাই
 হবে। তুমি আবার কীর্তন কর—আনন্দের হাট
 ব'সে যাক্ শ্রীবাসের এই ক্ষুদ্র আঙ্গিনায়!

নিমাই। শ্রীপাদ!

নিমাই। কি ব'লছ?

নিমাই। আমার প্রাণ কেঁদে উঠছে, আমি
 যেন কার কান্নার ধ্বনি অন্তর ক'রছি—আমার
 প্রাণের তন্ত্রীতে! আজ আমার মা-যশোদার—
 মা-দেবকীর দুঃখ মনে প'ড়ছে! বুঝি আমার
 কোন্ আপন জন ননীচোরা গোপাল হারিয়েছে।
 কে গো, তুমি কে গো?

(মালিনী ছুটিয়া আসিয়া গৌরান্ধচরণে
 মূর্ছাহতা হইলেন)

মালিনী। বাবা, বাবা!

(গৌরান্ধ তাঁর হাত ধরিয়া তুলিলেন)

নিমাই। একি! মা জননি, তুমি—তুমি এমন
 ভাবে! কি হ'য়েছে মা?

(অশ্রুসঞ্ছল চোখে নারায়ণী প্রবেশ করিয়া
 শ্রীগৌরান্ধের হাত ধরিলেন)

নারায়ণী। তুমি এস।

১. নিমাই। কি হ'য়েছে নারায়ণী?

নারায়ণী। ভাই আর কথা কইছে না।

নিমাই। তোমার ভাই ?

নারায়ণী। হাঁ, একটু আগে তোমার গান শুনছিল—তারপর আর চোখ চেয়ে দেখেছেও না—মুখে কথাও ব'লছে না।

নিমাই। সে কি, তোমার ভাইয়ের কি অসুখ ছিল ?

নারায়ণী। হাঁ, বড় কঠিন অসুখ। তুমি দেখবে এস।

(নারায়ণী নিমায়ের হাত ধরিয়৷ টানিয়৷ লইয়া গেল)

অঈত। শ্রীবাগ, কি শুনছি এসব ?

শ্রীবাগ। যা' শুনছেন সবই সত্য।

অঈত। তোমার একমাত্র পুত্র মৃত ?

শ্রীবাগ। হাঁ আচার্য্য।

অঈত। আর তুমি ধীর, স্থির, সংযত ?

শ্রীবাগ। কই প্রভু, আমি তো সংযত হ'তে পারিনি। ব্রাহ্মণীকে বুঝিয়েছিলাম, কে কার পুত্র-কন্যা ? নিজে বুঝতে পারিনি, আপনি হয় তো লক্ষ্য করেন নি—কিন্তু আজকের সংকীর্ণনে—হরি, হরি, ব'লে আমি যত অশ্রু বিসর্জন ক'রেছি, আর কোনদিন কোন কারণে তত অশ্রু আমার চোখ দিয়ে ঝরেনি।

(গৌরাজ, নিত্যানন্দ, মালিনী ও নারায়ণীর পুনঃ প্রবেশ)

নিমাই। পণ্ডিত, তুমি আমার কাছে পুত্রশোক গোপন ক'রেছিলে ? তোমার মত বন্ধু আমি কোথায় পাব ? এমন বন্ধুকে কেমন ক'রে ছেড়ে যাব ?

(সকলে গৌরাজের প্রতি চাহিলেন)

মালিনী। বাবা, আমার কি হবে ? আমি শূন্য ঘরে কেমন ক'রে থাকবো ! আর যে আমার মা ব'লে ডাকবার কেউ রইলো না !

নিমাই। মা, ওঠ। তোমার স্বামী আজ ভক্তিরে তোমার শ্রীমদানন্দকে বৈধেছেন। বৈধবের নিজের কোন স্বতন্ত্র হুঃখ নেই। আমি তোমায় চিরদিন মা ব'লে ডাকবো। আজ তুমি কঁাদ, আমি তোমায় কঁাদতে বারণ করি নে। মাহুকের কোন হুঃখইতো নিফল নয় মা।

নারায়ণী আমার ভাই আর কথা কইবে না ?

নিমাই। আমি তোমার সঙ্গে কথা কইব।

নারায়ণী তুমি তাকে বাঁচাতে পার না ?

নিমাই। আমি কেমন ক'রে বাঁচাব—

নারায়ণী ?

নারায়ণী তবে জ্যোষ্ঠামশায় বলেন, তুমি সব পার। তুমি ঠাকুর !

নিমাই। (কথা কইতে পারিলেন না)

নারায়ণী। এই যে তোমায় দেখে ভাই একবার কথা ব'লে, আবার তখন চূপ ক'রুলে ! তবে কি ভাই আমার ম'রে গেছে—আর আসবে না ?

নিমাই। নারায়ণী !

নারায়ণী। আমার বড় কান্না পাচ্ছে—বড় প্রাণ কেমন ক'চ্ছে !

শ্রীবাগ। না—না, তোমায় আমি আমার ক্ষুদ্র পারিবারিক শোকের জ্ঞান কঁাদতে দেব না। তুমি ধীর জ্ঞান কঁাদ শ্রীমাদিকা—যার জ্ঞান কঁাদেছেন, তাঁরই জ্ঞান কঁাদবে। বাসুদেব, নিত্যানন্দ, প্রভুর শোকাত্ম আনন্দাত্মতে পরিণত কর !

সকলে।

গান

অনেক সাধের পরাণ বঁধুয়া

নয়নে লুকায়ে ধোঁব

বঁধুহে নয়নে লুকায়ে ধোঁব !

প্রেম চিন্তামণি রসেতে গাঁথিয়া

হৃদয়ে তুলিয়া লব।

নারায়ণী (আত্মহারা)।

শিশুকাল হ'তে আন নাহি চিতে

ও পদ করেছি সার

ধন-জ্ঞান-মন

জীবন-মরণ

তুমি যে গলার হার।

সকলে।

অনেক সাধের

পরাণ বঁধুয়া

নয়নে লুকায়ে ধোঁব।

নারায়ণী (আত্মহারা)।

পিরীতি রসেতে

ঢালি তহুমন

দিয়াছি তোমার পায়

তুমি যোর পতি,

তুমি যোর গতি

মন আন নাহি চায়।

তৃতীয় অঙ্ক

(শচীদেবীর বাড়ীর প্রাঙ্গণ। প্রাতঃকাল।

বিষ্ণুপ্রিয়া ও নিমাই ঘরের বাহিরে
আসিয়া কথাবার্তা কহিতেছেন।)

নিমাই। মহাত্মাবের কথা শুনে এইবার
তোমায় বলবো কিশোরীতত্ত্বের কথা।

বিষ্ণুপ্রিয়া। কিশোরী-তত্ত্ব?

নিমাই। হাঁ, কিশোরী-তত্ত্বই তো বিগুহ
প্রেমতত্ত্ব—‘কামগন্ধ নাহি তার’!

বিষ্ণুপ্রিয়া। কথা শুন্তে শুন্তে কখন ভোর
হ’য়েছে জানতেও পারিনি।

নিমাই। এইবার তুমি ঘরের কাজকর্ম করগে
—আমি আসি!

বিষ্ণুপ্রিয়া। তুমি কোথায় যাবে?

নিমাই। তোমায় তো ব’লেছি, তিনি আজ
কাঞ্চননগরে যাবেন। তাঁর সঙ্গে দেখা ক’রে
আসবো।

বিষ্ণুপ্রিয়া। বেশী দেরী হবে না তো?

নিমাই। না, দেরী কেন হবে!

বিষ্ণুপ্রিয়া। তবু, কতক্ষণ পরে আসবে?

নিমাই। এত আকুল প্রাণ কেন লক্ষী!

বিষ্ণুপ্রিয়া। একদণ্ড তোমায় চোখের আড়ালে
রাখতে উন্নয় হয়।

নিমাই। ক্ষুদ্র ভয়, ক্ষুদ্র আশঙ্কা তোমায়
ছাড়তে হবে লক্ষী! এখন আমি আসি।

(নিমাই চলিয়া গেলেন। বিষ্ণুপ্রিয়া একমুঠে
সেইদিকে কিয়ৎক্ষণ চাহিয়া রহিলেন, পরে
ঘরের কাজে মন দিলেন। বাহির হইতে
শ্রীবাস ও নিত্যানন্দ আসিলেন।)

নিতাই। রসো খুড়ো, আমি খবরটা নিয়ে
আসি। ঐ যে বোমা, কাজকর্ম ক’রুছেন।

(নিতাই বাড়ীর ভিতর ঘুরিয়া আসিলেন।)

কোথায় বেরিয়েছে, এখন বাড়ী নেই। আমরা
ব’সবো না বোমা, তুমি কাজকর্ম করগে। কি
ব’লুছিলে খুড়ো?

শ্রীবাস। সেদিন প্রভু আমার ওকথা কেন
ব’ললেন—“এমন বন্ধুকে ছেড়ে আমি কেমন ক’রে
থাকবো?” তবে কি আমাদের ছেড়ে যাওয়ার
সঙ্কল্প ঠিক মনে উদয় হ’য়েছে?

নিতাই। কথাটা তুমি লক্ষ্য ক’রেছ খুড়ো?
তার উপর, ঐ রামরূপটা কি না পৈতে ছিঁড়ে
শাপ দিলে।

শ্রীবাস। এদিকে নবদ্বীপের সামাজিকেরা
সবাই যেন উঠে প’ড়ে লেগে গেছে।

নিতাই। কেন, কীর্তনবন্ধের অজ্ঞ?

শ্রীবাস। হাঁ, সেইদিন থেকে দিন দিন আমার
আশঙ্কার অন্ত নেই শ্রীপাদ।

নিতাই। চল, বাবাঠাকুরের কাছে যাই—
তাকে তো পণ্ডিতরা সবাই খাতির করে।

শ্রীবাস। আগে খাতির কর্তব্য—আমাদের দলে
যোগ দেওয়ার পর থেকে বিজ্ঞপ আরম্ভ ক’রেছে।

নিতাই। মা, জী আর আমাদের সবাইকে
নিয়ে এমন সংসার পাতিয়েছে শ্রীবাস খুড়ো। যে,
আজ আমার মনে হ’চ্ছে, সন্ন্যাস ছেড়ে দিয়ে
তোমাদের সঙ্গে এখানে সংসারী হই!

শ্রীবাস। আচ্ছা, চল একবার গঙ্গাদাস
পণ্ডিতের সঙ্গে পরামর্শ ক’রে দেখি।

[উভয়ের প্রস্থান]

(কুল ও চন্দন লইয়া সদ্যস্নাতা নারায়ণী প্রবেশ
করিলেন।)

নারায়ণী। কই গো, কোথায় গেলেন?

(বিষ্ণুপ্রিয়া ঘরের ভিতর ছিলেন, বাহিরে
আসিলেন।)

বিষ্ণুপ্রিয়া। কে রে, নারায়ণী আমার ডাকুছিস?

নারায়ণী। এস, এইখানে ব’স। তোমার
নাওরা হ’য়েছে তো? নাও ব’স।

(হাত ধরিয়া বসাইলেন।)

বিষ্ণুপ্রিয়া। কি ক’রুবি তুই?

নারায়ণী। (কানে কানে) তোমার পা পুজো
ক’রুবো—কুল-চন্দন সব এনেছি।

বিষ্ণুপ্রিয়া। কেন, তোর হ’ল কি?

নারায়ণী। সে অনেক কথা!

বিষ্ণুপ্রিয়া। হাঁরে, তোদের বাড়ী সমস্ত রাত
ঘরে কি হয় রে ?

নারায়ণী। তোমার বরের বুঝি বাড়ী আসতে
রোজ রাত পুইয়ে যায়।

বিষ্ণুপ্রিয়া। যায়ই তো।

নারায়ণী। তাই বুঝি তোমার রাগ হ'য়েছে।

বিষ্ণুপ্রিয়া। হবে না ?

নারায়ণী। রাগ কেন হয় ?

বিষ্ণুপ্রিয়া। আগে তোর বর হোক—সে বাড়ী
আসতে দেবী ক'রলে তখন তোরও রাগ হবে !

নারায়ণী। আমার আবার বর হবে কি গো,
আমার যে বর আছে।

বিষ্ণুপ্রিয়া। দূর পোড়ারমুখি, তুই স্বয়ংবরা
হ'য়েছিস্ নাকি ?

নারায়ণী। হাঁ, হ'য়েছি।

বিষ্ণুপ্রিয়া। কে তোর বর ?

নারায়ণী। ব'ল'বো না।

বিষ্ণুপ্রিয়া। ইসারায় ইঙ্গিতে বল।

নারায়ণী। না, তাও ব'ল'বো না।

বিষ্ণুপ্রিয়া। কেন, ব'ল'বিনে কেন ?

নারায়ণী। না।

বিষ্ণুপ্রিয়া। আমি কিন্তু বুঝতে পেরেছি।

নারায়ণী। পেরেছ ? তুমি মাছুষের মনের
কথা বুঝতে পার না কি ?

বিষ্ণুপ্রিয়া। তোর মনের কথা বুঝেছি।

নারায়ণী। তা' হ'লে আজ থেকে তুমি আমার
“মনের কথা” তোমার সঙ্গে “মনের কথা”
পাতালেম্।

বিষ্ণুপ্রিয়া। আচ্ছা তাই “মনের কথা”

তোর বর দেখা হ'লে তোকে কি বলে ?

নারায়ণী। কিছু বলে না, শুধু হাসে।

বিষ্ণুপ্রিয়া। তুই বেশ আছিস্ নারায়ণি।

নারায়ণী। তুমি কেমন ক'রে জানলে—আমি
বেশ আছি !

বিষ্ণুপ্রিয়া। তবে ভজিতে বুঝতে পাচ্ছি, তুই
আমার চেয়ে সুখী। তোর হারাবার ভয় নেই !

নারায়ণী। তোমার মত বেধে রাখবার
ছরাকাজ্ঞাও তো নেই আমার। আমি শুধু দেখতে
পেলেই থুগী।

বিষ্ণুপ্রিয়া। সেই অস্ত্রই বুঝি এসেছিস্ ?

নারায়ণী। না—তোমায় দেখতে এসেছি,
তোমার পা-পূজা ক'রতে এসেছি। তা'হলে ব'স
গো এন্নারাগী, ভাগ্যধরী, স্বামীসোহাগী ! আসনে
ব'স।

বিষ্ণুপ্রিয়া। আমার পা-পূজা ক'রবি কেন ?

নারায়ণী। তুমি যে আমার প্রিয়ের প্রিয়,
তাইতো তোমায় ভাগবাসি !

গান।

আমি তোমায় ভালবাসি।

ওগো আমার প্রিয়ের প্রিয়,

চন্দ্রবদন তব কোমলরূচি হাসি।

সুন্দর তুমি সখী সুন্দরী শিরোমণি

তব যৌবন শোভা জিনি সৌদামিনী

(ওগো) চঞ্চলগতি চরণা রাগারূপ বরণা !

অঙ্গ, সঙ্গ তব রঙ্গ অপাঙ্গ।

ক্রান্তঙ্গ সখি, শত অনঙ্গনানী।

নারায়ণী। আমি চ'ল্লাম তাই, তোমার
শাওড়ী আর মাস্শাওড়ী আসছেন।

বিষ্ণুপ্রিয়া। তুই রোজ একবার ক'রে আসবি
আমার কাছে ?

নারায়ণী। হাঁ, আসবো—তোমার মনের কথা
শুনবো, আমার মনের কথা তোমায় বলবো।

(শচী ও সর্কজয়ার প্রবেশ)

শচী। বউমা, অদ্বৈত এখানে খেতে চেয়েছেন।
তুমি কিছু রাখবে, আমি কিছু রাখবো, তোমার
মাগীও কিছু রাখবে। তুমি একটু রান্নাঘরের
দিকে যাও মা !

বিষ্ণুপ্রিয়া। আচার্য্য আমার হাতে খাবেন
তো মা ?

শচী। তোমারই হাতে খাওয়ার অস্ত্র তাঁর
আগ্রহ বেশী !

বিষ্ণুপ্রিয়া চলিয়া গেলেন)

শচী। নারাগি, তোর জেঠাই-মা কেমন
আছে রে ?

নারায়ণী। তোমার ছেলে গিয়ে মা ব'লে
তাকে, তাই আজকাল আর কাদে না।

শচী। তাকে বলিস, তোমার সই ডেকেছে।

নারায়ণী। জেঠাই-মা বুঝি তোমার সই ?
বারে! তোমার বৌএর সঙ্গে আমি যে “মনের
কথা” পাতিয়েছি।

[নারায়ণীর প্রস্থান]

শচী। তাই নাকি ? তা' বেশ হ'য়েছে।...
মেয়েটা যেন কেমন নেলাক্কেপা!

সরুজয়া। সেই ছেলেটা ম'রে যাওয়ার পর
থেকে কি রকম যেন পাগল পাগল ভাব। ছেলেটা-
অল্প প্রাণ ছিল।

শচী। সেদিন ওর মা কত কাদলে! বলে,
দিদি! বরাতে যে কি আছে! ঐ পাগল মেয়ে,
ওকে কে বিয়ে ক'রবে ?

সরুজয়া। তাতো বটেই, মার প্রাণে কি শান্তি
আছে!...কি কথা ব'লবে ব'লুছিলে দিদি ?

শচী। বলি বোন, বলি। সেইজন্মই তো
বোমাকে পাঠিয়ে দিলাম। ক'দিন বেশ ছিল!
সংকীর্ণনে যেতে ছিল, তারপর জাগাই মাধাইএর
ব্যাপার নিয়ে খুব উত্তেজনার ছিল—আবার যেন
একটু অল্প রকম ভাব দেখছি!

সরুজয়া। অল্প রকম ভাব আবার কি
দেখলে ?

শচী। সেদিন এক সন্ন্যাসী এসেছিল, তাকে
কত যত্ন ক'রে খাওয়ালে।

সরুজয়া। তাতে আর দোষ কি ?

শচী। শুধু সে অল্প নয়, তারপর অনেকরূপ
ধ'রে গোপনে কি কথা ব'লে। আমার অবস্থা
জানিস তো জয়া, পোড়া গরু সিঁদুরে মেঘ দেখে
ডরাই! আমি শুধু ভাবছি, সন্ন্যাসীর সঙ্গে অত কি
কথা!

সরুজয়া। তুমি দিদি, বড় বেশী ভাব।

শচী। জয়া, তুই তো, আজ আমার নতুন
মেথ'ছিসনে। তুঁবের আঙনে তিল তিল ক'রে
গুড়ে, তবেই না আজ মনের এই অবস্থা হ'য়েছে!

সরুজয়া। সংসারে থাকতে গেলে পোড়া তো
সবাইকেই খেতে হয় দিদি।

শচী। আচ্ছা, চন্দ্রশেখর কি বলে ?

সরুজয়া। কি জানি দিদি, ওদের কারো কথা
আমি বুঝতে পারিনে। ও যেমন ত্রিবাগ পণ্ডিত,
তেমনি নিতাই—তেমনি অঐত বুড়ো, আর তেমনি
তোমার ভগ্নীপতি।

শচী। সবাই মিলে আমার মাথাটা খেলে।
আমার বিশ্বরূপ আর তোমার লোকনাথ—অঐতই
তো এদের ঘরবাসী হ'তে দিল না।

সরুজয়া। তোমার ভগ্নীপতিও ঐ দলে। কি
জানি দিদি, বুঝিনে, কিছু! আর কিছু অল্প ভাব
এর মধ্যে দেখেছ ?

শচী। ক'দিন মাঝে মাঝে অজ্ঞমনস্ক অবস্থায়
“অকুর, এসেছ তুমি ?” এই কথাটা ব'লতো;
তারই কয়েকদিন পরে ঐ সন্ন্যাসীটে এল। তার
পর থেকে আর ওসব কথা বলে না।

সরুজয়া। সন্ন্যাসীর নাম কি জান ?

শচী। শুনেছি, কেশব ভারতী!

সরুজয়া। কেশব ভারতী!

শচী। নাম শুনেছ ?

সরুজয়া। হাঁ, তোমার ভগ্নীপতি জানেন।
কাঞ্চননগরে থাকেন শুনেছি।

শচী। আচ্ছা, যদি নারায়ণের অবতারই
হবে, তবে আর সংসারে থাকতে দোষ কি ? ভজন-
সাধন—এসব তো আর নারায়ণের দরকার
হয় না ?

সরুজয়া। মাঝে মাঝে যে সব কথা বলে, তাতে
তো আর মাছুষ ব'লে মনে হয় না। নৈলে,
অমন অমন সব পণ্ডিত—তারাই বা এমন ছেলে-
মাছুষি ক'রবে কেন ?

শচী। আমি তো ভগবান চাইনি জয়া, আমি
চাই ছেলে! সাধারণ সংসারী মাছুষ—মাকে
দেখবে, স্ত্রীকে দেখবে, সংসার-ধর্ম ক'রবে।

সরুজয়া। চেয়েছ কি না চেয়েছ, তাই বা
কেমন ক'রে জানবে ? ভগবান যদি এসেই থাকেন
—তিনি কি অমনিই এসেছেন তুমি মনে কর দিদি!
নিশ্চয়ই পূর্বজন্মে ঐ কামনা ক'রেছিলে।

শচী। ছেলে যদি আমার ভগবানই হয়, তা'
হ'লে ভগবানের মা হবার মত শক্তি তো আমার
থাকা চাই, কিন্তু আমি যে সাধারণ মেয়েমানুষের
মতই হুর্কল!

(নিমাইয়ের প্রবেশ)

নিমাই। মা, তুমি ভোবোনা—আমি তোমার
অনুমতি না নিয়ে যাব না।

শচী। নিমাই!

নিমাই। হাঁ মা, আমি সত্যি কথা বলছি—
তুমি যখন অনুমতি দেবে তখন আমি যাব, তার
আগে যাব না।

শচী। হাঁ নিমাই, তুই কি বলছিস? তোর কথা
শুনে যে আমার বুক কেঁপে ওঠে! জয়া শুনে!

নিমাই। মাসীমা! তোমায় আজ রাঁধতে
হবে, জান তো? শোন, আমি তোমাদের রান্না
ভাগ করে দিই। মা তুমি মোচার ঘণ্ট আর
শাক, মাসীমা তুমি নারিকেল-কুমড়ী—

সরসজয়া। আর বোমা? ঐ দেখ, বেটা শুন্বার
জন্ত লুকিয়ে এসে দাঁড়িয়েছে!

নিমাই। ওঁকে তো আর ছোটখাট অন্ন
রাঁধতে দেওয়া যায় না, উনি হ'লেন বিষ্ণুপ্রিয়া!
সুতরাং উনি পরম অন্ন রাঁধুন। কি বল মাসীমা,
মা-মাসীর চেয়ে বোয়ের সম্মান একটু বেশী করাই
দরকার? মা, তুমি কথা ক'ছ না যে?

শচী। তুমি যে কি বললে বাবা—আমি
তাই ভাবছি!

নিমাই। কি বললাম আমি?

শচী। আমার অনুমতি না নিয়ে—

নিমাই। ঠিকই তো, তোমার অনুমতি না
নিয়ে কোথাও যাব না।

শচী। তবে কি তোমার কোথাও যাওয়ার
ইচ্ছে আছে?

নিমাই। যদি কখনো কোথাও যাই।

শচী। কোথায় তুমি যাবে?

নিমাই। তা' কি করে বলবো!

সরসজয়া। আহা দিদি, তুমিও তো কম পাগল
নও। পুরুষমানুষ বাড়ীর বার হবে না? তা' বলছে
তো, যখন যেখানে যাবে তোমায় বলে যাবে।

নিমাই। যাও মা, তুমি নেয়ে এস। মাসীমা,
মাকে দেখো।

সরসজয়া। চল দিদি, গঙ্গায় ডুবটা দিয়ে আসি।

[শচী ও সরসজয়ার প্রস্থান]

নিমাই। লক্ষ্মী!

(বিষ্ণুপ্রিয়ার প্রবেশ)

বিষ্ণুপ্রিয়া। আমার ডাকলে?

নিমাই। হাঁ, এস—আমার কাছে এস।

বিষ্ণুপ্রিয়া। আমার কিছু বলবে?

নিমাই। প্রাণে বড় আঘাত পেয়েছি লক্ষ্মী!

বিষ্ণুপ্রিয়া। কি আঘাত?

নিমাই। নবদ্বীপের পণ্ডিতেরা আমার তও
বলে। বলে, আমি অশাস্ত্রীয়—অসামাজিক আচরণ
ক'রছি।

বিষ্ণুপ্রিয়া। তোমার কোন্ আচরণ তাঁদের
কাছে অসামাজিক?

নিমাই। তা' জানি নে; তবে শুনে এলাম,
রাজার কাছে নালিশ ক'রবার মন্ত্রণা চ'লছে আমার
বিরুদ্ধে—আমার সম্প্রদায়ের বিরুদ্ধে।

বিষ্ণুপ্রিয়া। কেমন করে বাইরের অসংখ্য
লোক এসে তোমায় আমার কাছ থেকে দূরে নিয়ে
যাচ্ছে—আমি বুঝতেও পারিনি।

নিমাই। কিন্তু আমার অন্তর যে তোমারই
কাছে পড়ে আছে! তাই তো বাইরের আঘাত
খেয়ে ছুটে এসেছি লক্ষ্মী, তোমারই প্রাণের দ্বারে।

বিষ্ণুপ্রিয়া। তুমি যদি আমার কাছে ব'সে
হরিকথা কহিতে!

নিমাই। তাও তো পারছি নে লক্ষ্মী। সব
ছেড়ে দিয়ে যদি তোমায় ধ'রতে পার্তেম। আমার
বুঝি একুল ওড়ল ছ'কুল যায়।

বিষ্ণুপ্রিয়া। আমি কি ক'রবো—আমি কত
ছোট। এই ছোট সংসারের ভিতর—ছোটখাট
গৃহকর্ণের মাঝে যদি কোন দিন তোমায় একা
পেতাম।

(নিত্যানন্দ ও অদ্বৈতের প্রবেশ)

নিমাই। বাবাঠাকুর! শীগগির এস, এগিয়ে
এস—সুগলমূর্তি দেখবে এস।

অদ্বৈত। কই—কই?

বিষ্ণুপ্রিয়া। ওমা, কি লজ্জা!

(বোম্টা দিলেন)

নিমাই। বোমা, বেওনা—শোন, কথা আছে।

অধৈত। কৈ নিতাই, আমার ভাগ্যে তো
মুগলরূপ দেখা হ'ল না।

নিতাই। তুমি বাবাঠাকুর, আজন্ম চিরকাল
জানচর্কা ক'রে এলে—আর আজ দেখবো ব'ল্লেই
অমনি মুগল দেখবে? কিছুদিন আমাদের সংসদে
রসচর্কা কর, তবে তো হবে। বোমা, এই
বুড়োটিকে তোমার চাতে সমর্পণ ক'রলাম—তুমি
একে দেখো। উনি গৌরাজ-অবতারের গুহ্য রস-
তত্ত্ব জানতে চান। তুমি না জানালে সে তো কেউ
জানতে পারে না। যৌন রইলে মা লক্ষ্মী! বেশ,
বেশ,—তা' হ'লেই হ'ল। যৌনং সনাতনলক্ষণম্।

নিমাই। একি আশ্চর্য্য, আপনি এসেছেন!
আজ্ঞন আজ্ঞন—আমার পরম সৌভাগ্য। লক্ষ্মী,
এস আমরা আচার্য্যের পায়ের ধুলো নিই।

(উভয়ের তথাকরণ)

নিমাই। এবার যাও—আসন, পাশ্চ, অর্ঘ্য
নিয়ে এস।

অধৈত। আজ আমি তোমার সঙ্গে ঝগড়া
ক'রব।

নিমাই। আমার সঙ্গে?

অধৈত। হাঁ, তোমার সঙ্গে। নিতাই,
শ্রীবাস, মুরারি, গদাধর—এদের কথা ছেড়ে দাও,
আমি জানি এদের তুমি চিরদিন ভালবাস। কিন্তু,
আমি কি জগাই-মাধাইএর চেয়েও বেশী পাপী!

নিমাই। আচার্য্য, আপনি আমার অজ্ঞান দোষ
দিচ্ছেন। আমি ধর্ম্ম জানি নে, তত্ত্ব জানি নে, শাস্ত্র
জানি নে, পাপপুণ্য জানি নে—আমি শ্রীচরিত্র
সেবক! আমি শুধু হরিনাম গান করি।

নিতাই। আর তুমি বল, নাচনগাওন আবার
ধর্ম্মটা কিসের?

অধৈত। আমি কি আপনি বলি নাকি? কে
ওকথা আমার মুখ দিয়ে বার ক'রেছিল!

নিতাই। তোমার মত শুযুরে আর পৃথিবীতে
আছে। গৌরাজই তো বারবার তোমার কাছে
গেছেন, তুমি একবার এসেছিলে গৌরচন্ডের কাছে?
হক্ কথা বল বাবাঠাকুর, শুধু শুধু রাগ ক'রলেই তো
হয় না। এই আজ এসেছ—এরই মধ্যে মনটা কত
নরম হ'য়েছে দেখছো? তারপর মায়ের হাতের
অন্ন খাও, বোমার হাতের পরমাস খাও—একেবারে

চিন্তিত! রাগ ক'রো না বাবা, তোমার মনের
প্যাঁচটা একবার ভেবে দেখ। তুমি কিনা বারেন্দ্র
ব্রাহ্মণ হ'য়ে বৈদিকের বাড়ী খাব, এই অভিমানে
মহাপ্রসাদ পেতে এলে না! বলি, আমিও তো
সদ্ব্রাহ্মণ—আমি কেন তোমাদের প্যাঁচদোরে খেয়ে
বেড়াই? তোমার ঐ প্যাঁচোয়া বারেন্দ্র-বুদ্ধিটা
একটু সরল ক'রতে হবে বাবা!

নিমাই। আহা-হা, কি ব'ল্লেছো আচার্য্যকে!

নিতাই। আমি সত্যি কথা ব'লেছি কিনা,
উনি মনে মনে বুঝে দেখুন। এস ভাই, আমরা
একটু রান্নাঘরে মায়েয় কাছে যাই। আচার্য্য একটু
বোমার সঙ্গে কথা কইনেন। বোমা, এই নাবালক
বুড়টিকে তোমার হাতে সমর্পণ ক'রলাম—তুমি
এঁকে একটু জ্ঞান দাও। (অধৈতের প্রতি) এক-
বার ভাল ক'রে মা ব'লে ডাক দেখি? রাতদিন
কেবল ছোটরাণী বড়রাণী। কতদিন মা-নাম মুখ
দিয়ে বেরোয়নি, বোধকরি মা বলা ভুলেই গেছ!

[উভয়ের প্রস্থান]

অধৈত। নিতাই কড়াকথা বলে বটে, কিন্তু
বড় হক্ কথা বলে। দেখেছো বোমা, ওর কথায়
রাগ হয় না!

বিষ্ণুপ্রিয়া। না—তা' হয় না।

অধৈত। ঈশতে ঘা' দিয়ে গালাগালি দেয় বটে,
কিন্তু বেশ মিষ্টি ভাষায়!

বিষ্ণুপ্রিয়া। তা'হলে বলুন, ওর গাল আপনার
বেশ ভাল লাগে!

অধৈত। আর শুধুই কি গাল? মাঝে মাঝে
বেশ হুঁ-এক ঘা চড় চাপড়ও চলে! তোমার কর্তীটাও
কম নন।

বিষ্ণুপ্রিয়া। বলেন কি! আপনাকে? আপনি
জ্ঞানবুদ্ধ দেশপুণ্য আচার্য্য!

অধৈত। তবু তো আমার কিছু হ'ল না মা।
জগাই-মাধাই পর্য্যন্ত গৌর-নিত্যানন্দের প্রেমপরশ
পেল—আর আমি যে আচার্য্য সেই আচার্য্য!

বিষ্ণুপ্রিয়া। আচার্য্য, আপনার এদশা কেন?

অধৈত। আমি সবার চেয়ে বয়সে বড়, আর
খানকতক পুঁথি প'ড়েছি ব'লে! আমি তরুর মত
সহিষ্ণু হ'তে পেরেছি, কিন্তু কৈ—এখনো তো
তুণের মত নীচ হ'তে পারি নি মা! তাই তো

নিতাই হাল ছেড়ে দিয়ে তোমার হাতে আমার সঁপে দিয়েছে।

বিষ্ণুপ্রিয়া। আচ্ছা, আপনারা কি সবাই পাগল হ'য়েছেন? কি ব'লছেন এ সব?

অঐত। আমি আর কৈ পাগল হ'লাম যা! পাগল হ'তে পারলে তো বেঁচে যেতাম!

বিষ্ণুপ্রিয়া। আমার শাওড়ী কিন্তু আপনার হুঁমেই সব চেয়ে দোষ দেন।

অঐত। কেন—কেন, আমি কি ক'রেছি?

বিষ্ণুপ্রিয়া। আপনি নিজে পাগল হননি' বটে, কিন্তু পাগল ক'রেছেন আপনি।

অঐত। সে কি যা, আমি নিরীহ বৃদ্ধ ব্রাহ্মণ!

বিষ্ণুপ্রিয়া। আমার শাওড়ী বলেন, আপনি আমার ভাসুরকে গৃহত্যাগী ক'রেছেন—আবার স্বামীকে ঘরছাড়া ক'রবার চেষ্টায় আছেন।

অঐত। তোমার ভাসুর বিধ্বংস? তাকে গৃহত্যাগী সন্ন্যাসী ক'রেছি আমি? সে চ'লে যাওয়ার আমি অস্বস্তি ছেড়েছিলাম—তা' জান?

বিষ্ণুপ্রিয়া। আমি তো নিজে কিছু জানি নে—তাঁর যা' ধারণা, তাই আমি আপনাকে শোনছি; তবে আমার স্বামীর মাথা যে আপনি খারাপ ক'রছেন, তাতে আমার একবিন্দুও সংশয় নেই।

অঐত। সে কি গো!

বিষ্ণুপ্রিয়া। ওপাড়ার শ্রীবাস পণ্ডিত আর আপনি, এই দুই বৃদ্ধ ব্রাহ্মণ।

অঐত। কেমন ক'রে বল? শুধু তো দোষ দিলেই হয় না—প্রমাণ চাই!

বিষ্ণুপ্রিয়া। শ্রীবাস পণ্ডিত ঠেকে বিষ্ণুখাটে বসিয়ে বাতাস ক'রতে লাগলেন, বাড়ীর সবাইকে ডেকে ব'ল্লেন—এই আমার ইষ্টদেব। তারপর পুজো, আরতি—কিছুই বাকী রইলো না!

অঐত। আর আমি? আমি তো ওসব কিছুই করিনি।

বিষ্ণুপ্রিয়া। করেন নি? আমার অজানা কিছুই নেই জানবেন। আপনি ত কম নন! দেখা হ'তেই আপনি "তৎ স্মৃতি" ব'লে হুকুম ক'রে উঠলেন। তারপর আর একদিন চন্দন তুলসী গঙ্গাজল নিয়ে নারায়ণ পুজোর মন্ত্র প'ড়ে পা-পুজো,

ক'রলেন। এর পরেও যদি সংসারস্থে তাঁর মন না যায়, তার জন্য কে দায়ী আচার্য?

অঐত। বারে—এতো বেশ উল্টো চাপ!

বিষ্ণুপ্রিয়া। আমি আপনাকে স্পষ্ট কথা ব'লে দিচ্ছি, যা' ক'রেছেন—ক'রেছেন; আর ওরকম ক'রবেন না। আমি স্বামী নিয়ে সংসারধর্ম ক'রতে চাই।

অঐত। তিনি যদি সংসার না করেন?

বিষ্ণুপ্রিয়া। তা'হলে বুঝবো, আপনারাই তাঁকে সংসার ক'রতে দিলেন না—বিশেষ আপনি। আপনি বসুন আচার্য, আমার এখনও অনেক গৃহকাজ বাকী আছে। আমার মিনতি আচার্য, আমার স্বামীকে আপনারা এমনভাবে আমার কাছ থেকে ছাড়িয়ে নেবেন না!

[বিষ্ণুপ্রিয়ার প্রস্থান

(নিত্যানন্দের প্রবেশ)

অঐত বেশ লোকের কাছে পাঠিয়েছিল গৌরান্দ্রপ্রেমের রসতত্ত্ব বুঝতে।

নিতাই। বকুনি খেয়েছ তো? তাতে আর হ'য়েছে কি!

অঐত। না—হয়নি' কিছু, তবে ভাবছি, যা লক্ষ্যী যা ব'ল্লেন—তা' সত্যি না মিথ্যে!

নিতাই। পরে ভেবে এখন, আপাততঃ আহারাদি ক'রবে এস! যা অন্নপূর্ণা তোমার জন্য অন্নব্যঞ্জন সাজিয়ে নিয়ে ব'সে আছেন।

[উভয়ের প্রস্থান

(গঙ্গাদাস পণ্ডিত ও শ্রীবাস প্রবেশ করিলেন)

গঙ্গাদাস। কৈ গো—কোথায় সব?

শ্রীবাস। বোধহয় বাড়ীর ভিতর আহারাদি ক'রছেন। এস আমরা একটু অপেক্ষা করি। কিন্তু তুমি ঠিক জান?

গঙ্গাদাস। জানি বৈ কি! নবদ্বীপের ব্রাহ্মণ-পণ্ডিতরা নিমাইকেই দোষ দিচ্ছে।

শ্রীবাস। নিমাইয়ের দোষ কি?

গঙ্গাদাস। তাঁরা ব'লছেন, চীৎকার ক'রে সঙ্কীর্ণনের দরকার কি? সহরময় রাষ্ট্র, রাজা সৈন্য পাঠাচ্ছেন—বৈষ্ণবদের ধ'রে নিয়ে যাবে।

শ্রীবাস। বাক, সে তো পরের কথা; আপাততঃ
সকীর্্তন বন্ধ ?

গঙ্গাদাস। হাঁ, বন্ধ।

শ্রীবাস। কিন্তু চাঁদ মিঞা তো ওরকম
খামখেয়ালী ছিল না!

গঙ্গাদাস। এ তোমার ঐ গোপাল-চাপালের
দলের কাজ। অগাইমাধাই ভক্ত হওয়ার ওদেরই
তো সব চেয়ে অসুবিধা হ'য়েছে কি না?

শ্রীবাস। নিজেরা অত্যাচার ক'রে খুসী
হ'লনা, শেষ পর্যন্ত ভিন্নধর্মীর সাহায্য নিচ্ছে!

গঙ্গাদাস। তারা ব'লবে, রাজার সাহায্য
নিচ্ছি।

শ্রীবাস। তুমি কি বল, এ অত্যাচার সহ্য
করা উচিত?

গঙ্গাদাস। উচিত তো নয়, কিন্তু ক'রবে কি?
যদি সৈন্ত আসে? हरিনাম ক'রতে গিয়ে একটা
দাঙ্গাহাঙ্গামা বাধাবে?

শ্রীবাস। দেখি, এ'রা আসুন—কি বলেন।
ঐ যে সব আসছেন।

(অবৈত, নিমাই ও নিত্যানন্দের প্রবেশ)

অবৈত। অগজ্জননীর হস্তের রক্ষন—তার
উপর চর্য্য-চোষ-লেহ-পেয় আহা!র!

গঙ্গাদাস। কি আশ্চর্য্য! আচার্য্য কি মিশ্র-
গৃহে আহা!র ক'র্ন্তন নাকি? আপনার বরেন্দ্রভূমির
কৌলীন্তে বৈদিক অন্ন সহ্য হবে তো?

অবৈত। কে—গঙ্গাদাস নাকি? এই যে
শ্রীবাসও আছে। আমার জাত নিয়ে টানাটানি,
আর তোমরা বুঝি' সাক্ষী হবার অস্ত্র হাজির!

গঙ্গাদাস। আজ্ঞে না, সে অস্ত্র আসিনি।
শোন নিমাই, নবদ্বীপের হিন্দু অধিবাসীরা অভিযোগ
ক'রেছে—উচ্চকণ্ঠে নগরসংকীর্্তন নিষেধ।

নিমাই। নগরসংকীর্্তন নিষেধ!

গঙ্গাদাস। হাঁ নিমাই!

নিমাই। নবদ্বীপের সামাজিকেরা কি বলেন?

শ্রীবাস। তাঁদের অভিযোগের ফলেই তো
এই নিষেধাজ্ঞা।

নিমাই। তা'হলে নবদ্বীপে हरিনাম লোপ
হোক!

নিমাই। না, এ'রা আমার নবদ্বীপে বাস
ক'রতে দেবে না। শোন শ্রীপাদ! তুমি এই
মুহুর্ত্তে বাসুদেব, যুরারি, নরহরি প্রভৃতি সবাইকে
সংবাদ দাও, তাঁরা যেন নবদ্বীপে যেখানে যত খোস,
করতাল, কীর্্তনীয়া আছে—সবাইকে সঙ্গে নিয়ে
অতি সত্বর এইখানে আসেন। আজ নবদ্বীপে মহা
हरिसংকীর্্তন—हरিনামের উন্নয়ন প্লাবন। আপনারা
প্রস্তুত হোন। আমি মা আর বিষ্ণুপ্রিয়াকে প্রবোধ
দিয়ে আসি।

[সকলের গ্রন্থান।

(শচীদেবীর প্রবেশ)

শচী। হাঁ নিমাই, শুনছি নাকি নবাব সৈন্ত
পাঠিয়েছে! কেন বাবা, তুমি এমন দুঃসাহসের
কাজ ক'রতে যাচ্ছ?

নিমাই। মা, আমি তো কোন দুঃসাহসের
কাজ ক'রছি নে। আমি'রোজ যেমন নগরকীর্্তনে
বার হই, আজও তেমনই যাব; তবে আজ কাজীর
বাড়ীতে।

শচী। তবে ও'রা যে ব'ললে—ফৌজ পল্টন
আসছে?

নিমাই। যার যা' অস্ত্র মা! ওদের অস্ত্র ও'রা
যোগাড় রাধ'বে। আমার অস্ত্র আমার রসনায়—
নামসংকীর্্তনে। তুমি ভেবোনা মা, কোন ভয় নেই।

শচী। তোমার জ্ঞান তো নয় বাবা, সঙ্গে এক
দল গৌরারগোবিন্দ লোক—কি জানি, একটা
গুণ্ণগোল বাধিয়ে বসে।

নিমাই। কোন ভয় নেই মা, তুমি আশীর্বাদ
কর।

শচী। हरি তোমার রক্ষা করুন।

[শচীদেবীর গ্রন্থান।

(নিমাই গমনোচ্ছত, হাসিতে হাসিতে
বিষ্ণুপ্রিয়ার প্রবেশ)

বিষ্ণুপ্রিয়া। শোন—শোন, বড় মজা হয়েছে।
আচার্য্য আজ—

নিমাই। শুনবার সময় নেই এখন।

বিষ্ণুপ্রিয়া। কেন, কি হ'য়েছে?

নিমাই। ঐ—শুনতে পাচ্ছনা?

(নেপথ্যে খোল-করতাল বাজিয়া উঠিল)

বিষ্ণুপ্রিয়া। পাবণ্ডলনে চ'লেছ ? আর কটা পাবণ্ড আছে নব্বীপে ? সবকটিকে একদিনে উদ্ধার ক'রে দাও, আমি বাঁচি ! আজকের পাবণ্ডটা কে ?
নিমাই। চাঁদ কাকী নগরসংকীৰ্ত্তন বন্ধ ক'রার নিষেধাজ্ঞা প্রচার ক'রেছে।

বিষ্ণুপ্রিয়া। তবে সে তো আমার পরম মিত্র। এমন দিন কি কখনো আসবে, যখন নগর-সংকীৰ্ত্তন থাকবে না, হরিবাসর থাকবে না পাতকী-উদ্ধার থাকবে না—কোন কাজ থাকবে না !

নিমাই। শুধু তুমি আর আমি—এই কি তোমার কামনা ! কি দেখছো ওদিকে ?

বিষ্ণুপ্রিয়া। ঐ দেখ, কত লোক ! কাতারে কাতারে অসংখ্য লোক আসছে, তোমার হরিসংকীৰ্ত্তনে যোগ দেবার জন্ত। কি আশ্চর্য্য, এ যে লোকে লোকাংগণ্য !

নিমাই। তা'হলে আমি আঁসি লগ্নী, আর দেবী ক'রবো না।

বিষ্ণুপ্রিয়া। এস, আমি তোমার বীরবেশে সাজিয়ে দেব।

নিমাই। বাইরে কীৰ্ত্তনীয়ারা অসহিষ্ণু হবে।

বিষ্ণুপ্রিয়া। না—হবে না ; এস আমার সঙ্গে।

(বিষ্ণুপ্রিয়া নিমাইকে ভিতরে লইয়া গেলেন।
কীৰ্ত্তনের দল আসিল ; খোল-করতাল-বাঁজ ও নৃত্যগীত। পরে স্তম্ভজিত নিমাই
আসিলেন। উন্নত দল চলিল।)

গানের ধ্বনি

যব্ হরি আওব গোবুলপুর্।

ঘরে ঘরে নগরে বাজব জয় তুর্॥

[সংকীৰ্ত্তনের দল চলিয়া গেলে বিষ্ণুপ্রিয়া আত্মহারা হইয়া সেই দিকে চাহিয়া রহিলেন এবং আপনার অজান্তায়ারে সঙ্গীতের তালে তালে তাঁহার সর্গ দেখ ও মন নাচিতে লাগিল। কিছুক্ষণ নৃত্যের পর তাঁহার দেহ হইতে শ্বেদ, কম্প, পুলক ও অশ্রু নির্গত হইল।
ভাবাবিষ্টের মত তাঁহার দেহ অবশ হইয়া আসিল।]

চতুর্থ অঙ্ক

(শচীদেবীর বাড়ী। বাড়ীর ভিতর হইতে
নিত্যানন্দ ও বাহির হইতে অদৈত
প্রবেশ করিলেন।)

নিমাই। এস—এস, বাবাঠাকুর এস !

অদৈত। ভালই হ'ল নিমাই, যাবার আগে তোমার সঙ্গে দেখা হ'ল।

নিমাই। তুমি আবার যাবে কোথায় ?

অদৈত। আমি শান্তিপুরে যাচ্ছি।

নিমাই। এত তাড়াতাড়ি শান্তিপুরে যাবে কেন ?

অদৈত। আমায় সাধনা ক'রতে হবে নিমাই !

নিমাই। কি সাধনা ?

অদৈত। তুমি আমায় যে মন্ত্র দিয়েছ, সেই মন্ত্রসাধনা।

নিমাই। আমি আবার তোমায় কি মন্ত্র দিলাম !

অদৈত। তুমি দিয়েছ, মন্ত্রও আমি পেয়েছি। তবে এখন সাধনা আবশ্যক। তোমার কাছে যা' সহজ, আমার কাছে যে তা' জ্ঞান-জ্ঞানান্তরের সাধনা !

নিমাই। কেমন ক'রে পেলো ?

অদৈত। সেদিন তোমার সঙ্গে নগরকীৰ্ত্তনে।

নিমাই। কোন্ দিন, যেদিন কাকীর বাড়ী কীৰ্ত্তন হয় ?

অদৈত। হাঁ নিমাই।

নিমাই। সেদিন যে ঠাকুর দর্পহারীরূপে দেখা দিয়েছিলেন।

অদৈত। দর্পহারী !

নিমাই। নিশ্চয়ই ! নৈলে তোমার ও বিস্তার দর্প অদৈত আচার্য্য, আর কেউ হরণ ক'রতে পারতো। আর বিজ্ঞা ও ব্রহ্মের স্বরূপ ছাত্রদের পড়াবে ?

অদৈত। কাকীর কি হ'লো ?

নিমাই। সে তো তুমি নিজের চোখেই দেখে এলে।

অধৈত। না, আমি কিছুই দেখিনি। সেদিন আমাতে আমি ছিলাম না।

নিতাই। এখন কি ভাবছ?

অধৈত। এখন ভাবছি নিতাই, তত: কিম্! এর পর কে তাকে এই ক্ষুদ্র নবদ্বীপে বেঁধে রাখবে?

নিতাই। না—না—না বাবাঠাকুর, ওই প্রশ্নটি ছাড়। ওই প্রশ্নটি তুমি ক'রো না; ও আমি চিন্তা ক'রতে পারি নে! কেন, তোমরা কি বর্তমান নিয়ে থাকতে পার না? ভবিষ্যতের কথা কি না ভাবলেই নয়!

অধৈত। তোমার মত যে শ্রোতে ভাসতে পারি নি নিতাই! থাক ভবিষ্যতের কথা। তারপর, কি ব'ল্লেন চাঁদ মিঞাকে গৌরহরি?

নিতাই। তুমি তো সঙ্গে ছিলে—তোমার কিছুই মনে নেই?

অধৈত। না।

নিতাই। আরো তুমি বল, তুমি বেদান্তবাদী। এইবার তোমার চালাকি ধ'রেছি বাবাঠাকুর। তুমি নাচ ভাল, কেবল মাঝে মাঝে এলোপাকে তেহাই মার!

অধৈত। তারপর কি হ'ল চাঁদ মিঞার?

নিতাই। জগাইমাধায়ের যা হ'য়েছিল। আশ্চর্য্য ব্যাপার বাবাঠাকুর! আমরা জান্তেম্ নবদ্বীপ আমাদের বিরোধী। কথাটা যে মিথ্যা, তাও নয়; কিন্তু কি ক'রে যে সম্ভব হ'ল,—সেদিনকার সেই শোভাযাত্রায় অন্তত: একলক্ষ লোক যোগ দিয়েছিল। প্রত্যেকের হাতে একটি ক'রে জলস্ত মশা। সেই লক্ষ কণ্ঠের হরিশ্রবণ শুনে, কাজী মনে ক'রেছিল, তার বাড়ী পুড়িয়ে দিয়ে তাকে মেরে ফেলবে। যারা সঙ্গে গিয়েছিল, তাদের অনেকেরই ঐ রকম ধারণা ছিল।

অধৈত। গৌরচরিত্রের বৈশিষ্ট্য তারা কেমন ক'রে জানবে? তারা তো আর তোর মত গৌরাক্ষয় নয়।

নিতাই। ঠাকুর সবাইকে ভেঙে ব'ল্লেন, তোমরা বাড়ীর বাইরে দাঁড়িয়ে হরিশ্রবণ কর, আমি চাঁদ মিঞার সঙ্গে দেখা ক'রে আসি। আমরা করজন ঠাকুরের সঙ্গে ভিতরে গিয়েছিলাম।

অধৈত। গৌরাক্ষ কি ব'ল্লেন চাঁদ মিঞাকে?

নিতাই। ব'ল্লেন—কাজী সাহেব, আমরা আপনার বাড়ীতে অভ্যাগত, আর আপনি এখানে লুকিয়ে ব'সে আছেন? কাজী তো লজ্জার অধোবদন। তবে কাজীও খুব বুদ্ধিমান, তখনই গৌরাক্ষের সঙ্গে সম্পর্ক পাতিয়ে ফেলেন—ব'ল্লেন, তোমার মাতামহ নীলাধর চক্রবর্তী, গ্রামসম্পর্কে আমার চাচা হ'তেন। সেই সম্পর্কে আমি তোমার মামা।

অধৈত। কাজী নাকি যে সব পাইক-বরকন্দাজ পাঠিয়েছিল সংকীর্্তন ভেঙ্গে দিতে, তারা সব সংকীর্্তনের কাছে এসেই হরি হরি বলে নাচতে আরম্ভ ক'রেছিল?

নিতাই। নিশ্চয়ই, তাতেই কাজী বুঝতে পারলে, এ দৈশ্বনির্দিষ্ট ব্যাপার! এতে মায়াবীর বাধা দেওয়া কর্তব্য নয়। তবে কাজীকেও খুব ভাল লোক ব'লতে হবে। সে চুপি চুপি সব কথা ব'ললে,—আমার কি দোষ বল? তোমাদের হি'ছুরা এসে যদি বলে চাঁচিয়ে হরিনাম করা শাস্ত্রে নিষিদ্ধ; তুমি যদি এদের শাসন না কর, আমরা নবাবের কাছে নালিশ ক'রবো।

অধৈত। সে তো সত্যি কথা। সে বেচারার কি ক'রবে বল?

নিতাই। আজ কিন্তু চাঁদ মিঞা পরম ভক্ত! তুমি কি আজই শান্তিপুর যাচ্ছ?

অধৈত। হাঁ নিতাই। ছেলেরা বিশেষ ক'রে অনুরোধ ক'রছে। কিন্তু গৌরচাঁদ কোথায়, একবার দেখা না ক'রে তো যেতে পারি নে?

নিতাই। ঐ যে আসছে।

(নিমাই প্রবেশ করিলেন)

নিমাই। আচর্য্য কি সত্যই যাবেন?

অধৈত। হাঁ বাবা, এখনো সংসার আছে—জীপুত্র আছে!

নিতাই। সাংখ্য-বেদান্তও আছে।

অধৈত। তাও আছে বৈকি। কারও হাত তো এড়াবার উপায় নেই একেবারে! তা বাবাজি, ব'লবার আগে একবার মৃগলক্ষপট্টা?

নিমাই। ছিঃ! আচার্য্য, আপনি যদি ঐ রকম কথা ব'লেন, তা'হলে আমি গলায় ডুবে আত্মহত্যা ক'র্বো।

অধৈত। তুমি আমাকেই বরাবর ভোলাতে চাও। তবে বাবা, ম'রবার আগে তোমরা দু'জন একবার আমায় দেখা দিও।

নিমাই। আপনার শাস্তিপুত্রের বাড়ীটা আমার ভাল লাগে। আমরা শীগগির একবার যাব।

নিতাই। আচ্ছা বাবাঠাকুর, তা'লে যাওয়ার আগে একটু পায়ের ধুলা।

(দুইজন পায়ের ধুলা লইলেন)

অধৈত। যাক্, কৃষ্ণের ইচ্ছা। আমি আর বাধা দেবো না।

নিতাই। ঠিক ব'লেছ বাবাঠাকুর, কৃষ্ণের ইচ্ছা। তুমি আমাদের থাকের নও। আমি ভুল ক'রেছিলাম। রসতত্ত্ব তোমার জ্ঞান নয়, তুমি, বাৎসল্য রসের অধিকারী—বনুদেব, নন্দ, দশরথের মত।

[অধৈতের প্রস্থান]

নিতাই। তোমার সঙ্গে আমার কথা আছে নিমাই।

নিমাই। কি কথা ভাই।

নিতাই। তুমি বোমাকে বাপের বাড়ী পাঠিয়ে দিলে কেন? তিনি তো যেতে চান্নি।

নিমাই। তোমায় সত্যি কথা ব'ল্বে?।

নিতাই। সত্যি কথাই তো শুনতে চাচ্ছি। যে বোমা তোমার ক্ষণিক বিরহ সইতে পারেন না, তাঁকে তুমি জোর ক'রে বাপের বাড়ী পাঠিয়েছ।

নিমাই। কিন্তু বিরহ যে সইতেই হবে শ্রীপাদ! আমি নিজে প্রস্তুত হ'চ্ছি, বিষ্ণুপ্রিয়াকেও প্রস্তুত ক'রছি—যা' অবশ্যস্তাবী তার জ্ঞান।

নিতাই। অবশ্যস্তাবী কি?

নিমাই। বিরহ। বিরহ ব্যতীত মিলন পূর্ণাঙ্গ হয়না। মহাবিরহেই শ্রীরাধিকা। সতীবিরহে যোগীশ্বর মহাদেব। বিষ্ণুপ্রিয়াকে আমি এতো ভালবাসি যে, ক্ষুদ্র মিলন দিয়ে আর তাঁকে বাঁধা সম্ভব হবে না।

নিতাই। তোমার কথা বুঝতে পারছি না। নিমাই। বুঝতে পারছ না ব'লোনা! বল, বুঝতে চাও না।

নিতাই। তবে তাই—বুঝতে চাই না।

নিমাই। সে ব্রাহ্মণ ঠিকই ব'লেছিল শ্রীপাদ! সংসারস্থ আমায় ভাগ্যে নেই।

নিতাই। তুমি সে ব্রাহ্মণের নাম আমার কাছে ক'বো না। আমি তার নাম সইতে পারি না। তার যাক্ষমতা তা' তো ক'রেছে। তারই ফলে চাঁদকাজী আজ আমাদের বন্ধু! আর সে কি ক'র্বে?

নিমাই। সে কথা নয় শ্রীপাদ, তবে আমায় যেতে হবে! তোমাদের নিয়ে, মাকে বিষ্ণুপ্রিয়াকে নিয়ে আমার এ নদীয়ার বাস—এ বড় সুখের, বড় আনন্দের। তবু আমাকে এ সুখ ছাড়তে হবে।

নিতাই। কেন ছাড়তে হবে? ঐ হতভাগা-টায় কথায়?

নিমাই। তোমরা আমায় ভালবাস; তাই সব কথা শুনেও শোন না। তুমি জান, কতলোক আমায় দীর্ঘা ক'রে—আমায় ভগ্ন বলে। আমি যদি সুখে স্বচ্ছন্দে সংসার করি, তাদের প্রাণ তো কখনই গ'ল্বে না।

নিতাই। পাষণ্ডের প্রাণ তুমি কি ক'রে গলাবে?

নিমাই। জগাই-মাধাইএর প্রাণ তুমি কি ক'রে গ'লিয়েছিলে?

নিতাই। শ্রীগোরাঙ্গের কৃপায়।

নিমাই। কৃষ্ণের ইচ্ছায় আমি পৃথিবীতে এসেছি—কৃষ্ণের ইচ্ছায় हरিনামপ্রচার। কিন্তু हरিনামের বীজ তুমি কোথায় বপন ক'র্বে—চারিদিক উষর মরুপ্রান্তর! সমস্ত নদীয়া-বাঙ্গীর চোখের জলে এ মরুভূমিকে উর্বর কর্তে হবে। আমি কান্দবো, তুমি কান্দবে—মা-বিষ্ণুপ্রিয়া সবাই কান্দবে। সেই বিপুল অশ্রুপ্রাবনে নবদীপের মালিন্য যখন কেটে যাবে—

(শচী ও বিষ্ণুপ্রিয়ার প্রবেশ)

শচী। নিমাই।

নিমাই। কি মা!

শচী । কি কথা ব'লুছিলে ?

নিমাই। আমি বলছিলাম, কৃষ্ণ থাকে কৃপা করেন, সে আপনি কাদে—যারা তার প্রিয়জন, তাদেরও কাদায়।

শচী । কেন বাবা ?

नियार्ह । कृष्णर ईच्छा ।

শচী। এই দেখ বাবা, বোমা আপনি এসেছেন।

নিভাই। বেশ হ'য়েছে যা। গুঁরা নৈলে
 কি সংসার মানায়? এ'কদিন বাড়ী যেন একেবারে
 অন্ধকার হ'য়েছিল। (বিফু'প্রয়াস প্রতি) বোমা,
 বাপের বাড়ী থেকে কি খাবার এনেছ, একবার
 বার কর তো বাছা।

শচী। তা' তুমি আমার মাকে ঠকাতে পারবে না, ওকথা বলে। চিঁড়ে, নারকেলের নাড়ু, চক্রপুলি, ক্ষীরের হাঁচ, বেহান ঘেয়ের সঙ্গে পাঠিয়েছেন।

নিতাই। স্বস্তুরবাড়ী গেলে বোজ্ঞ এই সব
খাওয়ায় না ?

শচী । শাশুড়ী থাকলে খাওয়ায় বৈকি !

নিতাই। তুমি যে লোভ দেখালে মা,
 তাতে আমার একটা বিষে কর্তে ইচ্ছে
 হ'চ্ছে। ভাল একটা শাস্ত্রী পাইতো বিষে
 করি।

নিমাই। শাস্ত্রী বিষে ক'রবে কি গো!

নিতাই। ওই হ'ল—যে বাড়ীতে শান্তী
আছে, সেই বাড়ীর মেয়ে। বোমা, ছ'খান কীরের
ছাঁচ, চারটে নাড়ু, ছ'খানা চন্দ্রপুলি এনে দাও তো
না। আমি হাতে ক'রে খাবো আর পাড়ায়
পাড়ায় বেড়াব।

(বিষ্ণুপ্রিয়াস্ব ঘরের মধ্যে গমন)

শচী : সে কি !

নিভাই। তোমরা মাঝে-পোয়ে তারে কথা
কও না। আমি একজায়গায় বসে যদি লক্ষী
ছেলেটির মত খেতে না পারি। মাঝে মাঝে
আমার বালক হ'তে লাগে বাহু।

শচী । তা' বাপু, তুমি তো বালকই আছ ।

নিতাই। সে তো তোমার চোখে! বাইরের
আর পাঁচজন সে আবদারে যে কান দেয় না না।
এই যে, দেখি বোমা।

(বিস্ফোপ্রিয়া খাবার আনিলেন—নিতাই
খাবার লইলেন)

নিতাই। আমার ওবাড়ীর মায়ের কাছে
গিয়ে, আমি এই খেতে খেতে আবার খাবার
আদায় করবো।

শচী। 'চেরে না খেলে-বুঝি' তোমার পেট
ভরে না নিতাই।

নিতাই। ঠিক ব'লেছ মা। ভিক্ষে মাগার
অভ্যাগ আর ঘুচলো না!

[নিত্যের প্রশ্ন

শচী। বোমা, ভূমি-তোয়ার ওবাড়ীর বাসীয়ার
সঙ্গে দেখা ক'রে এস। আর তাকে ব'লো সঙ্কোর
পর আমার সঙ্গে দেখা ক'রতে, বেশী দেরী ক'রো
না যেন।

বিস্মৃতিশীল প্রস্থান

(নিমাই অনেকক্ষণ চঞ্চল হইয়া পরিলম্বণ করিলেন,
পরে স্থির হইয়া একস্থানে দাঁড়াইলেন)

শচী । কি ভাবছ বাবা ?

নিমাই ~~অনেক~~ বখা মা আমার বড়
 কুঃখ

শচী । তোমারি কি দুঃখ ?

নিমাই। তুমি আমায় অনুমতি দাও, আমি
বুন্দাবন যাব।

শচী। তোমার হৃদয়সংকীর্ণনে এই
নববীপই তো বৃন্দাবন হয়েছে। তবে তোমার
বৃন্দাবন যাবার কি প্রয়োজন বাক্য

নিমাই। নবদ্বীপ বৃন্দাবন হ'য়েছে এমন কথা
 ষ'লো না মা। আমি শুনেছি, বৃন্দাবনের পশুপক্ষীও
 কৃষ্ণনাম ছাড়া অজ্ঞান জানে না। আর নবদ্বীপে
 এমন নরনারী এখনো আছে, যারা কৃষ্ণনাম শুনে
 কার্ণে আজুল দেয়। আমি বৃন্দাবনে যাব।

শচী। বাবা! এই বুড়ো বয়সে আমার বুকে
তুষ্টি শেলাঘাত ক'রবে।

নিমাই। মা! তুমি যদি কাদ, আমার যাওয়া হবে না। তুমি স্বচ্ছন্দ মনে যদি অমুমতি দাও, তবেই আমি যেতে পারি।

শচী। বাবা, তুমি কি আমার এমনি পাষাণী বলে মনে কর! আমি স্বচ্ছন্দ মনে তোমায় বিদায় দেব!

নিমাই। তোমার মত স্নেহময়ী মা আর কারোও নেই, তাকি আমি জানি নে? আমার মনের অবস্থা শুনে তুমি আমার দয়্য ক'রবে। মা, রাত্রিদিন আমি কানের কাছে শ্রীমন্মথের বাঁশরী-ধ্বনি শুনি—তিনি আমার ডাকছেন। এ ডাক যে শুনেছে, সে তো আর ঘরে থাকে না মা।

শচী। বাবা, আমি যে বড় আশা ক'রেছিলাম ছেলে বো নিয়ে সংসারী হব। আমার স্বামীরা ভিটেয় তোমাদের দু'জনকে রাজা-রাজ্যেশ্বরী দেখবো!

নিমাই। আমরা তো কম সাধ ছিল না! তোমার মত থাকে, বিষ্ণুপ্রিয়ার মত স্ত্রীকে—নিতাই, শ্রীবাস, অরৈভের মত বন্ধুগণকে ছেড়ে যাওয়া কি মুখের কথা মা?

শচী। তবে কেন যেতে চাও?

নিমাই। কৃষ্ণের ইচ্ছা। কামিনা আমারও কম নেই মা! তবে মাহুঘের সহস্র কামনার চেয়ে যে শ্রীন্দনন্দনের ইচ্ছা বড়!

অশরীরী সঙ্গীতবাণী

অক্ষুর তপন তাপে যদি জারব
কি করব বারিদ মেহে!
ইহ নব যৌবন বিরহে গোঁয়ায়ব
কি করব গো পিয়া লেহে!

হরি, হরি, কো ইহ দৈব দুরাশা!
সিদ্ধ নিকটে যদি কণ্ঠ শুকায়ব
কো দূর করব পিপাসা।

চন্দন তরু যব, সৌরভ ছোড়ব
শশধর বরিখব আগি,—
চিত্তামণি যব, নিজগুণ ছোড়ব
কি এ মোর করম অভাগী!

শ্রাবণ মাহ ঘন, বিন্দু না বরিখব
সুরতরু বাঁক কি ছন্দে
গিরিধর সেবি, ঠাম নাহি পাওব
বিজ্ঞাপতি রহ ধন্দে।

(গান শেষ হইবার পূর্বেই নিমাই ভাবাবিষ্ট,
শচীমাতার মোহাবেশ)

শচী। কে তুমি আমার নিমাইকে আচ্ছন্ন ক'রে দাঁড়ালে?

নিমাই। আমি শ্রীকৃষ্ণচৈতন্য—আমারই মধ্য দিয়ে কৃষ্ণকে জানা যায়।

শচী। তুমি কি জ্ঞান এসেছ?

নিমাই। হরিনামপ্রচারের জ্ঞান।

শচী। কি নিমিত্ত?

নিমাই। কলিযুগে হরিনাম জীবের একমাত্র আশ্রয়।

শচী। তুমি সংসারে থাকবে না?

নিমাই। আমি তো সংসারের নই। বিস্তৃত কৃষ্ণচৈতন্যকে সংসারে বাঁধা যায় না।

শচী। নিমাই আর তুমি কি অভিন্ন?

নিমাই। নিমাই আমার জীবরূপ।

শচী। আমার কাছে তুমি কি চাও?

নিমাই। নিমাইয়ের জ্ঞান সন্ন্যাসের অমুমতি-ভিক্ষা।

শচী। আমি অমুমতি না দিলে?

নিমাই। নিমাইয়ের যাওয়া হবে না।

শচী। আমি যে বড় অভাগিনী!

নিমাই। না—তুমি ভাগ্যবতী।

শচী। আমার কি বলেতে হবে?

নিমাই। তুমি বল—“নিমাই, আমি মনের সুখে অমুমতি দিচ্ছি”।

শচী। নিমাই, আমি মনের সুখে অমুমতি দিচ্ছি। একান্ত বিষ্ণুপ্রিয়ার কি হবে?

নিমাই। যিনি বিষ্ণুপ্রিয়া, তাঁর জ্ঞান তোমার ভাবনা কি?

শচী। (নিদ্রোথিতের মত) নিমাই, নিমাই!

নিমাই। (সহজ অবস্থায়) কেন মা!

শচী। আমি তদ্রাবস্থায় তোমায় কিছু বলেছি?

নিমাই। তুমি আমার বৃন্দাবনে যাবার অমুমতি দিয়েছ। মা, তোমার কৃপায় আমার মনোবাঞ্ছা পূর্ণ হবে।

শচী। আমি অমুমতি দিয়েছি?

নিমাই। স্বচ্ছন্দ মনে অমুমতি দিয়েছ।

শচী। কি ক'রে এ অসম্ভব কথা আমার মুখ দিয়ে বেরুলো! এ কোন্ দেবতার ছলনা!

নিমাই। দেবতার ছলনা নয় মা, কৃষ্ণের ইচ্ছা।

শচী। কেন কৃষ্ণ, কেন তুমি আমার মুখ দিয়ে অমন কথা বার ক'রে নিলে? আমি অমুমতি না দিলে নিমাই তো কখনো যেতে পারতেনা। মা হ'য়ে আমি একি ক'রলাম! নিমাই—নিমাই! তুমি কোথায়? আমি যে আর তোমায় দেখতে পাচ্ছি নে।

নিমাই। মা, তুমি কি পাগল হ'লে? কি ব'লছো? এই তো আমি তোমার সামনে দাঁড়িয়ে।

শচী। কিছুক্ষণ আগে তুমি ছিলে না। তোমার মতন—কিন্তু সে তো তুমি নও! বৌমা, বৌমা!

(বিষ্ণুপ্রিয়া প্রবেশ)

বিষ্ণুপ্রিয়া। কেন মা!

শচী। এদিকে এস। নিমাইয়ের হাত জোর ক'রে ধর। ধর—আমি তোমায় ব'লছি। লজ্জা ক'রো না মা। যদি ওকে সংসারে রাখতে চাও, জোর ক'রে ধ'রে রাখ। আমি পারবো না মা, আমার দ্বারা হবে না।

বিষ্ণুপ্রিয়া। মা, তুমি অমন ক'রো না। তুমি অমন ক'রলে আমার প্রাণে আতঙ্ক হয়। বাপের বাড়ী আমি থাকতে প'রলুম না। কত লোকে কত কথা বলে।

শচী। কি কথা বলে, কারা বলে?

বিষ্ণুপ্রিয়া। সবাই ব'লছে, চারিদিকে কানা-খুঁষো চ'লছে—উনি নাকি তোমার আর আমার বুকে শোলাঘাত ক'রবেন! তাইতো মা, আমি চলে এলাম।

শচী। আমি তোমার হাতে আমার ছেলেকে সঁপে দিলাম। তুমি মা, আমার নিমাইকে ধরবাসী কর। আমি কাউকে রাখতে পারিনি। যাকে

আঁচলে বাধতে গেছি—সেই আমার আঁচল ছিঁড়ে পালিয়েছে। আমি আর বাধতে যাব না। তুমি পার ভাল; না পার, আমি আর কি ক'রবো। আজ আমার একে একে অনেক কথাই মনে প'ড়ছে। বৌমা! তোমায় আমি কি ব'লবো, সংসারে কেউ যেন সম্মান গর্ভে না ধরে!

(সর্ষজয়ার প্রবেশ)

সর্ষজয়া। দিদি, ওকি ক'রছ। নিমাইকে বৌমাকে ধ'রে অমন ক'রে কাঁদছো কেন?

নিমাই। মাসীমা এসেছ? মাকে সঙ্গে ক'রে একটু বেড়িয়ে আন-না তোমাদের ওধার থেকে?

সর্ষজয়া। কি হ'য়েছে নিমাই?

নিমাই। আমি ব'লেছি বৃন্দাবন যাব। তাতে কি হ'য়েছে মাসীমা! লোকে বিদেশ যায় না? তা' ছাড়া আমি কিছু এখনি যাচ্ছি নে। লোকে এক দেশ থেকে আর এক দেশে যে কত কাজে যায়!

সর্ষজয়া। তা'তো বটেই।

নিমাই। লোকে বাণিজ্য ক'রতে, টাকা রোজগার ক'রতে দেশ-বিদেশ যায়; আর আমি যদি ধর্মের জন্ত যাই, তবে সেইহী কি সব চেয়ে দোষের হ'ল মাসীমা?

সর্ষজয়া। তা' কেন হবে বাবা? এস দিদি, আমার সঙ্গে।

শচী। চল জয়া।

[শচী ও সর্ষজয়ার প্রস্থান]

বিষ্ণুপ্রিয়া। মাকে কি ব'লেছিলে?

নিমাই। বৃন্দাবনে যাবার জন্ত মায়ের অমুমতি চেয়েছিলাম।

বিষ্ণুপ্রিয়া। বৃন্দাবন কেন যেতে চাও?

নিমাই। বৈষ্ণব মাত্রই তো বৃন্দাবন ভালবাসে। বৃন্দাবন যে বৈষ্ণবের সর্ব্ব্ব লক্ষ্মী!

বিষ্ণুপ্রিয়া। তুমি সত্যি যাবে বৃন্দাবনে?

নিমাই। আমার বড় যাবার ইচ্ছা! কিন্তু মা আমার তোমার হাতে সঁপে দিয়েছেন, তুমি মত না দিলে কেমন ক'রে যাব।

বিষ্ণুপ্রিয়া। কেন—এখানে তোমার এত ভক্ত, এত কীর্ত্তন। প্রতিদিন নতুন নতুন পাশও-দৈর্জন ক'রছো, এখানে তোমার অভাব কি?

নিমাই। বৃন্দাবনে রাধাকৃষ্ণ এখন নাই, অথচ বৃন্দাবনের প্রতি অণু-পরমাণু রাধাকৃষ্ণময়। এই মহাবিরহ আর মহামিলন একসঙ্গে কেমন ক'রে সম্ভব হ'য়েছে, তাই দেখতে সাধ হয়—শুধু ধ্যানে নয়, প্রত্যক্ষ।

বিষ্ণুপ্রিয়া। লোকে যা ব'লছে তা'হলে তা সত্য?

নিমাই। লোকে কি ব'লছে?

বিষ্ণুপ্রিয়া। সে আমি মুখ দিয়ে ব'লতে পারবো না। তোমার দাদা যা হ'য়েছিলেন, তুমিও নাকি—

নিমাই। আমাকে সত্যই যেতে হবে। আমার না হারালে কেউ আমার সম্পূর্ণভাবে পায় না। তোমায় আমার মিলন এখনো অপূর্ণ লক্ষ্মী! নিজের জীবনে এ সত্য তুমি একদিন বুঝবে।

বিষ্ণুপ্রিয়া। আমার জন্মই তো গৃহত্যাগ! তা' আমি জানি। কিন্তু তার দরকার কি? তুমি সংসারে থাক, আমি বাপের বাড়ীতেই থাকবো। কখনো তোমার চোখের সামনে আসবো না।

নিমাই। তোমার কথা সত্য নয়। যদি কখনো গৃহত্যাগ ক'রতে পারি—জেনো, সে বৈরাগ্যে নয়—পরম অহুরাগে! আজ আমি তোমায় ঠিক বোঝাতে পারবো না।

বিষ্ণুপ্রিয়া। আমি বুঝতে চাইনে কখনো বুঝব না।

নিমাই। যাক, যা তো তোমার হাতে আমার স'পে দিয়েছেন। এখন আমি কি ক'রবো বল?

বিষ্ণুপ্রিয়া। এইখানে ব'স।

নিমাই। তারপর, কি ক'রতে হবে।

বিষ্ণুপ্রিয়া। আমার নজরবন্দী থাকতে হবে।

নিমাই। তাই থাকবো।

বিষ্ণুপ্রিয়া। যখন যেখানে যাবে, যা' ক'রবে—আমার অনুমতি নিতে হবে।

নিমাই। কোথাও যাব না, কিছুই ক'রবো না। শুধু রাতদিন তোমার সামনে ব'সে ব'সে ঐ চাঁদমুখ দেখবো।

বিষ্ণুপ্রিয়া। এত সূখ কি সহ হ'বে। রাতের পর রাত আমার বিরহে কাটলো—তারপর একেবারে অষ্টপ্রহর মিলন।

নিমাই। তুমি যখন ব'লেছ চোখে চোখে আমার রাখতে চাও, তখন আমি চোখে চোখেই থাকবো। আমি তোমার কত ভালবাসি একবার তোমায় দেখাব।

বিষ্ণুপ্রিয়া। তোমার আর ভালবাসা দেখাতে হ'বে না। আমি এমনিই খুলী আছি।

নিমাই। না, তোমার সঙ্গে আমি নিবিড়প্রেম ক'রবো। পূর্ণিমার রাত্রে যখন সমস্ত নবদ্বীপ যুগ্ম, তখন তোমায় নিয়ে গঙ্গাতীরে বেড়াব। প্রতি সন্ধ্যায় ফুলের মালা গাঁথবো; তোমার গলায় পরাব, খোপায় পরাব—তোমায় ফুলরাগী সাজাব। তারপর চাঁদের দিকে মুখ ফিরিয়ে একদৃষ্টে ঐ মুখের দিকে চেয়ে থাকবো। আর মাঝে মাঝে একবার—

বিষ্ণুপ্রিয়া। যাও।

নিমাই। “যাও” কি ব'লতে আছে! ব'লতে হয় “এস”।

বিষ্ণুপ্রিয়া। ছিঃ, তুমি কি যে বল? কথা ছাড়া মুখে আর কথা নেই।

নিমাই। ও কথা শুনে তুমি কষ্ট পাও?

বিষ্ণুপ্রিয়া। তাকি তুমি জান না?

নিমাই। তবে ওকথা আর ব'লবো না, তোমার মনে কষ্ট দেব না—আর কৃষ্ণ ব'লে কাদবো না। আজ থেকে ‘বিষ্ণুপ্রিয়া’ নাম জপ ক'রবো।

বিষ্ণুপ্রিয়া। আর অতোয় কাজ নেই—ঢের হ'য়েছে।

নিমাই। না, তুমি দেখে নিও। বিষ্ণুপ্রিয়াকে জানা-ই কি সহজ কথা! কত জন্মজন্ম সাধনা ক'রলে তবে তোমায় জানা যায়। তুমিই কি আমার কম কাদিয়েছ, কম কাদাবে!

বিষ্ণুপ্রিয়া। অবাক ক'রলে! আমি আবার তোমায় কবে কাদালেম?

নিমাই। আমি যে এতদিন ধ'রে এত কঁদেছি, সে কি সবই ত্রীহরির জন্ত। তোমায় সাধনায় চোখের জল পড়েনি? তোমায় সাধনা ক'রেছিলাম ব'লেই তো তোমার হাতে যা আমাকে স'পে দিতে পেরেছেন। যখন রাধা ব'লে কঁদেছি, সে কার প্রেম অরণ ক'রে লক্ষ্মী।

কে আমার সমস্ত চৈতন্যকে রাখায় ক'রে
তুলেছিল। তুমিও কম নও জেনো।

বিষ্ণুপ্রিয়া। বেশ লোক তো যা হোক।

নিমাই। আমার সাক্ষী আছে—শুধু কথা
কই না।

বিষ্ণুপ্রিয়া। থাক, সাক্ষী ডাক্তে হবেনা আর।

(নিত্যানন্দের প্রবেশ)

নিমাই। ঐ দেখ, না ডাক্তেই সাক্ষী হাড়ির।

বিষ্ণুপ্রিয়া। আঃ, চূপ্ করনা!

নিমাই। কেন চূপ্ করবো? তুমি কাদাতে
পার আর আমি বলতে পারি নে?

বিষ্ণুপ্রিয়া। এতই বলে আকাশে আঁকি
দিয়ে ঝগড়া বাধানো!

নিমাই। আচ্ছা ত্রীপাদ, তুমিই বল না?

নিমাই। কি বলবো?

নিমাই। আমি রাখা রাখা বলি যত কৈদেছি,
তার সব কান্নাই কি বাধাক্ষেপের জন্ত, বিষ্ণুপ্রিয়ার
জন্ত এক বিন্দুও নয়?

বিষ্ণুপ্রিয়া। তাই কি আমি বলছি!

নিমাই। কাদতে আমার কে শেখালে? কে
আমার মনের বাধা গুটিয়ে দিলে? তুমি তো সব
জান ত্রীপাদ!

নিমাই। জানি বৈকি।

গান

(এবার) কঠিন বাঁধনে হরি প'ড়েছ বাঁধা!

চতুরে চতুরে প্রেম

নয় এ গোয়ালিনী রাখা।

মধুরায় হেসেছিলে

কুব্জারে ল'য়ে বামে,

শত বরষ রাই আমার

কৈদেছিলেন ব্রজধামে।

রাধার সে ধার শুধুতে গোয়ার

এবার সারা জনম কাদা।

বিষ্ণুপ্রিয়ার নয়নে ভাই,

রাই বিরহের তত্ত্বাধা।

গক্ষ্ম অক্ষ

(ত্রীগোরাঙ্গ-বিষ্ণুপ্রিয়ার শয়ন-কক্ষ। ত্রীগোরাঙ্গ
ও বিষ্ণুপ্রিয়া। ত্রীগোরাঙ্গ বিষ্ণুপ্রিয়াকে
ফুলের অলঙ্কারে সাজাইতেছেন।)

বিষ্ণুপ্রিয়া। আজ যে বড় আদর?

নিমাই। আমি তো তোমায় বলছিলাম,

তোমায় কত ভালবাসি! তুমি বিশ্বাস করনি।

বিষ্ণুপ্রিয়া। বিশ্বাস কেন করবো না?

নিমাই। তুমি ভেবেছিলে—আমি ভালবাসতে
জানি নে।

বিষ্ণুপ্রিয়া। ও কথা আমি কোন দিন ভাবিনি,
তবে আগেকার কথা মনে কর্তে গেলেও আমার
প্রাণে ভয় হয়। রাতের পর রাত তুমি হরিনাম
সংকীর্ণনে কাটিয়ে দিয়েছ! সকালে যখন বাড়ীতে
এলে—আধ-তন্দ্রা আধ-জাগরণ।

নিমাই। তা'হলে তোমার হাতের গুণ আছে
বলতে হবে। যে দিন থেকে মা তোমার হাতে
সঁপে দিলেন, তারপর থেকে আমি তোমারই একান্ত।

বিষ্ণুপ্রিয়া। তবে সন্দেহ হয়—সেই তুমি
কেমন ক'রে এমন হ'লে! মাঝে মাঝে ভয়ও হয়।

নিমাই। মা আজকাল খুব খুশী?

বিষ্ণুপ্রিয়া। খুব খুশী! তবু ভয় কাওও
ঘোচেনি।

নিমাই। কিসের ভয়?

বিষ্ণুপ্রিয়া। কিসের ভয়, সে কি তুমি জাননা?

নিমাই। লক্ষ্মী, আজ আমার একটি কথা
রাখবে?

বিষ্ণুপ্রিয়া। কি কথা?

নিমাই। যদি রাখ তো বলি।

বিষ্ণুপ্রিয়া। রাখবো—বল।

নিমাই। একটা গান গাইতে হবে।

বিষ্ণুপ্রিয়া। আমি কুলবধু, আমি কি ক'রে
গান গাইব?

নিমাই। আমি কি আর তোমায় জোরে
গাইতে বলছি! এই আমার কোলের কাছটীতে
ব'সে, আন্তে আন্তে—শুধু আমারই জন্ত।

বিষ্ণুপ্রিয়া। আচ্ছা গাইব।

নিমাই। এমন ভাবে গাওয়া চাই—আমি যেন সে সুর কখনো না ভুলি। আর এই ফুলের গহনাগুলিকে রোজ জল দিয়ে তাজা রাখবার চেষ্টা করবে।

বিষ্ণুপ্রিয়া। কেন?

নিমাই। আমি অনেক যত্নে এফুল সংগ্রহ করেছি, চরন করেছি—মালা গেঁথেছি। এ আমার অন্তরের অমরাগ, যেন শুকিয়ে না যায়।

বিষ্ণুপ্রিয়া। তুমি এ সব কথা কেন বলছ?

নিমাই। মাহুঘের ক্ষুদ্র ভালবাসাকে অমর করা যায় কি না, আমি তাই ভাবছি লক্ষী। তুমি গাও।

বিষ্ণুপ্রিয়ার গান।

তোমার রূপে মন র'জছে
নয়ন ভোরে তোমার দেখি!
তবু দেখার সাধ মিটেনা
পলক জানে আমার আঁখি।

(বধূহে) ধরা দিতে এত কেন ভয়,
বুকের মাঝে রেখে তোমার
পাইনি মনে হয়;

(আমি) কেমন করে রাখবো ধ'রে
নীল আকাশের উদাস পাখী!

নিমাই। এ গান তুমি কেন গাইলে!

বিষ্ণুপ্রিয়া। তোমার ভাল লাগলো না?

নিমাই। গান শুনে আমার কান্না আসছে। এ যে আমারই অন্তরের গান। “আমি কেমন করে রাখবো ধ'রে নীল আকাশের উদাস পাখী।” আমি ভেবেছিলাম আজকের রাতে শুধু আনন্দ করবো। তুমি কান্নার সুর কেন গাইলে লক্ষী!

বিষ্ণুপ্রিয়া। অত বিচার করে গাইনি। মনে এল—গাইলেম।

নিমাই। তোমার বড় সুন্দর দেখাচ্ছে আজ, কেন বল দেখি?

বিষ্ণুপ্রিয়া। তুমি সাজিয়ে দিয়েছ বলে। নিজের হাতের রচনা সবাইয়ের ভাল লাগে।

নিমাই। তুমি বলতে চাও—তুমি আমার হাতের রচনা?

বিষ্ণুপ্রিয়া। আজ আমি একেবারেই তোমারই হাতের রচনা। বালিকাকালে কি ছিলাম মনে নেই। তারপর, যেদিন গজার ঘাটে প্রথম তোমার দেখি—

নিমাই। সে দিন থেকেই আমার ভালবেসেছ?

বিষ্ণুপ্রিয়া। তাকে ভালবাসা বলে কি না জানি না। তবে রোজ গজামৃতিকা দিয়ে শিবলিঙ্গ তৈরী করে আমি পূজা করতাম—এই কামনায় যে, তোমার সঙ্গে আমার বিয়ে হোক।

নিমাই। তারপর, বিয়ে যখন হ'য়ে গেল?

বিষ্ণুপ্রিয়া। প্রথম দিনকতক খুব আনন্দ হ'য়েছিল।

নিমাই। তবে ফুলশয্যার রাতে কথা কওনি যে বড়?

বিষ্ণুপ্রিয়া। তখন একে ছেলেমানুষ, তার উপর নতুন বিয়ের লজ্জা।

নিমাই। তারপর যখন আবিষ্কার করলে আমি পাগল, তখন তোমার কি মনে হ'য়েছিল?

বিষ্ণুপ্রিয়া। আমি তোমার পাগল ভাবিনি। তবে তোমার কান্না দেখলে আমারও কান্না পেত। কিন্তু যখন থেকে পাঁচজনে মিলে তোমার দেবতা করে তুললে, তখন সত্যি ভয় হ'ল; তাদের উপর রাগও হ'ল!

নিমাই। ভয় কেন?

বিষ্ণুপ্রিয়া। ভেবেছিলাম, তুমি দেবতা হ'লে আমি আর তোমার নাগাল পাব না।

নিমাই। কিন্তু নারী তো স্বামীকেই দেবতা বলে মানে।

বিষ্ণুপ্রিয়া। সে যে তার নিজেরই হাতের তৈরী দেবতা। আমি আমার প্রিয়কে ভালবাসার জোরে দেবতা করতে পারি। সে দেবতা একান্ত আমারই। সেই দেবতা ছাড়া আর কোন দেবতাকে নারী তো বুঝতে পারে না। পতিই নারীর সর্বস্ব—একমাত্র দেবতা।

নিমাই। আজ আর আমার প্রতি তোমার কোন অভিযোগ নেই লক্ষী।

বিষ্ণুপ্রিয়া। অভিযোগ আমি তো কখনো দিনই করিনি।

নিমাই। মুখে অভিযোগ করনি সত্য, কিন্তু মনে তোমার নিশ্চয় সংশয় ছিল—হয় তো বা আমি তোমার ভালবাসিনি।

বিষ্ণুপ্রিয়া। মুখ ফুটে না ব'ললেও অন্তরের ভালবাসা অন্তর দিয়েই বোঝা যায়। তুমি তো আমার উপেক্ষা করনি কোন দিন। আজ আমি অনুতপ ক'রছি, আমার নারীজন্ম সার্থক! আমি তোমার ভালবেসেছি, তুমিও আমার ভালবেসেছ। তুমি পরম পণ্ডিত, পরম জ্ঞানী, ভক্ত—হয় তো বা তুমি স্বয়ং নারায়ণ। তবু তুমি এই নারীকে ভালবেসেছ। তুমি আমার লক্ষ্মী ব'লে ডাক, আমি কখনো কখনো মনে করি—আমিই সেই বৈকুণ্ঠবাসিনী। এখন তুমি রাধা রাধা ব'লে কাদলে আমি মনে করি, তুমি আমার জন্ম কঁাদছ।

নিমাই। তোমার কথা সত্য। তুমি যেমন তোমার প্রিয়কে দেবতা ক'রেছ, আমিও তেমনি আমার দেবতাকে আমার প্রিয়ের মধ্যেই দেখেছি লক্ষ্মী! মুখের দিকে চেয়ে কি দেখছো?

বিষ্ণুপ্রিয়া। তোমাকেই দেখছি—আর ভাবছি তোমাকে এত কাছে পেয়েও তো তোমার ধরা যায় না! তুমি যেন সেই নীল আকাশের উদাস পাখী!

নিমাই। আমাদের কথা আজ বারবার কেবলই গভীর রহস্যপূর্ণ হ'য়ে উঠছে। কিন্তু আমি তো এসব আলোচনা ক'রতে চাইনে, আমি তোমার নিয়ে আজ আনন্দ ক'রতে চাই।

বিষ্ণুপ্রিয়া। অনেক রাত হ'য়েছে; ঘুমুবেনা তুমি?

নিমাই। অতি আনন্দে চোখে আমার ঘুম নেই।

বিষ্ণুপ্রিয়া। এত আনন্দ কেন আজ।

নিমাই। আমার ভালবাসা তুমি বুঝতে পেরেছ, তাতেই আমার আনন্দ।

বিষ্ণুপ্রিয়া। কিন্তু আমার যে বড় ঘুম পেয়েছে। আমি আর চোখ চাইতে পারছি না।

নিমাই। বেশতো, তুমি এইখানে—আমার কোলে—মাথা রেখে ঘুমোও। চাঁদের আলোয় আমি তোমার ঘুমন্ত মুখের শোভা দেখি।

বিষ্ণুপ্রিয়া। কিন্তু তুমি যেন বেশীক্ষণ জেগে থেকে না—তোমার অন্তর ক'রবে। (শরন

করিলেন) তোমার কোল আর এই চাঁদের আলো—আমার মনে হ'চ্ছে, এ বুঝি সত্য নয়। আমি যেন কোন্ রূপকথার রাজকন্যা, তুমি সোনার কাঠি দিয়ে আমার বাঁচিয়েছিলে, এই ঘুমের ভিতর দিয়ে আমি বুঝি আবার কোন্ মৃত্যুলোকে গিয়ে পৌঁছাব।

নিমাই। লক্ষ্মী, কথা ব'লতে ব'লতেই ঘুমিয়ে প'ড়লে। কিন্তু, কিন্তু, কিন্তু—আজ যে আমার কেবলই তোমার সঙ্গে কথা ব'লতে ইচ্ছে ক'রছে। (বিষ্ণুপ্রিয়ার রূপে ডুবিলেন) তখন দিনের পর দিন, রাতের পর রাত চ'লে গেছে—ভুলেও তোমার মুখের পানে চাইনি, তোমার সঙ্গে কথা কইনি। আজ কেন দেখার সাধ মেটেনা—কথা কওয়ার সাধ মেটেনা। আজ স্বীকার ক'রছি প্রিয়ে, আমি শুধু তোমাকেই ভালবেসেছি—বহুবীর, বহুরূপে। তুমি কখনো রাধা, কখনো কৃষ্ণ, কখনো লক্ষ্মী, কখনো বিষ্ণুপ্রিয়া হ'য়ে আমার সামনে দাঁড়িয়েছ। তোমার মুখচন্দ্রের প্রতি আমার লুক লোচন-চকোর আজ পলকহারী হ'য়ে চেয়ে আছে। পৃথিবীর সমস্ত লোককে ডেকে আমার ব'লতে ইচ্ছা ক'রছে—আমি ভালবাসি—ভালবাসি। (কৃষ্ণের সহিত বাঁশী শুনিলেন) একি—কে বাঁশী বাজায়। তুমি—তুমি? তুমি কে আমার ডাকছ বাঁশীতে?

অশরীরী সঙ্গীত বাণী

শ্রামের বাঁশরী ওই বাজে,
ওই বাজে—ওই বাজে।
কত রঞ্জে, কত ধ্বনি,
কত রাগ রাগিনী,
রাই ধনী কানে শুনি
চকিতে চমকি উঠে
স্বপনের বাজে।
বাঁশী বাজে—বাজে—বাজে।
ডাকে আর—আর—আর
ওই যে দাঁড়িয়ে শ্রামরায়।
কুঞ্জ জুয়ারে ফিরে চায়,
স্বপনে ডাকিছে রাধিকার।
গৃহকোণে আনমনে
অভিসার সাজে
রাই সাজে, বাঁশী বাজে।

নিমাই। ত্রীরাধিকার মৃত সর্বস্ব ভাগ ক'রে
আমাকেও যেতে হবে। তাই কি শ্রাম, এই
বাঁশরী-ধ্বনি? থাকুন বিষ্ণুপ্রিয়া, কাঁচুন শচীমাতা,
ভাস্কর নন্দনাশ্রনীয়ে নবদীপের প্রিয় বজ্রগণ। হরি
আমায় সঙ্কত ক'রেছেন—আর তো আমার ঘরে
থাকা চলে না। বুঝি এমনই অবস্থার রাই আমার
কৈদে ব'লেছিলেন—

“গোকুল নগর মাঝে আর কত নারী আছে
তাঁহে কেন না পড়ল বাধা;
নিরমল কুল খানি যতনে রেখেছি আমি
বাঁশী কেন বলে রাধা রাধা!”

অশরীরী সঙ্গীত-বাণী

রাই সাজে, বাঁশী বাজে।
মেঘ ঘামিনী অতি ঘন আঁধার
এঁছে সময়ে ধনী করু অভিসার ॥
ঝলকত দামিনী দশদিশ আপি
নীল বসনে ধনী সব তরু বাঁপি,
বারি বরিখত ঝর ঝর, খরতর মেঘ,
পাওল শ্রবদনী সঙ্কত গেহ ॥

নিমাই। এমনি ক'রেই কি তুমি কৃষ্ণকে
কিনেছিলে, রাসরসেশ্বরী? প্রিয়ে, আমি যাই।
আমি শ্রামের বাঁশী শুনেছি, দূর অভিসারে আমি
চ'লেছি। জানি না, আমার সে মানসবৃন্দাবন
কোথায়, কত দূরে—বাইরে কি অন্তরে। তুমি
আমায় কমা ক'রো প্রিয়তমে, বুঝি কৃষ্ণের ইচ্ছায়
তুমি ঘুমিয়েছ! তুমি জেগে থাকলে শ্রাম বোধ হয়
আমায় ডাক্তে সাহসী হ'তেন না। মা, তোমার
কাছেও তো বিদায় নেবার সময় নেই—অন্তরে
বাহিরে ঘন ঘন বাঁশরীনিঃস্বন। আমি জানি—
তুমি কাঁদবে, জ্ঞান হারাবে, ধূলার লোটাবে;
বিষ্ণুপ্রিয়া হাহাকাঁরে বুর্ছা বাবে। তাই কাঁদ,
বিরহ-অশ্রুধারে নবদীপ ভেসে যাক! ত্রীপাদ,
ত্রীবাগ, অষ্টৈত, গদাধর, নরহরি, হরিদাস, জগাই,
মাধাই, বাসুদেব, মুরারি, ঈশান, চন্দ্রশেখর—
তোমরা আমার মাকে দেখো, আমার প্রিয়াকে
দেখো। সবাইকে বুঝিয়ে ব'লো, আমি শ্রামের
বাঁশী শুনেছি—কুলহারাপো বাঁশী! নবদীপ—

প্রিয়তম জগদ্বৃন্দ, তোমায় নমস্কার! ভাগীরথি—
ত্রিতাপনাশিনী মা আমার, তোমায় নমস্কার।
প্রিয়তমে, এই শেষ তোমার মুখের পানে চাওয়া।
আমায় শেষ আলিঙ্গন—শেষ চুম্বন তোমার
অঙ্গে রেখে গেলাম। তুমি আমায় কমা ক'রো!
কৃষ্ণ কৃষ্ণ কৃষ্ণ কৃষ্ণ কৃষ্ণ, রাধা রাধা রাধা রাধা রাধা!
জয় গোপীজনবল্লভ, গোপীজনবল্লভ, গোপীজনবল্লভ!

[নিষ্ক্রমণ]

বিষ্ণুপ্রিয়া। (স্বপ্নে) ছিঃ—ছিঃ—ছিঃ, তুমি
আমায় অমন ক'রে লজ্জা দিয়ে না। চারিদিকে
শুষ্কজন—তারি মাঝে তুমি আমার চুম্বন ক'রলে।
ওই দেখ মা, ভাস্কর, ত্রীবাগ পণ্ডিত, অষ্টৈত
আচার্য্য—সবাই তোমার নিঃসজ্জাব দেখে
হাসছে। একি, একি! তোমার একি বেশ!
কোথায় তোমার মাথার শোভা সেই কুক্ষিত
কেশকলাপ? তোমার পরিধান গৈরিক বসন—
তোমায় দেখে সবাই কাঁদছে কেন? শোন,
শোন—একি, আমি কি স্বপ্ন দেখছি! স্বপ্ন
—নিশ্চয় স্বপ্ন, কিন্তু দারুণ ছঃস্বপ্ন! দুর্গা দুর্গা
দুর্গা! শোন শোন—আমার কথা শোন! আমি
বড় ছঃস্বপ্ন দেখেছি। আমার সঙ্গে ছ'টো কথা
কও! তুমিও ঘুমিয়েছ বুঝি। কই, কই—
কোথায় তুমি? বিছানায় নেই তো! দোর খুলে
বুঝি বাইরে গেছ? (উঠিলেন ও রাহিরে গেলেন)
কি হ'ল—কোথায় গেলে! তুমি কি আমার
ছলনা ক'রবার জন্ত লুকিয়ে আছ? আমি—আমি
—আমার বড় শঙ্কা হ'চ্ছে, আমার বুক কাঁপছে!
তুমি এস, আর আমার ভয় দেখিও না। কি করি,
কোথায় খুঁজি। তবে কি, তবে কি—না, তাও
কি সম্ভব? সম্ভব নয়ই বা কেন। মাকে ডাকি
—মা, মা, মা!

(শচীদেবীর প্রবেশ)

শচী। বোমা, তুমি—তুমি—একলা! আমার
নিমাই?

বিষ্ণুপ্রিয়া। আমি তো কিছু জানিনে মা,
ঘুমিয়ে প'ড়েছিলাম; ঘুম থেকে উঠে দেখি—
আমার পাশে নেই, ঘরের দোর খোলা।

শচী। কি—কি ব'লে। নিমাই ঘরে নেই!
তবে—তবে কি হবে?

বিষ্ণুপ্রিয়া। সেইজন্যই তো ডাকছি মা, তুমি
একবার ডেকে দেখ। আমি যে জোরে কথা
কইতে পারিনে মা!

শচী। হাঁ—তাইতো, চল মা। তুই আমার
সঙ্গে আর—আমরা ছ'জনে খোঁজ করি। কি
জানি কোথায় গেল। আমি জোরে ডাকব—
তাহ'লে, তাহ'লে শুনতে পাবে নিশ্চয়ই। নিমাই,
নিমাই, নিমাই। তুই আমার সঙ্গে আর, আমি
রাস্তার গিয়ে আরও জোরে ডাকব—নিমাই,
নিমাই, নিমাই!

[উভয়ের প্রস্থান]

(দ্বৈদিক হইতে নিত্যানন্দ ও শ্রীবাসের প্রবেশ)

শ্রীবাস। কেও—শ্রীপাদ?

নিতাই। পণ্ডিত, তুমি—তুমিও শুনতে
পেরেছ?

শ্রীবাস। হাঁ শুনছি, ঐ শোন আবার!

নিতাই। একি মর্ষভেদী 'নিমাই' 'নিমাই'
আহ্বান! নিত্যাচ্ছন্ন নবদীপ কি নিমায়ের নাম
উচ্চারণ ক'রে হাহাকার ক'রছে। বুঝতে পেরেছ
কি, এ হাহাকার কিসের?

শ্রীবাস। বুঝেছি শ্রীপাদ, সর্বনাশ হ'য়েছে!
আমি যা' তেবেছি তাই হ'য়েছে। দেখতে
পাচ্ছনা—শুভ শয্যা?

নিতাই। ও কার ক্রন্দন?

শ্রীবাস। মা জননী। নিশ্চয়ই তিনি বোমার
সঙ্গে রাস্তার পাগলের মত 'নিমাই' 'নিমাই' ক'রে
ডাকছেন।

নিতাই। শয্যা শূন্য, গৃহ শূন্য—বাড়ীতে জন-
প্রাণী নেই। নিশ্চয়ই প্রভু আমাদের কঁাকি
দিয়েছেন। কাল রাত্রে একসঙ্গে অনেককণ কথা-
বার্তা ক'রেছি—বোমার নাম উল্লেখ ক'রে কত
রসিকতা ক'রলেন। এমন প্রফুল্ল তাঁকে আর
কখনো দেখিনি।

শ্রীবাস। কিন্তু শ্রীপাদ, আর তো এখানে
কিংকর্তব্যবিমূঢ়ের মত আমাদের চুপ ক'রে দাঁড়িয়ে

থাকা উচিত হয় না। চল আমরা মাকে কিরিয়ে
আনি।

নিতাই। চল যাই। কিন্তু তাঁর সঙ্গে দেখা
ক'রে তাঁকে কি ব'লবো—কি কথায় প্রবোধ দেব?
[উভয়ের প্রস্থান]

(একদল লোক প্রবেশ করিল ও চলিয়া গেল।
একজন পুরুষ ও দু'জন স্ত্রীলোকের প্রবেশ।)

প্রথম। ওঃ, এমন সর্বনাশ কি মাছুয়ের হয়!
ওরা বাড়ীতে ফিরিয়ে আনতে পারলে না বুঝি?

দ্বিতীয়া। না, এই তো আমি নিজের চোখে
দেখে এলাম। শান্তুড়ী-বৌ পাগলের মত ছুটে
গেছে গঙ্গার ধার পর্যন্ত। বোকে ব'লছে—আমি
'নিমাই' ব'লে ডাকি। বোমা, তুমিও ডাক—
বা-খুশী তাই ব'লে ডাক। আমার কথায় যদি না
আসে, তোমার কথায় আসবে। কথা শুনে
আমারই ছ'চোখ কেটে জল এল মা! আমি আর
ধাকতে পারলেম না।

প্রথম। সর্বজন্য জানতে পেরেছে?

দ্বিতীয়া। তা' আর পারিনি। এইবার বুঝি নিয়ে
আসছে। ওগো, তুমি একটু এগিয়ে দেখনা একবার!
পুরুষ। নিতাইদা যখন গেছে, ধ'রে ত আনবেই।

দ্বিতীয়া। আহা, ছুঁড়ীর কি বরাত গা!
দুধের মেয়ে!

(শচী ও বিষ্ণুপ্রিয়া সহ নিত্যানন্দ, শ্রীবাস ও
অজ্ঞাত সকলের প্রবেশ)

শচী। ওরে, তোরা আর আমার ঘরে নিয়ে
বাসনে—ঘর আমার ভেঙ্গে গেছে! আর তো
আমি চার চালের নীচে মাথা গলাতে পারবো না।
মা, তোমার হাতে হাতে সঁপে দিলাম, তবু রাখতে
পারলে না মা।

নিতাই। মা, তোমার পারে পড়ি মা!
আমার কথা রাখ—ঘরে এস।

শচী। নিমাই—নিমাই! ও বাবা, আমি কি
ক'রে ঘরে যাব! ওঘরে যে আমার রাবণের
চিহ্নে জলছে। ওই ঘর থেকে বার ক'রে, একে
একে আটটি সোনার পয়সা আমি-যে গঙ্গার জলে
ভাসিয়ে দিয়েছি।

বিকুশ্রিয়া। ও মা, মা।

নিতাই। বোমা, তুমি যদি একটু স্থির না হও
তো তোমার শাওড়ীকে বাঁচাবে কি ক'রে? মা, মা।

শচী। কে—কে, তুই কে? এখনো আমার
মা মা বলে ডাকছিস?

নিতাই। আমার চিন্তে পাচ্ছ না মা, আমিও
বে তোমার ছেলে! নিমাই নিতাই—আমরা দুই-
তাই। সে কোথায় যাবে? তুমি স্থির হও মা,
আমি নিজে সমস্ত দেশ খুঁজে তাকে বার ক'রবো।

শচী। তুমি কি ক'রে খবর পেলে নিতাই।
আমার কান্না শুনে পেয়েছিলে বুঝি?

নিতাই। তোমার কান্না তো আমি একা
শুনিনি মা! ন'দের সমস্ত লোক আজ তোমার
কান্না শুনে পেয়েছে। এই দেখ না মা—সবাই
তোমার বাড়ীর উঠোনে দাঁড়িয়ে। ঐ যে নরহরি,
বান্ধবোষ, যুরারি—ঐ ওখানে এককোণে দাঁড়িয়ে
গদাধর কাঁদছে! ঐ ত্রীবাস, হরিদাস, বিজয়,
পুণ্ডরীক—ঐ দেখ মা, উঠোনের মাঝখানে জগাই
মাধাই ধুলোয় গড়াগড়ি দিয়ে কাঁদছে। কালই
সকালে শান্তিপুরে অবৈত খবর পাবেন। এত
ভক্তের চোখে ধুলো দিয়ে সে কোথায় পালাবে?
তার সাধ্য কি? আমি নিজে ন'দের সমস্ত লোক
সঙ্গে নিয়ে দেশ দেশান্তরে ঘুরে বেড়াব। তুমি
কি মনে কর, সে লুকিয়ে থাকতে পারবে? তাকে
ধরা দিতেই হবে।

শচী। তাকে ধরতে পারবে নিতাই?

নিতাই। নিশ্চয় ধ'রতে পারবো। কিন্তু তার
আগে তুমি স্থির হও। তোমার স্থির না ক'রে
তো কোথা যেতে পারছি না মা।

শচী। আমার অস্ত্র ভেবো না, আমি স্থির
থাকব। তুমি যাও বাবা, তাকে খুঁজে বার ক'রো।

নিতাই। এদের সবাইকে নিয়ে আমি যাচ্ছি।
বোমা, তুমি রইলে—মাকে নোখো! মা, যদি
তোমার হারানিধিকে ফিরিয়ে আনতে পারি,
তবেই নবদীপে ফিরবো। যদি তাকে খুঁজে না
পাই, আমি অন্নজল ত্যাগ ক'রবো। আর হরি
বলে ডাকবো না—গোরানার আর মুখেও
আনবো না।

দ্বিতীয় দৃশ্য

(কাটোয়ার পথ। জনৈক গ্রামবাগী ও নিত্যানন্দ)

নিতাই। ওগো, শোন—শোন! গৌরবর্গ
এক ব্রাহ্মণের ছেলেকে এই পথে যেতে দেখেছ?
মুখে তার সদাই হরি হরি ধ্বনি—নয়ন জলে চাঁদ-
বদন ভেঙ্গে যাচ্ছে।

(লোকটা গৌরবর্গের রূপ দেখিয়া পাগল হইয়াছে।
সে নিত্যানন্দের কথায় উত্তর দিল গানে)

গান।

আমি দেখেছিরে তার,
গৌর বরণ সন্ন্যাসী এক এসেছে হেথায়।

(তার) হরি ব'লতে নয়ন ঝরে,
আপনি কেঁদে কাদায় পরে,
রূপে ভুবন পাগল করে—
আপন মনে গায়।

বলে—“কোথায় শ্রামরায়?”

হেরিয়ে গগন-ধারা
নব জলধর,
মেঘেরে ডাকিয়ে বলে
“হে মুরলীধর।

দেখা যদি নাহি দিবে
কেন গো বাজালে কানী,
তুমি কি জান না নাথ
আমি চরণের দাসী।”

(কথা) বলিতে বলিতে কাঁদে
ধূলিতে মুরছা যায়—

কুঞ্চিত চাক্ষুশ
মাথায় নাহিক তার,
মুণ্ডিত মস্তক—

অঙ্গে কৌপীন সার।
পথে শত নরনারী
সে বেশ দেখিতে নারি
কাঁদিয়া লুটার!

নিতাই। এ নিশ্চয়ই আমার গ্রামের গৌরা
ব'লতে পার তাই, কোথায় তার দেখা পাব?

লোক। এই যে গজার ধারে—তুমি আমার সঙ্গে এস।

[উভয়ের গ্রহান

তৃতীয় দৃশ্য

(অষ্টমের বাড়ী। অষ্টম ও সীতা)

অষ্টম। ব্রাহ্মণি, নবদ্বীপ থেকে আর কোন খবর আসেনি ?

সীতা। খবর কে পাঠাবে বল ? ছেলেরা নবদ্বীপে গিয়েছিল। নবদ্বীপে পুরুষ মানুষ কেউ ঘরে নেই। সবাই গোরাক্ষদের ঝোঁজে ঘর ছেড়ে দেশ দেশান্তরে বেড়িয়ে পড়েছে।

অষ্টম। যা আর বোমার খবর নিয়েছিল ?

সীতা। শচী-বিষ্ণুপ্রিয়া আর ওঠেনি ; আজ তিন দিন ধরাসনে পড়ে আছে—স্নান করেনি, খায়নি। শুন্লাম, বৈষ্ণব আর অবৈষ্ণবে আজ আর কোন প্রভেদ নেই—হা গোরা, হা গোরা বলে সবাই কাঁদছে।

অষ্টম। আমি বুঝতে পেরেছি এইবার ; পাণ্ডুলনের জন্তই সে ঘর ছেড়েছে। নইলে তার গৃহত্যাগের কি দরকার ছিল ! শত অন্ননর, শত আবেদন, অজস্র অশ্রুবর্ষণ, অষ্টগ্রহর হরিনাম সংকীর্তন যা' কবুতে পারেনি—আজ তাই সম্ভব হয়েছে। শচী-বিষ্ণুপ্রিয়ার দিকে তাকিয়ে আজ তারা বুঝবে, কি রত্ন নবদ্বীপ হারিয়েছে। এতদিন তাদের গোরাক্ষকে পাওয়া হয় নি—আজ যথার্থ পাবে।

সীতা। শুন্লাম, আমরা এখান থেকে যে কাপড় পাঠিয়েছিলাম—যাবার সময় বাবার পরণে সেই কাপড় ছিল।

অষ্টম। ব্রাহ্মণি, সে আমার বাপের মতনই শ্রদ্ধা করত। আজ তোমায় বলছি—কতবার তাকে দেখেছি, শঙ্খ-চক্র-গদা-পদ্মধারী—একেবারে আমার ইষ্টমূর্তি। প্রথম যেদিন দেখা হয়, আমি মুগ্ধ গিয়েছিলাম। কিন্তু পরতপক্ষে আমার পায়ে হাত দিতে দেয়নি। বোমাটাও তাই—সেবার

আমার কত ভিরঙ্কার কর্বলেন। এই তো নন্দলীলা ব্রাহ্মণি—আর লীলা কাকে বলে।

সীতা। আমার ইচ্ছে হ'চ্ছে, যেখানে আছে—একবার ছুটে গিয়ে চাঁদ-মুখ দেখে আসি।

অষ্টম। দেখ গৃহিণি, সবাই তার ঝোঁজে গেল—অরায় জর্জরিত হ'য়ে আমিই কেবল ঘরের কোণে বসে রইলাম। আমি ভগবানের কাছে নিজের জন্ত কখনো কিছু চাইনি—কোনও কামনার দ্বারা আমার পূজাকে কলুষিত করিনি কোনদিন। আজ যদি ভগবান আমার সামনে দাঁড়িয়ে আমার বর চাইতে বলেন, আমি বলি—“প্রভু, অন্ততঃ একটা দিনের জন্ত আমার যুবকের শক্তি দাও—আমি প্রাণগৌরান্ধবের অধেষণে যাব।”

সীতা। আজ তিন দিন তুমি পূজা আদিক কিছুই করনি।

অষ্টম। কিন্তু সে বলেছিল, আর একবার আসবে। যত্নর পূর্বে অন্ততঃ আর একটাবার তাকে দেখা চাই। আচ্ছা, চল না ব্রাহ্মণি, তুমি আর আমি। আর তো হাঁটুতে পারবো না। বুক ভেঙেছে, হাঁটু ভেঙেছে—না, হাঁটা আর চলে না। আমরা দু'জন যদি নোকো করে নবদ্বীপে যাই—শচী বিষ্ণুপ্রিয়াকে দেখে আসি। আহা! বিধ্বংস যখন ঘর ছেড়ে চলে যায়, তখন আমি নবদ্বীপে।

সীতা। সেই অবধিই দুই বোন এক রকম জ্যোন্তে মরা।

অষ্টম। তাই চল, একবার দেখে আসি। গোরহারা নবদ্বীপের মুক্তি কেমন হ'য়েছে তাও একবার দেখা দরকার। আমি তোমায় বলছি ব্রাহ্মণি, তুমি দেখে নিও—এইবার নবদ্বীপ গোরাক্ষ-ময় দ্বিতীয় বুদ্ধাবন ! চল, আমরা এখনই রওনা হই।

(নেপথ্যে নিত্যানন্দ)

নিতাই। বাবাঠাকুর, বাবাঠাকুর।

অষ্টম। বাইরে কে আমার ডাকলে না ব্রাহ্মণি, বাবাঠাকুর বলে ?

সীতা। তোমায় ওনায়ে তো নিতাই ছাড়া আর কেউ ডাকে না।

অষ্টম। কে রে, নিতাই নাকি—এসেছিস তুই!

(নিত্যানন্দ গৌরাঙ্গকে লইয়া প্রবেশ করিলেন)

নিতাই। একা আসিনি বাবাঠাকুর, তুমি যার অঙ্ক কাঁদছ তাকেও সঙ্গে এনেছি

অবৈত। সে এসেছে? কই দেখি, দেখি একবার মুখখানা—দেখি। ভ্রাক্ষিণি, দেখ দেখ—নতুন রূপ, নতুন বেশ।

নিতাই। তোমার সামনে দাঁড়িয়ে কে বল দেখি?

নিমাই। আমি জানি।

অবৈত। তাহ'লে আমার ভোলনি দয়াময়।

নিমাই। তোমার কাছেই সকলের আগে আসতে হ'ল। তুমি ডাকলে ব'লে বোধ হয় বৃন্দাবন যাওয়া হ'ল না!

অবৈত। তোমায় না দেখে যদি ম'রতাম, তবেই কি তুমি খুসী হ'তে?

নিতাই। তুমি অবৈত—লীলাসহচর; তুমি ম'রবে কি গো বাবাঠাকুর!

গীতা। কিন্তু বাবা, একটা কথা—বুড়ো মায়ের বুকে শেলাঘাত কেন ক'রলে?

নিমাই। মা, আমি নরাধম। আমি তাঁর সন্তানের যোগ্য নই। সংসারের সমস্ত মায়ের কাছেই আমি ক্ষমা চাইছি। মা, তোমরা সবাই আমার ক্ষমা কর—আশীর্বাদ কর, যেন মাতৃ-কোপানলে না পড়ি! ত্রীপাদ, আমার প্রাণ মায়ের অঙ্ক কেঁদে উঠছে। আমার 'তো আর নবদ্বীপে যাবার উপায় নেই। তুমি আমার মাকে এখানে নিয়ে এস—আমি তাঁর পায়ে ক্ষমা চাইব। আমি বুঝেছি—তাঁর মনে কষ্ট দিয়েছি ব'লে কৃষ্ণ আমার কৃপা করেন নি, আমার বৃন্দাবন দর্শন হ'ল না।

অবৈত। যাও নিতাই, এই দণ্ডে যাও—মাকে আমার নিয়ে এস। ব'লো, আমরা সবাই তাঁর সন্তান। দয়াক'রে অধর্মের ঘরে যেন পায়ের ধুলো দেন। আমার দেহ অশুদ্ধ, নইলে আমিই যেতাম।

নিতাই। আর আমার বোমা?

নিমাই। তাঁর কথা আর ব'লো না—তাঁর নাম আর শুনিয়ো না ত্রীপাদ। আমি যে সন্ন্যাসী।

(নিতাই কিছু দূর গিয়া ফিরিয়া চাহিলেন, পরে সকেতে গীতাদেবীকে ডাকিলেন)

নিতাই। মা অন্নপূর্ণা, একটা যে নিবেদন আছে মা।

গীতা। কি নিবেদন বাবা?

নিতাই। প্রভু তো আমার একা আসেন নি! নবীন সন্ন্যাসী শ্রীকৃষ্ণ-চৈতন্যকে দর্শন ক'রবার অঙ্ক শত শত উৎসুক ভক্ত তোমার ঘরের বাইরে। প্রসাদের ব্যবস্থা করতে হবে যে মা অন্নপূর্ণা!

গীতা। বেশ তো—ব্যবস্থা হবে।

(নিতাই চলিয়া গেলেন)

অবৈত। (নিমাইয়ের হাত ধরিয়া) আজ আমার সে দিনকার সেই গান মনে প'ড়ছে—

যব্ হরি আওব গোকুলপুর

ঘরে ঘরে নগরে বাজব অন্নকুর্।

(গীতা ও অবৈত শ্রীগৌরাঙ্গকে ধরিয়া বাড়ীর মধ্যে লইয়া গেলেন)

চতুর্থ দৃশ্য

(নবদ্বীপ—ত্রীধাম। গৃহাভ্যন্তরে ধূলিশযায় শচী-মাতা ও বিক্ষুপ্রিয়া। নিতাই প্রবেশ করিলেন)

নিতাই। মা, মা!

শচী। কে নিমাই, ঘরে এলি বাপ।

নিতাই। মা, চেয়ে দেখ—আমি নিমাই নই, আমি তোমার অধম সন্তান নিতাই।

শচী। নিতাই, ফিরে এসেছ এতদিনে? ঐ দেখ নিতাই, আমার সোনার কমল ধুলোয় গড়া-গড়ি যায়।

নিতাই। মা, তোমার হারানিষি ফিরে পেরেছি।

শচী। আনতে পেরেছ তাকে। সে কোথায়—কত দূরে?

নিতাই। শান্তিপুরে—অবৈতের বাড়ীতে। আমি তোমায় নিতে এসেছি মা।

শচী। বাড়ী এল না?

নিতাই। সন্ন্যাসীর যে বাড়ীতে আসতে নেই মা।

শচী। তাহ'লে বাবা আমার সন্ন্যাসী হ'য়েছে ?
নিতাই। হাঁ, মা।

শচী। সন্ন্যাসীর বেশ ধ'রেছে ?

নিতাই। হাঁ, মা।

শচী। মাথায় সে কৌকড়ান চুল আর নেই ?

—মাথা বুড়িয়েছে ? দেখে অস্ত্র বেশভূষা নেই ?—
কৌশীন প'রেছে ?

নিতাই। হাঁ জননি। তুমি আমার সঙ্গে চল।

শচী। না নিতাই, আমি যাব না। আমার
বিশ্বরূপ সন্ন্যাসী হ'য়েছিল—এর মুখ দেখে সে হুঃখ
কুলেছিলাম। আজ নিমাইয়ের গায়ে পৈরিক
কৌশীন দেখলে, আমার একসঙ্গে দুই শোক উৎপল
উঠবে। তুমি যাও নিতাই, সে যদি মাকে ছেড়ে
থাকতে পারে, আমিও তাকে ছেড়ে থাকতে পারবো।

নিতাই। তুমি তো জান—সন্ন্যাসীর মা ব'লে
ডাকতে নেই। কিন্তু নিমাইয়ের মা মা ব'লে কত
কান্না। আমার দুটা হাত ধ'রে ব'লে—ত্ৰিপাদ,
তুমি দয়া ক'রে আমার মাকে নিয়ে এস।

শচী। আমার নাম ক'রে কান্দলে ? নিষ্ঠুর
আমার আজও ভোলেনি ?

নিতাই। তোমার ভুলবে ?—তাও কি সম্ভব
মা। চল মা আমার সঙ্গে; তোমার নিমাই
তোমার ডেকেছে।

শচী। তবে চল বোমা, ওঠ; নিমাই ডেকেছে।

নিতাই। মা, তোমায় যে একা যেতে হবে।

শচী। কেন ?—বোমা ? বোমা যাবে না ?

নিতাই। মাগো, সন্ন্যাসীর যে নারীমুখ দেখা
নিষেধ। যদি চারিচক্ষে মিলন হয়, আমার গৌর
গুণমণি যে স্বধর্মে পতিত হবে মা।

শচী। তাহ'লে আমার যাওয়া হবে না
নিতাই। আমারই মত হুঃখী অভাগিনী—ওকে
ফেলে আমি কোথাও যেতে পারবো না। আমি
তোমার ব'লছি নিতাই, আমার গর্ভের সন্তান থেকে
ঐ পরের মেয়ে আজ আমার বেশী আপনায়।

বিষ্ণুপ্রিয়া। (এতক্ষণ স্থির হইয়া শুনিতে-
ছিলেন) মা, তুমি যাও—আমি যাব না। আমার
বাওয়ার আবশ্যক হবে না। আমি বিরহের ভিতর
দিরেই তাঁকে পাব। সংসারে বিরহই তাঁর সাধনা
ছিল—আজ আমারও সাধনা বিরহ ! তুমি

অভিমান ক'রো না মা—আমার একবিন্দু অভিমান
নেই। আমি জানি, তিনি আমার ভালবাসেন। আমি
জানি, বৈরাগ্যে নয়—প্রেমেই তিনি আমার ত্যাগ
ক'রেছেন। তুমি যাও মা, সে চাঁদমুখ দেখে এস।
তিনি কুশলে আছেন জানলেই আমি সুখী হব।

নিতাই। বোমা, তুমি আমার মা হবারই
যোগ্য বটে। যদি কখনো গৌরাক্ষকে অগৎ
বুঝতে পারে—বিষ্ণুপ্রিয়াকেও বুঝবে। এস মা।

(বিষ্ণুপ্রিয়া শচীর পদগুলি লইলেন। শচী চিবুক ও
মস্তক স্পর্শ করিয়া আশীর্বাদ করিলেন। শচী ও
নিতাই ধীরে ধীরে চলিয়া গেলেন। বিষ্ণুপ্রিয়া
অনেকক্ষণ একা দাঁড়াইয়া রহিলেন। শুক ফুলের
মালা ত্রীগৌরাক্ষের পরিত্যক্ত শয্যার ছড়ানো ছিল।
সেইখানে স্বামীর পাছকা-ছুখানি যত্নে রাখিলেন।
ফুলের ভূষার উহাকে সাঁজাইলেন। তখন ধীরে
ধীরে নারায়ণী প্রবেশ করিলেন।)

বিষ্ণুপ্রিয়া। কে ?—নারায়ণী ?

নারায়ণী। হাঁ আমি। তুমি বুঝি' যাওনি ?

বিষ্ণুপ্রিয়া। না।

নারায়ণী। নবদ্বীপের সবাই গেছে—শুধু
তোমার আর আমার সেখানে স্থান নেই।

বিষ্ণুপ্রিয়া। (বুহু হাসিয়া) স্থান কেন
থাকবে না ?

নারায়ণী। তিনি যে সন্ন্যাসী।

বিষ্ণুপ্রিয়া। কে বলে তিনি সন্ন্যাসী ? আমি
জানি, তিনি সন্ন্যাসী নন। তিনি বিরহী, কৃষ্ণ-
বিরহী—বিষ্ণুপ্রিয়াবিরহী। আজ আমি আমার
সমস্ত অন্তঃকরণ দিয়ে অমুভব ক'রছি, আমার বিরহ
আশ্রয় ক'রেই তাঁর কৃষ্ণবিরহের ক্ষুদ্র হ'চ্ছে।

(নারায়ণী বিষ্ণুপ্রিয়ার চরণবন্দনা করিলেন)

নারায়ণী। সেইজন্যই তো তোমার পা-পূজা
করি—তুমি ভাগ্যবতী ! আমার যে একুল ওকুল
ছুকুল গেছে—আমি যে গৌর-কলঙ্কিনী !

বিষ্ণুপ্রিয়া। তোমার এত প্রেম—তুমি কেন
কলঙ্কিনী হবে। প্রেম কি কলঙ্কের বস্তু ?

নারায়ণী। সংসারের লোকের কাছে।
ব'লেছিঁ তো—তুমি ভাগ্যবতী। তুমি গৌরাক্ষের

বিষ্ণুপ্রিয়া

স্বপ্নাঙ্গী, তুমি তাঁকে পেরেছ। তোমার সংসার
আছে, স্বপ্ন আছে। আমার তো কেউ নেই—কিছু
নেই। আমার গোরাকান্দ নদে ছেড়ে চলে গেছে।
ঘরে বাইরে কোথাও তো আর আমার টাই নেই।

বিষ্ণুপ্রিয়া। তুই আমার কাছে থাকবি ?

নারায়ণী। কি ক'রবো তোমার কাছে ?

বিষ্ণুপ্রিয়া। তাঁর নাম—তাঁর গুণগান আমার
শোনারি। তুই কাঁদবি, আমি কাঁদব।

নারায়ণী। কিন্তু আমার দুঃখ আব তোমার
দুঃখ তো এক নয়। আমি কলঙ্কিনী! তুমি কি
আমার রাখেতে পারবে ?

গান

দেখিলে কলঙ্কী যুখ কলঙ্ক হইবে,
এজন্য যুখ আর দেখিতে না হবে।
তুমি আপন ঘরে থাক ধরম লইয়া,
এদেশে না বস মুই যাইব চলিয়া।
গোরা-মাণিক্যে মালা গাঁথি নিব গলে,
গোবা-গুণযশ কাণে পবিত্র কুণ্ডলে।
গোরা-অমুরাগ রাসা বসন পরিয়া,
দেশে দেশে ভরমিব যোগিনী হইয়া ॥

বিষ্ণুপ্রিয়া। নারায়ণী। তুই যে কলঙ্কের
গান গাইলি, সেতো সচজ কলঙ্ক নয়—শ্রীবাধিকা
এই কলঙ্কসাগরে ডুবেছিলেন। সংসারের সমস্ত
ধর্মের চেয়ে এ কলঙ্ক যে অনেক বড়। আমি
তোকে ছাড়বো না—তুই আমার কান্নার সহচরী।

(বিষ্ণুপ্রিয়া দেবী নারায়ণীর হাত ধরিয়া ধীরে
ধীরে ঘরের বাহিরে লইয়া গেলেন)

ক্রোড়াক

(শান্তিপুর। অষ্টমস্তের বাড়ীর সম্মুখ—প্রান্তর।

লোকারণ্য—দলে দলে লোক আসা
যাওয়া করিতেছে।)

প্রথম পুরুষ। বাড়ীর ভিতর গিয়েছিলে ?

দ্বিতীয় পুরুষ। ভয়ানক ভিড়—যাবার

উপায় নেই। শুনেছি, একটু পরে একে
সবাইকে দেখা দেবেন।

তৃতীয় পুরুষ। ওঁর বাড়ী থেকে নাকি বা-
ঠাকরণ এসেছেন ?

জটনৈক পোতা। তা' আর আসবে না গা—
মার প্রাণ তো ? অমন ছেলে যার সন্নিকী হয়, সে
কেমন ক'বে প্রাণ ধ'রে ঘরে থাকবে !

(একদল লোক বলিয়া উঠিল—“গৌরপ্রধানলে
একবার হরি হরি বল” ; সঙ্গে সঙ্গে ধোল-
করতাল বাজিয়া উঠিল।)

প্রথম পুরুষ। ঐ আসছেন—ঐ আসছেন।
প্রোতা। কই বাবা, কই সে চাঁদমুখ ? আহা,
বাহা আমাব ! আহা, ঐ বুঝি শচীমা।

জটনৈক যুবতী। আর বো কোথায় ? শুনেছি
অমন সুন্দরী হয় না।

প্রোতা। সন্নিকী হ'যেছে, আর কি বোয়ের
মুখ চাইবে ? তার এ জন্মে মত হ'য়ে গেল।

যুবতী। নি সন্দেহ চোখের চাউনি। বুঝি
কিছু বলবেন। তোমরা একটু চুপ কর'না গা।

(সেদিন নবদ্বীপে আব লোক ছিল না। নিত্যানন্দ,
শ্রীধাস, জগাই, মাধাই, শ্রীঅষ্টমস্ত, শচীমা,
সর্কজবা প্রভৃতি বেষ্টিত হইয়া
নিমাই প্রবেশ করিলেন।)

নিমাই। মা—মা, তুমি আমার ক্ষমা কর।
তোমার ক্ষমা না পেলে সন্ন্যাস গ্রহণ ক'রেও তো
আমি কৃষ্ণকে পাব না !

শচী। বাবা, আমি আশীর্বাদ ক'রছি—
তোমার সন্ন্যাসজীবন সার্থক হোক ! যেমন ক'রে
হোক, আমাব দিন কেটে যাবে।

নিমাই। (নিত্যানন্দের প্রতি) শ্রীপাদ, এইবার
তোমার ক্ষেত্র প্রস্তুত। তুমি মহামন্ত্র প্রচার কর !

(শ্রীগৌরাক্ষ শচীমাতাকে প্রণাম করিয়া তাঁহার
আশীর্বাদ লইয়া ধীরে ধীরে চলিয়া গেলেন।

শচীমাতা আর একবার মূর্ত্ত্যাপন্ন হইলেন।
নিত্যানন্দ তাঁহাকে ধরিয়া তুলিলেন।)

নিত্যানন্দ। মা ওঠ, এইবার ঘরে চল ;
বাড়ীতে বোমা একা আছেন।

শচী। বাবা, আমি কেমন ক'রে ধরে ফিরে
যাব।

নিভয়ানন্দ। মা, তুমি কি ভুলে যাচ্ছ? কৃষ্ণ (আবার)
ব'লেছিলেন—“বৃন্দাবনং পরিত্যজ্য পাদমেকং ন
গচ্ছামি”। তোমার গৌরাজ আর মুহুর্তের জন্তও
নববীপ ছাড়া নয়। তোমার অন্তরে গৌরাজ,
বিষ্ণুপ্রিয়া অস্তরে গৌরাজ—নববীপের প্রতি
নরনারীর হৃদয়ে গৌরাজ।

সমবেত্ত-সঙ্গীত

ন'দে এবার হ'ল বৃন্দাবন।
যর ছেড়ে গিয়েছে চ'লে শ্রীগৌরাজ প্রাণধন।

পশুপাতী নরনারী,
সবাই ফেলে আঁখিবারি,
অন্ধ হ'ল শচীমাতা—
যশোমতী ব্রজে যেমন।
বিষ্ণুপ্রিয়া নারী ঘরে,
রূপে ভুবন আলো করে,
তবু গৌরা জীবের তরে,
ত্যাগ্য করে আপন জন।
কৈদে কবি কহে বাণী,
মরম-ভাঙা এই কাহিনী,
অমুরাগে যোগী গৌরা—
এরস জানে রসিক স্মজন ॥

যবনিকা

পরিশিষ্ট

(তৃতীয় অঙ্কের শেষে এই পরিবর্তিত অংশ অভিনয় হয়)

(গঙ্গাদাস পণ্ডিত ও শ্রীবাস)

গঙ্গাদাস। কই গো—কোথায় সব ?

শ্রীবাস। বোধ হয় আহারাদি ক'রতে বাড়ীর ভিতর গেছেন। এস আমরা একটু অপেক্ষা করি। আচ্ছা, তুমি ঠিক জান ?

গঙ্গাদাস। জানি বৈকি। সামাজিকদের মধ্যে প্রবল উত্তেজনা চ'লেছে—উচ্চকণ্ঠে হরিসংকীৰ্ত্তন তাঁরা সহ ক'রবেন না।

শ্রীবাস। কেন, তাঁদের আপত্তি কিসের ?

গঙ্গাদাস। রামরূপ আর গোপাল চাপাল এই কাণ্ডটা ঘটয়েছে। জগাই মাধাই ভক্ত হওয়ায় ওদেরই তো অসুবিধা হ'য়েছে সব চেয়ে বেশী।

শ্রীবাস। তাহ'লে হরিনাম বন্ধ হবে নবদ্বীপে ? যিনি নামপ্রচারের জন্ত ধরাতলে এসেছেন, তাঁকেই হরিনাম প্রচার ক'রতে দেবে না ? তুমি কি বল, এ আমাদের সহ করা উচিত ?

গঙ্গাদাস। উচিত তো নয়—কিন্তু ক'রবে কি ? হরিনাম ক'রতে গিয়ে শেষ পর্য্যন্ত কি একটা দাঙ্গাহাঙ্গামা বাধিয়ে বসবে ?

শ্রীবাস। শোন গঙ্গাদাস, আমি জানি—হরিনাম মহামন্ত্র ; আমি জানি—তুণের মত সহিষ্ণু হ'য়ে হরিনাম কীৰ্ত্তন করতে হয়। কিন্তু হরিনাম-কীৰ্ত্তনই যেখানে নিষেধ, সেখানকার বিধান কি—তাতো আমি জানি নে !

গঙ্গাদাস। পাণ্ডিত্যের অভিমানকে যারা বড় ব'লে মনে করে, রসকে তারা চিরদিনই অশ্রদ্ধা ক'রেছে। আমিও তো ঐ দলেই ছিলাম শ্রীবাস ! তবে আজ আমি নিশ্চয়ই জানি, ওরা পাবুবে না—পাবুবে না, বাধা দিতে পাবুবে না—যতই চেষ্টা করুক। পাণ্ডিত্যের গণ্ডী কতটুকু ? তার বাইরে যে

নিদ্রিত জন-নারায়ণ র'য়েছেন—তাঁর অন্তর যে স্পর্শ করে নিমাইয়ের মধুর হরিনাম !

শ্রীবাস। এই যে সব আগছেন—এই দিকে।

(অদ্বৈত, নিত্যানন্দ ও নিমাই প্রবেশ করিলেন)

অদ্বৈত। জগজ্জননীর হস্তের রক্তন—তার উপর চর্য্য-চোষ্য-লেখ-পেয়—আহার !

গঙ্গাদাস। কি আশ্চর্য্য, আচার্য্য মহাশয় মিশ্রগৃহে অন্নাহার ক'রলেন নাকি ? আপনার বরেজভূমির কোলীয়ে বৈদিক অন্ন সহ হবে তো ? অদ্বৈত। কে, গঙ্গাদাস নাকি ? এই যে শ্রীবাসও এসেছ। আমার জাত নিয়ে টানাটানি—আর তোমরা বুঝি সাক্ষী হ'তে হাজির হ'লে ?

গঙ্গাদাস। আজ্ঞে না, সেজন্ত আসিনি—অন্ত কথা আছে। শোন নিমাই, নবদ্বীপের পণ্ডিত-সমাজ উচ্চকণ্ঠে নগরসংকীৰ্ত্তনের বিরোধী। তোমার নগরসংকীৰ্ত্তন বন্ধের জন্ত যদি প্রয়োজন হয়, তাঁরা রাজার সাহায্য নেবেন।

নিমাই। (অনেকক্ষণ চুপ করিয়া রহিলেন)
তাঁরা কি ক'রতে বলেন ?

গঙ্গাদাস। নিভুতে হরিসাধনা তুমি ক'রতে চাও, ক'রতে পার ; তাতে তাঁদের আপত্তি নেই—কিন্তু উচ্চকণ্ঠে নামকীৰ্ত্তন ক'রতে পাবে না।

নিমাই। তাহ'লে নবদ্বীপে হরিনাম লোপ হোক !

নিমাই। না—এরা আমার নবদ্বীপে বাস ক'রতে দেবে না। নামকীৰ্ত্তন বৈষ্ণবের স্বধর্ম্ম। আমি সব পারি কিন্তু আমার স্বধর্ম্ম থেকে আমি বিচ্যুত হ'তে পারি নে। আমি যতদিন নবদ্বীপে থাকুবো, প্রতিদিন নগরসংকীৰ্ত্তন আমার ক'রতে হবে। আমি কাউকে আঘাত দিতে চাইনে ;

কিন্তু যে ধর্মের আমার আত্মবিকাশ, আত্মপ্রতিষ্ঠা—
কোন বাধার ভয়ে সে ধর্ম আমি ত্যাগ ক'রবো না।
ত্ৰীপাদ।

নিমাই। কেন, নিমাই?

নিমাই। তুমি যাও—এই বৃহর্ষে। এই
নবদ্বীপনগরে যেখানে যত খোল-করতাল—
কীর্তনীয়া আছেন, সবাইকে খবর দাও। তাঁরা
যেন অবিলম্বে এইখানে সমবেত হন। আজ
নবদ্বীপে মহা-হরিসংকীর্তন—হরিনামের উন্মত্ত
প্লাবন। ধূর্জটীর অটোজাল ছিন্ন ক'রে ভাগীবধী
যেমন একদিন সমগ্র আখ্যাবর্তকে ভাসিয়েছিলেন—
ঠিক তেমনি ক'রে ত্ৰীপাদ, মহানামেব মহাবক্তায়
আমি নিজে ভাসতে চাই—নবদ্বীপকে ভাসাতে
চাই। যাও ত্ৰীপাদ।

[নিমাই ব্যতীত সকলের প্রস্থান।

(শচীমাতার প্রবেশ)

শচী। বাবা নিমাই, একি শুনছি?

নিমাই। কি শুনছো মা?

শচী। সমগ্র নবদ্বীপ নাকি তোমার বিরোধী,
তাঁরা নাকি কীর্তন বন্ধ ক'রতে চান?

নিমাই। কিছু আশ্চর্য্য নয় মা।

শচী। তবে তুমি এত লোক নিয়ে কীর্তনে
যাচ্ছ কেন বাবা? যদি দাঙ্গাহাঙ্গামা হয়!

নিমাই। না মা, তুমি ভয় ক'বো না মা! কিছু
ভাবনা নেই। আজ বৈষ্ণবের আত্মপ্রতিষ্ঠা।

শচী। তোমার জন্ম তো নয় বাবা, সঙ্গে
একদল গৌরার-গোবিন্দ লোক!

নিমাই। তুমি আশীর্বাদ কর মা, তোমার
আশীর্বাদে কোন অমঙ্গল হবে না। যারা বৈষ্ণব—
তারা নিজেব ধর্ম গ্রহণ ক'ব্বে, যারা বৈষ্ণব নয়,—
তারা আমার সঙ্গে ছাড়বে। আজ আমার জীবনের
শ্রেষ্ঠ দিন। আমি আসি মা।

শচী। হরি তোমায় রক্ষা করুন।

(শচীমাতার প্রস্থান এবং বিষ্ণুপ্রিয়া-দেবীর প্রবেশ)

পূর্ণিমা মিলন

—:~:—

যোগেশচন্দ্র চৌধুরী প্রণীত

—:(*)~:—

নাট্যানিকেতনে প্রথম অভিনয়

বৃষবার, ৩০শে ফাল্গুন, সন ১৩৪০ সাল।

নিবেদন

“পূর্ণিমামিলন” সুপ্রসিদ্ধ ফরাসী নাট্যকার মলিয়েরের School For Husbands নামক নাটক অবলম্বনে রচিত। বাংলা রঙ্গক্ষেত্রে আমার পূর্বসুপরিচিত প্রায় সকলেই হাস্যরসের অবতারণার মলিয়েরের নিকট শ্রদ্ধা করিয়াছেন—আমিও সেই মহাজনের নিকটই শ্রদ্ধা। তবে মূল নাটকের মূল ভাবটা ব্যঙ্গ (satire); “পূর্ণিমামিলন” ব্যঙ্গ নয়, রঙ্গ। মূলে বাহা ‘স্কুল’ ছিল, তাহা আমি ‘রসিকসম্মেলনে’ পরিণত করিবার চেষ্টা করিয়াছি, পারিয়াছি কি না—দর্শকগণ বিচার করিবেন। আজ বাংলা দেশে ক্রপণ ও বিয়ে-পাগলা বুড়োকে লইয়া ব্যঙ্গ করিবার আবশ্যক নাই—আমারও সে উদ্দেশ্য নহে। আমার উদ্দেশ্য অতি সহজ, নিতান্তই লঘু মনের পরিচায়ক—কিছুক্ষণ রঙ্গালয়ের দর্শকগণকে প্রেমের কাহিনী, নৃত্যগীত ও হাসি দিয়া ভুলাইয়া রাখা।

লোকের মুখে বাহা শুনিয়াছি তাহাতে মনে হয়, রঙ্গক্ষেত্রে অভিনয় দর্শকের চিত্তরঞ্জন করিতে পারিয়াছে। পারিয়াছে কি পারে নাই—অদূর ভবিষ্যতেই জানা যাইবে। ভাল অভিনয় হইলে “পূর্ণিমামিলন” যে সর্বশ্রেণীর দর্শককে মুগ্ধ করিতে পারিবে, এ বিশ্বাস আমার আছে। চাঁদেও কলঙ্ক আছে—সে কলঙ্ক চাঁদের শোভা। “পূর্ণিমামিলনে” যদি কলঙ্ক থাকে, সে কলঙ্কে সূর্য্য অভিনয় দ্বারা নূতন সৌন্দর্য্যে রূপান্তরিত করা যায়। লিখিত নাটক গানের স্বরলিপির মত নাট্যাভিনয়ের স্বরলিপি-মাত্র। প্রকৃত রসিক নাট্যোন্মাদী ছাড়া নাটকের সত্যকার পাঠক নাই।

নাটকখানি নাট্যনিকেতনে অভিনীত হইতেছে। উক্ত রঙ্গালয়ের অধ্যক্ষিকারী প্রিয়বন্ধু শ্রীযুক্ত প্রবোধচন্দ্র গুহ মহাশয় নাটকের প্রযোজনাকে সূর্য্য ও সর্বাঙ্গসুন্দর করিতে যথেষ্ট প্রয়াস পাইয়াছেন। বিশিষ্ট শিল্পী বজ্রবর শ্রীযুক্ত যামিনী রায় ইহার দৃশ্যপটাদি পরিকল্পনার তাঁহার স্বকীয় অভিনব চিত্রাঙ্কন-কৌশল প্রয়োগ করিয়া নাট্যাভিনয়কে মনোরম ও শ্রীমণ্ডিত করিয়াছেন। গীতিবহুল নাটকে গানের সুর একটা খুব বড় কথা। যিনি সুর দিয়াছেন, সেই মনস্বী সুরশিল্পী ভূতনাথ দাস—আজ আর ইহলোকে নাই। ইহাদের সকলের সাহায্যে নাটকের মর্ম্মকথা দর্শকের নিকট প্রতিভাত হইবে, এজন্ত ইহাদের সকলের নিকট কৃতজ্ঞতা নিবেদন করিতেছি।

১৮বি, বাগবাজার ষ্ট্রীট,
কলিকাতা;
চৈত্র-পূর্ণিমা, ১৩৪০ সাল।

যোগেশচন্দ্র চৌধুরী

উৎসর্গ

বাংলার শ্রেষ্ঠ শক্তিশালী নাট্যকার

৩দীনবন্ধু মিত্র মহাশয়ের

শ্রীকরকমলে—

উপহার সামান্য ; কিন্তু শ্রদ্ধা ও প্রীতি সামান্য নয়। সেই ভোরে দিতে
ভরসা পাইলাম।

প্রদ্যাবনত

যোগেশচন্দ্র চৌধুরী

নাটকীয় চরিত্র-পরিচয়

অর্থপতি	...	উজ্জয়িনীর পুরাতন অধিবাসী ; বর্তমানে গ্রাম হইতে নব আগন্তুক । অর্থশালী, কৃপণ, প্রোঢ়, নব-যৌবনা কুমারী চতুরিকার পাণিপ্রার্থী ।
মণিভদ্র	...	উজ্জয়িনীবাসী ধনাঢ্য যুবক । অর্থপতির পুর্নতন প্রতিবাসী । কুমারী নিপুণিকা- পাণিপ্রার্থী ।
চিদিলাস	...	উজ্জয়িনীবাসী ধনাঢ্য যুবক । অর্থপতির অধুনাতন প্রতিবাসী । চতুরিকার লাভুক প্রণয়ী ।
অমরনাথ	...	উজ্জয়িনীবাসী ধনাঢ্য যুবক । চিদিলাসের বন্ধু ।
মকরধ্বজ তর্কবাচস্পতি সিদ্ধান্তবারিধি	...	উজ্জয়িনীর বিলাসীমহাজের পুরোহিত । মহাকবি কা'ল- দাসের প্রায় নিকট আশ্রয়ী ।
রামটেল	...	চিদিলাসের দ্রুত ।
নগররক্ষী	...	
চতুরিকা	...	ডোট ভগিনী
নিপুণিকা	...	বড় ভগিনী
তরঙ্গিনী	...	ভগিনীদ্বয়ের বিশেষ পরিচিতা বান্ধবী
মালিনী	...	রাজার মালিনী, কবির মালিনী ।

প্রথম অভিনয়-রঞ্জনীর নট-নটী

অর্থপতি	...	অহীন্দ্র চৌধুরী
মণিভদ্র	...	গগনচন্দ্র চট্টোপাধ্যায়
চিদিলাস	...	সন্তোষকুমার সিংহ
অমরনাথ	...	জহরলাল গঙ্গোপাধ্যায়
মকরধ্বজ তর্কবাচস্পতি সিদ্ধান্তবারিধি	...	মনোরঞ্জন ভট্টাচার্য্য
রামটেল	...	তুলসীচরণ চক্রবর্তী
নগররক্ষী	...	সুবলচন্দ্র ঘোষ
চতুরিকা	...	নীহারবালা
নিপুণিকা	...	সুশীলাবালা
তরঙ্গিনী	...	রাণীবালা
মালিনী	...	চাক্ষুশীলা

পূর্ণিমা-মিলন

প্রথম অঙ্ক

দৃশ্য—উজ্জয়িনী-নগরপ্রাস্থ। কৌমুদী-জাগর-
উৎসব-রজনী।

প্রথম প্রহর

(পঞ্চমাংশ)

(উৎসবে বহু নরনারী যোগদান করিয়াছে।
সেখানে নাগরিক, নাগরিকা, পুরমহিলা, নট, ভাট,
বিট, পুরোহিত, ক্ষৌরকার, দ্যুতক্রীড়ক, নর্তক
প্রভৃতি সকল সম্প্রদায়ের লোক ছিল—সকলেই
আনন্দে ও উৎসব-বাহুল্যে আত্মচারা—পুরমহিলা-
গণ অকণ-নয়না। সেই দলে অর্ধপতি, মণিভদ্র,
রামউল ও মালিনী ছিল।)

সমবেত সঙ্গীত

আছি সখি পূর্ণিমা-মিলন-রাত্রি—
সান্নিধ্য আর কোথা নাহিক আঁধার,
গগনে পূর্ণশশী জ্বলেছে বাতি।
আঁধার তোর বঁধু সই—
আনু তারে ডেকে আন—
কানে কানে শোনা তারে
যৌবন-স্বয়ংগান;
স্বধার সাগরে সই—
ওই যে ডেকেছে বান—
তরুণসুন্দরী মিলে
আগিয়া পোহাব রাত্রি,—
আজ কেন একা তুই—
খুঁজে আন কোথা সাধী।

[অর্ধপতি ও মণিভদ্র ব্যতীত সকলের প্রস্থান]

অর্ধপতি। তুমি আমায় ভালই বল আর
মনাই বল, আমি ভাট এসব পছন্দ করিনে।

মণিভদ্র। নারীর কণ্ঠে মধুর গান তুমি যদি
পছন্দ না কর, ভাল খার তোমায় কেমন করে
বলবো দাদা! তুমি তা'লে পৃথিবীতে স্বর্গ-
রচনা কর্তে চাও না?

অর্ধপতি। না ভাই, আমার এই মাটির পৃথিবী
—ইটকাঠ, চুণসুরকী এতেই যা হয়। যা হিসাবের
ভিতর আসে না—তাতে আমি বিশ্বাস করিনে।

মণিভদ্র। তোমার এই অতি-হিসাবের জ্ঞান
লোকে তোমায় নিন্দে করে, জান?

অর্ধপতি। কক্কক; আমার ঘরে যদি অর্থ
থাকে, ও কাঁকা নিন্দেয় কিছু ক্ষতি হবে না।
কিন্তু ভায়া! তুমি একটু সাবধান থেকো।

মণিভদ্র। কিসের জ্ঞান—?

অর্ধপতি। তোমার 'তঁার' কথা বলছি। ঐ
দলে তাঁকেও দেখলাম কি না।

মণিভদ্র। আমি তাঁকে আস্তে বলেছি।

অর্ধপতি। জীলোককে অতটা বিশ্বাস ভাল
নয় হে ভায়া!

মণিভদ্র। জীলোকের ভালবাসা যদি পেতে
হয়—তাকে বিশ্বাস করেই পাওয়া যায়; আমার
অস্বস্তি: এই ধারণা।

অর্ধপতি। সম্পূর্ণ ভুল ধারণা। এই সব
উৎসবে কত রকমের পুঙ্খ আসে—তার খবর
রাখ? স্ত্রীপুরুষের অবাধে মেলামেশা সাংঘাতিক
ব্যাপার! আমি দেখছি, তোমার পোষা পাখীটী
কোনদিন শিকল কেটে উড়িয়মান হবেন।

মণিভদ্র। যদি উড়িয়মান হতে চান—হ'তে
পারেন; আমি তাঁকে শিকল দিয়ে কোনদিনই
বাঁধিনি—বাঁধবও না।

অর্ধপতি। এত উদার! বেশ—চমৎকার।
তোমায় বাহবা দিতে ইচ্ছে হচ্ছে! আচ্ছা, এখন

না হয় তুমি তাঁকে স্বাধীনতা দিচ্ছ; কিন্তু এর পর যখন তিনি তোমার ঘরনী হবেন, প্রথম যৌবনের এ স্বাধীনতার আশ্বাদ কি ভুলে যাবেন ভাবছ? তাই বলছি, গোড়া থেকেই সাবধান হওয়াই ভাল।

মণিভদ্র। স্বাধীনতার আশ্বাদ আমি তাঁকে ছুলতে দেব না। আজ কুমারী অবস্থায় তিনি ষতটা স্বাধীন আছেন, আমার সঙ্গে যদি তাঁর বিয়ে হয়, বিয়ের পরও ঠিক সেই পরিমাণেই তিনি স্বাধীন থাকবেন।

অৰ্পপতি। তখনও এই রকম পাঁচজনের সঙ্গে মিশে আয়োদ-আজ্লাদ করবে?

মণিভদ্র। নিশ্চয়ই।

অৰ্পপতি। তরুণ যুবকদের সঙ্গে কথা কইবে?—

মণিভদ্র। নিঃসন্দেহ।

অৰ্পপতি। নাট্যশালায় নাটক অভিনয় দেখতে যাবে?

মণিভদ্র। একশবার।

অৰ্পপতি। তোমার মাথা খারাপ হয়েছে! জীলোক কিসের জ্ঞাত জানতো? ওজাতকে অত নাই দিতে নেই।

মণিভদ্র। তোমার জীশাসনের পদ্ধতিটা কি রকম?

অৰ্পপতি। আমি তাই দস্তুর মত প্রাচীনপন্থী! আমার মত—“হলুদ জন্ম শিলে—আর বৌ জন্ম কিলে”। কড়া স্বামী, কাঁচালকা আর তেঁতুলের টক—জীলোকদের প্রিয়।

মণিভদ্র। সে যখন তোমার জী হবে, তখন না হয় শাসন ক’রো; কিন্তু আগে থাকতে—

অৰ্পপতি। জী আবার হবে কি? আমি বলেছি, সাতদিনের ভিতর বিয়ে ক’রবো। সেই-জন্তই তো উজ্জ্বলিতো এসেছি!

মণিভদ্র। তুমি চতুরিকাকে সত্যই বিয়ে ক’রবে নাকি?

অৰ্পপতি। বিয়ে ক’রবো নাকি?—তার মানে? নিশ্চয়ই ক’রব।

মণিভদ্র। বলকি দাঁদা!—এ বয়েসে অমন তরুণী ছন্দরী মেয়ে—

অৰ্পপতি। তোমরাই কেবল আমার বয়েস দেখছ। কেন, আমার বয়েসটা কি? এ বয়েসে অনেকের প্রথম বিয়েই হয় না।

মণিভদ্র। এই সেদিন তোমার জীবিয়োগ হ’ল!

অৰ্পপতি। হ’লোই বা; আর সেইজন্তই আরো তাম্রাতাড়ি বিয়ে করতে হচ্ছে।

মণিভদ্র। কি রকম—কি রকম? কি হ’য়েছিল?

অৰ্পপতি। তোমার ঠান্ডি ম’রবার সময় চতুরিকাকে ডেকে তার হাত ধরে আমার হাতে দিয়ে এক করে বলে গেলেন—“আমার স্বামীকে তোমার হাতে দিয়ে গেলাম, ওই নেলাখেপা মানুষ। তুমি দেখো।”

মণিভদ্র। তাই নাকি?—

অৰ্পপতি। নইলে আমি তেমন মানুষ? দেখছে তো আমার? কি আর ক’রবো বল—জীর অস্ত্রিম কালের অতুরোধ! ঠেলি কি করে। আর তাও বলি—সেই দিন থেকে চতুরিকাও আমা-অন্ত প্রাণ।

মণিভদ্র। বলকি ঠাকুরদা!

অৰ্পপতি। তাকে আমি নিজে শিক্ষা দিয়ে—উপদেশ দিয়ে একটি নারীরত্ন ক’রে তুলেছি! আমাছাড়া সে আর কাউকে জানে না। তুমি তো সব জান, দীনদয়াল হঠাৎ মারা গেল। অবশ্য, তার ইচ্ছা ছিল নিপুণিকার সঙ্গে তোমার বিয়ে দেয়। চতুরিকার পাত্র সে ঠিক করেনি। ম’রবার সময় আমার ওপরই তো ছুই বোনের সম্পত্তির আর বিয়ের ভার দিয়ে গেল।

মণিভদ্র। তা তো জানি, তা নিয়ে তো কোন কথা হচ্ছে না। কর্তার ইচ্ছা ছিল নিপুণিকার সঙ্গে আমার বিয়ে হয়। আমার মায়ের সঙ্গেও কথা-বার্তা হয়েছিল। মা নিপুণকে বড় ভালবাসতেন!—তাই তো ওর বাপ মারা যাওয়ার পর মাই বন্ধ ক’রে নিপুণকে আমাদের বাড়ী রাখলেন।

অৰ্পপতি। নিপুণিকা তোমাকে বিয়ে ক’রতে চায়—করুক। বিয়ের পর অর্ধেক সম্পত্তি তোমার দেব। কিন্তু চতুরিকাকে—

মণিভদ্র। তুমি বিয়ে ক’রবেই?

অৰ্ধপতি। কি করি তাই! একে জ্বর অস্ত্রিম
অস্ত্ররোদ, তার উপর সে সতীলক্ষী আমা বই আর
কাউকে জানে না।

মণিভদ্র। আচ্ছা দাদা! একটা খটকা
কিছুতেই মন থেকে যাচ্ছে না।

অৰ্ধপতি। কি খটকা? তুমি ভাবছ, আমি
আসার গরম করছি? নিজের চোখে একদিন
দেখো—তখন বুঝতে পারবে।

মণিভদ্র। চতুরিকা সত্যি তে মায় এত
ভালবাসে?

অৰ্ধপতি। অমনি কি আর ভালবাসে?
আমার গুণে—ভায়া। আমার গুণে। জ্বীলোককে
স্বাধীনতা দিলেই হয় না—জীবনের অল্প মন্ত্র
আছে।

মণিভদ্র। তোমার কথায় তারি লোভ হচ্ছে
দাদা। তোমার জীবনীকরণের মন্তরটা আমায়
একটু শিখিয়ে দাও না?

অৰ্ধপতি। কিছুদিন ধরে আগে আমার
শাক্রেদি কর, তারপর শিখিয়ে দেব। আবার
একদল মেয়ে গাইতে গাইতে আসছে যে?
মেয়েগুলো সব ক্লেপে গেল নাকি।

মণিভদ্র। আজ যে কোজাগরী পূর্ণিমা—ভুলে
গেলে নাকি?

অৰ্ধপতি। বছরপাঁচেক উজ্জয়িনীতে আসিনি।
এর মধ্যে এত জ্বী-স্বাধীনতা বেড়ে গেছে?

মণিভদ্র। এতটা ছিল না দাদা! রাজকবি
“মেঘদূত” ব’লে এক কাব্য লিখে উজ্জয়িনীর সমস্ত
তরুণতরুণীকে একেবারে পাগল ক’রে দিলে।

অৰ্ধপতি। “মেঘদূত”! সে আবার কি কাব্যের
বাবা।

মণিভদ্র। একজন বিরহী মেঘকে দূত ক’রে
তার শ্রিয়র কাছে খবর পাঠাচ্ছে।

অৰ্ধপতি। বটে—বটে! আকাশের মেঘ?
তাকে দূত ক’রে পাঠালে। লোকট: পাগল নাকি
হে?

মণিভদ্র। কবি পাগল হোন আর যাই হোন,
তার কাব্য পড়ে দেশের লোক পাগল হ’ল বটে।
সকলেরই নজর এখন কেবল—“তরী শ্রাঘা
শিখরিদণনা”র দিকে!

অৰ্ধপতি। বল কি হে! তা মহারাজ এর
কিছু প্রতিবিধান করেন না?—

মণিভদ্র। তিনি নিজেই দিনরাত মেঘদূতের
শ্লোক আওড়াচ্ছেন! আজ তিন বছর ধরে প্রতি
পূর্ণিমায় এই রকম সব উৎসব চলছে। এসো, এই
দিকটা তোমায় দেখিয়ে নিয়ে আসি।

(অৰ্ধপতি ও মণিভদ্রের প্রস্থান—নরনারী-
গণের পুনঃপ্রবেশ ও গান)

গান

ভালবাসি তোমায় জোছনা
ওগো চাঁদের জোছনা।
তুমি মাটির বুকে নেমে এলে,
মায়ালোকের আভাস দিলে,
স্বপনপুরীর ক’রলে সূচনা!
ওগো চাঁদের জোছনা!

নারীর প্রেমও এমনি ধারা
আপন ভাবে আপনি হারা,
(সে) আপনি আগে বাসে ভাল
ভাঙা ঘরে চাঁদের আলো,
মায়ালোকের স্বপন বপন
ধরায় স্বর্গরচনা।

(সেই দল হঠাৎ মালিনী অগ্রসর হইয়া গাহিল)

আমি রাজার মালিনী,
আমি কবির মালিনী,
করি ফুলের বেসানি—
করি প্রেমের বেসানি—
সারাদিন সারারাত্তি।

গেল দিন, এল সোণালী সন্ধ্যাবেলা,
সুখ হল প্রেম-ফুল নিয়ে খেলা,
ফুটলো ফুলকলি,
গুঞ্জরি এল অলি—
মধুলোভে মাতামাতি।

(রামটহল মালিনীর সঙ্গে ভঙ্গী করিয়া সুর
দিতোছিল দেখিয়া—)

মালিনী। তুই কে রে? চিদ্বিলাস শ্রেষ্ঠীর
বাড়ীর চাকর রামটহল না?

রামটহল। হ্যা, আমি রামটহল। আমাদের কৰ্ত্তা একটি শুল্করী মেয়েকে ভালবাসেন। সামনের বাড়ীতে মেয়েটি থাকে।

মালিনী। কৰ্ত্তা ভালবাসে—তা, তুই ওরকম কচ্ছিস কেনরে হতভাগা ?

রামটহল। আজ যে পূর্ণিমার রাত! আকাশে কত বড় চাঁদ উঠেছে, দেখছো না ?

মালিনী। পূর্ণিমার রাত—তা কি হ'য়েছে রে মুখপোড়া ?

রামটহল। পূর্ণিমার রাতে আমার মাথা ঠিক থাকে না।—তোমার হাত ধরে আমার অনেক কথা বলতে ইচ্ছা হচ্ছে, কাদতে ইচ্ছা হচ্ছে—তুমি শুনবে না ?

মালিনী। না—খবরদার !

রামটহল। খবরদার কেন ?—তুমি তো

মালিনী ! ফুলের মালা গাথ, তোড়া বান্ধ—ফুল নিয়েই তোমার কারবার ; কিন্তু তোমার প্রাণ তো ঠিক ফুলের মতো কেমন নয়।—

মালিনী। আবার রসিকতা হ'চ্ছে ? তোর সাহসও তো কম নয়! কত রাজপুত্র আমার পায় পায় ঘোরে—তা জানিস ?

রামটহল। তারাও যে কারণে ঘোরে, আমিও তো ঠিক সেই কারণেই ;—আমার একটু—একটু—

মালিনী। আবার ভা বলে যে—খবরদার !

গান

রামটহল। তাঁদের গায়ে জোছনা যেমন
তোমার মুখে তেমনি হাসি।
আরো যদি হেসে হেসে
বল আমায় “ভালবাসি”।

মালিনী। কি গুণ তোমার আছে বল,
নারী তোমায় বাসবে ভালো,
গুণের কথা ছেড়েই দিলাম
গায়ের বরণ নিশির কালো।

রামটহল। আমার অঙ্গ দেখে রঙ্গ কর
নয়ন জলে আমি ভাসি,

মালিনী থাক থাক আর কৈদে কৈদে
গলায় দিয়ে না কোঁ ফাঁসি।

তোমার পথে তুমি চল,
আমার পথে আমি আসি—

[উভয়ের প্রস্থান]

(চতুরিকাকে টানিতে টানিতে তরঙ্গিণী ও
নিপুণিকার প্রবেশ)

নিপুণিকা। এত কিসের ভয় ? তুই আর না ! যদি কিছু বলে, আমি তার দাবাদিহি ক'রব।

তরঙ্গিণী। একা অন্ধকার ঘরের মধ্যে কেমন করে যে তুই দিনরাত বসে থাকিস, আমি তো ভাই ভেবেই পাই নে !

চতুরিকা। কি ক'রবো বোন, আমার বরাত !
তরঙ্গিণী। আচ্ছা, তোমাদের দুই বোনের এ ছরকম অবস্থা ঘটলো কেমন ক'রে ?

নিপুণিকা। সেও তো বরাত ! মা তো ছেলেবেলায় মারা গেছেন— বাবার কাছেই দুই বোন ছিলাম। এরা দুজন—এই মণিভদ্র আর অৰ্পপতি—বাবার কাছে আসতো। তিন পরিবারের ভিতর খুব ঘনিষ্ঠতা ছিল। বাবার যখন কঠিন অসুখ—বাচনসঙ্কট অবস্থা, সেই সময় একদিন ওঁদের দুজনকে ডেকে ব'লে দিলেন—আমি যদি চঠাৎ মারা যাই, তোমরা দুই বন্ধু এঁদের দুই বোনের ভার নিও।

তরঙ্গিণী। কুমারী অবস্থার ভাণ্ড—না জীবন মরণের ভার ?

নিপুণিকা। তা কিছু স্পষ্ট ব'লে যাননি ; তবে হাতে পেয়ে কে ছাড়ে বল ?—বিশেষ পুরুষ মানুষ। তবে আমি যতদূর বাবার মন জানি, তিনি বেঁচে থাকলে কখনো আমাদের অমতে বিয়ে দিতেন না।

তরঙ্গিণী। তোমার তো আর কোন নাকিশ নেই ?

নিপুণিকা। না—তা নেই। আমাদের যার হাতে দিয়েছেন, সে বড় ভাল মানুষ আর আমাদের সত্যিই—

তরঙ্গিণী। কি ?—তোমার ভালবাসে ?

নিপুণিকা। যাও—তুমি বড় দুই। কিন্তু আমার ভগ্নীপতি যিনি হ'তে যাচ্ছেন—

চতুরিকা। আমার এ পোড়া বপালের কথা আর বলি কি হবে তাই! আজও বিয়ে করেনি তাই এই! বিয়ে করলে না জানি কি অবস্থা ক'রবে!

নিপুণিকা। অতি গাডোল—জানেন আর, জন্তু ব'ল্লে হয়! যেমন সন্নিধ, তেমনি কুপণ!

তরঙ্গিণী। তা তোমাদের বাবা জেনে শুনে এমন লোকের উপর—

নিপুণিকা। বাবা কি আর অত শত জানতেন! তখন বেশ ভদ্রলোকের মত আসতো যেতো—কে আর ভিতর দেখিছিল বল? এতদিন তো ওকে পাড়াগাঁয়ে রেখেছিল। কাল সব উজ্জয়িনীতে নিয়ে এসেছে!—

তরঙ্গিণী। তাই নাকি ?

চতুরিকা। বিয়ে ক'রবে বলে এনেছে। এই সহরের বাইরে ওই বাড়ীতে রেখে দেছে। নিকটে লোকজন নেই বলেই হয়। সমস্ত দিন মাহুকের মুখ দেখতে পাই না। এখন দেখছি, এব চরে আমার পাড়া-গাঁ ছিল ভাল।

তরঙ্গিণী। কি ভয়ানক লোক! তাকে গানটান গাইতে দেয় না ?

চতুরিকা। গান? তেজস্বী কথায় রাগও ধরে—হাসিও আসে। তাল বন্ধ করে যাওয়া যদি সম্ভব হতো—আমায় ভালবন্ধ ক'রতো।

তরঙ্গিণী। আমার সঙ্গে যদি বিয়ে হতো, আমি একেবারে নাকের জলে চোখের জলে ক'রতাম!

চতুরিকা। তা তুমি পার। তুমি তরঙ্গিণী—তোমার তরঙ্গের জোর আছে।

তরঙ্গিণী। তুইও বা কম কিসে? চতুরিকা, তোমার চাতুরী একবার একহাত দেখিয়ে দাও না।

চতুরিকা। তুই ভাই আর কাটা ঘায়ে মূনের ছিটে দিস্নে! আমি আমার নিজের জালায় জলছি।

তরঙ্গিণী। আচ্ছা, তুই কি ক'রে সময় কাটাস তাই। পড়াশুনো করিস?

চতুরিকা। ঘরে দুখানা পুঁথি আছে—কঠোপ-নিবৎ আর মোহমুগার। কর্তা তাই থেকে আমার উপদেশ দেন।

তরঙ্গিণী। আর তুই বুঝি একটা গুপ্তি হাতে ক'রে শুনিস?

নিপুণিকা। তুই তাই চূপ কর। কতদিন পরে আবার আমরা তিনজন মিলেছি বন্ দেখি। তরঙ্গিণী, তোমার তরঙ্গধ্বনি একবার শুনিয়ে দাও। আজ পূর্ণিমার রাত—সুন্দর জোছনা।

চতুরিকা। গাও ভাই, কতদিন তোমার গান শুনিনি। আচ্ছা! তোমার কর্তাটি কেমন হ'য়েছে, তাতো বললে না!

তরঙ্গিণী। সেইটেই তাহলে আগে বলি। তা'—কথায় বলবো—না গানে বলবো? গানেই বলি—

গান

আমার প্রিয়—আমার প্রিয়তম।

সে যে আমার বড় ভালবাসে
—ভালবাসে।

দাঁড়ায় বাঁধা গরুর মত,

ঘুরে বেড়ায় আশেপাশে!

যত কিছু টাকা আনে,

কেনে আমার গয়না—

অন্ত বাজে খরচ আমার সময় না।

সোহাগ ক'রে কত কথা কয়—

চোখে চোখে প্রেমের বিনিময়!

খুঁসী হয়ে হাসি যখন

সে মুখের পানে চেয়ে হাসে।

চতুরিকা। আর না ভাই! এইবার আমার ছেড়ে দাও। বুড়োও বেরিয়েছে; যদি দেখা হয়, আমার লাজনার আর সীমা থাকবে না!

তরঙ্গিণী। আমি তাই চাই—তোমার বৃদ্ধ-নাগরটিকে একবার স্বচক্ষে দেখতে চাই।

নিপুণিকা। তরঙ্গ, তোমার ও পচা রসিকতা রাখ। ওভাবে কথা বলা আমার ভাল লাগে না ভাই! যদি বরাত্রে ওর থাকে, হয়তো তার সঙ্গেই ওর বিয়ে হবে; কিন্তু সেটা স্মৃতির বিষয়ও নয়, আর তাই নিয়ে রসিকতা করাও চলে না।

ভরজিণী। তা তুমি কেন তোমার বরটিকে ব'লে দাওনা, চতুরিকার জন্ত একটি ভাল বর ঠিক করে দিক। না হয়, আমাদের হাতে তার দাও।

চতুরিকা। সে তেমনি বুড়ো কিনা। যদি যুগাকরে টের পায়, তোমাদের মনে এই মতলব আছে—আমাকে একটি কাঠের বাজের ভিতর বন্দী করে রেখে, সেই ঘরে তিনটে তাল লাগিয়ে বাড়ীর বার হবে!

ভরজিণী। সে তোকে সন্দেহ করবে নাকি?

চতুরিকা। বৃদ্ধমাত্রেই সুবত্তী নারীকে ঠিক বিশ্বাস করতে পারে না।

ভরজিণী। যাকগে; তোমার মনোগত ভাবটা কি বল্‌দিকি—ওরে বিয়ে করতে তোমার ইচ্ছে হয়?

নিপুণিকা। তুই আর জালাসুনে ভাই। ইচ্ছে হয়? নিজে পেট ভরে সুখাচ্ছ খেয়ে অনাহারী ভিক্ষুককে দেখে ঠাট্টা, তোমার যে ভাই ভাই হ'ল। ইচ্ছে হয়? এরকম অনাঙ্কিষ্ট ইচ্ছে আবার কারো কোন কালে হয় নাকি? বাপ-মা মারা গেছেন, আপনার বলতে কেউ নেই—এখন দয়া করে যে নেন, তার। তবে—

চতুরিকা। 'বৈধে মারে সন্ন্যাসী'—কপালে যদি ভাই থাকে, তবে কেঁদে কেটে আর কি হবে? ভাই আমি হাসি মুখে—

ভরজিণী। সে যা বলে ভাই শুনিস?

চতুরিকা। তা ছাড়া আমার উপায় কি ভাই? এখন তবু মিষ্টি কথা বলে—অবাধ্য হলে আরও অজ্ঞ ব্যবহার কর্বে। পাড়ারগায়ে কত ভাল ভাল বউ একটা কথাও না ব'লে স্বামীর অত্যাচার সহ্য, দেখেছি তো চোখে!

ভরজিণী। ভাই ঠেকে শিখ'র অপেক্ষায় না থেকে তুমি বুঝি দেখেই শিখেছ?

নিপুণিকা। চল, ওকে বাড়ী পর্য্যন্ত পৌছে দিয়ে আসি, ছেলেমানুষ তার ওপর অনেক দিন পরে সহ্যে এসেছে।

ভরজিণী। আচ্ছা চতু! সত্যিই বলনা ভাই, বুড়ো তোকে ভালবাসে?

চতুরিকা। বাসে না আবার। কত আদর করে, সোহাগ করে, কত কথা কয়। এক দণ্ড

চোখে দেখতে না পেলে চোদ্দ ভুবন আঁধার দেখে!

নিপুণিকা। তুই থাম্ মুখপুড়ি। ওই নিয়ে তুই ঠাট্টা করিস? আমার চোখে জল আসে! মারই কথা না হয় মনে নেই; কিন্তু ভুলিনি—তো ও বাবার কত আদরের মেয়ে ছিল।

চতুরিকা। দিদি! আমিও সার বুকে নিয়েছি। মামুষের জন্ত দুঃখ করা মিছে। কেউ কারো অদৃষ্ট তো মুছে দিতে পারবে না দিদি? তার চেয়ে একটা গান গাই শোন। সেদিন একটি ভিখারী গাচ্ছিল—আমি পাদপূরণ করে নিয়েছি।

গান

কেন মিছে কর তুমি মন উচাটন,
যা ঘট'র তা ঘটবে—কপালে লিখন।

ভূমিষ্ট হবার পরে
ছদিনে আঁতুর ঘরে
আঁচড় কেটেছে বিধি করিয়া বতন।

একথা বুঝিয়া সার—

দুঃখ করি না আর,

ভাবী বৃদ্ধ পতি দেবতার

নিয়েছি শরণ॥

ভরজিণী। সত্যি ভাই! তোমার বখা শুনে হাসিও পায়, কারাও পায়; সংসারে দুর্দৃষ্ট মামুষকে যতখানি শিক্ষা দিয়ে বড় করে তুলতে পারে, এমন আর কেউ নয়! কিন্তু আমি অত সহজে ভাগ্যের শাসন মানতে পারি না; যাক, বুড়োটিকে একবার দেখতে পেলো ভাল হ'ত।

চতুরিকা। তা তোমার নিরাশ হতে হবে না। 'যার ভয় কর তুমি, সেই দেবী আমি'—ওই যে প্রভু আসছেন।

ভরজিণী। ওই নাকি?—কোনটী?

চতুরিকা। ছুটি ছুজনের—এখন অহুমান কর। এলেই বুঝতে পারবে, রূপে গুণে তিনি সুপ্রকাশ—পরিচয় দরকার হয় না!

(অর্ধপতি ও মণিভক্তের প্রবেশ)

অর্ধপতি। গান করলে কে? জ্বালোকের গলনা?

মণিভদ্র। হ্যা—জীলোকেরই গলা এবং চেনা গলা।

অৰ্ধপতি। চেনা গলা! কারা আসছে—
চেনা নাকি?

মণিভদ্র। নিপুণিকা, চতুরিকা আর তরঙ্গিনী।

অৰ্ধপতি। ও—তাই নাকি! তরঙ্গিনীটা কে?

মণিভদ্র। ওদের বালাসাথী। কেন—দেখনি ওকে? বেশ ভাল বরে বিয়ে হ'য়েছে।

অৰ্ধপতি। খুব ভাল বর, বউকে রাস্তায় রাস্তায় গান গাইতে পাঠিয়েছেন। অঁি উদার—
অতি মহৎ! (চতুরিকার প্রতি) এদের সঙ্গে কোথায় যাওয়া হচ্ছে—জিজ্ঞাসা করতে পারি কি?

নিপুণিকা। কোথায় আর যাবে,—আমাদেরই সঙ্গে বাগানে একটু বেড়াচ্ছে। কেমন হাওয়া দিচ্ছে—দেখেছেন?

অৰ্ধপতি। হ্যাঁ, চমৎকার হাওয়া। আপনারা যত ইচ্ছে খেতে পারেন! প্রাণপুরে পেটপুরে হাওয়া খান—আপত্তি করবো না। কিন্তু চতুরিকার হাওয়া খাওয়া হবে না।

মণিভদ্র। আহা, কেন গ'গুগোল করছে দাদা। কতদিন পরে ছুই বোনে দেখা হ'য়েছে, একটু গল্পগুজব করলে আর মহাতারত অশুদ্ধ হবে না!

অৰ্ধপতি। যে আজ্ঞে, আপনাকে বক্তৃতা করতে বলিনি। (চতুরিকার প্রতি) যা বলছি তাই কর—বাড়ী যাও। বাড়ী চিনতে পারবে নিশ্চয়ই? আমি এখনি যাব।

মণিভদ্র। কি আশ্চর্য্য! ওর আপন বোন, তার সঙ্গে যেভাবে,—তাতেও তোমার আপত্তি!

অৰ্ধপতি। বোনের সঙ্গে যেডান ত মন্দ নয়; কিন্তু যার সঙ্গে ঘর করতে হবে, তার গল্পটাই বোধ হয় ভাল।

মণিভদ্র। কতদিন পরে দেখা—আপন মার পেটের বোন!

অৰ্ধপতি। দেখাও হ'য়েছে, আলাপও হ'য়েছে, —আর কেন? এখন পথ দেখলে ভাল হয় না? বোনই হোক আর বোনাহই হোক, ওকম বিলাসিনী জীলোকের সঙ্গে আমি আমার ভাবী জীকে মিশতে দিতে পারি না। চতুরিকার সম্পূর্ণ দায়িত্ব

আমার। তার চরিত্রবল যাতে দৃঢ় হয়, ধর্ম আর স্ননীতি—

মণিভদ্র। আরে, নিপুণিকা সবকিছু সে দায়িত্ব আমারও তো আছে? আমার তো মনে হয়—

অৰ্ধপতি। মনে যাই হোক তাই, আমার স্পষ্ট কথা। চতুরিকার বাপ আমার উপর যখন ওর ভার দিয়ে গেছেন, তখন ওর সবকিছু আমি যা ভাল বুঝবো—তাই হবে। তোমার নিপুণিকা সবকিছু তুমি যা ভাল বোঝ, তাই কর আমি তো বারণ করতে যাচ্ছি না। তুমি তাকে বেনারসীর উপর ঢাকাই, ঢাকাইয়ের উপর কিংখাপ, কিংখাপের উপর রেশমী, তার উপর কাম্বীরি শাল চড়িয়ে বিহুনি ঝুলিয়ে সারা সहर ঘুরিয়ে আন না, আমি আপত্তি করব না। আমার ভাবী-জী মোটা কাপড় পুরবে, গেরস্থর কুলধর মত ঘরের ভিতর রান্নাবান্না করবে।

মণিভদ্র। তোমার টাকার গাদা তা হ'লে কি হবে? কার জন্ত রেখে যাবে? জীকেও স্নখে স্বচ্ছন্দে রাখবে না?

অৰ্ধপতি। টাকার গাদা—তোমরা কেবল টাকার গাদাই দেখছ! পরের টাকা কম আর কে দেখে বল? পাচক ব্রাহ্মণ কিম্বা ভৃত্য হয়তো আমি রাখতে পারি; কিন্তু আমার ভাবী-জীকে গেরস্থালি শেখাবার জন্তই আমি এই রকম ব্যয়সা করেছি। আমাকেই যখন বিয়ে করতে হবে, তখন আমার পছন্দ মত অভ্যাসই চতুরিকার করা দরকার।

চতুরিকা। আমি কি কখনও তোমার অমতে কোন কাজ করেছি?

অৰ্ধপতি। চূপ,—কথা না। দশজনের সাক্ষাতে তোমার ভাবী বরের সঙ্গে কথা কওয়া অশুচি। তোমার লজ্জিত হওয়া উচিত! এই মুহূর্তে লজ্জিত হও।

নিপুণিকা। এক! তুমি আমার সামনে আমার বোনকে ধমকে কথা কও?

অৰ্ধপতি। যাকে আমার ধমক দেওয়ার অধিকার আছে, তাকে ধমক দিইছি। আপনাকে আমি ধমকও দিইনি, আপনার সঙ্গে কথাও কছি না।

নিপুণিকা। আমার বোনকে আমি আজই আমার বাড়ীতে নিয়ে যাব। তোমার কাছে ওকে রাখবো না।

অৰ্পপতি। ওহে মণিভদ্র, তোমার প্রশ্রয়িনীর রাশটা একটু টেনে ধর! একটু পরে উনি চারপায়ে ছুটবেন।

(নিপুণিকা রাগিয়া উঠিল, চতুরিকা সজল নয়নে মুকাতিনয়ে নিপুণিকাকে নিবৃত্ত করিল। নিপুণিকা তবু উত্তর দিতে বাধা করিল না।)

নিপুণিকা। তোমাকে আর বেশী কি বলব, তুমি অতি ছোট লোক।

অৰ্পপতি। আমি ছোটলোক। ওহে মণি! শোন—শোন, তোমার ভাবী-বধুর কথাবার্তা চমৎকার—সহবংশিকা একেবারে অনিন্দ্যসুন্দর! রাত্তার দাঁড়িয়ে দশজন লোকের সামনে কোমর বেঁধে পুরুষের সঙ্গে বগড়া ক'রছেন।

মণিভদ্র। কি আর ক'রব বল দাদা! চিন্টি মারলেই পাটকেলটা পেতে হয়।

অৰ্পপতি। (চতুরিকার প্রতি) তোমায় যা বলছি, অবলম্বে তাই কর,—আমার আদেশ পালন কর।

[চতুরিকা সজল নয়নে নিপুণিকা ও তরঙ্গিনীর পানে চাহিয়া গ্রন্থান করিল।]

নিপুণিকা। আমি তোমায় বলছি, তুমি অতি অগম্য, নিষ্ঠুর আর জদয়হীন! যে ভাবে আমার বোনকে বশ ক'রতে যাচ্ছ, জেনে রেখো—সে ভাবে জীলোককে বশ করা যায় না। তোমার এই ব্যবহারের পরও আমার বোন যদি তোমায় ভাল-বাস্তে পারে, তাহ'লে বুঝবো—ও আমার বোনই নয়!

তরঙ্গিনী। রাগে আর লজ্জায় আমার মুখ দিয়ে কথা বেরুচ্ছে না। আমি আশ্চর্য্য হ'য়ে গেছি। এ লোকটা ভয়লোক—না কি? ভদ্র-মহিলার উপর এই ব্যবহার? কেন—আমরা কি ক্রীতদাসী না ছোটজাতের মেয়ে যে আমাদের দরজা বন্ধ ক'রে রাখবে? আমাদের অপরাধটা কি যে, আমাদের বন্দী ক'রে রাখবে! আর,

অতো যে সাবধান হ'চ্ছেন মশাই! তার মানেটা কি? আমরা যদি চাতুরী করি, আপনাদের প্রত্যেককে একটি ক'রে গাড়োল বানাতে পারি—তা জানেন? যে পুরুষমাত্ত্ব জীলোককে বিশ্বাস না করে, সে একটা—সে-একটা জাদুবান! আমরা যদি নিজের ধর্ম ও মান-মর্যাদার গুরুত্ব বুঝে ভাল থাকতে ইচ্ছা করি, তবেই ভাল থাকি,—নইলে পৃথিবীর কোন পুরুষ মাত্ত্বের সাধ্য নেই যে চোখ রাঙিয়ে আমাদের ভাল রাখে। কথাটা ভাল ক'রে বুঝে দেখবেন মশাই!

অৰ্পপতি। আপনার বাকপটুতায় আমি চমৎকৃত হ'য়েছি! আপনার স্বামী পরম ভাগ্যবান! আমি এখান থেকেই তাঁকে নমস্কার ক'রছি। আপনার মতো জীকে নিয়ে তিনি আজও টিকে আছেন—টেঁসে যান নি!

নিপুণিকা। আর ভাই তরঙ্গিনী! কেন মিছে ও ছোট লোকটার সঙ্গে তর্ক করছিস? (মণিভদ্রের প্রতি) তুমি তোমার বন্ধুর সঙ্গে আলাপচারি কর—আমরা চলাম।

মণিভদ্র। আমার উপর রাগ ক'রলে নাকি নিপু?

নিপুণিকা। না—রাগ আর আমি কার উপর ক'রবো? আমার কেই বা আছে!—আর ভাই!

মণিভদ্র। না—না, আমি এখনই যাচ্ছি। তুমি তোমার সখীর সঙ্গে একটু বেড়াও না। (তরঙ্গিনীর প্রতি) দেখুন, আপনি আমার হ'য়ে ছুইএক কথা বলবেন—আমি সম্পূর্ণ নিদোষ!

তরঙ্গিনী। ও রকম লোকের সঙ্গে কিম্ব আপনার বন্ধুত্ব রাখা উচিত নয়!

[উভয়ের গ্রন্থান

অৰ্পপতি : যাও এইবার—পায়ে ধরে মানভঞ্জন করগে।

মণিভদ্র। সত্যি কথা বলতে কি ভাই, মানভঞ্জনের জন্তই তোমার সঙ্গে আরও কিছুকণ রইলাম।

অৰ্পপতি। তার মানে?

মণিভদ্র। 'তার মানে'—? তার মানে, গুণের সঙ্গে না গিয়ে তোমার সঙ্গে এখানে কথা

ক'রে আমি আমার প্রিয়তমাকে অভিমান ক'রবার
একটি সুযোগ দিলাম।

অৰ্পণতি। বাড়ী গিয়ে পায় ধ'রতে হবে।

মণিভদ্র। সে সুযোগ পেলে ধ'র তয়ে

বিলাস।

(নারীকণ্ঠে সুর শোনা গেল)

মানের দায়ে গোপনে যে

ধরেনাক' প্রিয়ার পার—

অৰ্পণতি। আবার কারা আসে রে।

মণিভদ্র। আজকের রাতের কথা ছেড়ে দাও
দাদা। কত মেয়ে দসে দলে আসবে—
যাবে।

অৰ্পণতি। ছুঁড়িগুলো কেপে গেছে দেখছি।

মণিভদ্র। ভূমিও যখন ছুঁড়ি চাইছ, আজ—

কালকার চালচলন একটু জেনে শুনে নাও—কাজে
লাগবে।

(তরুণীগণের প্রবেশ ও গান)

গান

মানের দায়ে গোপনে যে

ধরেনাক প্রিয়ার পার—

এমন পুরুষ কোন্ রমণী চায় ?

আপনারে যে বিলিয়ে দিতে পারে—

সেইতো পুরুষ, পরশমণি,

নারী চায় তারে।

পায় যদি সে ধরায় কভু,

নয়ন জলে পা ধোয়ায় !

রসিক স্রজন এরস জানে—

অরসিকের কাজ কি কথায় ?

(তরুণীগণ অৰ্পণতিকে বিজ্ঞপ করিতে লাগিল)

অৰ্পণতি। আরে—মেয়েগুলো যে কাউকেই
মানে না।

—

দ্বিতীয় অঙ্ক

প্রথম দৃশ্য

অৰ্পণতির বাড়ীর সম্মুখের পথ।

রাত্রি প্রথম প্রহর

(দ্বিতীয়াংশ)

(চিহ্নিলাস ছুই একবার সেখান দিয়া গেলেন,
জানলার দিকে চাহিতে লাগিলেন—অল্প দিক
হইতে মালিনী আসিল।)

মালিনী। অত ঘন ঘন ওদিকে চাইছেন কেন
শ্রেষ্ঠীমহাশয় ?

বিলাস। কে—মালিনী নাকি ? তোমার
মালকে আজকাল কেমন ফুল ফুটেছে ?

মালিনী। কথা দিয়ে কথা এড়ালে চলবে না
—আমি ছাড়ছি; অনেকক্ষণ থেকে লক্ষ্য
ক'রেছি।

বিলাস। লক্ষ্য যখন কবের, তখন জান নিশ্চয়
—দেখেছ ?

মালিনী। দেখেছি—আপনার যোগ্য বটে।

বিলাস। যোগ্য অযোগ্যের কথা পরে।

কুমারী কি সধবা—তার খোঁজ রাখ ?

মালিনী। খোঁজ নিতে কতক্ষণ ?

বিলাস। তা' খোঁজটা একবার নাওনা ?

মালিনী। ফুলশয্যের ফুল আমি যোগাব তো ?

বিলাস। তোমার যে দেখছি—গাছে কাঁঠাল
গোফে তেল, কোথায় কিছুনা—আগেই ফুলশয্যের
যোগাড় করছ।

মালিনী। আশাতে মানুষ বাঁচে। আপনি
একজন বড় ঋণীদার, আপনার বিয়েতে সমস্ত বাড়ী
ফুল দিয়ে সাজিয়ে দেব !

বিলাস। যাক ; মালিনি, তোমাদের কবির
কাছে নতুন কোন শোলোক টোলোক শিখলে— ?

মালিনী। আপনি থাকে ভাবছেন, তাঁর
সহক্ষে ?

বিলাস। আমি যাকে ভাবি, তোমাদের
কবিও কি তাঁকেই ভাবেন নাকি ?

মালিনী। কবি কাউকে বাদ দেন না।
কবির কাছে সবাই সমান।

বিলাস। তাইতো—কবির উপর হিংসা হয়
যে! আচ্ছা, কবি যেখান দূত লিখে তোমাকেই আগে
ওনিয়েছিলেন?

মালিনী। হ্যাঁ—ওনিয়েছিলেন। আপনারা
আমায় দূতী করেন, কবির—কাব্যের নায়ক যক্ষ
—দূত মেঘ। দূতীর কাজ আমি জানি—তাই
বোধকরি, আমাকে দিয়ে মিলিয়ে নিলেন। এই
মালা নিন—যক্ষ ক'রে রাখবেন; সময় আর সুযোগ
পেলে তার গলায় পরিয়ে দেবেন।

বিলাস। কবে সময় হবে? তার আগেই যদি
সুকিয়ে যায়!

মালিনী। তবে আর আপনার কাছে দিচ্ছি
কেন। আমি রোজ নতুন ফুলের মালা গাঁথি।
পুরোনো ফুল কি ক'রে তাজা রাখতে হয়, সেতো
আপনারাই জানেন; নিরালস্য চোখের জল দিয়ে
রোজ একবার ভিজিয়ে নেবেন; এই নিন। কিন্তু
শ্রেষ্ঠমহাশয়! আপনার এই প্রেমের রকমকম
কিছু বুঝলাম না। জানি না—পারি কি হারি!

মালিনীর গীত

(আমি) বুঝতে পারিনে,

তোমার প্রেমের কি ধারা—

দূরে থেকে চোখে-দেখে পাগলপারা,
কাছে গেলে কি হ'তো তা?

ভেবে ভেবে হলাম সারা!

প্রথম প্রণয় বুঝি—বুঝি বিরহ,
অমুরাগ, অভিমান, রূপের মোহ—
এ কেমন প্রেম তাই বুঝায়ে কহ।
নায়ক দাঁড়ায়ে গণে আকাশের তারা।
সংগ্রহ ধরিবে তুমি, ছোবে নাকো জল
গাছে উঠিতে নারো, খাবে পাকা ফল!

(তোমার) চাঁদমুখে হাসিটুকু ভরসা কেবল,
(দেখি) যা থাকে কপালে আর যা করেন তারা ॥

বিলাস। একি তোমার কবির উক্তি নাকি?

মালিনী। তাবটা কবির বটে—তবে সুরলয়
আমিই সুবিধেভর ক'রে নিয়েছি। আমি চলি—

বিলাস। এস, তোমার মালার দাম নিয়ে যাও।

মালিনী। ফুলের কি আর দাম হয়? কিন্তু
আমার এমনি দুর্ভাগ্য যে, ফুলের মালারও দাম
নিতে হয়। তবে চলুন।

[উভয়ের প্রস্থান]

(তরঙ্গিণী, নিপুণিকা ও চতুরিকার প্রবেশ)

তরঙ্গিণী। ও বুড়োটা যে তোকে বিয়ে
ক'রে বিয়ে করবে বলে চেঁচাচ্ছে—তার মানেটা
কি! তুই তাহ'লে ওকে আঙ্কারা দিয়েছিস্ বল?

চতুরিকা। তা একটু দিয়েছি। ও রঙ্গ
করতো—আমিও রঙ্গ ক'রতাম? এখন দেখছি
কাজটা ভাল হয়নি।

নিপুণিকা। তুই কি বলে ওর সঙ্গে রঙ্গ
ক'রতিস্—বেছারা কোথাকার!

চতুরিকা। সত্যি কথা বলতে কি তাই এমন
অজ্ঞ পাড়াগায়ে আমায় রেখেছিল!—জীবনে যে
আমোদ আফ্লাদ আছে, আমি একরকম ভুলেই
গিয়েছিলাম! তখন আমার মাঝে মাঝে মনে
হ'ত—ভগবান আমার কপালে বুঝি এই বুড়ো
বরই জুটিয়েছেন।

তরঙ্গিণী। এখানে এসে কি মনে হ'চ্ছে?

চতুরিকা। এখানে এসে মতিগতি একটু অস্থির
রকম হ'য়েছে।

তরঙ্গিণী। ওদিকে একদৃষ্টে কি চেয়ে
দেখছি—ওই বাড়ীর জানুলায়?

চতুরিকা। ওই বাড়ীতে একজন কুহকী
থাকেন।

তরঙ্গিণী। দেখেছো তাকে—?

চতুরিকা। দেখেছি গো দেখেছি—!

তরঙ্গিণী। ম'জ্জেছ—?

নিপুণিকা। তুই চিনিস্ নাকি তাকে—?

তরঙ্গিণী। চিনিনে আবার—! আমার স্বামীর
সঙ্গে যে বড় বন্ধুত্ব!

নিপুণিকা। তাহ'লে তরঙ্গ, তুই বিয়ের
ঘটকালি কর—! ওকে বেশী দিন কুমারী রাখলে
হুকিয়ে ও বুড়ো কোন্ দিন বিয়ে ক'রে ফেলবে!

তরঙ্গিণী। আমার বাড়ীতে যদি চতুরিকাকে
নিষেধ যাই?

নিপুণিকা। বুড়ো সহজে ছাড়বে কিনা—! নিশ্চয়ই আমাদের গতিবিধি লক্ষ্য করছে। বাক্, এ ছেলেটা কেমন?

তরঙ্গিণী। পাত্রে মত পাত্র! যেমন রূপগুণ, তেমনি টাকাকড়ি—সজ্জাত ঘরের ছেলে! এই দিকে তাকিয়ে তাকিয়ে দেখছে। তোম্ সজে বুঝি ইসারা-ইঙ্গিত চলে!

চতুরিকা। দূর মুখপুড়ি!

নিপুণিকা। এর বেলায় 'মুখপুড়ি'—আর বুড়োর সঙ্গে যখন রঙ্গ করিস্, তখন লজ্জা কোথায় থাকে—? না, ও সব লজ্জাটজ্জা চলবে না—এই ছেলেটাকেই তোর বিয়ে করতে হবে।

চতুরিকা। আমার কি তেমন অদৃষ্ট দিদি! আমার কপালে ওই বুড়ো বরই না চছে।

নিপুণিকা। তা হ'লে বুড়োর উপর তোর আঁতের টান আছে—! ওই দেখ্ তরঙ্গ, ছেলেটাও এই দিকে ঘন ঘন দেখছে!

চতুরিকা। ও কাকে দেখছে—তা কে জানে বল? হয়তো তরঙ্গের উপরই ওর নজর—!

তরঙ্গিণী। এই যে আমার চতুরিকার বাক্-চাতুরী দেখা দেছে!

নিপুণিকা। না ভাই! হাসিঠাট্টা নয়, বুড়োর হাত থেকে ওকে উদ্ধার কর্তেই হবে। তোমার স্বামীর বন্ধু—তুমি একটু চেষ্টা কর।

তরঙ্গিণী। চতুরিকা নিজে আগে প্রেম করুক—তারপর! যেখানে প্রেম নেই, সে বিয়ের সম্বন্ধে আমি কোন কথা বলিনে। উনি আবার কে, গান গাইতে গাইতে এদিকে আসছেন? মাগীর চং দেখ!

নিপুণিকা। ওথে আমাদের মালিনী—রাজবাড়ীতে ফুল যোগায়; আর শুনেছি—রাজ-সভার কবি নাকি ওকে শোলোক শোনায়।

তরঙ্গিণী। তাই বুঝি মাগীর এত রঙ্গ!

(গান গাইতে গাইতে মালিনী প্রবেশ করিল - তার পসরায় ফুলের তোড়া, হাতে ফুলের মালা)

গান

যোর মালঞ্চে ফুলেলো আজি তোমার বিয়ের ফুল—
বুই, চামেলী, চাঁপা, বেলি, বকুল-মুকুল।

ধর ধর, পর মালা, মালা—তার চোখের জল-চালা—
(এই নাও) খোঁপায় পর চাঁপার কলি
কানে পর ফুলের ফুল।

ওলো প্রথম-প্রথম-ভীক্,
ওরে, এত কেন তোর লাজ!
ফুলে ফুলশর-বিজয়িনি,
কর অপরূপ রূপ-সাজ।

তার প্রাণ কর আকুল
তার প্রাণ কর আকুল ॥

মালিনী। এখন বল, কোন্ দিদিমণির গলায় মালা পরাব?

তরঙ্গিণী। (চতুরিকাকে দেখাইয়া) এই এর। বুঝবো কেমন তোমার ফুল—যদি বিয়ের ফুল ফোটাতে পার!

মালিনী। তাই নাকি? তবে তো—
আনুকোরা নতুন খদ্দের!

চতুরিকা। রক্ষে কর মালিনী—আমার মালায় কাজ নেই!

মালিনী। ছিঃ,—অমন কথা কি বলতে আছে!
(গলায় মালা পরাইয়া দিল। চতুরিকা
যে দিকে মাঝে মাঝে দেখিতেছিল,
সেই দিকে চাহিয়' দেখিল।)

তরঙ্গিণী। হ্যাঁ, ভাল করে চেয়ে দেখ।
চতুরিকা। তুমি ভারি চালাক—!

তরঙ্গিণী। না, চালাকি তুমি একাই শিখেছ?
নিপুণ, আর ভাই! আমাদের আর কিছু করতে হবে না। এইবার শিকারী আপনিই শিকার ধরবে। তার উপর মালিনী দিদির হাতযশ। চল, আমরা একটু গা-ঢাকা দিই।

মালিনী। ওই বাড়ীর কর্তা তো? তাঁকেও একছড়া মালা দিয়ে এসেছি।

তরঙ্গিণী। তবে আর কি—তুমিই তো ঘট—
কচু—ডামণি!

মালিনী। তা যেন হ'ল—কিন্তু আমার এই নিপুণ দিদিমণির গলায় কবে মালা পরাব?

নিপুণিকা। ক্রমশঃ—আগে এটা হ'য়ে বাক।
আচ্ছা, আজকার মত চল্লাম ভাই। আবার হয়তো কখন বুড়োটা এসে পড়বে।

মালিনী। এটা তোমার বোন নাকি দিদিমণি ?
ও বাড়ীর কর্তা চিহ্নিলাস শ্রেষ্ঠী ? তা' বেশ মানাবে
—খাসা। ফুলখ্যো সাজিয়ে দেব কিন্তু আমি—
আমার বায়না নেওয়া রইলো !

ভরঙ্গিণী। আচ্ছা—আচ্ছা ; দেখিস, যেন
শিকার ফসকে না যায়।

চতুরিকা। অমন যদি কর তো—আমি এই
চন্ম উপরে !

ভরঙ্গিণী। যাওনা, দেখি কেমন ক্ষেমতা !
সেটা আর যেতে হবে না চাঁদবদনী।

ভরঙ্গিণীর গীত।

চাঁদবদনি প্রেমে হিয়া ছুঁছুর
এবার বুঝিব তুই কেমন চতুর।
যদি পেতে চাও সহ। প্রাণ যার চায়—
লাজ ভাসিয়ে আগে দাও দরিয়ার,
(যেন) অঙ্গ ঘেরিয়া উঠে অমৃত মধুর।
নয়ন কহিবে কথা নয়ন সনে,
(তার) বিগলিত হিয়া যেন পড়ে চরণে ;—
রিনিকি রিনিকি রিনি কনক নুপুর
রহি রহি বাজে যেন মরমে বঁধুর ॥

[হাসিতে হাসিতে ভরঙ্গিণী প্রভৃতির প্রস্থান।
উছারা যে দিকে গেল, চতুরিকা কিছুক্ষণ সেই দিকে
চাহিয়া রহিল—পরে বাড়ীর দিকে আসিতে
লাগিল ; এমন সময় চিহ্নিলাস প্রবেশ করিল।
এমন অবস্থায় ছুঁইজনের দেখা। চতুরিকা ধীরে
ধীরে বাড়ীর মধ্যে প্রবেশ করিল। বিলাস সেইখানে
দাঁড়াইয়া রহিল। অনতিবিলম্বে তাহার বন্ধু
অমরনাথ পশ্চাৎ হইতে আসিয়া তাহার কাঁধে হাত
দিল—সে চমকিয়া মুখ ফিরাইল—]

বিলাস। কে ?

অমর। তোমার প্রতিদ্বন্দ্বী নই—বন্ধু। হাঁ
করে চাতক পাখীর মত আকাশের দিকে তো
চরে আছ। মেঘের বারিবিন্দু এক আধ কথা পেলে ?

বিলাস। মেঘ শশরীরে মাটিতে নেমে এলো।
কিন্তু তাই ! আমি এমনি হতভাগা যে—

অমর। সেটা আর প্রকাশ ক'রে বলতে হবে
না—এমনিই বুঝে নিয়েছি। কিন্তু অমন ক'রে

শুধু দীন-করুণনয়নে চাইলে হবে না—আত্মনিবেদন
করতে হবে কথার দ্বারা।

বিলাস। কিন্তু কথাই যে আমার মুখ দিয়ে
বেরোর না। -বিশেষ, অচেনা ভক্তমহিলা,—হঠাৎ
তার সঙ্গে কি কথাই বা বলি ?

অমর। কেন, আলুপটোলের বাজার দর !
আরে, পুরুষমানুষ আগে আগ্রহ ন' দেখালে—
অবলা স্ত্রীলোক—সে কি আগে কথা কইবে ?

বিলাস। তাতো বুঝতে পারছি—কিন্তু
করি কি !

অমর। এমন নির্জন সন্ধ্যারাত্রিতে তুমি একা
পেয়েও স্বেযোগটা নিতে পারলে না ?—

(সুর শোনা গেল—উপরের ঘরে)

বিলাস। চুপ্—চুপ্ ; শোন—শোন,—গান
গাইছে !

অমর। তিনিই নাকি ?

বিলাস। নিশ্চয়ই ! আমি জানি, বাড়ীতে
আর কেউ নেই—সেই চোয়াড়ে লোকটা আর তিনি !

অমর। তাহ'লে দৈতাপুরে একরকম বন্দি
বল্লেই হয় !

বিলাস। নিশ্চয়ই ! তরুণীর মুখ দেখে মনে
হয়—সে স্ত্রী নেই ; তবুতো সন্দেহ খোচে না !
কি জানি, কি মনে করবে। যাক, এখন গানটা
শোনে—

(উপরে বামাকণ্ঠে গান)

গান

রূপ হেরে আঁখি বুঝে—

আমি হারিয়েছি প্রাণ,

জীবন যৌবন মম

চরণে করিছ দান।

মরমের দুখ জালা

ঢেকেছি চাতুরী দিয়ে,

অশ্রু রুদ্ধ রাখি—

এসেছি হাসিটি নিয়ে।

পরিচয় আপনায়

একদিনে দেওয়া তার ;

প্রেম বুঝাইব প্রিয় ! চরণে পাইলে স্থান ॥

বিলাস। গান শুনে অমরনাথ ?

অমর। শুন্লাম তো—বাঃ বাঃ চমৎকার।

বিলাস। কি রকম মনে হয় ?

অমর। গানের ভিতর কিসের যেন একটা ইঙ্গিত রয়েছে। তোমার নিরাশ হবার তো কোনই কারণ দেখছি।

বিলাস। কিন্তু গান তো হাওয়ায় ভেসে আসে। মাঝখানের এই হাওয়াটাকে অতিক্রম ক'রবার উপায় কি ? নাগাল পাব কি করে ?

অমর। চিন্তার কথা ! একটা গান মনে প'ড়ল। তুমি তো আর গাইতে পার না—তোমার হ'য়ে আমি উত্তর দিই। উড়ে থৈ গোবিন্দায় নমঃ— লাগে তাক্, না লাগে তুক্ !

গান

ভীৰু ! তোমার মিছে ভাবনা—

যারে পেতে চাও, পাও বা না পাও

কেন মনে ভাব “পাব না”।

তুমি পেতে চাও যারে

সে তোমারি আশায়

বাঁতায়নে চেয়ে—

দাঁড়িয়ে পথের ধারে ;—

তবু তুমি চলে গেলে

তব মুখ পানে—

নয়ন তুলিতে নারে।

সে যেতে যেতে—নাহি যায়

এদিক্ ওদিক্ চায়,

যাই যাই করে,

পা নাহি সরে—

আবার সে ভাবে—“পাব না”।

পেটে খিদে আছে, মুখে লাজ ভরে

জোর ক'রে বলে—“পাব না”।

অমর। ওই সেই চোরাডে লোকটা এইদিকে আসছে। ঘন ঘন আমাদের দিকে কটমট করে চাইছে, অহুয়ানে বোধ হয়—উনিই তোমার প্রেমের প্রতিদ্বন্দ্বী।

বিলাস। নিশ্চয়ই ; নইলে ওকে দেখবামাত্র আমার সর্বশরীর রাগে জ্বলে যাচ্ছে কেন ?

আপাততঃ গানের রাগ গারেই মেরে লোকটার সঙ্গে আলাপ করা দরকার।

অমর। লোকটার মেঘে মেঘে বেলা হ'য়েছে—নেহাৎ কাঁচা নয়। ওর কথা আমার জীর কাছে শুনেছি—ওকে একটু নাচাব।

(অত্যন্ত নিরীহভাবে দুইজনে একস্থানে স্থির হইয়া বসিল ; এমন সময় অৰ্পপতির প্রবেশ)

অৰ্পপতি। (স্বগত) ছোড়াছুটো এতক্ষণ হাঁ ক'রে আমারই ঘরের দিকে চেয়েছিল। নিশ্চয়ই চতুরিকাকে দেখেছে। আজকালকার ছেলেগুলোর হ'ল কি ! যুগ্মী জীলোক দেখেছে কি, একেবারে বুদ্ধিভ্রমী মীলতা সব লোপ। এসব এই সহরতলী জায়গার দোষ। আমাদের পাড়া-গাঁ অনেক ভাল। দেব নাকি ছুটো মিটেকড়া কথা শুনিয়ে ? না—কাজ নেই ; সহরের ডাংপিটে ছেলে।—আমার নাকের জলে চোখের জলে ক'রবে। তার উপর হয়তো দলে পুরু আছে।

অমর। (অগ্রসর হইয়া) এই যে পণ্ডিত-মশায় ! কেমন আছেন ? আপনার টোল এখন কেমন চলছে ? সেই লেখানই আছেন তো ? না সহরে টোল খুলেছেন ? রাজার কাছে কি রকম সাহায্য পাচ্ছেন ?—দেখুন পণ্ডিতমশায়। কথাটা হ'চ্ছে কি জানেন,—ভাগ্য ফলতি সর্বত্র নচ রিত্তা ন পৌরুষং। নইলে আপনার মত একজন মহা-মহোপাধ্যায় পণ্ডিত।—আমি জোর গলায় বলতে পারি, এই উজ্জয়িনী নগরেই নেই ! রাজার উচিত, আপনাকে ভূমি, অৰ্প ও স্বর্ণ দান করা। কিন্তু হ'লে হবে কি ? ঐ আমার গোড়ার কথা—!

অৰ্পপতি। (স্বগত) লোকটা আমার মহামহোপাধ্যায় পণ্ডিত স্থির ক'রেছে। যাক্—ভাঙা হবে না ! কিন্তু সঙ্গে সঙ্গে যে গরীব মনে ক'রলে, সেটা কি ভাল হবে !

অমর। কি ভাবছেন পণ্ডিতমশায় ! আমার চিন্তে পারছেন না ? আমি আপনার ছাত্র—আপনার সম্মানতুল্য। ইনি—আমার অতি প্রিয় বাল্যবন্ধু—ঐ সামনের বাড়ীতে থাকেন। নাম—ত্রীচিৎসিলাস শর্মা। জাতিতে শ্রেষ্ঠ। আবার শুধু বিলাস বলেই ডাকি। ওরই কাছে শুন্লাম,

আপনি এই পাড়াতেই এসেছেন সম্প্রতি। বিলাস।
নমস্কার কর পণ্ডিত মশায়কে। বড় ভাললোক;
আর অমন পণ্ডিত ভূমি তোমার উজ্জয়িনীতে
পাবে না!

অর্থপতি। দীর্ঘায়ুস্বস্ত। দেখি, আমি তোমায়
গোড়ায় ঠিক চিন্তে পারিনি—এখন মনে হ'চ্ছে
বটে। মুখখানা বেশ মনে প'ড়ছে। তোমার
নামটি কি ছিল বল দেখি?

অমর। ই্যা, তা ভুল চ'তে পারে বৈকি।
অনেক দিনের কথা তো বটে; তাছাড়া, আপনার
চেহারা তেমন পরিবর্তন হয় নি বটে,—কিন্তু আমি
তো প্রচুর বদলেছি। আমাদের ধরুন যৌবনকাল
আর আপনার তো বোধ করি ষাটের কাছে গেল।
আমার নাম অমরনাথ। এইবার মনে পড়েছে
বোধ হয়?

অর্থপতি। ই্যা ই্যা—অমরনাথ অমরনাথ।
তা বাবা অমরনাথ। তোমার বিষয়কর্ম কি করা
হয়?

অমর। তা আপনার আশীর্বাদে বেশ ভাল
কাজই ক'রছি। আমি উজ্জয়িনী-রাজ্যের সেনা-
পতি। আমার অধীনে দুই লক্ষ অশ্বরোহী ও
পদাতিক সৈন্য। আর এই আমার বন্ধু চিহ্নিলাস—
ইনি উজ্জয়িনী-রাজ্যের অর্থসচিব; তার উপর
এর পৈত্রিক সম্পত্তির মূল্যই দশ কোটি স্বর্ণ-
মুদ্রা।

অর্থপতি। ই্যা ই্যা, আশীর্বাদ ক'রবো বৈকি
বাবা। দশ কোটি আর তোমার দুই লক্ষ—সর্বদাই
আশীর্বাদ ক'রছি। তা বাবা বেশ হ'য়েছে।
গোব্রাহ্মণের আশীর্বাদ। তা চলনা কেন বাবা,
একবার আমার বাড়ীতে একটু বস্বে। এই তো
বাড়ী—

অমর। না না, আমরা রাজকাজে বেরিয়েছি
কিনা?—আজ আর সময় হবে না। কাল এক
সময়—কি বল বিলাস?

বিলাস। বেশ, তাই হবে। তাছাড়া আমি
তো ঠর প্রতিবেশী,—আলাদা বাড়ী ভাড়া ক'রে
ঠর থাকার দরকার কি? উনি চাই-কি ইচ্ছা
করলে আমার বাড়ীতেই থাকতে পারেন। বৃদ্ধ
দাঁড়ব—একা থাকবেন—।

অর্থপতি। থাক—থাক, তার দরকার নেই।
আমার আবার নানা রকমের হাজিরা আছে বাবা।
এই বুঝতেই তো পারছ, পূজাঅশ্রয় ধ্যানধারণা।
একটু নির্জন দরকার।

অমর। তা আর জানি নে? সে রাতদিন—
বুঝলে বিলাস। অমন ধার্মিক লোক ভূমি পাবে
না। বলতে কি তোমায়, পণ্ডিতমশায়ের একাঙ্গনে
সাত দিন গেছে! একেবারে হুঁস নেই। একটা
চাল দাঁতে কাটেননি। তোমারও তো একটু ওসব
আলোচনা আছে—ভাগবত, কঠোপনিষৎ নিয়ে
নাড়াচ'ড়া ক'চ্ছ। ভূমি মাঝে মাঝে এসে ওকে
জিজ্ঞেস ক'রে নেবে। একেবারে রসনাগ্রে সরস্বতী।
আজ আমার এত আনন্দ হ'চ্ছে পণ্ডিতমশায়—
কতদিন যে আপনার গৌরব করছি! ধরুন, গুরু-
দক্ষিণা সকালে কিছু দিতে পারিনি!—আপনারই
আশীর্বাদে এখন যা হোক কিছু পাচ্ছি। আমার
বড় ইচ্ছে আছে, দেখি একবার মহারাজকে ব'লে।
(চিহ্নিলাসের প্রতি) তোমার তো হাতধরা তিনি
—তোমার কথা ছেড়ে দাও। যাক, দুই বজু যখন
আছি। একটা কিছু—যাক; আপনি এখন
কিছুদিন এখানে আছেন তো?—

অর্থপতি। ই্যা, তা আছি বৈকি?—

অমর। ব্যাস—ব্যাস, তা হলেই হোল।
আজ তাহ'লে পায়ের ধুলো দিন। এস বিলাস!
পণ্ডিতমশায়কে আর একবার প্রণাম কর। আশ্চর্য
পায়ের ধুলো। ওর শক্তি ভূমি জান না। আজ-
ওই পায়ের ধুলোর জোরে আমি এত বড়। যে
কামনা ক'রে পায়ের ধুলো নেবে, সেই কামনাই
তোমার পূর্ণ হবে। আচ্ছা, তাহ'লে আসি!
রাজকার্য্য র'য়েছে!—

[উভয়ের গ্রন্থান

অর্থপতি। তাইতো, লোকদুটো যে একে-
বারে আমার অভিবৃত্ত ক'রে দিলে!—বেশ ভক্তি
আছে। নিশ্চয়ই আমারই মত চেহারার কোন
পণ্ডিতের কাছে ছেলেবেলায় লেখাপড়া শিখেছিল।
কিন্তু টেঁচিয়ে টেঁচিয়ে বুড়ো বুড়ো ব'ললে কেন?
আমি কি সত্যিই বুড়ো?—আমার কি বয়েস
হ'য়েছে! চতুরিকা হয়তো শুনতে পেরেছে।
ওইটে না ব'লেই পারতো। যাহোক, লোক-

ছুটোকে হাতছাড়া করা নয়—কাজে লাগবে! না—আমার ব্যবহারটা একটু কড়া হ'য়েছে বটে! আজ চতুকে আদর ক'রে ছুটো মিষ্টি কথা বলিগে!

দৃশ্য

বাড়ীর ভিতর—ঘরের ভিতরে

(চতুরিকার নিকট একটা পুষ্পাচ্ছাদিত পেটিকা)

চতুরিকা। দূর-ছাই, কান্নাও তো আসেনা! চোখে জল যদি থাকে, তবেই কান্নার সুর খাপ খায়—নৈলে; আচ্ছা, কাঁচালক্সা চোখে দেব? হে মা দুর্গা! দুফোটা চোশের জল—দুফোটা দুফোটা—!

(অর্ধপতির প্রবেশ)

অর্ধপতি। চতু—চতু! ডিঃ ডিঃ, কেঁদনা—কেঁদনা! চতুরিকে—প্রাণাধিকে—নাথালিকে—কুসুমকলিকে! ডিঃ, কাঁদতে আছে কি? আমি কি কখনো তোমায় কড়া কথা বলি? আজ আর উপায় ছিল না চতু! তোমার ভালর জন্তই ককেছি। এতদিন ধরে তোমায় শিক্ষা দিয়েছি—আজ ছুটো বিলাসিনী স্ত্রীলোক,—হোক না সে তোমার সহোদর বোন—তোমার বালাসনী! তোমায় আমি শীশা লাখিত্রী দময়ন্তীর মত সতী গড়তে চাই। চতু—চতু! ডিঃ কাঁদে কি?

চতুরিকা। সে তো আমি জানি। আমি তো তোমার শিষ্য। আমি তো সে জন্ত কাঁদিনি।

অর্ধপতি। তবে তবে—?

চতুরিকা। আমার আজ ভয়ানক অপমান হয়েছে। সে অপমান তুমি কল্পনা করতে পারবে না। সে অপমানের কথা তোমায় যখন বলবো, তোমার সর্কশরীর জলে উঠবে। হয়তো বা তুমিই নদীর জলে ডুবে যাবে, কি বিষ খাবে।

অর্ধপতি। সে কি কথা চতু!

চতুরিকা। বড় ভয়ানক কথা। কিন্তু তার আগে আমি তোমায় মিনতি করছি, পায়ে

ধরছি—তুমি বল যে, তুমি রাগ করে আত্মহত্যা করবে না? তুমি যদি আত্মহত্যা করো তো আমার কি দশা হবে—আমি কোথায় দাঁড়াব? কার কাছে যাব? পৃথিবীতে আর আমার কে আছে? তুমি একাধারে আমার—না না, তুমি লজ্জা পেয়ো না,—আমি সত্যি কথা বলছি, তুমিই একাধারে আমার বাপ-মা, ভাইবোন, স্বামীপুত্র,—একাধারে সব! তুমি বল, আমার গা ছুঁয়ে দিবি কর—তুমি আত্মহত্যা করবে না?

অর্ধপতি। না—না, এই আমি দিবি করছি,—আমার প্রাণ যায় সেও ভাল, তবু আমি তোমার প্রাণে ব্যথা দেব না।

চতুরিকা। ওকি—ওকি, তুমি ওকি কথা বলছো,—‘প্রাণ যায় সেও ভাল’! তবে কি, তবে কি তুমি জানতে পেরেছ—তুমি সকল করেছ যে তুমি প্রাণত্যাগ করবে?

অর্ধপতি। না—না—না, ওটা আমি কথার মাত্রা হিসাবে বলেছি। প্রাণত্যাগ আমি করবো না চতুরিকা! কিন্তু তুমি বল, কে তোমায় অপমান করেছে? কিভাবে অপমান করেছে? কেন অপমান করেছে?

চতুরিকা। তা'হলে শোন। তুমি আমার বাড়ী আসতে বললে তো?—আমি বাড়ী এলাম। যখন ঘরে ঢুকি—দেখি, ঐ বাড়ীর বারান্দার ছ'জন ছোঁড়া—দেখতে শুনেতে বেশ ভাল!—আমায় দেখে হাসিঠাট্টা করতে লাগলো—

অর্ধপতি। কি, তোমায় দেখে হাসিঠাট্টা! পাপিষ্ঠ দুজ্ঞান লম্পট পরস্ত্রী-বৎসল চোর!—

চতুরিকা। আমি জানি, তুমি রাগ করবে; কিন্তু এখনো যে অনেক কথা বাকী!

অর্ধপতি। ঐধর্য—ঐধর্য—ঐধর্য; ভগবান! ঐধর্য দাও; কিন্তু—কিন্তু, আচ্ছা চতু! তুমি বল—অতি অল্প কথায় বল; তোমায় দেখে ঠাট্টা!—আমার সমস্ত শরীর—! কি বললে, ছুটো ছোঁড়া?—কি রকম দেখতে?

চতুরিকা। দেখতে শুনেতে বেশ খাশা। একজন একটু নাহুস-মুহুস, আর একজন লম্বা হিপছিপে—মুখে অল্প গোঁফের রেখা। সেই ছোঁড়াটাই হচ্ছে আগল নট!

অৰ্ধপতি। কি কি—কি বললে ?—

চতুরিকা। সে কল্পে কি,—ঘরের ভিতর গিয়ে একখানা চিঠি একটা পেটিকার ভিতর গুরে সেই পেটিকা ছুড়ে আমার বুকের উপর মাংলে।

অৰ্ধপতি। বুকে ?—বুকের উপর—একেবারে বুকে। আমার কিছ—কিছ—কিছ—কিছ—কিছ—

চতুরিকা। কিন্তু কি 'প্রাণে'—ও—না না, আজো তো তোমায় ও সন্দোহনের অধিকারী আমি নই! কিন্তু কি ভয়—!

অৰ্ধপতি। ঐ ছিপছিপে গড়ন, মুখে অন্ন গৌফ—?

চতুরিকা। যে তোমার পায়ের ধুলো নিলে, থাকে তুমি আশীর্বাদ করলে, সে সেই পাবও—সেই নরাধম!

অৰ্ধপতি। সেই নরাধম! ওঃ—চতু। জল জল; কিন্তু—

চতুরিকা। আবার 'কিছ' কি? এই জল খাও। (অৰ্ধপতির জলপান) কিন্তু জল খেয়ে আমার অপমানের প্রতিশোধ নাও।

অৰ্ধপতি। কিন্তু ও লোকটা যে বড় বড়লোক! ওর যে অনেক টাকা! আর তার উপর ও উজ্জয়িনী-রাজ্যের অৰ্ধগতিব।

চতুরিকা। হোক বড়লোক, হোক রাজসচিব—আমি ভয় করি না। আমি তোমাকে ছাড়া আর কাউকে জানি না, আর কারও দিকে চোখ তুলে চাই না,—এতে আমার ভাগ্যে বাই হোক। এই দেখ, এই সেই পেটিকা! এই পেটিকার মধ্যে চিঠি পাঠিয়েছে। এত বড় আশ্চর্য!—

অৰ্ধপতি। চিঠিতে কি লিখেছে?

চতুরিকা। ও চিঠি আমি পড়বো কেন? আমার কি ধর্মজ্ঞান নেই? আমি কি সত্যী নই?

অৰ্ধপতি। আজ্ঞা দেখি—আমি পড়ে দেখি।

চতুরিকা। হিঃ! ও চিঠি তুমি পড়বে কেন? কি দরকার তোমার? আমি ভেবেছি, ও যেমন চিঠি পাঠিয়েছে, ঠিক তেমনি ওর চিঠি না খুলে ওকে পাঠিয়ে দেব। তাহলেই বুঝতে পারবে আমার মনের অবস্থা। কিন্তু কাকে দিয়ে পাঠাই? আমাদের তো দারদ্রাণ-চাকর নেই। তুমি যদি

নিজে—আমার অবশ্য বলতে সাহস হয় না; কিন্তু—যদি পার তো তাহলে ঠিক মুখের উপর জবাব দেওয়া হয়।

অৰ্ধপতি নিশ্চয়ই! আমি যাব। তোমার এই সরল ব্যবহারে আমার মনে কি যে আনন্দ হয়েছে চতু! আমি কি করে তোমায় জানাব। ওরও শিফা হবে এরকম ঘটনায়। ওর চরিত্র পর্যন্ত সংশোধন হতে পারে। ছেলেটা আমার সঙ্গে আলাপ করলে—মন্দ বলেতো মনে হয়নি!

চতুরিকা। আজকালকার ছেলেমেয়েদের তুমি জান না। তারা ভেতরে এক রকম, বাইরে আর এক রকম! তোমার সঙ্গে তোমার মতো, আমার সঙ্গে আমার মতো!

অৰ্ধপতি। আজ্ঞা—আজ্ঞা, আমি বুঝতে পেরেছি। আমি একুণি যাচ্ছি। পাজি—লম্পট! হোক—না বড়লোক, আমার ভয় কি? আমিও কিছু দরিদ্র নই!

চতুরিকা। না—তোমার তেমন রাগ হচ্ছে না; আজ্ঞা, তুমি পত্র পড়েই দেখ। তবেই হয়তো তুমি উত্তেজিত হবে।

অৰ্ধপতি। না—না, আর আমার পত্র পড়ার দরকার নেই। আমার সত্যই রাগ হয়েছে—অত্যন্ত রাগ হয়েছে। রাগে আমি গরুগরু করছি! দেখি পেটিকা, আমি এই মুহূর্তে যাব।

চতুরিকা। তাকে বলো—তার চোখের ভাষা, মনের কথা আমি বুঝতে পেরেছি। আমি দময়ন্তী সাবিত্রীর মতো সত্য—

(অৰ্ধপতির পেটিকা লইয়া প্রস্থান। চতুরিকা অনেকক্ষণ ধরিয়া হাস্ত করিয়া বলিল—)

দেখা যাক, এখন কি হয়!—আমি যে এতটা চাতুরী খেলতে পারবো, আমার যে এরকম বুদ্ধি মাথায় আসবে—আমিই তা জানতাম না। “যার শিল তার নোড়া—তারই ভাঙি দাঁতের গোড়া”। সত্যি—বলতে কি, তরঙ্গিনীর কথা, ওদের স্বাধীন জীবন দেখে, আমার সাহস বেড়ে গেছে। তবে আমার বক্তৃতা বড় লাজুক!—সামনে দিয়ে এলাম, মুখের পানে চাইলাম, গান গাইলাম—একটা কথা বলেনা।

কিন্তু কি হৃদয় চেছারা! যেন স্বর্গের দেবতা মাটিতে নেমে এসেছেন! হে নারায়ণ, হে মহাদেব, হে মা দুর্গা! আমার অপরাধ নিও না। আমার এমন না করলে আমিও এতটা চাতুরী খেলতাম না। আমার আর উপায় নাই। দয়াকরী হংসদূত পাঠিয়েছিলেন আর সাবিত্রী নিজের স্বামী নিজে খুঁজে বার করেছিলেন। দুজনেরই নাম করেছি— তাতেও কি বন্ধু আমার বুঝবে না?

গান

মরমিয়া বন্ধু হে আমার!
কি যোহিনী জানে ছুটা নয়ন তোমার!
গৃহকোণে বাতায়নে বসেছিছু একা,
তোমায় আমার বঁধু, চোখে চোখে দেখা,
নীরব চাহনি দিয়ে, হরণ করিলে হিয়ে,
আমি হারাণে পরাণ নিয়ে চাহি চারিধার ॥

তৃতীয় অঙ্ক

প্রথম দৃশ্য

মণিভদ্রের গৃহ। উদ্যানবাটিকা।

রাত্রি দ্বিতীয় প্রহর

(নিপুণিকা একা একা বেড়াইতেছে। তারপর
আপন মনে গান ধরিল)

গান

বুঝিতে পারিনে আমি জীবনে কি চাই,
আমারে যে ভালবাসে তাহারে কীদাই!
কেন যে কীদাই কীদি—জানি না নিজে,
কটক বিঁধে হৃদে রয়েছে কিষে!
সদা কেন ভাবি যেন—‘কি নাই’ ‘কি নাই’।
হৃদয়নাগরে ডুবে পাই না কিনারা কূল।
আরো কত নারী আছে, আমি কি বিধির ভুল
কিসের অভাব কিছু খুঁজিয়া না পাই ॥

(নিপুণিকার কৃত্রিম অভিমান। মণিভদ্রের তাহা
ভালবাইবার প্রয়াস। নিপুণিকা সম্বন্ধে মণিভদ্রের
হৃৎকলতা খুব বেশী। নিপুণিকাকে প্রসন্ন রাখিবার
অন্ত মণিভদ্রের অদেয় বা অকার্য্য কিছু নাই।
মণিভদ্র অনেক কথা বলে—নিপুণিকা কচিং উত্তর
দেয়। নিপুণিকার গানের পর মণিভদ্রের প্রবেশ।)

মণিভদ্র। তুমি এখনো মুখ গম্ভীর ক’রে আছ
নিপুণ? এখনো তোমার—এখনো তোমার রাগ
গেল না? কেন? আমি কি দোষ করেছি?

নিপুণিকা। রাগ আমি কার উপর ক’রব?
কেনই বা ক’রবো? আমার বাপ নেই, ভাই
নেই—কেই বা আছে। তোমরা দয়া ক’রে বাড়ীতে
স্থান দিয়েছ,—খেতে পরতে দিচ্ছ—এই যথেষ্ট!
আমি কি এত অকৃতজ্ঞ যে, তোমাদের দয়া ভুলে
তোমার উপর রাগ করব?

মণিভদ্র। নিপু! আমি তোমায় দয়া ক’রে
খেতে পরতে দিচ্ছি, দয়া ক’রে বাড়ীতে রেখেছি—
এ কথা তুমি মুখ দিয়ে বললে?

নিপুণিকা। তুমি শুনে চাও ব’লেই বলেছি
—নৈলে বলতাম না।

মণিভদ্র। ছি লক্ষ্মীটী! আমার উপর রাগ ক’রো
না। তুমি কি জান না, আমি তোমায় কত
ভালবাসি!

নিপুণিকা। ভালবাসলে যামুখ আপনাই
জানতে পারে—চেষ্টা করে জানতে হয় না। তার
লক্ষণ আছে। ভালবাগা এত অস্পষ্ট জিনিস না
যে, তুমি আমায় বুঝিয়ে দেবে তবে ভালবাগা
আমি বুঝতে পারব!

মণিভদ্র। তাহ’লে আমি এখন কি ক’রবো—
তাই বল?

নিপুণিকা। তোমার প্রাণের বন্ধ ঠাকুর-
দাদার কাছে যাও! এই আশ্রকের পূর্ণিমাতোই
বোধ হয় তিনি চতুরিকাকে বিয়ে করবেন। যাও
—বরযাত্রী হওগে!

মণিভদ্র। তুমি জাননা নিপুণা! অর্থপতিকে
আমি কি রকম কড়া কথা বলেছি। তবে,
অনেকদিনকার আলাপ—তোমাদের সমস্ত সম্পত্তি
তার হাতে,—ওকে একটু হাতে রাখা আবশ্যক।

সেইজন্মই আমি ওকে নিয়ে একটু রহস্য করি।
তুমি যদি পছন্দ না কর, ওর সঙ্গে আর মিশবো
না!

নিপুণিকা। আমার জন্ম তোমার বন্ধুবিচ্ছেদ
হবে নাকি? না তা আমি হ'তে দিতে পারি।

মণিভদ্র। সে পরে যা হয় হবে। এখন তুমি
হেসে ছুটো কথা কইবে না? আজ পূর্ণিমামিলন-
রাত, আর আজই তুমি মন তার ক'রে
রইলে?

নিপুণিকা। আমার প্রাণে স্মৃথক আর নাই
থাক, তুমি যদি আদেশ কর—আমায় হাসতে
হবে নৈকি! চেটিরে হাসবো—না মুখ বুজে
হাসবো?

মণিভদ্র। আমি আদেশ ক'রবো তোমাকে!
কেন নিপু, তুমি বারবার এমন ক'রে আমার প্রাণে
ঘা দিচ্ছ? আমি তোমায় আদেশ করবো? তুমি
কি জান না, তোমার আদেশ পালন ক'রতে
পারলে আমি ধন্ত হই!

নিপুণিকা। জানি গো জানি,—সব জানি।
আমার জানতে কিছু বাকী নেই!

মণিভদ্র। তুমি কি জান না, কত আশা ক'রে
আজকের পূর্ণিমার জন্ম আমি দিন গুণছি? তুমি
ব'লেছিলে, চতুরিকা এখানে এলে তার বিয়ের
সম্বন্ধ ঠিক ক'রে তবে আমাদের বিয়ে হবে। তুমি
ব'লেছিলে, তোমার বাবার ইচ্ছা ছিল, হই
বোনের এক সঙ্গে বিয়ে হয়।

নিপুণিকা। তাই বুঝি তাড়াতাড়ি ওই বুড়োর
সঙ্গে চতুরিকার সম্বন্ধ ক'রছ?

মণিভদ্র। অৰ্পণতির সঙ্গে চতুরিকার সম্বন্ধ
আমি ক'রছি? তুমি জান, এ মিথ্যা কথা। রাগ
হ'লে কি তোমার জ্ঞান থাকে না?

নিপুণিকা। না—থাকে না। আমায়
জালাতন করো না। আমায় একটু একা
থাকতে দাও।

মণিভদ্র। বুঝতে পেরেছি, আমিই তোমার
চক্ষুশূল!

(নিপুণিকা উত্তর দিল না)

মণিভদ্র। বাকে ভালবাসি—সে যদি ভাল
না বাসে, সে যদি মুখ তুলে না চায়, সে যদি

হেসে কথা না কয়,—তাহ'লে জীবনে আর কি
স্মৃথ?

(নিপুণিকা সব কথা শুনিতেছে কিন্তু উত্তর
দিতেছে না। সে রহস্য মনে করিয়া আরও
রাগিতেছে)

মণিভদ্র। অথচ মামুষের কি ভুলই না হয়।
আমি বরাবর মনে ক'রে এসেছি, আমি যারে
প্রাণ দিয়ে ভালবাসি, সেও আমার তেমনি প্রাণ
দিয়ে ভালবাসে! কিন্তু—(অতি আগ্রহে আড়নরনে
নিপুণিকার মুখের দিকে চাহিল। মনে ধারণা,
নিপুণিকা নিশ্চয় এ কথার প্রতিবাদ করিবে।
নিপুণিকা একটু গুরিয়া বসিল।)

মণিভদ্র। যেখানে গ্রেম নেই, সেখানে
নারীকে ধরে রাখা—তাকে বন্দী ক'রে রাখার
মতই নির্ভরতা!

(নিপুণিকা পূর্ববৎ নিরুত্তর)

মণিভদ্র। থাক, এর জন্ম ছঃখ করে কোন
লাভ নেই। এইই সংসারের নিয়ম। ভালবাসার
বদলে যদি ভালবাসা পাওয়া যেতো, তাহ'লে
পৃথিবীই তো স্বর্গ হ'য়ে উঠতো! তা তো আর
হবার নয়; তোমার আমার যতই অহুবিধে
হোকি, পৃথিবী পৃথিবীই থাকবে।

(নিপুণিকা তথাপি পূর্ববৎ—নট নড়ন-চড়ন,
নট কিচ্ছু! কিন্তু মনোযোগ দিয়া সব
কথাই শুনিতেছে।)

মণিভদ্র। বিপুল পৃথিবী প'ড়ে আছে, ভাবনা
কি? যেখানে ছ'চোখ যায়—সেখানে যাব।
(অত্যন্ত গম্ভীরভাবে) না—সন্ন্যাসী-মহন্ত হব না।
গেকুয়া কাপড়, জটা, দাড়ি আর ভস্ম—বিশ্রী
ব্যাপার! সাদা কাপড়েই বেড়াব। সেই ভাল,
লোকে কিছু জানবে না, অথচ—

(নিপুণিকা প্রায় হাসিমাছে; তবু হাসি চাপিবার
চেষ্টা করিতেছে ও খুব গম্ভীর হইয়া আছে।)

মণিভদ্র। (দীর্ঘশ্বাস ফেলিয়া) তাহ'লে
নিপুণিকা, আমার বিদায় দাও!

গান

বিদায় দাও গো প্রাণসখী !
চলে যাব দেশান্তরে ।
এ মুখে ফুটিবে হাসি,
আমি চলে গেলে পরে ।

আশা ছিল দেখে যাব
মুখে তোর মুদ্র হাসি。
কানে কানে ব'লে যাব,
'আমি তোরে ভালবাসি' !

মনেতে রহিল আশা,
অফুট ভালবাসা,
সুখী হও তারে পেয়ে,
প্রাণ কাদে যার তরে,
ব্যর্থ প্রণয় মোর, রাখিলাম হিয়া পরে ।
সম্মতনে ঢালি জল, যদি কভু ফল ধরে ॥

(তরঙ্গিনীর প্রবেশ)

তরঙ্গিনী । বাঃ বাঃ বেশ—চমৎকার !
মণিভদ্র । (মাথা ঝলকাইতে) উঁ উঁ উঁ—
আপনি যে ?
নিপুণিকা । তাই তো, তুমি যে হঠাৎ এখানে
—অসময়ে ?

তরঙ্গিনী । আপনারা দু'জনেই তো আমাকে
দেখে একেবারে যেন গাছ থেকে পড়লেন ! কিন্তু
কেন ? আমার কি আস্তে নেই ?—না আমি
আস্তে পারিনে ?

মণিভদ্র । বিলক্ষণ ! আমার তো মনে হচ্ছে
আপনাকে পেয়ে আমি বেঁচে গেলাম !

তরঙ্গিনী । নইলে আপনাকে এবার বুঝি
প্রস্থান করতে হতো ?

মণিভদ্র । বিদায়-গান গেয়ে আমি রওনা
হবার জন্য প্রস্তুত, এমন সময়—

তরঙ্গিনী । সে তো আপনার ভগ্নী দেখেই
বুঝতে পেরেছি। তা' এখনো কি আপনাদের
মান-অভিমানের পালা শেষ হয় নি ?

মণিভদ্র । কই আর হ'লো ? আপনার সখী
তো কিছুতেই পালা শেষ করতে চান না ।

তরঙ্গিনী । আপনি বুঝি এখনো পায়ে ধরার
সুযোগ পান নি ?

মণিভদ্র । শুনেছেন ? বড়ই লজ্জা দিলেন
দেখছি ।

তরঙ্গিনী । লুকিয়ে লুকিয়ে তিনজনেই—
মণিভদ্র । তাহ'লে আপনিই না হয় এর
একটা ব্যবস্থা করুন ।

তরঙ্গিনী । তাই করবো ব'লেই এলাম ।
পায়ে ধরার সুযোগ আমি আপনাকে পাইয়ে দেব ।
নিশ্চিন্ত হোন ।

নিপুণিকা । কি হ'চ্ছে এ সব—তোর ও দিদি ?

তরঙ্গিনী । আরে বাপু! মেয়ের কি
মেজাজ ! আমার কর্তাকে ব'লে দেব, এবার যখন
যুদ্ধ বাধবে, তখন রাজার সেনাদলে ভর্তি ক'রে
দেবেন । ভদ্রমশায়, আপনি একটু গা'ঢাকা দিন
তো । আমি এটাকে নিয়ে চললাম । আমার
ওখানে আপনাদের সবার নিমন্ত্রণ । একটু পরে
যাবেন, আর সেইখানেই পায়ে ধরার সুযোগ
পাবেন ।

মণিভদ্র । হঠাৎ নিমন্ত্রণ ! ব্যাপার কি ?

তরঙ্গিনী । ব্যাপার যা, তা সেখানে গিয়েই
বুঝবেন । আগে আমি মান ভাঙ্গাই, তারপর
আপনাকে সুযোগ দেব ।

মণিভদ্র । আচ্ছা, দেশান্তরী যদি হতেই হয়—
আপনার ওখানে নিমন্ত্রণ খাওয়ার পর না হয় !

[মণিভদ্র প্রস্থান করিলেন]

তরঙ্গিনী । আঃ, কতক্ষণ অভিমান চ'লবে ?—
এইবারে মান ভাঙ্গ । তোমায় ছাড়া ও যে পৃথিবীর
আর কিছু জানে না !

নিপুণিকা । আমি কি তা জানিনে ভাই ।
তবে—আমার যে রাগ কার উপর, তা আমি নিজেই
কিছু বুঝিনে ! বোধ হয় আমার নিজেই উপর ।
মাঝে মাঝে আমার ভাল লাগে না, মনমরা হয়ে
থাকি । তখন যে কাছে আসে, কথা কয়—তার
উপরই রাগ হয় !

তরঙ্গিনী । এই রকম অবস্থা ?

নিপুণিকা । তুমি ঠাটা করুছ ভাই ? আমার
মাঝে মাঝে কাদতে ইচ্ছা করে !

ভরজিণী। বিয়ে করে ফেল—হঁ—বিয়ে করে ফেল। আর দেবী নয়। পূর্বরাগ—অহুরাগ—অনেক দিন হ'য়ে গেছে। আমি জানি—লক্ষণ সব মিলিয়ে পাচ্ছি!

নিপুণিকা। কেন, তোমার নিজের এ অবস্থা হয়েছিল নাকি?

ভরজিণী। হয় নি! সবার হয়—। তারপর বিয়ের জল গায়ে পলে তখন সব সেয়ে যায়। আর—ওঠ্। আমি বাড়ী গিয়ে ভেবে চিন্তে দেখলাম, তোমাদের দুই বোনের বিয়ের ভার আমাকেই নিজের হাতে নিতে হচ্ছে! তাই কৰ্ত্তাকে পাঠিয়ে দিলাম চিদ্ৰিলাস শ্রেষ্ঠকে আনতে, আর তোমাদের দু'জনকে নিয়ে যেতে এলাম স্বয়ং আমি। ওঠ্—চল্।

গান

মানিনি লো! দেখবো তোমার

মানের কত জোর—

নাগরে বসাব বামে রজনী না হ'তে ভোর।

কাল মেঘে মুখশশী

ঘেরিবে না পুনঃ আর,

আর না হেরিবি সহি,

দু'মননে অন্ধকার—

শারদ পূর্ণিমা রাতি

জীবনে আনিবে ভাতি

যোর মত দিনরাতি—

(হবে) হাসিভরা মুখ তোর ॥

দ্বিতীয় দৃশ্য

চিদ্ৰিলাস শ্রেষ্ঠীর বাড়ী—কক্ষ

(বিলাস ও অমরনাথ—অদূরে ভৃত্য রামটহল)

অমর। চল ভাই, আর দেরি ক'রোনা। গিন্নীর একান্ত অহুরোধ, তোমায় তিনি আজ না খাইয়ে ছাড়বেন না! স্তবধা—

বিলাস। শুধু খাওয়ার নিয়ন্ত্রণ। যদি তিনি সেই সঙ্গে তাঁর স্ত্রীমুখের দুই একখানা গান

শোনান, তবেই ভাই! তোমার নিয়ন্ত্রণ নিতে পারি।

অমর। তথাস্তু; সে ব্যবস্থা তো করতেই হবে। তাহ'লে আর দেরি ক'রো না ভাই! ঘরা কর—

বিলাস। ওহে অমরনাথ, তোমার পণ্ডিত-মশাই কি একটা হাতে করে এই দিকেই আসছেন। মেয়েটা কিছু বলেনি তো!

অমর। তাইতো, কিন্তু আমাদের যে রাজ-কার্য্যে বেকবাব কথা!

বিলাস। আচ্ছা, একটু বাড়ীর ভেতর গা-ঢাকা দিই। (রামটহলের প্রতি) ওরে! তুই বলিস, আমি রাজবাড়ীতে গেছি। আর—কি বলে, শুনে রাখবি।

[বিলাস ও অমরনাথের গ্রন্থান

রামটহল। এসে পড়ল।—আপনারা বাড়ীর ভেতরে যান।

(অর্থপতির প্রবেশ)

অর্থপতি। ওহে—ওহে, শোন—শোন!

রামটহল। আক্ষে করেন কৰ্ত্তা!

অর্থপতি। এটা চিদ্ৰিলাস শ্রেষ্ঠীর বাড়ী নয়?

রামটহল। আক্ষে।

অর্থপতি। তুমি বাড়ীর চাকর?

রামটহল। আক্ষে।

অর্থপতি। তোমার মনিব কোথায়?

রামটহল। আক্ষে, রাজবাড়ীতে গেছেন।

অর্থপতি। কখন আসবেন?

রামটহল। আক্ষে—এই এলেন বলে! আপনি একটু ব'সবেন কৰ্ত্তা, আক্ষে—

অর্থপতি। তুমি তো পরম আজ্ঞাকারী ভৃত্য দেখছি—'আক্ষে' ছাড়া তোমার মুখে কথা নেই! থাক, আমি বলবো না; আমি—আমি আবার আসবো। শোন, তুমি একটা কাজ কর; এই জিনিসটে তুমি তোমার মনিবকে দিয়ে বলবে যে, ওই লামনের বাড়ীর পণ্ডিতমশায় দিয়ে গেছেন। তাঁর সঙ্গে আমার দেখা করার দরকার—অনেক কথা আছে। ব'লো, আমি আবার আসবো।

[অর্থপতির গ্রন্থান

রামটহল। যে আজ্ঞে কর্তা।

(বিলাস ও অমরনাথের পুনঃ প্রবেশ)

বিলাস। কি বল্লেরে—কি বললে?

রামটহল। আজ্ঞে, বল্লেরে আবার আসবে।
আপাততঃ এইটা দিয়ে গেল।

বিলাস। কেন?

রামটহল। আজ্ঞে, তার কি জানি অ'মি?

অমর। ওহে, ওটা খুলেই দেখনা?—'ফলেন
পরিচীরেতে'!

রামটহল। আজ্ঞে, সেই ভাল—খুলেই দেখুন।

বিলাস। তুই বেটা তো দিন দিন ভারি ভক্ত-
বিটেল হয়ে পড়েছিস! যা বেটা যা বাইরে যা
—দেখ'বি কেউ আসে কিনা।

রামটহল। আজ্ঞে—কর্তা।

অমর। ব্যাপারখানা কি?

বিলাস। আমি স্বর্গে—না মর্তে!

অমর। চিঠি নিশ্চয়, তোমার প্রণয়িনীর লেখা।
অমন চাউনি, তারপর গান, চোখে চোখে দেখা।
যাক—চাঠিখানা পড়-দেখি শুনি। আর ঐ গদ্যভটা
নিজের চিঠি দিয়ে গেল।

বিলাস। 'বজ্র আঁটুনি ফস্কা গেরো'—ওরকম
লোকের ঐ রকমই হৃদয় হয়। যাক—সে সব
কথা পরে; আগে শোন, কি আমার লিখেছে:—
"চোখে দেখা বন্ধ হে, আমি আজও তোমার নাম
জানিনে। রূপ দেখেই মন মজেছে! চিঠি পড়ে
তুমি খুবই আশ্চর্য্য হবে। তোমায় চিঠি লেখার
সকল এবং যে উপায়ে চিঠি তোমার কাছে পাঠাচ্ছি
—আমার পক্ষে নিশ্চয়ই অসম-সাহসিক কাজ।
কিন্তু আমি যে অবস্থায় পড়েছি, তাতে আমার
আত্মসংযম আর নাই। এমন লোকের সঙ্গে আমার
বিয়ের সম্বন্ধ পাকা হয়েছে, যাকে আমি আদৌ
পছন্দ করিনা। হৃদনের মধ্যেই বিয়ে হওয়ার
কথা। সেইজন্যই এত মরিয়া হয়েছি। উপায়ান্তর
না থাকার মুক্তির জন্য একেবারে নিরাশ না হয়ে
তোমার উপর নির্ভর করছি। তবে শুধু যে বিপদে
পড়েই তোমার শরণাপন্ন হয়েছি, তা নয়—তোমার
সত্যি ভালবাসি। তবে একথা সত্যি যে, বিপদে
পড়েছি বলেই লাজ-লজ্জার মাথা খেয়ে—এরকম

লিখছি। যদি আমার চাও, যত শীগ্গির
পার আমার উদ্ধার করে আমাকে অধিকার
কর। তার আগে তোমার সকল জানতে চাই।
যেমন করে পার, তোমার ভালবাসা ও তরঙ্গ
আমায় জানাবে। যারা ভালবাসে, আমার বিশ্বাস—
সামান্য ইচ্ছিতে তারা পরস্পরের হৃদয় বুঝতে পারে।"

অমর। আশ্চর্য্য চিঠি! নাম নেই, ধাম নেই
—কিছু নেই অথচ পত্রবাহক—স্বয়ং। কি আশ্চর্য্য!
এরকম বুদ্ধি আমি এর আগে আর তো কোন
স্ত্রীলোকের দেখিনি।

বিলাস। আমার ভালবাসা দশগুণ বেড়ে
গেল। কিন্তু কি উপায়ে আমি চিঠি পাঠাব?

অমর। সেটা জানতে পারবে ঐ পত্রবাহক
এলে। ঐ যে, সে আসছে। আমি পালাই—
আমার কাছে লজ্জিত হতে পারে। খুব সাবধানে
ওর সঙ্গে কথা কইবে।

[অমরনাথের প্রস্থান]

বিলাস। আশুন—আশুন, পণ্ডিতমশায়।
আশুন—নমস্কার।

অর্থপতি। ছিঃ ছিঃ—হুমি কি ক'রেছ। ভদ্র-
গৃহস্থের কুমারী কত্তা—আমার ভাবী বধূকে তুমি
পেটিকা করে চিঠি পাঠিয়েছ?

বিলাস। আপনি আমার তিরস্কার করুন—
আমি অত্যাচার করেছি! কিন্তু আমি তো জানতেম
না, তাঁর সঙ্গে আপনার বিবাহের সম্বন্ধ হয়েছে।
আমি মনে করেছিলাম, উনি কুমারী—বিশেষ আজ
পূর্ণিমা তিথি—!

অর্থপতি। সম্বন্ধ হয়েছে কি আজ? বহুদিন
—বহুদিন—। তার বাপ ম'রবার আগে মেরেকে
আমার হাতে স'পে গেছেন। আমাদের সমান
ঘর। তখন ওর বয়স এগারো।

বিলাস। দেখুন, আমি বড়ই লজ্জিত হ'চ্ছি।
আমি তো এসব জানতেম না। তিনি না-জানি
কি মনে করেছেন—ছিঃ ছিঃ ছিঃ!

অর্থপতি। তিনি ভদ্রকত্তা সতীসাহসী—তিনি
তোমার উপর অত্যন্ত রাগ করেছেন। আমাকে
দিয়ে চিঠি ফেরৎ দিলেন—আর তোমাকে বলতে
ব'লেছেন যে—"তোমার চোখের ভাষা আমি
বুঝেছি—কিন্তু আমি দময়ন্তী—সাবিত্রী—"

বিলাস। ছিঃ ছিঃ ছিঃ! আমি মঃমঃ মঃমঃ
যাচ্ছি। আমি তাঁকে দেখবামাত্র ভালবেসেছি—
এই আমার অপরাধ! সেই জ্ঞাত নিকোঁধের মত
বা' করেছি, তা' আপনিতো ক্ষমা করবেন, সে
আমি জানি;—তাঁকেও ক্ষমা করবার জ্ঞাত
আপনাকে বলতে হবে। এইটুকু আমার হ'য়ে
আপনাকে ক'র্তে হবে! আপনি আমার বন্ধুর
শিক্ষক। দেখুন, আমি—আমি লম্পট নই!

অৰ্ধপতি। তা বুঝতে পাচ্ছি। আচ্ছা, আমি
তোমার হয়ে বলবো। কিন্তু খবরদার—আর
যেন কখনো!

বিলাস। আবার! (জিব কাটিল) আমি
হাড়ে হাড়ে শিক্ষা পেলাম। ছিঃ ছিঃ ছিঃ, আমার
এমন লজ্জা হচ্ছে। তা ছাড়া দেখুন, আমাদের
বয়সটাই বা কি—? এখনও ঠিক প্রজ্ঞা তো
হইনি। বৃহন্নায়দীয় পুরাণে পড়েছিলাম—আপনার
সঙ্গে একদিন—নারদীয় ভক্তি সম্বন্ধে আমি
আলোচনা করবো—।

অৰ্ধপতি। তা বেশতো, একদিন সুবিধামত
আলোচনা করা যাবে। যাক্—

বিলাস। দেখুন, আপনি যদি এক কাজ
করেন,—মানে আমি বড় অশুভপু হয়েছি কিনা!
আপনি যদি আমাকে একবার সঙ্গে করে ওঁর
কাছে নিয়ে যান—তা হ'লে চাইকি তাঁর পায়ে
ধরে আমি ক্ষমা চাইতে পারি। তাঁর পায়ে
ধরে আমার কিছুমাত্র লজ্জা নেই—আমি বড়ই
অশুভপু কিনা!

অৰ্ধপতি। হঁ—তা তোমার অশুশোচনা
দেখে আমার সত্যি কষ্ট হ'চ্ছে। আমি তোমাকে
তাঁর কাছে নিয়ে যাব—তবে একবার তাঁর
মতামতটা—

বিলাস। তাঁর মত নিতে গেলে তিনি যে
অশুভতি দেবেন, এমন তো আমার মনে হয় না।
তিনি পরমা সাধ্বী, আমার নরাদম লম্পট নিশ্চয়ই
মনে করেছেন! আপনি কালবিলম্ব না করে, এখনই
আমার নিয়ে চলুন—অশুভাপানলে হৃদয় পুড়ে গেল!

অৰ্ধপতি। আচ্ছা—আচ্ছা, তুমি এস।
আমি আমার বখালাধ্য চেষ্টা করবো, তারপর
আমার হাড্ডশ—আর তোমার বরাত!

বিলাস। আপনি একবার দেখালাকাংটা
করিয়ে দিন,—তারপর আমার বরাতে যা আছে
—হবে!

(অৰ্ধপতির অগ্রগমন; পশ্চাতে বিলাস। সে পিছন
ফিরিতেই অমরনাথের প্রবেশ; দুজনের চোখে
চোখে কথা এবং অৰ্ধপতিকে অশুষ্ঠ প্রদর্শন। অৰ্ধপতি
ও বিলাস চলিয়া যাওয়ার পর অমরনাথ চলিয়া
যাইতেছেন)

রামটহল। (অমরনাথের প্রতি) আজ্ঞে
কর্তা-মশায়! শুনছেন?

অমরনাথ। তুই বেটা আমায় পিছনে
ডাকিলি? হ্যা, ভাল কথা—শোন, তোরা শেঠজী
পণ্ডিতের বাড়ী থেকে এসে যদি ভুলে যায়—
তাকে মনে করিয়ে দিবি,—আমার বাড়ীতে
নেমন্তর আছে।

রামটহল। আজ্ঞে, তা দেব—তা দেব; সে
কথা না—

অমর। কি?—বল্‌বি কিরে বেটা?

রামটহল। ওই পণ্ডিতজীর বাড়ী খাসা
একটা মেয়ে আছে। তিনি জানালায় ধারে
দাঁড়িয়ে থাকেন আর শেঠজীকে দেখেন।

অমর। তাই নাকিরে?

রামটহল। আজ্ঞে হ্যা, তিনি শেঠজীকে খুব
ভাল বাসেন; আর শেঠজীও তেনাকে ভালবাসে।

অমর। তুই কি ক'রে জান্‌লি বেটা?

রামটহল। সেই মেয়েটাই ওই চিঠি লিখে
বুড়োকে দিয়ে পাঠিয়েছে। পণ্ডিত ঠাকুর যখন
চিঠি নিয়ে আসে, তখন শেঠজীর দিকে চেয়ে তিনি
এক এক বার হাসছিল—আর এক এক বার তেনার
মুখ-চোখ সব লজ্জায় লাল হয়ে উঠছিল।

অমর। তুই বেটা লুকিয়ে লুকিয়ে বুঝি এই
সব দেখিস?

রামটহল। আজ্ঞে হ্যা কর্তামশায়! আমার
বড় আনন্দ হ'য়েছে!

অমর। তোরা শুধু শুধু আনন্দ হয় কেন?

রামটহল। আজ যে পূর্ণিমা রাত—কর্তাজি!

অমর। সন্ধ্যাবেলা তুই কি খেয়েছিলি রে!
তোয় চোখজুটো যেন লাল লাল!

রামটহল। আজ্ঞে হ্যা, তা একটু খেয়েছি
কর্তা! আজ পূর্ণিমার রাত কিনা—আজ সবাই
খায়। সকালে শেঠজী একটা টাকা দিয়েছে
আমাকে।

অমর। এই নে—আর একটা টাকা নে।
শেঠজীকে নেমন্তন্ত্রের কথাটা মনে করে দিও—

রামটহল। যে আজ্ঞে কর্তা! আপনি গান
ভালবাস কর্তা?

অমর। তুই গাইতে জানিস না কি?

রামটহল। আজ্ঞে হ্যা কর্তাজি—একটু একটু
জানি। কিছু মনে যদি না করেন তো, গেয়ে
শোনাতে পারি। আমার বড় গাইতে ইচ্ছা
করছে।

অমর। গেয়ে ফেল; তোমার-সঙ্গে ইয়ারকিতে
আর বাকী থাকে কেন? বিশেষ, আজ যখন
পূর্ণিমে—আজ আর দোষ নেই।

রামটহল। শেঠজীর অবস্থা কিরকম, সেইটে
গানে বুঝিয়ে দিচ্ছি কর্তা।

গান

প্রা বলে চেয়ে দেখ

চোখ বলে—‘ছিঃ’!

আমি যদি আগে দেখি

ভাল হবে কি?

চায় বা না চায় তোমা সেই কুমারী,

কিন্তু সে হয় যদি পরের নারী;

অথবা সে যদি তোমায় গাছে তুলে দিয়ে—

পলায়ে চলিয়ে যায় মই কেড়ে নিয়ে;

তখন তোমার দশা বল হবে কি?

মন বলে শোন শোন—অত ভাবা মিছে,

বেশী যাবা ভাবে তারা প’ড়ে থাকে পিছে!

বুদ্ধি তখন বলে মাথা নেড়ে নেড়ে—

তুমি নাহি নিলে আর কেউ নেবে কেড়ে ॥

অমর। তোর গান শুনে ভারি খুশী হয়েছি।
এইনে—আর একটা টাকা নে। শেঠজীকে মনে
করিয়ে দিবি—ভুলিগনে যেন!

[উভয়ের প্রস্থান]

তৃতীয় দৃশ্য

অৰ্পণতির ঘর

(চতুরিকা ঘরের ভিতর বেড়াইতেছিল। অৰ্পণতির
সঙ্গে বিলাসকে ঘরে প্রবেশ করিতে দেখিয়া
একপাশে সরিয়া দাঁড়াইল এবং কৃত্রিম ক্রোধ
প্রকাশ করিয়া বলিতে লাগিল—)

চতুরিকা। কি আশ্চর্য! তুমি ওই লম্পটকে
সঙ্গে করে আমার কাছে নিয়ে এলে কেন? সত্ব
করে বল, তোমার মতলব কি? তুমি কি চাও,
ঔর রূপগুণে যুগ্ম হয়ে আমি আমার জীবন-যৌবন
ঔর পায় সমর্পণ করবো?

অৰ্পণতি। না—না, লক্ষ্মীটী! তুমি অতো
রাগ করোনা; একবার মন স্থির করে সব কথাটা
বুঝে দেখ। তুমি যে সব কথা আমায় দিয়ে বলে
পাঠিয়েছিলে—ও হয়তো ভাবতে পারে, সে সব
আমার বানানো কথা। আমি তোমার প্রেমের
একমাত্র অধিকারী, তা আমি জানি; তবু আমি
ইচ্ছা করি, কারো প্রতি অবিচার না হয়। ও
নিজের কানে শুনে যাক; তার উপর, ও বলে যে
“আমি অমৃতপু! নিজে তাঁর কাছে ক্ষমা চাইবো”;
সেইজগুই আমি নিয়ে এসেছি। তোমার মনোভাব
ও নিজে জেনে যাক।

চতুরিকা। কি আশ্চর্য! তুমি কি এখনো
আমার মনোভাব বুঝতে পারনি? তোমার কি
এখনো সন্দেহ হয়, আমি কাকে ভালবাসি?

বিলাস। এই ভদ্রলোক আপনার হয়ে আমার
যা বলেছিলেন, আর যেভাবে আমার পত্র ফিরিয়ে
দিয়েছিলেন, তাতে গোড়ায় আমি একেবারেই
অভিভূত হয়ে পড়ি! আমি স্বীকার করছি, আমার
একটু সন্দেহ ছিল। তবে আমি শুধু এইটুকু
জানাচ্ছি যে, আমার ভাগবাগা এত প্রবল যে,
তার পরিণাম কি—তা জানতে আমি একটুও
কুণ্ঠিত নই। আপনি আপনার মনের কথা আমায়
সামনে বলুন।

অৰ্পণতি। বেশ! ভাল কথা—তুমি বল।

চতুরিকা। উনি তোমায় যা বলেছেন, সেই
আমার প্রকৃত মনোভাব। চিঠি পেয়েই তোমার

বোঝা উচিত ছিল। তবু, তোমার সন্দেহ দূর
করবার জন্য আমি শেষবার বলছি। এখানে—
আমার চোখের সামনে দুজন লোক আছে; তাদের
দেখলে আমার মন অত্যন্ত উত্তেজিত হয়ে ওঠে,
কিন্তু দুই বিভিন্নভাবে। একজনকে সাবিত্রীর মত
আমি আমার জীবন-মরণের সঙ্গীরূপে বেছে
নিরেছি। তার জন্য আমার প্রাণ কান্দে! আর
একজন যতই ভালবাসুক—তার পরিবর্তে কেবল
আমার রাগ ও ঘৃণাই উদ্বেক করে! একজনকে
দেখলে আমার প্রাণ আনন্দে নেচে ওঠে, আর
একজনকে দেখলে ভয়ে মন সঙ্কুচিত হয়—ঘৃণায়
প্রাণ বিধিয়ে ওঠে! একজনের স্ত্রী হওয়া আমার
জীবনের সাধ—আর একজনকে বিয়ে করার চেয়ে
মরণও আমার প্রিয়। যাকে আমি ভালবাসি সে
যেন অবিলম্বে আমার বিয়ে করে এবং এই মৃত্যু-
যজ্ঞের হাতে থেকে আমার মুক্তি দেয়। আর
যাকে ভালবাসি না, সে যেন এই কথার পর
আর কোন আশা না রাখে। আমি আর বলতে
পাচ্ছি না—আমার মাথা ঘুরছে!

অর্থপতি। না—না, তোমার আর বলতে
হবে না প্রিয়তমে! আমি শীগ্গির তোমার মন-
স্বামনা পূর্ণ করবো।

বিলাস। ভাল; আপনি যা চান—আমিও
অবিলম্বে তাই করবো।

চতুরিকা। তা'হলেই আমি সুখী হব।

অর্থপতি। আমি বলছি, তুমি শীঘ্রই সুখী হবে।

চতুরিকা। এরকম প্রকাশভাবে প্রণয় জ্ঞাপন
করার লজ্জা ভদ্রমহিলার পক্ষে মরণের চেয়েও
বেশী! কিন্তু কি করবো—অদৃষ্ট!

অর্থপতি। না—না, তুমি কিছু মনে করো না।

চতুরিকা। তবে আমার ভাবী স্বামীর কাছে
একথা বলছি বলে আমার আদৌ লজ্জা নেই।

অর্থপতি। তা বটে—তা বটে; প্রিয়ে!
তুমি একটা রহস্য।

চতুরিকা। যে আমার ভালবাসে, এইবারে
সে ভালবাসার প্রমাণ দেখাক।

অর্থপতি। নিশ্চয়ই! এই আমি তোমার
হাতে চুমো খাচ্ছি।

(বিলাস একটি গভীর দীর্ঘশ্বাস ফেলিল)

চতুরিকা। হৃৎ-দীর্ঘশ্বাসের আঁখি অবসান।
কারো কথায় আমার প্রিয় যেন বিচলিত না হয়।

(অর্থপতির পশ্চাৎ দিক্ দিয়া চতুরিকা
বিলাসের করমর্দন করিল)

অর্থপতি। (বিলাসের প্রতি) নিজের কানে
সব শুনলে তো?

বিলাস। যথেষ্ট—যথেষ্ট; কুমারী। তুমি
আমায় কি করতে বলছ, আমি তা বুঝছি।
তোমার এই চক্ষুশূল আর একদিনও তোমার
চোখের সামনে থাকবে না।

চতুরিকা। তা'হলে আমি বড় সুখী হব।
তার দর্শন একেবারেই অসহ্য। আমি স্পষ্ট বলছি,
আমি তাকে ঘৃণা করি।

অর্থপতি। আহা—হা—হা! হিঃ চতু, অভো
রাগ করে?

চতুরিকা। আমার কথা শুনে তোমার কষ্ট
হচ্ছে নাকি?

অর্থপতি। না—না, তা নয়—তা নয়। এতটা
প্রকাশভাবে ভদ্রলোকের উপর কি রাগ করা
উচিত?

চতুরিকা। ভদ্রলোক—কিসের ভদ্রলোক।
একজন সরলা কুমারীর সর্বনাশ যে করতে যায়,
সে ভদ্রলোক! কি বলবো, আমার পুরো রাগ
আমি প্রকাশ কর্তে পাচ্ছি না।

বিলাস। ভাল; তোমার যাতে আনন্দ হয়,
আমি তাই করবো। যাকে তুমি ঘৃণা কর, মাত্র
তিনটা দিন পরে তার মুখ আর তোমায় দেখতে
হবে না। আমি শুধু তিনটি দিন সময় চাই।

অর্থপতি। সেকি বিলাস! তুমি কি দেশ-
ত্যাগী হবে? রাজমন্ত্রী তুমি।

(চোখে হাসি মুখে হৃৎ—বিলাস গভীরভাবে
মাথা নাড়িলেন)

চতুরিকা। এইতো পুরুষ মানুষের কথা!

বিলাস। ভাল, আমি চলেম—

অর্থপতি। (জনান্তিকে বিলাসের প্রতি)
তোমার জন্য আমি সত্যি হৃৎখিত!

বিলাস। আবশ্যক বেই। অন্তঃপর আপনি
আমার কাছ থেকে কোন অভিযোগ শুনে পাবেন

না। কুমারী চতুরিকা ভালই করেছেন। এরপর আমাদের কারও কোন কোভের কারণ থাকবে না। আমি চলেম।

অৰ্ধপতি। ওহে বিলাস! কোমার জন্ত আমার কান্না আসছে। এস—আমি তোমায় আলিঙ্গন করছি; হাজার হোক, আমি তো ঠাঁর অর্ধাঙ্গ বটে? হৃৎকের সাধ ঘোলেই মিটাও। ছেলে-মাহুষ কিনা, আহা! আরে ছিঃ—আগে স্বীলোকের মন বুঝে তারপর প্রেম করতে হয়।

(বিলাস অৰ্ধপতির প্রতি রহস্যপূর্ণ দৃষ্টি নিক্ষেপ করিয়া আর এক কটাক্ষে চতুরিকার সহিত কটাক্ষ বিনিময় করিল। তারপর বিলাস চলিয়া গেল।)

অৰ্ধপতি। লোকটার জন্ত আমার ভারি দুঃখ হচ্ছে—সত্যি বলছি।

চতুরিকা। কেন—কিসের দুঃখ? আমার একটুও দুঃখ নেই।

অৰ্ধপতি। যাক ওকথা; কিন্তু আজ তোমার ভালবাসার পুরো প্রমাণ পেয়ে আমি যে কি পরিমাণে আনন্দিত হয়েছি, তা আর তোমায় কি বলবো! আমি ভেবেছিলাম, দুদিন পরে বিয়ে করবো; এখন তাবুছি, না—আর দেরি করবো না। কালই আমাদের বিয়ে। আমি দেরি করে তোমায় কষ্ট দিয়েছি—নিজের কষ্ট পেয়েছি। তুমি একটু বস, আমি পুরুতকে খবর দিয়ে আসি।

[অৰ্ধপতির প্রস্থান]

চতুরিকা। কি সর্বনাশ! এ যে আবার নতুন বিপদ। দোহাই মা রক্ষাকালী, দোহাই নারায়ণ, দোহাই মধুসূদন। একটা কিছু বুদ্ধি—একটা কিছু বুদ্ধি। না,—এ নারায়ণ, রক্ষাকালী, মধুসূদনের কাজ নয়। হে মা দুই সরস্বতী, তুমি ভর কর মা, তুমি ভর কর।

গীত

ওমা দুই সরস্বতী। একবার এসে চাপ দাও,
অন্ত দেবীর সাথ্য নাই মা,
তাইতো তোমায় ডাকি ছন্দে।

ওমা, শাঠ্য অস্ত্র শঠের সাথে,
দুই বুদ্ধি যোগাও মাথের
ওগে', বিচিত্র-বিলাসময়ি।
প্রেম যেন মোর হয় মা অস্বী—
(আমি) শ্রিয়ের ভরে লজ্জাসরম
ছেড়েছি পরমানন্দে

চতুর্থ অঙ্ক

প্রথম দৃশ্য

অমরনাথের বাড়ী—কক্ষ

রাত্রি তৃতীয় প্রহর

(তরঙ্গিনী ও নিগুণিকা প্রবেশ করিল।)

তরঙ্গিনী। সত্যি বলছি ভাই, আমার ভাবনা চতুরিকার জন্ত নয়—ওর চোখে যে আগুন আছে, তা দেখে পুরুষপতঙ্গ আপনাই আসবে। ও যদি বুড়োকেও বিয়ে করে, তাকে নিয়েই মানিয়ে চলতে পারবে। আমার ভাবনা তোর জন্ত—

নিগুণিকা। কেন?—আমার জন্ত কিসের ভাবনা?

তরঙ্গিনী। তুই একটু বেশীমাত্রায় অভিমানী। অন্তটা অভিমান কিন্তু ভাল নয়।

নিগুণিকা। তুমিও তো কম অভিমানী নও। যদি না জানুভেম—তোমার কথা।

তরঙ্গিনী। আমি হিসেব করে অভিমান করি। তুমি ভাই, একটু বেহিসেবী!

গান

পুরুষ তো সহি, এক রকমের নয়।
কেউ বা নারীর চরণ ধরে,
কেউবা করে হৃদয় অয়।
তোমার তিনি যেমন মাহুষ,
. তেমনি তোমার হৃদয়লয়।

তাই বলি সই! হিসেব ক'রে
ক'রবি অভিমান—
কাদতে গিয়ে আড়নয়নে
হানতে হবে নয়ন-বাধ।

জীবন-ভরা ক'রলে যতন,
তবেই সে হয় ছান্ন-রতন;
নৈলে নিতা খুঁজবে নূতন
কিসে মনের মতন হয় ॥

নিপুণিকা। বিয়ে তো হ'য়েছে এক বছর—
এর ভিতর এত কথা কেমন ক'রে শিখলি?
তরঙ্গিণী। যে শেখে—তার একবছরও লাগে
মা। তিন মাস স্বামীর সঙ্গে ঘর কর, আশা করি
ভূমিও বুঝবে।
নিপুণিকা। ঐ তোমার বর আসছে!
একা যে?

(অমরনাথের প্রবেশ)

তরঙ্গিণী। কই, তোমার বন্ধুর তো এখনো
দেখা নেই—রাত যে অনেক হলো।

অমর। সে যখন আসবে ব'লেছে—তখন
আসবেই। কিন্তু তোমার ব্যাপার তো ওই—

তরঙ্গিণী। হ্যাঁ—

অমর। এর মধ্যে ভগবান প্রজাপতির নির্বন্ধ
আছে। বন্ধু আমার তাঁকে দেখেই মুগ্ধ। আহা,
সেই বুড়োটিকে পণ্ডিতমশায় ব'লে আমিই কত
ঠাট্টা করলাম। (নিপুণিকার প্রতি) তিনি
আপনার ভগ্নী?—কি আশ্চর্য।

নিপুণিকা। সহোদর বোন।

তরঙ্গিণী। ওকে কি এতদিন উজ্জয়িনীতে
রেখেছিল? গোড়া থেকেই বুড়োর মতলব খারাপ।
বুঝতে পাচ্ছন?।

অমর। খুব বুঝতে পাচ্ছি।

নিপুণিকা। আমি শুন্লাম, সাত দিনের মধ্যে
বিয়ে করবে।

অমর। আপনি কার কাছে শুন্লেন?

তরঙ্গিণী। যার কাছেই শুহুন না কেন।
মাছুষটা নিয়ে তো তোমার দরকার নয়—ঘবরটা
এই।

অমর। ও—তিনি? তাই নাকি।
তরঙ্গিণী। হ্যাঁ—তিনি তাই। তিনি আমার
তার খুব বন্ধু। নাতি-ঠাকুরদা সম্পর্ক।
অমর। তাঁকেও তো নিমন্ত্রণ করেছি; তিনি
আসবেন তো?

তরঙ্গিণী। আসবেন; তবে তাঁকে জল ক'রে
রেখেছেন ইনি। এক বাড়ীতে থেকেও সেই থেকে
কথা বন্ধ, চোখে চোখ প'ড়লে মুখ ফিরিয়ে নেওয়া
—সে দস্তুর মত শাসন! রাগ দেখিয়ে অম্বার
সঙ্গে চ'লে এলেন—বেচারী নাকাল!

অমর। তোমার কাছ থেকেই বোধ করি
শেখা। আহা, বেচারার অবস্থা যে কি হয়, তা
বেচারা মাত্রই হাড়ে হাড়ে বোঝে!

নিপুণিকা। রাজায় রাজায় লড়াই—মার
থেকে উলুখড়কে নিয়ে টানাটানি কেন?

অমর। ওসব কথা যাক। এখন বিলাস কি
রকম লাজুক—জান তো? কখনো কোথাও নিমন্ত্রণ
নেয় না। তোমার গান শুন্তে পাবে এই লোভে
আসছে—বঞ্চিত করোনা গেন!

তরঙ্গিণী। এই আগে থাকতেই বুঝি ফরমাস
আরম্ভ হলো?

অমর। একি ফরমাসের কথা তরঙ্গ? সেরেফ
বদনামটা জানিয়ে রাখলাম।

তরঙ্গিণী। আচ্ছা, সে পরে দেখা যাবে। মন
মেজাজ যদি ঠিক থাকে—

অমর। সে ভাল কথা।

নিপুণিকা। এই যে, ইনি আসছেন।

তরঙ্গিণী। শুধু ইনি নন—সঙ্গে তিনিও
আছেন।

(বিলাস ও মণিভজের প্রবেশ)

বিলাস। (মণিভজের প্রতি) আপনিও এই
বাড়ীতে?

মণিভজ। (বিলাসের প্রতি) তাইতো
দেখছি; আপনিও এই বাড়ীতে?

বিলাস। (অমরকে দেখাইয়া) ইনি আমার বন্ধু।

মণিভজ। এর সঙ্গে যদিও আমার বিশেষ
পরিচয় নেই,—তবে এ'র স্ত্রী শ্রীমতী তরঙ্গিণী দেবীর
সঙ্গে—

অমর। আপনার খুব ঘনিষ্ঠতা—

মণিভদ্র। (একটু অপ্রস্তুত হইয়া) না—

তরঙ্গিণী। হিঃ, অপরিচিত ভ্রমলোককে বুঝি এমন ক'রে অপ্রস্তুত ক'রে! আপনি কিছু মনে করবেন না মশায়, ঠা'র কথাবার্তা ওই রকম। শ্রেষ্ঠমশায়, বসুন।

অমর। আমি আগে সকলের সঙ্গে সকলের পরিচয় করিয়ে দিই। স্বীকার করা যাক্—আমরা সবাই সবাইকে চিনি। (মণিভদ্রের প্রতি) আমাদের আপনি চেনেন—আবার (বিলাসের প্রতি) উনি আমাদের চেনেন,—সুতরাং আপনি ঠেকে চেনেন।

মণিভদ্র। আপনাদের দুটিকে উজ্জয়িনীর বিলাসীসমাজে কে আর না জানে বলুন? আপনারা রাজপুত্রের প্রিয় সহচর।

অমর। তারপর, ইনি আমার স্ত্রী! (মণিভদ্র ও বিলাসের প্রতি) আপনিও জানেন—আপনিও জানেন। (নিপুণিকার প্রতি দৃষ্টি আকর্ষণ করিয়া) আপনি তো জানবেনই। (বিলাসের প্রতি) আর আপনিও যে অসুস্থ্যমান করতে পারবেন না, একথা মনে ক'রলে আপনার বুদ্ধির প্রতি অবিচার করা হয়।

বিলাস। তবে কি ইনি—

অমর। হ্যাঁ, তিনি।

বিলাস। হ্যাঁ, মুখচোখের মিল আছে।

অমর। তাহ'লে ত্রিমুখ-পঙ্কজ বেশ ভাল করেই দর্শন হ'য়েছে?

বিলাস। (মৃদু হাসিতে হাসিতে) হ্যাঁ—তা হ'য়েছে।

অমর। আশা প্রদ?

বিলাস। আমাদের কথাবার্তার ভাষা এখানে কি আর কেউ বুঝতে পাচ্ছেন?

অমর। কেউ না;—শুধু তুমি আর আমি। আশা প্রদ কি না—তুমি বল না?

বিলাস। শুধু আশা প্রদ নয়—সে চোখে যে কি দেখেছি, তা আমি তোমায় বলতে পারবো না। একবার কথা ক'রে আমি বুঝেছি—আমি তার, সে আমার। ভগবান আমাদের পরস্পরকে পরস্পরের জন্ত সৃষ্টি করেছেন। আর কি বুদ্ধি;

কথা কইবার কি ভাব—কি ভদ্রিমা! ওখানেই দেয়ি হ'য়ে গেল। জেনে রাখ—প্রাণটী রেখে এসেছি।

অমর। তাহ'লে কার্য্যসিদ্ধি বল?

বিলাস। একদিক দিয়ে ভাবতে গেলে কার্য্য-সিদ্ধি বটে! তবে—

অমর। সীতা-উদ্ধার বাকী তো? তা তোমার ভাগ্যে যে রকম সীতা জুটেছেন, তা দেবী নিজেই রাবণকে দিয়ে হনুমানের কাজ করিয়ে নিতে পারবেন বিলাস। তা দেবীর যে রকম বুদ্ধি—তিনি ইচ্ছা করলেই পারেন। স্ত্রীলোকের এ রকম বুদ্ধি আজ পর্য্যন্ত অন্ততঃ আমি দেখিনি। ঠা'র চতুরিকা নাম সার্থক বটে। (তরঙ্গিণীর প্রতি) তরঙ্গ। সব শুনলে তো? নিপুণিকা-দেবী! আপনিও শুনলেন। এখন নিশ্চিত হলেন তো?

নিপুণিকা। শুনে আশ্চর্য্য হচ্ছি! মুখ দিয়ে সাত চড়ে কথা বেরোয় না—ওর পেটে পেটে এত বুদ্ধি।

বিলাস। তবু আমি তো ঘটনা কিছু বলিনি; যে কাণ্ড করলেন—আপনারা যদি শোনেন।

তরঙ্গিণী। আপনি বলুন না—আমাদের শোনা-বার জন্ত সত্যিই বড় কৌতূহল হয়েছে।

বিলাস। না, আজ বলবো না—আজ বলা অজায় হবে। এখনো তিনি কুমারী। যদি কার্য্যোদ্ধার করতে পারি—যদি ভগবান দিন দেন, তখন ঠা'র সামনেই আপনাদের শোনাবো।

মণিভদ্র। আপনি স্মৃতিবেচক—আর বুঝলাম তাঁকে সত্যি ভালবাসেন!

অমর। দেখুন ভদ্রমহাশয়! আপনি নিপুণিকার ভাবী স্বামী; সেইজন্ত আপনাকে আমরা এই ষড়ষজ্ঞের কথা বলছি। আপনি আপনার ঠাকুরদামশায়কে একটু সাবধান ক'রে দিতে পারেন; কিন্তু তার বেশী কিছু বলবেন না। আমাদের এখানে আজ এক মহা ব্যাপার হবে!

গান

কিশোরী আজ হবেন রাজা

আমাদের এই বৃন্দাবনে,

কেলি-কদম্বের তলে—বসাব রাজসিংহাসনে

গোপনে আনিয়া শ্রামে
বসাব রা'য়ের বাঘে
বৃন্দা-মন্ত্রী আজ্ঞা দিল
বাঁধিতে বিদ্রোহীগণে,
সেনাপতির ইচ্ছা শুনি'
জয়ী হবেন বিনা রণে—
ধরাশায়ী হবে শত্রু
কটাক-শর-ক্ষেপণে।

তরঙ্গিণী (যগিত্তরের প্রতি) আপনি বোধ-
হয় বুঝতেই পাচ্ছেন, অর্থপতি আপনার সামনে
আমাদের যে অপমান ক'রেছেন, আমরা তার
শোধ নেব'। তাঁর সঙ্গে চতুরিকার বিয়ে হবে
না। আমরা তাঁর মুখের গ্রাস কেড়ে নিয়ে
আমাদের অর্থাৎ নারীজাতির পরম ভক্ত এই
চিহ্নিলাস শ্রেষ্ঠী মহাশয়ের হাতে তুলে দেব—ছুটের
দমন শিষ্টের পালন করবো। আপনি কোন্ পক্ষ
নেবেন, তাই বলুন ?

নিপুণিকা। কিম্বা নিরপেক্ষ থাকতে চান কি
না—তাও বলুন ; আপনার যা অভিকৃতি।

যগিত্তর। ছি: নিপুণ, আমি হৃদয় ওর সঙ্গে
কথা ক'রেছি বলে তোমার এত রাগ হলো যে,
সে রাগ এখনো প'ল না ? তুমি কি জান না,
তোমার সামান্য মনস্তত্ত্বের জন্ত পৃথিবীতে আমার
অসাধ্য বা অকার্য্য কিছু নেই ?

অমর। ব্যস—ব্যস। আর বলতে হবে না—
আর বলতে হবে না। আমরা বুঝে নিয়েছি—উনি
আমাদের দলে। তরঙ্গ, নাম লিখে নাও।

যগিত্তর। না, আমার সব কথা এখনো বলা
হয়নি। আমি বলি—।

অমর। সে বাড়ী গিয়ে বলবেন—নির্জনে।
দশজন ভদ্রলোকের সামনে এর বেশী আর বলতে
নেই। আমি বলছি, কুমারী নিপুণিকা-দেবীর
(সকলের হাত) সমস্ত রাগ জল হ'য়ে গেছে।
ওই দেখুন, উনি কি রকম হাসছেন।

তরঙ্গিণী। তাহ'লে এইবার বাড়ীর ভিতর
চলুন। আপনাদের আহ্বাণ্য প্রস্তুত।

অমর। ছি: তরঙ্গ ! কথা দিয়ে কথা না
রাখলে কি ভদ্রতা হয় ? তোমার গান—

তরঙ্গিণী। আচ্ছা ; এখন আমার অবানী
—গাইছি ; কিন্তু গানখানি যিনি গাইবেন, তিনি
এখানে উপস্থিত নেই।

গান

তোমরা তাহারে সই। কেন বল পর ?
আমি লো চাতকী সই—সে যে নব জলধর ;
হরণ করিল মোর মন মনোহর !
স্বতি কি ভুলিতে পারে, লেখা আছে আঁখিধারে,
আমি যে দিয়েছি তারে আপন অন্তর।
চোখে চোখে যেই হলো দরশন-বিনিময়,
অমনি পড়িল মনে, আমি ছাড়া সে তো নয় !
যুগে যুগে দেখাশোনা, ধরনীতে আনাগোনা,
আবার মিলিছে দোহে দীর্ঘ বিরহ পর

দ্বিতীয় দৃশ্য

অর্থপতির গৃহ—কক্ষ

(সজ্জিত অবস্থায় চতুরিকা)

গান

মোরে দেখিছ যেমন,
আমি নহিতো তেমন ;
কেমনে বুঝাব নাথ,
আমি যে কেমন !
এই ছদ্মরূপ সগা—
আমি নয়, আমি নয়,
আচরণ অন্তরে
আছে মোর পরিচয় ;
ব্যথা যে যায় না তবু—
যদি কভু দিন পাই,
তখন বুঝাব নাথ !
এ হাসি তো হাসি নয়—
হৃদয়ের অক্ষপাত ।
কে জানিত অভাগীর—
কপালে লেখা এমন ॥

পুরোহিত ও অৰ্ধপতির প্রবেশ)

অৰ্ধপতি। এস ঠাকুর। এস—ব'স। আমি সখ ঠিক করছি

পুরোহিত। ব'সতে আমি পারবো না বাপু। আজ আমার কাজের কি শেষ আছে? সেই সন্ধ্যা থেকে আরম্ভ করে তিনকুড়ি পাশুর পার ক'রে দিছি। এখনো একপ্রহর রাত আছে, এর মধ্যে অন্ততঃপক্ষে আরও গোটাকুটি সারতে হবে। এমন শুভদিন এ বছর নেই। তুমি মেয়ে বার কর কর্তা, মেয়ে বার কর।

অৰ্ধপতি। আমি ভাবছি ঠাকুরমশায়—

পুরোহিত। এখনো ভাবছ! আজকের রাতে ভাবাচিন্তের কাজ ত্যাগ ক'রে তবে আমাকে ডাকতে হয়। ভাবতে কতক্ষণ লাগবে? ভাবাটা একটু চট্ট ক'রে সেয়ে ফেল না বাপু। না হয়, কি ভাবতে হবে বল না? তোমার হ'য়ে আমিই না হয় একটু ভাবি। বলি, তোমার মেয়ে ঠিক আছে তো?

অৰ্ধপতি। তা আছে।

পুরোহিত। তবে আর ভাবনাটা কি? আর বা বা দরকার, আমার এই পুঁটুলিতে আছে। মেয়ে ডেকে এনে তুমি ব'স।

অৰ্ধপতি। ভাবনাটা হ'চ্ছে এই যে, কত্রে দান ক'রবে কে?

পুরোহিত। এসব কাজে কত্বেকর্তা দরকার হয়না, তাও জান না বুঝি? আজ তিন বছর মহারাজ হুকুম দিয়েছেন, মেয়ে ভালবাসলে অমনি তখনই বিয়ে—বরকর্তা কনেকর্তা কিছু দরকার নেই। হু'গাছা ফুলের মালা, বর, ক'নে, গুরুত, আর একজন সাক্ষী।

“কত্তা হৈল কত্তাকর্তা, বরকর্তা বর।

বিবাহের মজ পড়িবে ফুলশর।”

ব্যাপার এই। দেখতে পাছ না, আজ এই পূর্ণিমামিলনে কত ছোড়াছুড়ির যে বিয়ে হলো—তার আব কি সংখ্যে আছে?

অৰ্ধপতি। তাহ'লে কনেকর্তার দরকার নেই?

পুরোহিত। ভালবাসার যদি বিয়ে হয়—শুধু একজন সাক্ষী; তা বাড়ীর একজন চাকরবাকরকে ডাক নাও না?

অৰ্ধপতি। আমি সব তিনদিন এখানে এসেছি, চাকরবাকর তো মশায় এখনো খুঁজে পাইনি। তুমি যদি কাউকে একবার—

পুরোহিত। তুমি বাপু এত হাদ্দামার ফেলতে পার মাহুযকে। আমি এখন কোথায় কারে পাই বল দেখি? একে আমার তাড়াতাড়ি। আচ্ছা আচ্ছা—তুমি মেয়ে বার কর। সামনে চিহ্নিলাস শ্রেষ্ঠীর বাড়ী, আমি ঠর বাড়ী থেকে কাউকে ডেকে আনি।

অৰ্ধপতি। না-না-না—ঠাকুরমশায়! ও শ্রেষ্ঠীর বাড়ীর কাউকে ডেক না; ওদের সঙ্গে আমার ঠিক—

পুরোহিত। এরই মধ্যে মুখ-দেখাদেখি বন্ধ ক'রে ব'সে আছ? ওরা যে আমার যজমান। আর ছেলটিও তো বেশ ভাল।

অৰ্ধপতি। না, ছেলে ভাল—চমৎকার ছেলে! সে আমার সঙ্গে অস্ত্র ব্যাপার। আমি নতুন মাহুয এখানে—কারও সাথে পাঁচো থাকিনা ঠাকুর।

পুরোহিত। তা আজ পূর্ণিমার রাত আছে—এখনো রাত্তায় লোক-চলাচল বন্ধ হয়নি; ছোটো টাকা খরচ করলে লোকের অভাব কি? তা—ই্যা বাবা, তোমার এ ক'নেটির প্রথম পক্ষের ছেলেপিলে কি বাবা? বিধবার বিয়েতে আগে মেয়েটিকে শোধন ক'রে নিতে হয়, তারপর বিয়ে।

অৰ্ধপতি। বিধবা নয় ঠাকুর, বিধবা নয়। আনুকোরা কুমারী।

পুরোহিত। ছোট কুমারী মেয়ের সঙ্গে তোমার বিয়ে কি ক'রে হবে বাবাজীবন? তুমি তো কর্তা, আমার চেয়ে বেশী ছোট নও।

অৰ্ধপতি। না—না, বল কি ঠাকুর! তোমার তো গঙ্গামুখো পা—ঘাট পেরিয়ে গেছে যে!

পুরোহিত। তা আমার যাই হোক বাবাজী! তুমিও আমার কাছাকাছিই আছ।

অৰ্ধপতি। আরে না ঠাকুর, না—আমার ধাত একটু ভারী, তাই ভারিকে দেখার; নইলে আমার বয়েস বেয়ামিশ।

পুরোহিত। এখনো চোখে দেখতে পাই বাবা—একেবারে কাণা হইনি। অবিভি, খত্তরবাড়ী গিয়ে আমিও পরামর্শ বলি!

অর্থপতি। আরে চূপ্ কর, চূপ্ কর ঠাকুর।
আচ্ছা, আমি একটু বাড়ীর ভিতর থেকে আসি—
উনি আমাকে বোধ করি একবার ডাকছেন।

পুরোহিত। হ্যাঁ, ওই যে রিনিঝিনি কিঙ্কিকিনি
কঙ্কণ বাজছে। তা একবার ওনার কথাটা শুনেই
এস। তা আমার কাছে ওঁর এত লজ্জা কি? আমার
সামনে বেরিয়ে কথা কইলেই তো হয়—
আমার সামনে বেরুতে হবেই, মজ্ঞ তো আমিই
পড়াবো।

(একটু দূরে পর্দার আড়ালে গিয়া অর্থপতি ও
চতুরিকার কথা। বৃদ্ধ পুরোহিত উহাদের
কথাবার্তা শুনিবার চেষ্টা করিতেছে
এবং মেয়েটিকে দেখিবার
প্রয়াস পাইতেছে)

পুরোহিত। আহা, দুখে আলুতা রং! পাশও
ছুঁড়িটাকে তো বেড়ে বাগিয়েছে! না; পরের
বিয়ে দিয়েই জীবন গেল—নইলে; এর যদি এই
বয়সে এরকম জোটে তো আমিই বা কি দোষ
ক'রেছি।

অর্থপতি। কি—গুণ্ডগোলটা কি?

চতুরিকা। সে এক গঙ্গা ব্যাপার।

অর্থপতি। তাহ'লে বিয়ে কি আজ বন্ধ
রাখবো? না হয়, কাণ রাতে—

চতুরিকা। না না, সে হয় না—ও 'শুভম্ভ
শীঘ্র'; বিশেষ, তুমি যখন নিজের ওঁকে ডাকিয়েছ।

অর্থপতি। ব্যাপারটা যে কি, তাইতে তুমি
এখনো ব'ললে না।

চতুরিকা। সে তোমায় এককথায় বলি কি
ক'রে? লোকটা আবার কাণ পেতে আছে।

পুরোহিত। কি বাবা, বিয়ের কনের সঙ্গে
বিয়ের সময় এত কি ফুসর-ফাসুর। নিশ্চয় ভিতরে
কোন গুণ্ডগোল আছে। ব্যাটা পাশও কি কোন
গেরস্তের বউকে ফুসলে ফাসলে বার ক'রলে নাকি।
না, এ সহজে ছাড়া নয়—কিছু আদায় ক'রতে
হবে।

অর্থপতি। তাহ'লে ওকে কি ব'লবো?

চতুরিকা। ও এখানে থাকলে চ'লবে না
ওকে কিছুক্ষণের অস্ত্র বাইরে যেতে বল। জালাতন

বটে। কোথায় এখনি তোমার সঙ্গে বিয়ে হ'য়ে
যাবে—তা না, খামকা খামকা বিপদ। পুরুত
ঠাকুরকে ব'লে দাও, একদণ্ড পরে যেন
ফিরে আসে; তা যদি সম্ভব না হয়, অগত্যা
কাল। বিয়ের দিন পিছিয়ে দেওয়া আমার আদৌ
পছন্দ নয় কিন্তু কি করি বল, উপায় তে
নেই।

অর্থপতি। তাহ'লে তাই ব'লে দিই পুরুতকে।
অনেকক্ষণ কথা কইছি—ব্যাটা আবার সন্দেহ
না করে!

চতুরিকা। সন্দেহ আবার কি ক'রবে?
যুবকযুবতী—বিশেষ যখন স্বামীজী-সম্বন্ধ। একসঙ্গে
কথা কইলে বেশীক্ষণ ধ'রেই কথা কয়; এ কথা
ও বুকের বোঝা উচিত।

অর্থপতি। আচ্ছা চতু, একটা কথা জিজ্ঞাসা
ক'রবো? ঠিক উত্তরটা দেবে ভাই?

চতুরিকা। তোমায় ঠিক উত্তর দেব না তো
কাকে দেব ভাই? তুমি ভাই, আমার আজও
চিন্তে পারলে না। ব'ল কি ব'লবে? (ভঙ্গি-
সহকারে হাসি)।

অর্থপতি। তুমি যে আমার যুবক ব'ললে,
সত্যি কি তুমি তাই মনে কর? অনেকে তো
আমায় ঠিক যুবক বলে না।

চতুরিকা। যারা তোমায় বুড়ো বলে, তাদের
চোখে মুখে আগুন লাগুক। তারা যেন একবার
আমার চোখ নিয়ে তোমায় দেখে।

অর্থপতি। ওই পুরুতঠাকুর তখন আমার ওর
সমবয়সী ব'লছিল!

চতুরিকা। তা শুনেছি। খ্যাংরা মারি অমন
একচোখো পুরুতের মুখে! এই রে—ও বুঝি
আবার ভ্রাক্ষণ! দোহাই ভূদেব ঠাকুর, নেহাৎ
রাগের মাথায় ব'লে ফেলেছি—কথা ফিরিয়ে নিচ্ছি
দেবতা! ভ্রাক্ষণের শাপে যেন বিয়ে বন্ধ না হয়—
আমি কাণমলা খাচ্ছি।

পুরোহিত। নাঃ—পাশওটা জালালে দেখছি।
ওহে কর্তা, শুনুছো—গ্রেমালাপটা না হয় বিয়ের
পরই ক'রো।

অর্থপতি। যাচ্ছি গো ঠাকুর, যাচ্ছি। (ফিরিয়া
আসিলেন)।

পুরোহিত। আজকের রাত ব'লে কথা বাবা—তা তুমি যদি একা বুসিয়ে দিতে পার, আর পাঁচ জায়গায় যাব না। কি হলো বাপু?

অর্থপতি। এই একটু হৈয়ে হ'য়েছে।

পুরোহিত। হ'য়েছে তো 'হৈয়ে' ? আমিও ঠিক ওই কথাটাই মনে কচ্ছিলাম যে, শিচয় 'হৈয়ে' হ'য়েছে—নইলে এত ফুমুর-ফাসুর কেন। 'হৈয়ে' হ'ছে তো এই যে, এখনো উড়োপাখীর মন উড়ু-উড়ু কচ্ছে—এখনো শিকল অভ্যাস হয়নি—নতুন পিঞ্জরের যেতে মন সরছে না,—চাই-কি, আর একবার শিকল কাটতেও পারে ?

অর্থপতি। না—না, ঠাকুর! তা নয়। তুমি আমায় কি মনে কর ঠাকুর?

পুরোহিত। যা মনে করি, সেটা আর মুখফুটে বলাম না। আমার টাকা ?

অর্থপতি। তুমি আমার কথাটাই যে শুনে না।

পুরোহিত। কথা পরে শুনবো—টাকাটা আগে বার কর বাবা !

অর্থপতি। বিয়ে আজই হবে—তবে একটু পরে। তুমি একবার ঘুয়েই এস না। আর একদণ্ড পরে বিয়ে। সাফী একটা তুমিই এনো—গরচ যা লাগে আমি দিয়ে দেব। বুঝেছ ঠাকুর মশাই !

পুরোহিত। বুঝেছি অনেকক্ষণ! টাকা বার কর।

অর্থপতি। আছা, টাকাটা এসেই নেবে।

পুরোহিত। এতক্ষণ পাঁচটা বিয়ে দিতাম—কম ক'রে তিরিশ টাকা হিসাবে দেড়শোখানি মুদ্রা আগে বার কর তো বাবা! তারপর অণু কথা।

চতুরিকা। (স্বগত) বাঃ বাঃ বাঃ! পুরুত-ঠাকুর তো বড় রসিক লোক! এইবার ঠিক কাঠে কাঠে বৈধেছে। একবার নারদ ঋষির নাম ক'বুবো নাকি? বাই হোক, এমনি ক'রে রাতটা কাটিয়ে দিতে পারলেও মন্দ নয়; বেশ হ'য়েছে।

পুরোহিত। টাকাটা বার কর সোণারটান!

অর্থপতি। (রাগের মাধ্যম) আমায় কি চ্যাংড়া ছোঁড়া পেলে নাকি ঠাকুর? (টোক গিলিয়া) দেখ ঠাকুরমশাই, আমি পিতৃমাতৃহীন

অপরিণামদর্শী যুবক—এই যুবতীকে নিতান্ত ভাল-বাসি ব'লে তাই এ বিয়ে। এর কেউ নেই—এর মরা বাপ-মা স্বর্গে কল্যাণগ্রস্ত হ'য়ে আছেন; আমি দয়া ক'রে একটা পরগা না নিয়ে মশাই মরা শ্মশরশান্ত্রীর দায় উদ্ধার করছি। তুমি যদি তাই এখন চাপ দাও, তাহ'লে আমাকেও বউ নিয়ে শ্মশরশান্ত্রীর কাছে যেতে হয়।

পুরোহিত। তাই যাও না—বিয়েটা গেই-খানেই হবে। বিনি পরসায় পুরুত সে দেশে পাওয়া যেতে পারে। পরমানন্দে ঘরজামাই থাকবে!

অর্থপতি। ঠাকুরমশাই, তোমার কথাগুলি বড়ই কর্কশ! আমার ভাবী-স্ত্রী সব শুন্তে পাচ্ছেন যে—!

পুরোহিত। কিছুতেই কিছু হচ্ছে না—ভবী ভুলছে না! পঞ্চাশ ছিল, এই একশ' হলো। এইভাবে যদি সমস্ত রাত বসিয়ে রাখ—সকালে রাজবাড়ীতে তোমার নামে হ'শ' টাকার দাবী দিয়ে নালিশ কববো।

অর্থপতি। তাহ'তো, এতো এক বিষম আপদ এসে ঘাড়ে চাপলো! আমি তো বললাম, কাল বিয়ে—আজ সব যোগাড় নেই! তুমিই তো ঠাকুর ব'ললে, আজ—

পুরোহিত। আজকের মত দিনটি পাছ কোথা যুথু?

অর্থপতি। আবার ধমক্ দেয় যে! নাঃ—বড়ই ফ্যাসাদে ফেললে দেখছি! আচ্ছা, বসো—দেখছি।

পুরোহিত। হঁ। শীগ্গির দেখ।

(অর্থপতি পুনরায় চতুরির দার কাছে গেল)

চতুরিকা। কই—এখনো ওকে তাড়ালে না? এদিকে যে—

অর্থপতি। এদিকে আবার কি হলো?

চতুরিকা। সেইটাই তো ব'লতে পাচ্ছি না—যতক্ষণ ও লোকটা না যায়। সে এক মহা কেলেকারী ব্যাপার! তুমি শীগ্গির ওকে বিদেয় কর।

অর্থপতি। শুন্তে পাছ তো সব?—টাকা চায়।

চতুরিকা। তা টাকা লাও। এদিকে মাস
সব্বরের কথা—টাকা লাও। টাকা তো আর নষ্ট
হচ্ছে না। বিয়ে আজ ক'রতেই হবে; না হয়,
তোমর বেলা—অমন অনেক হয়।

(পুরোহিত একা একা বসিয়া কাশিয়া
জানাইল তাহার দেরি হইতেছে)

অর্থপতি। ব্যাটা কি ধড়িবাড়! আবার গলা
খাঁকার দিবে জানান হ'চ্ছে, আমার দেরি হ'য়ে
গেল। আচ্ছা, আজ একটু বিদেশ-বিভূয়ে বিঘোরে
পড়েছি। তোমার এখানে একা রেখে ওঘরে টাকা
আনতে যাওয়া ঠিক নয়। লোকটা ভাল লোক
নয়। ওর চাউনি দেখেছ?

চতুরিকা। তবে কি করে টাকা দেবে?
আমার কাছে তো টাকা নেই।

অর্থপতি। সে আমি জানি। তুমি এক কাজ
কর—এই চাবিটি নিয়ে ওই সিঁড়ির ঘরের পাশে
যে খুবী ঘরটা আছে, তারই ভিতর এক কোণে
বড় পিতলের হাঁড়াটায় তোড়ায় করা পাঁচশ'
টাকার দশটা তোড়া আছে। তারই একটা থেকে
গোটা কুড়িক টাকা—তার কম বেটা রাজি হবে না
—কুড়িতে টাকাই নিয়ে এসো।

পুরোহিত। কই গো, কি হলো?

অর্থপতি। হ'চ্ছে, হ'চ্ছে। এ সব টাকা-
কড়ির ব্যাপার মশায়! কেউ তো তোমার চাকর
নয় যে, হট বলতে এনে দেবে। তুমি যাও চু।
(চতুরিকা বাড়ীর ভিতর গেল)।

পুরোহিত। আরো তিরিশ টাকা বেশী
আনবে। একশ' টাকার কথাটা জানিয়ে দিলাম।

(অর্থপতি বেশ গজেন্দ্রগমনে পুনরায়
পুরোহিতের কাছে আসিল)

পুরোহিত। কি হলো? গজেন্দ্রগমনে আসছ
যে? দেখে তো মনে হয় না, পৃথিবীতে তোমার
কোন কাজের তাড়া আছে।

অর্থপতি। পুরুত যে এরকম চামার হয়, তা
এই উজ্জয়িনীতে এসেই শিখলাম।

পুরোহিত। নিজেই যতটা শেরানা মনে
ক'চ্ছ, ততটা শেরানা তুমি আজও হওনি বাপু!

তোমার এখন অনেক শিকাই বাকী আছে। আশা
করি, এই উজ্জয়িনীতেই সেগুলি একটি একটি করে
শিখতে হবে। (দূরে চতুরিকা আসিতেছিল—
তাহার দিকে চাহিয়া) এস—এস, মা লক্ষ্মী এস!
কি মা, টাকার তোড়া? হাঁ, আমারই অস্ত্র।

(অর্থপতি 'হাঁ হাঁ' করিবার সঙ্গে সঙ্গেই চতুরিকা
আসিয়া টাকার তোড়া পুরোহিতের হাতে দিল)

পুরোহিত। বেঁচে থাক মা, বেঁচে থাক।
ধনে পুত্র লক্ষ্মীলাভ হবে। সতী সাবিত্রীর মত
স্বামীর ঘরে পাকা চুলে সিঁদুর পর। অন্ন হোক।
তাহ'লে চল্লাম। বলি, আজ বিয়ে হবে—না হবে
না? (যাইবার অস্ত্র উঠিল)।

অর্থপতি। (পুরোহিতের হাত চাপিয়া ধরিয়া)
যাও কোথায় ঠাকুর? বাঃ রে! ও তোড়ায়
ঢের টাকা—তোমার অত পাওনা নয়। তোমার
পাওনাই তো আগাগোড়া ভুয়ো! দাও তোড়াটা
—আমি বার ক'রে দিচ্ছি।

পুরোহিত। মা লক্ষ্মী হাতে ক'রে দিলেন—
ওতে কি আর না ব'লুতে আছে? ওর অপমান
হবে যে।

অর্থপতি। ছুতোয় অপমান। ওতে যে
পাঁচশ' টাকা রয়েছে—তুমি জন্মে কখনো চোখে
দেখনি ঠাকুর।

পুরোহিত। তা মিথ্যে বলনি বাবা। এক
সঙ্গে পাঁচশ'। আর তো সেকাল নেই—লোকের
ধর্মে ক'র্মে মতি ক'র্মে গেছে, এই বিয়েতেই যা
ছ'পন্নসা। বাপ-মার শ্রদ্ধ তো আর করতেই
চায়না। বলে কি জান?—'ভদ্রীভূতন্ত দেহন্ত
পুনরাগমনং কৃতঃ'। আরে, 'ভদ্রীভূতন্ত' তো
বুঝেছি, কিন্তু তারপরে যে ভূতন্ত—তার খবর কি?
আচ্ছা, আমি চল্লাম—

অর্থপতি। চ'লে যাচ্ছ যে, চ'লে যাচ্ছ যে!

পুরোহিত। (যাইতে যাইতে) যদি মন্ত্র
পড়বার অস্ত্র কখনো দরকার পড়ে, কালিদাস
পণ্ডিতের ওখানে খবর ক'রো।—আমি কবি
কালিদাস পণ্ডিতের মামাতো ভাইয়ের মাসতুতো
স্বজনী। আমার নাম, শ্রীমকরধ্বজ বাচস্পতি
সিদ্ধান্তবারিধি।

অৰ্পণতি। দেখাচ্ছি, তোমার বাসভূতো সব্বদী
মকরধ্বজ। ব্যাটা জোচ্চোরের ধাড়ী। আমার
টাকা খেয়ে হজম করবে তুমি? দেখি, বাজার
শাসন এদেশে আছে কি নেই।

চতুরিকা। আমার একা ফেলে যেও না—
আমার একা ফেলে যেও না। এ ভয়ানক
জোচ্চোরের দেশ। (অৰ্পণতির হাতছুটি জড়াইয়া
ধরিল)।

অৰ্পণতি। তুমি কি বলে তোড়া শুদ্ধ ওর
হাতে দিলে?

চতুরিকা। আমি কি দিলাম?—আমার হাত
থেকে ছিনিয়ে নিলে যে। দেখলে না?—ও
ডাকাত। টাকা যাক—ও যে তোমায় ছেড়ে দিয়ে
গেছে, এই যথেষ্ট। ওর কাপড়ের ভিতর থেকে
ছোরা ঝক ঝক করছিল। যাক—মা কালী তোমায়
রক্ষা করেছেন। আমার গায়েব ভিতর এখনো
কাপড়। পুরুতের কা ডপরে সব চুরিডাকাতি
করে।

অৰ্পণতি। আমার যেন মনে হলো, তুমি হাতে
ক'বে দিলে।

চতুরিকা। তা হয় তো হতেও পারে। বোধ
হয় আমার ধূলোপড়া দিয়েছিল। হবে হবে,—
দালানে এসে দাঁড়িয়েছি, আর আমাব সর্ব শরীর
যেন ঘুরতে লাগলো—প্রাণে কি বকম আতঙ্ক হলো!
হয়তো তোমায় মনে ক'রে ওর হাতেই দিয়েছি।
হাতেই না হয় দিয়েছি, তাই বলে ও নিয়ে
পালাবে?

অৰ্পণতি। যাক—কাল সকালে দেখা
যাবে।

চতুরিকা। তুমি আমার উপর রাগ কর না
—তোমার পায়ে পড়ি। আমি দালানে এলে
তুমি কেন আমার হাত থেকে নিয়ে এলে না?
ও যে হাতে পেয়ে ছাড়বে না, তাই বা কি ক'বে
বুঝবো? আমি ভেবেছিলেম, 'তোমার জানা
লোক।

অৰ্পণতি। আমার নয়, মণিভদ্র জানে।
যাক, ও যাবে কোথায়? আমি শুধু একখানা
কর্দি চেয়েছিলাম। এখনো মণিভদ্রকেও বলিনি—
ও তো আজকালের ছেলে।

চতুরিকা। আমি যদি একটা ভুল কি দোষ-
খাট ক'রেই থাকি, তুমি আমার ভুল শুধরে দেবে।
আমার আপনার বলতে আর কে আছে বল?

অৰ্পণতি। না-না, চতুরিকা। তোমার দোষ
কি? তুমি একে ছেলেমানুষ, তার এই রাতছপুরে
একা তোমায় রেখে গেছি। বিদেশ—কিছুই
বুঝি না। যাক—যাক, কাল সকালে ও টাকা
আদায় করবেই। আমার টাকা খেয়ে হজম করবে,
এত বড় মকরধ্বজ আজও হয়নি।

চতুরিকা। এখন ওসব কথা যাক। এইবার
মন দিয়ে শোন—তারপর যা হয় একটা প্রতীকার
কর—আমিতো লজ্জায় মরে যাচ্ছি!

অৰ্পণতি। সে কি, সে কি। বল—বল তুমি!
লজ্জা কবো না—

চতুরিকা। না—লজ্জা করবো না; বলছি—
শোন; অত্যন্ত গোপনীয় কথা,—কিন্তু তোমার
কাছে গোপন করার আমাব ইচ্ছাও নেই, উপায়ও
নেই। কথা হচ্ছে কি, আমার দিদি নিপুণিকা
এসেছে। সে এমন একটা কাজ করে বসেছে,
যার জন্ত আমি তাকে খুব কড়া কড়া কথা শুনিয়ে
দিয়েছি। সে আপাততঃ আমার ঘরেই শুয়ে
আছে।

অৰ্পণতি। বুঝলাম না কিছুই!

চতুরিকা। কি আব বুঝবে বল। যে
লোকটাকে একটু আগে আমি তাড়ালেম না?—
সেই লোকটাকে নিপুণ ভালবেসেছে!

অৰ্পণতি। কাকে, বিলাসকে?

চতুরিকা। হ্যাঁ হ্যাঁ—ওই বিলাসকে বছর
খানেক ধরে গোপনে গোপনে ভাসবাসা চলেছে।
আগে ও বলেছিল—নিপুণকে বিয়ে করবে।
তারপর আমাকে দেখে অবশি সে পাগল হয়; ওর
কথা একেবারেই ভুলে যায়। তারপর আজ যখন
আমি বিলাসকে বুঝিয়ে দিলাম—আমি তাকে
চাইনা, তখন থেকে বিলাসও সঙ্গ করছে,
সে দেশ ছেড়ে চলে যাবে।

অৰ্পণতি। সে তো আমি জানি—আমার
সামনেই তো ব'লে, এদেশে থাকবে না।

চতুরিকা। এখন নিপুণ কেমন ক'রে সেই
কথা শুনে এইমাত্র আমার কাছে এসে কঁদে কঁদে

একশা করছে। বলে, ও যদি দেশান্তরী হয়, আমি বিষ খেয়ে মরবো।

অর্ধপতি। কি সর্বনাশ, নিপুণিকা এই রকম মেরে। তা হবে না? যেমন শিক্ষা। ইচ্ছা হচ্ছে মণিভক্তকে ডেকে এনে বলি—কেমন, স্ত্রীস্বাধীনতা দেবে?

চতুরিকা। তারপর আরও ব্যাপার শোন। আমার কাছে ব'ল্লে, তোর ঘরে আমি থাকবো—বিলাসকে ডাকিয়ে নিজেকে চতুরিকা ব'লে পরিচয় দেব—তোর গলার স্বর অশ্রুকরণ ক'বে কথা কইব।

অর্ধপতি। কেন কেন?—তোমাব মত করে কথা কইবে কেন?

চতুরিকা। এটা আব বুঝতে পারলে না?

অর্ধপতি। না—

চতুরিকা। বিলাসকে নিপুণিকা বলবে—“আমি চতুরিকা; তুমি দেশ ছেড়ে যেও না—আমি তোমায় ভালবাসি।” অর্থাৎ বিলাসের মন বিখ্যাস জন্মাবে—আমি তাকে ভালবাসি। এমনি ক'রে আজ তার যাওয়া আটকাবে;—তারপর আর কোন রকম কৌশল ক'রে তাকে বিয়ে ক'বে।

অর্ধপতি। উঃ দুশ্চরিত্রা স্ত্রীলোকের অসাধ্য কাজ নেই। তা তুমি এতে রাজি হ'লে?

চতুরিকা। তুমি পাগল হ'য়েছ—আমি রাজি হব? আমি তাকে কত বুঝালাম—কঠোপনিষৎ, মোহমুগ্ধর থেকে শ্লোক বললাম—সে কাদতে লাগল। তখন তাকে ধমক দিয়ে বললাম “তুমি কাদ আর যাই কর, এ পাপ কাজে আমি সাহায্য ক'রতে পারবো না”। কিন্তু যতই কঠোব চাই, মায়ের পেটের বোন তো?—বাড়ী থেকে তো আব তাড়িয়ে দিতে পারিনে? তাই তাকে ব'ললাম “আমাব বিছানায় শোও,—তবে তোমাব মত এসভী কুমারীর সংসর্গে আমি থাকবো না; তাব চেয়ে আমি আমার ভাবী বরের সঙ্গে গল্প ক'বে রাত কাটা'ব—একটা রাত না হয় ঘুমবো না”। এই না ব'লে দোর দিয়ে এই দালানে পায়েচারি করছি আর ভাবছি, তুমি কখন এস—কখন এস। তারপর তুমি এলে—

অর্ধপতি। নিপুণিকা ঘরে আছে নাকি?

চতুরিকা। শুয়ে শুয়ে কাদছে; কি আর করি বল, মায়ের পেটের বোন তো?—হুঃখও হয়।

অর্ধপতি। পুরুত ঠাকুরকে নিয়ে সেতো গেল আর এক বিদ্রাট! বেশ হ'য়েছে, মণিভক্তের মুখের মত জুতো হ'য়েছে। আমার ইচ্ছা হ'চ্ছে একবার তাকে ডেকে এনে দেখাই। কিন্তু এমন কুচরিত্রা মেয়েকে আমি তো বাড়ীতে রাখতে পারি না; ওকে তাড়াও।

চতুরিকা। আমারও তাই ইচ্ছা—কিন্তু মায়ের পেটের বোন। আচ্ছা র'গো—আমি দেখছি চেষ্টা করে।

অর্ধপতি। বেশ, বেশ—সেই ভাল।

চতুরিকা। তাহ'লে তুমি একটু লুকিয়ে থাক; যখন চলে যাবে, তুমি কথা ক'বো না—বড লজ্জা পাবে।

অর্ধপতি। আচ্ছা, এখন আমি কিছু বলবো না; কিন্তু যেই চলে যাবে, সেই আমি মণিকে ডেকে সব কথা বলবো।

চতুরিকা। তা বলো; কিন্তু তোমাব পায়ে পড়ি, আমাব কাছে শুনেছ তা যেন বলোনা?

অর্ধপতি। তুমি আমায় কি মনে কর চতুরিকা। তুমি আমাব দদয়েশ্বরী—তুমি পবিত্রা কুমারী। তোমাব নাম আমি উচ্চারণ করবো ওই কুচরিত্রার নামেব সাথে—একসঙ্গে—?

চতুরিকা। তাহ'লে আমায় আর ডেকো না। আমি ওকে ঘব থেকে বাব কবে দিয়েই একেবারে বিছানায় শুয়ে পড়বো; যুমে আমার চোখ জড়িয়ে আসছে। শুতে যাব—এমন সময় এই বালাই—। আচ্ছা, আমি আসি। (ঘরের ভিতর প্রবেশ করিল)

অর্ধপতি। কাল সকালে যেন তোমার মুখ দেখে আমাব গুম ভাঙ্গে প্রিয়ে। আঃ বেশ হয়েছে। আর এক লহমাদেরী আমার সহছে না। ছুটতে ছুটতে যাব—আব বলবো মণিকে “উদার যুবক! স্ত্রীস্বাধীনতার ফল যদি একবার প্রত্যক্ষ কর্তে চাও তো—অবিলম্বে এস।”

চতুরিকা। (ঘরের ভিতর যেন কার সঙ্গে কথা কহিতেছে) দেখ তাই, তুমিতো জান—

আমিতো আর তোমার মত স্বাধীন নই। কর্তা
কিছুতেই রাজী হচ্ছেন না। তাঁকে তো আর চটাতে
পারি না। তাছাড়া, যে কাজ তুমি করতে যাচ্ছ
—একবার ভেবে দেখে দেখি, তা কতখানি অজ্ঞায়
তোমার পক্ষে? এখনো খুব বেশী রাত হয়নি,
এখনো স্বপ্নী ফিরে যাও—সব দিক বজায় থাক।
(দুর্গাকাল মৌন থাকিয়া) তুমি রাজী হয়েছ?—
আমি বাঁচলেম্ দিদি! মা দুর্গা তোমায় স্মৃতি
দিন! আচ্ছা, কাল সকালে আবার দেখা হবে।
আজ্ঞে আজ্ঞে চ'লে যাও—কেউ জানতেও
পারবে না।

(বেশ পরিবর্তন করিয়া দালান দিয়া ধীরে ধীরে
চতুরিকার প্রস্থান)

অর্থপতি। মা দুর্গার বাবারও সার্থি নেই
ওরকম মেয়েমানুষের স্মৃতি দেন! আচ্ছা কোথায়
যাচ্ছে, একবার দেখলে হয় না? বাড়ী ও নিশ্চয়
যাবে না—সে আমি শপথ ক'রে বলতে পারি!
দেখতে হচ্ছে। দেখি, চতুরিকা স্মিয়েছে কিনা।
(দ্বারের কাছে গিয়া) চতুরিকা—চতুরিকা—প্রিয়ে!
না—ছেলেমানুষ স্মিয়ে প'ড়েছে দেখছি! আচ্ছা
পা টিপে টিপে একবার দেখে আসি।

[প্রস্থান]

তৃতীয় দৃশ্য

রাজপথ

রাত্রি চতুর্থ প্রহর

(একদল নীচজাতীয় স্ত্রীলোক পথে গান
গাহিতে গাহিতে চলিয়াছে)

ও রাধা—ও রাধা—ও রাধা!

তুই যমুনায় গা ধুতে গিয়ে

বুঝি মজিয়ে এলি কুল!

তুই কেঁদে কেঁদে চোখ রাঙালি

রাজার মেয়ে, আপন খেয়ে

সাজলি কাঙালি—

ভবু ভাঙলো না তোর ভুল?

রাধা, ভাঙলো না তোর ভুল।

কলম তলায় দাঁড়িয়ে ছিল কালা,

বাজিয়ে বাঁশী সরল পরাণ করুলো উত্তলা;

সাঁজের বেলার গা ধুয়ে তুই—

কেন ভিজালি রে চুল॥

(গানের পর মালিনী আগে আগে, পরে
রামটহল প্রবেশ করিল)

মালিনী। (পিছন ফিরিয়া) কে রে?

রামটহল। আজ্ঞে ঠাকুরণ! আমি!

মালিনী। তুই এত রাত্রে কোথায় যাচ্ছিস?

রামটহল। আজ্ঞে, তোমার সঙ্গে সঙ্গেই
চলেছি ঠাকুরণ!

মালিনী। আমার সঙ্গে সঙ্গে কোথায় যাবি?

রামটহল। আজ্ঞে, তুমি যেখানে নিয়ে যাবে।

মালিনী। নিয়ে যাব—বটে? তুই এত রসিক,
সে কথাতো আগে জানা ছিল না!

রামটহল। আজ্ঞে, ঠিক বলেছি ঠাকুরণ!
আজ্ঞে, অল্প সময় আমি বেশ শুকনো গটখটে থাকি।
কিন্তু এই শুকনপক্ষের একাদশী থেকে আরম্ভ করে
পূর্ণিমা পর্যন্ত আমার রসবুদ্ধি হ'তে থাকে। আজ্ঞে,
আজকের রাতটা কাটিয়ে দিতে পারলে কাল
সকালে থেকে কুড়িপচিশ দিন আর কোন ভয়
নেই।

মালিনী। তাই নাকি! তা হ্যাঁয়ে—প্রতি
জ্যোৎস্না পক্ষেই কি তোর এই দশা হয়
নাকি?

রামটহল। আজ্ঞে, তা হয়; তবে এবার
একটু বেশী!

মালিনী। এবার বেশী হ'ল কেন?

রামটহল। আজ্ঞে, আমার মনিবের ছোঁয়াচ্-
গায় লেগেছে!

মালিনী। তোর মনিব কোথায়—?

রামটহল। আজ্ঞে, তিনিও আমার মত ঘর
ছেড়ে পথে বেরিয়ে পড়েছেন। আজ কি—আজ
কি আর কেউ ঘরে থাকে মালিনী ঠাকুরণ?

মালিনী। ছুঁড়িগুলো এখনো রাস্তায় গান
গেয়ে বেড়াচ্ছে!

রামটহল। বেড়াবে না?—আজকের রাতখানা
কি ঠাক্করণ!

মালিনী। হ্যাঁরে, তোর যিনি মুনব ঠাক্করণ
হবেন—তাকে দেখেছিস্?

রামটহল। তুমি ঠাক্করণ জালালে। আমার
আবার মুনব ঠাক্করণ হ'তে যাচ্ছে কে?

মালিনী। কেন রে?—তোর মুনব বাকে
ভালবাসে—বাকে বিয়ে করবে?

রামটহল। ভালতো বাসে, তা বিয়ে কেমন
করে হবে! আমি তানারে দেখিছি—দিব্য
মেয়েটা! খাসা দেখতে—যেন মা-বগ্নী স্বয়ং।

মালিনী। বগ্নী কিরে ভূত? মেয়েদের রূপ-
গুণের তুলনা করে লোকে মা-লক্ষ্মী কি সরস্বতীর
সঙ্গে। তুই বেটা বগ্নী কোথায় পেলি?

রামটহল। মা-বগ্নীর রূপা থাকলেই মেয়ে-
মানুষকে মানায় বেশী! লক্ষ্মী-সরস্বতীর তো
ছেলেমেয়ে নেই—শুধু রূপ নিয়ে কি হবে? তা
সে বিয়ে হবার যো নেই। বুড়ো পণ্ডিত যে
তানাকে আগ্লে বসে আছে।

মালিনী। তবে তুই রইছিস্ কি করুতে?
বুড়োর হাত থেকে তাকে ছিনিয়ে নিয়ে আস না?

রামটহল। তুমি তো হুকুম করে খালাস!
বুড়ো যে একদণ্ড বাড়ী ছেড়ে কোথাও যায় না;
যাবার সময় দরজায় তালা দিয়ে যায়। বাড়ীতে
একটা চাকর-চাকরাণী-নেই; আর তা'ছাড়া—

মালিনী। 'তা ছাড়া' কি—?

রামটহল। এক সখক ভেঙ্গে আর এক সখক
আমি পছন্দ করিনে—বুড়োর মুখের গ্রাঁস কেড়ে
নেওয়া! আমারই ইজীকে যদি কেউ ওই রকম
কুসলে ফাসলে নিয়ে যায়, আমার মনটা কি রকম
হয়?

মালিনী। তোর আবার ইজী আছে নাকি?

রামটহল। নেই তো কি—? তুমি কি মনে
কর, আজকের রাতে তোমার সঙ্গে ঘুরছি বলে
আমার ইজী নেই!

মালিনী। আমিতো ভাই তেবেছিলাম।
যা—বাড়ী যা।

রামটহল। ইজী আছে শুনে তুমি রাগ করলে
নাকি? আমি সচরিত্তির লোক—আমার শরীরে

কোন দোষগুণ নেই। আজকে আমার তোমার
বড় ভাল লেগেছে—আজ পূর্ণিমার রাত কিনা?

মালিনী। রাগ করিনি—রাগ করিনি; তা
আমার দেখে তোর ইজীকে ভুলে যাসনি তো?

রামটহল। আজ্ঞে না,—তানারে ভালবার
বো কি?

মালিনী। তা তোর বউ দেখতে কেমন?

রামটহল। তবেই শোন—

গান

আমার বোয়ের রূপের কথা।

বলবো কি বল তোমার,

নইলে কি পূর্ণিমা রাতে

(আমার) এদিক ওদিক চক্ষু যায়।

বউ রূপে যেন কোকিল পাখী

গলাসর গুগলি-চোখী,

উঁচকপালী চিরুণদাতী

টাকপড়া সারা মাথায়।

সে রূপ মাঝে মাঝে বলক মারে—

তখন আলো-ঘর আঁধার করে।

গাছের পেল্লী এসে আমার

বোয়ের সঙ্গে সই পাতায় ॥

মালিনী। বা, যা—শীগুগির বাড়ী যা! ওই
তোমার মনিব আসছে—

রামটহল। এ পথ দিয়ে আসবে না—ঐ যে
বাড়ীর ভিতর ঢুকছে! আজ্ঞা মালিনি দিদি, তুমি
যদি রাজী হও—ওবাড়ীর মেয়েটার সঙ্গে কর্তার
বিয়ে হয়। তোমার সঙ্গে আমার তো আর
হবার যো নেই—ঘরে আমার অমন বৌ রয়েছে!
তুমি যদি ওই পণ্ডিত বুড়োটাকে বিয়ে
ক'রুতে রাজী হও—তোমারও বয়েস হয়েছে,
তেনারও বয়েস হয়েছে—তাহ'লে আর কাউকে
নিরাশ করুতে হয় না।

মালিনী। আমি যদি বুড়োকে বিয়ে করি,
তাহ'লে বুড়ো ছুঁড়িকে ছাড়ে—?

রামটহল। তা আমি কি করে বলবো—চেষ্টা
দেখতে পারি। তুমিও একটা লং ব্রাক্শনের হাতে
পড়। আজ্ঞা মালিনী দিদি, তোমার বুঝি আজও
বিয়ে হয়নি?

মালিনী। না তাই, বিয়ের ফুরসৎই হল না।
পরের বিয়েতে ফুল যোগাতে যোগাতে কখন যে
বোবন কেটে গেল, জানতেই পারলেম না! এখন
এই বরসে যদি তোমার দম্মার হাতের জলটা শুক
৫

রামটহল। ওই যে—ওই যে!

মালিনী। তাই তো রে—সেই মেয়েটা না?

রামটহল। ই্যা—আর ওই পিছনে, ওই বুড়ো
লুকিয়ে পা টিপে টিপে আসছে—

মালিনী। চল—একটু আড়ালে যাই; ভিতরে
মজা আছে—মজা আছে!

(নিপুণিকার বেশে চতুরিকার সম্ভ্রান্তভাবে ধীরে
ধীরে প্রবেশ; অনেক দূরে—পিছনে অর্ধপতির
তাঁহাকে অনুসরণ)

চতুরিকা। বুড়ো! আমার দিদি ভেবে পাছ
নিয়েছে। যাক, দুটো লোক দাঁড়িয়ে ছিল—সরে
গেল। দুর্গা, দুর্গা, দুর্গা! বুড়োকে খুব ধাক্কা
দিয়েছি। কি কাঁড়াই গেছে—একেবারে পুরুত
এসে হাজির! মা দুর্গা রক্ষে করেছেন!

[ধীরে ধীরে বিলাসের বাড়ীর দিকে প্রস্থান

(অর্ধপতির প্রবেশ)

অর্ধপতি। আশ্চর্য্য বাবা—মেঘদূতের কবির
জয়-জয়কার! শেষ রাতেও রাস্তায় মেয়েপুরুষ!
তিনদিনের ভিতর বিয়েটা সেরে চতুরিকাকে নিয়ে
গাঁয়ে যেতে পারলে বাঁচি। এতো মেয়ে-রাজার
রাজ্য হয়ে দাঁড়িয়েছে—এখানে আমাদের পোষায়!
নিপুণিকা গেল কোথায়? ওই যে—বিলাসের
বাড়ীই ঢুকছে। বারে ছলময়ি! বাবা, কয়লা
ধুলে কি ময়লা যায়! এইবার মণিকে গিয়ে খবর
দেওয়া যাক! উঃ—কি মজাই হবে!

[প্রস্থান

(মালিনী ও রামটহলের প্রবেশ)

রামটহল। এ কি রকম হল! ছুঁড়ি আর
বুড়ো যে আমাদের বাড়ীতেই ঢুকলো!

মালিনী। শীগুগির বাড়ী যা রামটহল।—
এখনি তোমার কর্তার বিয়ে। আমি সঙ্কেবেলা
হুজুনকে মালা পরিয়েছি—মিল না হয়ে যায়!

শীগুগির বা না—এখনি তোমার খোজ পড়বে। আমি
আম সব ফুল, তোড়া, মালা নিয়ে আসছি—মস্ত বড়
কাজ!

রামটহল। মালিনী দিদি, আমি তোমার কথা
বুঝতেই পাচ্ছি—

মালিনী। না বুঝিস্—নেই নেই। দোর
আলগা করে এসেছিস্—বাড়ীতে মাছুষ গেল।
যদি চোর হয়—যা না হতভাগা!

রামটহল। তাইতো—তাইতো!

[প্রস্থান

(রামটহল চলিয়া গেলে মালিনী প্রথমটা প্রাণ
খুলিয়া হাসিল,—তারপর গান ধরিল)

গান

হায়, হায়, হায়—মরি হায়!

ঐ যে পলায় চোর—ঐ যে পলায়,

প্রহরী পিছনে থেকে পথ আগুলায়;

নাকে তেল দিয়ে বীর জাগিয়া ঘুমায়—

যার প্রাণ চুরি করে—তারেই সে চায়,

বলে—“বন্দী করিয়ে রাখ হৃদয়-কারায়”।

চতুর্থ দৃশ্য

চিহ্নিলাসের গৃহ-প্রাঙ্গণ

(অর্ধপতি ও মণিভজের প্রবেশ)

অর্ধপতি। দোর খোল—দোর খোল!

মণিভজ। এ আমার কোথায় নিয়ে এলে দাদা,
অপরিচিত ভক্তলোকের বাড়ী!

(রামটহলের প্রবেশ)

রামটহল। আজ্ঞে, এই যে পণ্ডিতমশায়!

অর্ধপতি। এই যে—“আজ্ঞে” উপস্থিত আছ?

তোমার মনিব কোথায়?

রামটহল। বাড়ীর ভিতর।

অর্ধপতি। তাকে ডাক।

মণিভজ। তোমার ব্যাপারখানা কি—বুঝিয়ে
বল দেখি? কেপে গেলে নাকি?

অৰ্ধপতি। আমি কেপিনি—কথাটা শুনে তুমিই কেপবে।

মণিভদ্র। কথাটা যে কি, সেইটেই যে এখনো শুন্তে পেলেন না। শুধু তোমার খাতিরে এই রাত হুপুরে—

অৰ্ধপতি। আচ্ছা, তোমার ভাবী পত্নী নিপুণিকা এখন কোথায়—তোমার বিশ্বাস ?

মণিভদ্র। রামচন্দ্র!—এই তোমার কথা ? তা এটা বাড়ীতে জিজ্ঞাসা করলে পারতে দাদা।

অৰ্ধপতি। বাড়ীতে জিজ্ঞাসা করলে অত মজা হ'ত না—আচ্ছা, বলই না ?

মণিভদ্র। আচ্ছা তো তিনি চন্দনদাস শ্রেষ্ঠীর বাড়ীতে নাটক অভিনয় দেখতে গেছেন।

অৰ্ধপতি। নাটক দেখতে নয়—নাটক দেখাতে ; আর সে নাটকের তুমিই দর্শক।

(নগররক্ষীর প্রবেশ)

নগররক্ষী। এইতো আপনি আছেন—এই বাড়ীতে ?

অৰ্ধপতি। হ্যা—এই বাড়ীতে।

নগররক্ষী। আটক ক'রে রেখেছে ?

অৰ্ধপতি। আটক ঠিক নয়—তবে মেয়েটার সঙ্গে অল্প এক ভুললোকের বিষয়ের সঙ্কট স্থির আছে।

নগররক্ষী। মেয়ের বাপ-মায়ের মতামত—?

অৰ্ধপতি। মেয়ের বাপ-মা নেই।

নগররক্ষী। মেয়ের বয়স কত ?

অৰ্ধপতি। তা ষোল বছরের উপর।

নগররক্ষী। তাহ'লে সে মেয়ে যাকে ইচ্ছে বিয়ে করতে পারে—ব্যবহারশাস্ত্রে নিষেধ নাই।

মণিভদ্র। কি সব গুণগোল ক'রছ অৰ্ধপতি ?

অৰ্ধপতি। ওই যে বললাম—নাটকের অভিনয়।

(বিলাস ও রামচন্দ্রের প্রবেশ)

বিলাস। আপনারা এত রাত্রে কি অল্প আমার বাড়ীতে এসেছেন, আমি জানি না—বুঝতেও চাই না। আমার কথা শুনুন। চতুরিকা নামে একটা কুমারীকে আমি ভালবাসি। তিনিও

আমাকে ভালবাসেন। তাঁর পিতামাতা নেই। আমাদের ইচ্ছা—আমরা দুজনে মালাবদল করে গান্ধার্ব বিবাহ করবো।

অৰ্ধপতি। উঃ, লোকটা কি প্রচণ্ড মূর্থ ! ওর এখনো ধারণা চতুরিকা ! ওঃ, কি মজাই হবে ! বিলাস। আপনাদের আপত্তি আছে ?

মণিভদ্র। বলনা হে!—তোমার কোন আপত্তি আছে ?

অৰ্ধপতি। আহা-হা—চূপ করনা, মজা আছে—মজা আছে ! না, আমার আপত্তি নেই।

নগররক্ষী। তবে আমার খবর দিলে কেন ?

অৰ্ধপতি। একটু ব্যাপার আছে—আপনি একটু বসুন না মশায়।

মণিভদ্র। তুমিতো মনে ক'চ্ছ—চতুরিকার নাম কচ্ছে কিন্তু নিপুণিকা ?

অৰ্ধপতি। ধর, যদি নিপুণিকাই বিয়ে করতে চায় ?—তোমার আপত্তি আছে ?

মণিভদ্র। আমি কোন কুমারীর অমতে তাকে বিয়ে করতে চাইনে।

নগররক্ষী। কারও কোন আপত্তি নেই। আপনি কষ্টা আনুন—মালাবদল করুন। আমি বিবাহের সাক্ষী থাকি—তাহ'লে আর ভবিষ্যতে কোন গুণগোল হবে না।

(বিলাসের চতুরিকাকে লইয়া পুনঃ প্রবেশ)

বিলাস। চতুরিকা ! এই নাও আমার মালা—এছদয় তোমার।

চতুরিকা। প্রিয়তম ! এই নাও আমার মালা—এছদয় তোমার।

অৰ্ধপতি। এ কি রকম হ'ল ! এতো সত্যি চতুরিকা—এতো নিপুণিকা নয় !

চতুরিকা। আজ্ঞে না, আমি নিপুণিকা নই—আমি চতুরিকা। নিপুণিকাও এসেছেন, আমি তাঁকে খবর দিয়েছি। পণ্ডিতমশায় ! আমার দেখে যেন বড়ই আশ্চর্য্য হলেন ? অনেক দিন আপনার কাছে যোহমুদগর পড়েছি, অপরাধ নেবেন না। আশা করি, আর আপনার যোহ নেই ; (বিলাসের প্রতি দৃষ্টি আকর্ষণ করিয়া) এই মুদগরে সকল যোহ চূর্ণ হয়েছে।

ঐপতি। হুঁ—তাইতো বলি।

চতুরিকা। আর দিদি, তোকে না দেখতে পেয়ে পণ্ডিতমশায় নিপুণিকা। নিপুণিকা বলে বড়ই ব্যস্ত হয়েছিলেন।

(নিপুণিকা, তরঙ্গিনী, অমরনাথ প্রভৃতির প্রবেশ)

নিপুণিকা। তাই নাকি ? ঠুর সঙ্গে যে আমার বড় ভাব ! এই যে নিপুণিকা—এই আমি। আমার ভগ্নী চতুরিকার বিষয়ে দেখতে আর নিমন্ত্রণ খেতে এসেছি !

তরঙ্গিনী। এখন বোধ হয় বুঝতে পেরেছেন, জীলোকের ভালবাসা পেতে হ'লে তাদের প্রতি কি রকম ব্যবহার কর্তে হয় ?

অমর। ছিঃ তরঙ্গ, উনি যে আমার পণ্ডিত-মশায়।

তরঙ্গিনী। তোমার একা কেন, উনি আমাদের সবাই পণ্ডিত মশায় !

অৰ্পতি। এরা সবাই বদ্মায়েস্ লোক। ওই ছু ডিটা আমায় দিয়ে পত্র পাঠালে। ওঃ, আমার সঙ্গে চাহুরী খেল্লে—আমায় বোকা বানালে।

রামটহল। আজ্ঞে—

অৰ্পতি। তুই থাম পাঞ্জী বেটা আজ্ঞে !

রামটহল। যে আজ্ঞে পণ্ডিত মশাই—

তরঙ্গিনী। শুভুন ; জীচরিত্রে জ্ঞান আছে বলে গুমর করতেন, আজ থেকে তা আর করবেন না। কেন না, আমাদের চরিত্র—আমাদের মিনি সৃষ্টি করেছেন, সেই 'দেবাস্ : ন জ্ঞানস্তি কতো মনুষ্যাস্ :'।

অৰ্পতি। না, আর কিছু না—শুধু এই পর্যন্ত বোকা গেল। অতঃপর জীলোককে যে বিশ্বাস করে সে—

রামটহল। আজ্ঞে—

নিপুণিকা। সে যা হোক—আপনাকে কিন্তু 'নেমন্তর' খেয়ে যেতে হবে। আপনি বসুন।

(মহিলাগণের প্রবেশ)

মহিলা। এই বাড়ীতে বিয়ে নাকি ?

তরঙ্গিনী। ইয়ারে ইয়া ! তোরা আর, গান কর—গান কর।

মহিলা। কি ধরণের গান হবে বল দেখি ?

তরঙ্গিনী। পুরুষের ভিতর কারা রমণীহৃদয় জয় করে, আর কারা জয় করতে পারে না—

মহিলা। বুঝে নিয়েছি, সেই গান খানা।

গান

রমণীহৃদয় জয়—সে যে গো সহজ নয়।

ভাল যে বাসিতে পারে, সেইতো কিনিয়া লয়।

দুয়ার বন্ধ করি দাঁড়ায়ে থাকে যেই—

কিনিতে জিনিতে প্রাণ কত কি পারে সেই ?

তাহারে ঠেলি দূরে, আসে হৃদয়পুরে—

বীর বরবেশে—নিমিষে করে জয়।

প্রেম বিনে কখনো কি রমণী আপন হয় ॥

রামটহল। (অৰ্পতির প্রতি) আজ্ঞে পণ্ডিতমশাই, আপনি তো ফসকে গেলেন। আজ্ঞে, যদি কিছু মনে না করেন—আমাদের পাড়ার দিবিয় একটা কালোকোলো মেয়ে আছে!—আপনার সঙ্গে বেশ জুন্দের মানাবে। যদি আজ্ঞে করেন তো—এ সব মা-ঠাকুরগদের সঙ্গে আপনার দেখুন পোষাবে না।

মণিভদ্র। নিপুণিকা, আমার একটা আবেদন আছে তোমার কাছে।

নিপুণিকা। আবেদন আমি বুঝতে পেরেছি। ভাল—প্রদাশ করেই বল।

মণিভদ্র। তুমি অভয় দিচ্ছ দেবী—তোমার ভক্তকে ?

নিপুণিকা। অভয় দিচ্ছি ভক্ত।

মণিভদ্র। তাহ'লে ভক্ত-মহোদয় ও মহোদয়া-গণ ! দয়া করে আমার আবেদনটা শুভুন ; চিহ্নিলাস-শর্মা। আপনিও শুভুন। আমি কুমারী শ্রীমতী নিপুণিকা-দেবীর ভক্ত—আজ পাঁচ বছর দেবীর মনস্তত্ত্বের অল্প তপস্বী কছি। আজ দেবী সদয় হয়েছেন ; সুতরাং আপনাদের এখানে যদি আর দু'ছড়া অতিরিক্ত ফুলের মালা থাকে—

বিলাস। এই যে মালা।

[নিপুণিকা ও মণিভদ্রের পরস্পর মালাবদল]

(মালিনীর প্রবেশ)

মালিনী। এই নাও—মালা নেও, মালা নেও; ফুল নেও, তোড়া নেও। আর কতগুলি জোড় গাঁথলো—?

তরঙ্গিনী। তা মন্দ নয়—সবকিছুই হয়েছে! কেবল—

মালিনী। কেমন দিদিমণি, তাহ'লে আমার বকশিস দাও এইবার?—আমার মালা পরে বিয়ের ফুল ফুটলো!

রামটল। আজ্ঞে, এইবার তুমি আমার পণ্ডিতমশায়কে উদ্ধার কর মালিনী দিদি। আজ্ঞে পণ্ডিতজী, এই মেয়েটির কথাই বলছিলাম! তোমারও বয়েস হয়েছে—এনারও বয়েস হয়েছে! দেখ পণ্ডিতজী,—ফুলও আছে, মালাও আছে; (জনাস্তিকে) বুঝলে পণ্ডিতমশায়। মালিনী দিদির খুব চং-চাং আচ্ছা।—নাচ'তে গাইতে বসতে কইতে একেবারে লাটুর মত বৌ। বৌ করে বুরবে। ও সব ছোটখাট টুকটুকে মা-ঠাকুরগণের আশা ছেড়ে দাও। তোমার আমার মনের কথা ঠিক বুঝবে না—ওরা অন্য থাকের মানুষ চায়। বেশ ক'রে বিবেচনা কর—আজ্ঞে।

(হস্তদস্ত হইয়া পুরোহিতের প্রবেশ)

পুরোহিত। ইয়া বাবা বিলাস, তোমার নাকি বিয়ে। এই মাস্তর—এই মাস্তর বাড়ী গিয়ে শুতে যাচ্ছি, কে একটা মেয়ে এসে বলে গেল। ছুটে ছুটে আসছি বাবা। তা ইয়া বাবা। বিয়ে কি হয়ে গেছে নাকি?

অমর। না ঠাকুরমশাই। শুধু মালাবদলের কাজটা হয়েছে। আপনার মস্তর-মস্তর এখনো সব বাকী। বাড়ীর ভিতর মা-ঠাকুরগণ সে সব ব্যবস্থা করছেন; আপনি গিয়ে একটু দেখে শুনে ব্যবস্থা করেন নি। আমাদের এখানে এখন পুরো পুণিমাফিলন চলছে।

পুরোহিত। তা চলুক—চলুক। তোমরা ডেলেমাছুব—ওটা চাই বই কি। যাক; এখন বোমাগিকে একটাবার দেখতে হ'চ্ছে। (তরঙ্গিনীর প্রতি) তুমি তাহ'লে একবার দেখিয়ে দাও মা!

তরঙ্গিনী। এই যে—দেখতে পাচ্ছেন না?

পুরোহিত। কই দেখি—মুখখানা দেখি? (মুখ তুলিয়া ধরিতেই চতুরিকা হাসিয়া উঠিল) বেঁচে থাক মা—বেঁচে থাক! যাক,—ও বুড়ো হারামজাদার হাত থেকে যে রক্ষা পেরেছ,—এই যথেষ্ট। জন্ম-এয়োজ্ঞী হও, হাতের নোয়া অক্ষয় হোক! বেটা যেন রাঘব বোয়ালের মত তোমার গিলে রেখেছিল। কি করে উদ্ধার পেলো? যুমুলে বুঝি ছুটে পালিয়ে এলে? বেশ করেছ মা, বেশ করেছ! যাক—তোমারই দমায় ফাঁকতালে আমার কিছু রোজগার হ'ল।

অর্থপতি। (পুরোহিতের নিকটে আসিয়া তাহার গায় হাত দিল) যেটা রোজগার হয়েছে, সেটা উগুরে দিতে হচ্ছে লাভাৎ—

পুরোহিত। তুমি—তুমি—তুমি কে বাবা! তোমার তো এখানে আসার কথা ছিল না বাবা!

অর্থপতি। ছিল না—কিন্তু এসে পড়েছি। এখন তোড়াটা থানকে-থান উগুরে ফেলতো বাবা!

পুরোহিত। তোড়া?—কিসের তোড়া বাবা! ফুলের—?

অর্থপতি। ইয়া লের বৈ কি?—আবার আকামো হচ্ছে!

পুরোহিত। আচ্ছা, তুমি কে বলতো বাপু! তোমায় কি কোথাও দেখেছি?

অর্থপতি। তাই নাকি! এই নগরপাল—কোতোয়ালির লোকজন এসেছে; এদের চেন তো ঠাকুর?

পুরোহিত। কে?—আমার এই পাহারাওয়াল বাবারা! দেখতো বাপুসকল, এ লোকটা এরকম বেব'ভুল বক্ছে কেন?

অর্থপতি। মশাই, এই লোকটা আমার বিয়েতে পুরুতগিরি করবে বলে আমার কাছ থেকে পাঁচশ টাকার তোড়া নিয়ে পালিয়ে এসেছে!

অমর। সে কি পণ্ডিতমশাই! আপনার টাকা ঠাকুরমশাই নিয়ে হজম করেছেন! বলেন কি মশাই, এ ব্যাপার কখন ঘটলো?

অর্থপতি। দেখতো বাবা—দেখতো! এই—খানিকক্ষণ আগে। আমার কত কষ্টের টাকা বাবা—তোমাদের মত সোণারটাদ ছেলে ঠেঁয়িয়ে!

বুঝতেই তো পাচ্ছ বাবা—বেশী আর কি বলবো !
যা কিছু অমিয়েছিলাম, এই বেটা—।

পুরোহিত। খবরদার—গালাগাল দিও না
বলছি, এরা সবাই আমার যজ্ঞমান; আমি কালিদাস
পণ্ডিতের মামাতো ভা'য়ের মাসতুতো সখী !
রাজা আমার হাতধরা—বেশী চালাকি কর না।
হারা—

অর্থপতি। 'হারা' ব'লে ষাম্লে নেন ? পুরো
বলনা—একবার !

অমর। আহা—আপনারা কেন শুধু শুধু কলহ
কচ্ছেন ! আমি সব ঠিক ক'রে দিচ্ছি।

অর্থপতি। টাকা আমার চাই বাবা ! আমি
বিয়ে করতে চাইনে। ও মণিভদ্র, বলি তোমার
সঙ্গে তো অনেক দিনের আলাপ—তুমি যে আর
চিনতেই পারনা দেখছি।

মণিভদ্র। আমি আর কি করবো বল !
ঠাকুরমশায় আমাবও পুরুন্ঠাকুর ; আমি কি করে
ওঁকে—।

অমর। থাক থাক—ওঁকে আর কিছু বলবেন
না। আমিই দেখছি। তাইতো—ঠাকুরমশাইয়ের
কাছ থেকে টাকা বার করবে এমন লোক পৃথিবীতে
আজও জন্মানি ! আপনার বাহাদুরী আছে
ঠাকুরমশাই ! আপনি পণ্ডিতজীর কাছ থেকে
টাকা আদায় করেছেন।

রামটহল। আজ্ঞে—টাকা আর আদায় হবে
না পণ্ডিতজী, টাকার মায়া ছেড়ে দাও। তারচেয়ে
আমার মালিনী দিদিকে বিয়ে কর—ঠাকুরমশাই
মন্তর পড়িয়ে টাকা শোধ করবে।

অমর। এতো বেশ কথা। তুই বেটা তো
ভেবে ভেবে বেশ মতলব মাথায় এনেছিস্ !—তাই
হোক তা হোলে। আজ পূর্ণিমামিলন রাত আর
কোন গোলমাল করেনা ! মালিনী ! তুমি
রাজী তো ?

মালিনী। তা একটা ভজলোক দায়ে পড়েছে
—কি আর করি ! বিশেষ আপনারা পাঁচজন যখন
বলছেন। তা ওনার দায় উদ্ধার যদি হয়—।

রামটহল। বাঃ বাঃ—এইতো আমার মালিনী
দিদির কথা ! তা হ'লে পণ্ডিতজী, আর মুখ ভার
ক'রে থেকোনা ! আজ আমোদের রাত

তোমাদের এই গুণগোলের অঙ্ক মেয়েগুলো মনমরা
হ'য়ে আছে, গান গাইতে পারছেন না

অমর। রাজী হ'ন পণ্ডিতমশাই, রাজী হ'ন !
আমাদের মালিনী বড় ভাল মানুষ ! আপনাকে
ঠিক চালিয়ে নিতে পারবে।

অর্থপতি। হুঁ—তা একজন জীলোক নৈলে
সংসার চালানো বড়ই অসুবিধা ! তা-তা—(মুছ
হাসিয়া) তুমিই বুঝি মালিনী ?

মালিনী। আজ্ঞে হ্যাঁ !

অর্থপতি। রামটহলের সঙ্গে অত তোমার
কিসের খাতির ?

মালিনী। আমি মালিনী—সব জায়গায় ফুল
যোগাই—সবার সঙ্গেই আমার খাতির !

অর্থপতি। না—তাই বলছিলাম ; বলি,
তোমার চরিত্র ঠিক—

মালিনী। তোমার সন্দেহ হয় বাপু—দরকার
নেই !

অর্থপতি। না, তাই বলছি। গৃহে তো এতদিন
অভিভাবক কেউ ছিল না ! পাঁচজনে পাঁচরকম—

মালিনী। তা দরকার কি তোমার ! আমি
তো খোসামোদ করছি নে ?

পুরোহিত। তার জন্তে ভেবনা বাপু ! আমি
আগে ওকে ঠাকুরদের চরণামৃত, গোময়-গোমুত্র,
সাত সাগরের জল—সব খাইয়ে শোধন ক'রে নিয়ে
তবে তোমার সঙ্গে—।

অর্থপতি। সে না হয় হ'ল ; কিন্তু তবিশ্রুতে
—আমি ভাবছি !

পুরোহিত। তুমি আবার ভাবছ ? তুমি বাপু
বড় বেশী ভাব ! তখন ভেবেছিলে বলে একটা
হাতছাড়া হ'য়েছে—এখন যদি আর খানিকক্ষণ
ভাবো তো—এটাও ফসকে-হাবে।

অর্থপতি। না—তা-নয় ; তা-নয় তবে—।
বুঝেছ মালিনী, এখন তুমি বেশ ভালভাবে থাকতে
পারবে তো ! ও ফুলটল বেটা তোমার চলবে না।

মালিনী। তা তুমি যদি খেতে পরতে দাও
তো আর শুধু শুধু ফুল বেচতে যাব কেন ?

অমর। রাত পুইয়ে এল—মেয়েরা বড় ব্যস্ত
হ'য়ে পড়েছে। পণ্ডিতমশাই, আপনি একটু
শীগ'গির মন ঠিক করুন !

অৰ্ধপতি। সারা জীবনের সখ্য বাপু। এ কি তাড়াতাড়ির কাজ? একটাকে শিখিয়ে পড়িয়ে ভৈরী করলাম—তোমরা তো বাবা ছিনিয়ে নিলে। এটিকে একটু বাজিয়ে দেখবো না! হ্যাঁ—শোন মালিনী।

মালিনী। বল!

অৰ্ধপতি। দেখ—এখন থেকে কিছুদিন আমি তোমার হাবভাব চালচলন লক্ষ্য করবো। তুমি যদি ঠিকঠাক ভাল মানুষটার মতো থাক, পুরুষ-মানুষের সঙ্গে হাসি—তামাসা—নাচগান—এসব না কর, তাহ'লে আজ থাক—আসছে পূর্ণিমা নাগাৎ আমি তোমার অঙ্কলক্ষী করবো!

রামটেল। অঙ্ক হজী!

মালিনী। বেশ কথা বাপু! তুমি তোমার নিজের চোখে দেখ-শোন, মনে মনে হিসেব কর; তারপর আমি মনের মত হ'তে পারি—ভাল! না পারি, আমার পথতো প'ড়েই আছে।

অমর। বাস্ বাস্, এ বেশ ভাল কথা। ও হয়ে যাবে, হয়ে যাবে—চুপকৈরই মন নরম আছে; এইবার তাহ'লে আর মুখভার করবেন না। ওরে!—তোরা আর, দলে যখন ভিড়েছেন—আর ভয় নেই।

অৰ্ধপতি। কিন্তু আমার বাকী টাকা? পুরুত কি পাঁচশ টাকা পায় নাকি?

অমর। সে হয়ে যাবে। আমরা পাঁচজন আছি—ঠিক করে দেব। আপনি আমোদ করুন। নিন, আমুন ঠাকুরমশাই—আপনারা কোলাকুলি করুন। আজ আমোদের দিন।

অৰ্ধপতি। কিন্তু বাবাজী—টাকাটা যেন—একটু—

পুরোহিত। এ লোকটার যখন কনে জোটে, আমি কি দোষ করেছি বাবা। আসছে পূর্ণিমা ওই সঙ্গে আমারও একটা ব্যয়স্থা যদি করে দিতে পার বাবা। অনেক দিন ঘর খালি—তোমাদের বাপ-মায়ের কল্যাণে—!

অমর। নিশ্চয়ই—নিশ্চয়ই! এখন আমুন সব, আমোদ করুন—আমোদ করুন! আসছে পূর্ণিমার উজ্জ্বলনীতে আমরা আইবুড়ো আর বিপত্নীক একটাও বাদ রাখবো না, সব জাঁকড়ে বিয়ে দেব।

পুরোহিত। (অমরনাথের কানে কানে) কিন্তু দেখ বাবা—বুড়ো বামন! এ বেটার মত নেহাত একটা মালিনীটালিনী জুটিয়ে দিও না যেন! গায়ের রংটা যেন বেশ ফুটফুটে আর ব্রাহ্মণের মেয়ে হয়; তা বয়েস যা হয় হোক—ও আমি ভাবিনে!

তরঙ্গিনী। গান কর, গান কর—রাত শেষ হয়ে এল যে। জোচ্ছনা পাতলা হয়ে গেছে।

সমবেত সঙ্গীত

পূর্ণিমা রাত হ'ল ভোর।

গগনের শশী রজনী আগিয়ে

মিলন দেখিল ভোর;

এবার বধূর বাক্ দিয়ে প্রেম-ডোর।

যেন শিখিল না হয় বাহ প্রিয়তম মোর!

সুখের নাহিক আর ওর—

প্রাণ দিয়ে যারে চায়, গেই তো তাহারে পায়

খুলীতে ছদয় ভরে—

শুকার নয়ন গোর ॥

মহাশায়ার চর

করুণরসাস্থিত গাইন্দ্য নাটক

যোগেশচন্দ্র চৌধুরী প্রণীত

নাট্যানিকেতনে প্রথম অভিনয়

১৫ অগ্রহায়ণ শুক্রবার, ১৩৪৬ সাল

উৎসর্গপত্র

: পরমারাধ্যা স্বর্গীয়া মাতৃদেবীর প্রীতি-কামনায় :

মা, বহুদিন তুমি আমাদের ছাড়িয়া সাধনোচিত ধামে চলিয়া গিয়াছ। স্নেহশূন্য, অটল, কণ্টকাকীর্ণ সংসার-পথে চলিতে চলিতে প্রতিদিনই তোমার স্নেহের অভাব অনুভব করিয়াছি! মহাপুরুষেরা বলিয়াছেন—“স্বর্গে মর্ত্যে সম্বন্ধ আছে”। এই মহাজন-বাক্য বিশ্বাস করিয়া, জীবনের সঙ্গে জীবনাতীতের যে নিত্য যোগ আছে, সেই রহস্যময় কাহিনী অবলম্বন করিয়া এই নাটক রচনা করিলাম।

তোমায় দিবার যোগ্য এ লেখা নয়, তবে সন্তানের অকিঞ্চিৎকর সৃষ্টিও মায়ের প্রীতি ও আনন্দের উদ্রেক করে; সেই ভরসায় এই নাটকখানি তোমায় দিলাম। তুমি প্রসন্নমনে গ্রহণ করিয়া স্বর্গ হইতে তোমার সন্তানদের আশীর্বাদ করিবে, এই আমাদের প্রার্থনা।

—যোগেশ

নিবেদন

নাটকখানির গল্পাংশ একখানি সুবিখ্যাত ইংরাজী নাটক হইতে গৃহীত। বইখানি আমার পড়িতে দেন নাট্য ও চিত্রনাট্য-জগতে সুপ্রতিষ্ঠিত প্রিয়বন্ধু শ্রীযুক্ত সত্য সেন,—তাঁহার উৎসাহেই আমার উৎসাহ। গ্রন্থকার সম্প্রতি পরলোকগত হইয়াছেন। সর্বপ্রথমেই নাট্যকারের প্রতি কৃতজ্ঞতা প্রকাশ করিতেছি। বইখানি আমার এত ভাল লাগিয়াছিল যে, মাতৃভাষায় অনুরূপ নাটক রচনা করিয়া অভিনয় করিবার ইচ্ছা সেই দিনই হয়। উক্ত ইচ্ছার ফল বর্তমান নাটক। ইহা অনুবাদ নয়, ঠিক adaptationও নয়। গল্পাংশের কিছু মিল আছে, আর সব আমার নিজস্ব। বাঙলা ভাব, মধ্যবিত্ত বাঙালী হিন্দুর সংসারচিত্র, প্রতিবেশীদের কথা, পয়সার চর,—এ সমস্তই আমার নিজস্ব কল্পনা ও প্রত্যক্ষ অভিজ্ঞতা হইতে সৃষ্টি। সহৃদয় বাঙালী পাঠকদের ভাল লাগিলে কৃতার্থ হইব।

নাটকে যে অলৌকিক রহস্যকাহিনী আছে, সেই কাহিনীটুকুই আমার ইংরাজ নাট্যকারের নাটক হইতে লওয়া। যাহা লৌকিক এবং সাংসারিক, তাহা আমারই। জীবনের সঙ্গে জীবনাতীতের নিত্য সম্বন্ধ আমরা ভুলিয়া যাই; মনে করি অস্বাভাবিক, অসম্ভব, অবিদ্যাস্ত—কিন্তু প্রায় প্রতিদিনই। কণিকের জন্তও তারুক হৃদয়ে অলৌকিকের আবির্ভাব হয়। সেই ভাব এবং রসই নাটকের প্রাণ; বস্তু নাটক নয়। ঘটনা বাস্তব হউক, অবাস্তব হউক, ঘটনা নাটক নয়।

“মহামায়ার চর” আমাদের এই সংসার। এই নাটকেরই একখানি গানে আছে—

“এপারে পদ্মা ওপারে পদ্মা, কোথায় বাড়ীঘর—

মাঝখানেতে ধু ধু করে মহামায়ার চর!”

ইহার আদি আমাদের জানা নাই, অন্তও অজ্ঞাত—মাঝখানে কয়দিনের সুখদুঃখ! তাহাও নিরবিচ্ছিন্ন নয়—সুখের সঙ্গে দুঃখ জড়ানো। দুঃখও চিরন্তন নয়। এই সুখদুঃখ-মিশ্রিত আলোছায়ার বেলা জীবন-চিত্র আঁকিবার চেষ্টা করিয়াছি। এ ভাব কোনো বিশেষ জাতির নয়—মানুষ মাত্রেই। হিন্দু বাঙালীর কাছে এ ভাব নূতন নয়! এই ভাব লইয়াই সে জন্মগ্রহণ করে—এভাব বাঙালীর হাড়ে মাসে জড়ানো। দেহতন্ত্র বাঙালীর নিজস্ব বাউল গান। একদিন বাঙালী এ রসের সন্ধান পাইয়াছিল—তাই সংসার তুচ্ছ করিয়া, যে রহস্যের সন্ধান কেহ জানে না, তাহাই জানিবার জন্ত সে কেঁপা বাউল হইয়াছিল। আজকার বাঙালী তার প্রপিতামহের সেই ‘পরশমণি’র কথা ভুলিয়া গিয়াছে!

নাট্যানিকেতনে এই নাটকখানির অভিনয়ের আয়োজন করিয়া শ্রীযুক্ত প্রবোধচন্দ্র গুহ মহাশয় আমার কৃতজ্ঞতাভাজন হইয়াছেন। বহু সহৃদয় দর্শকের অভিনয় ভাল লাগিয়াছে—বহু চিন্তাশীল ও রসিক দর্শক ইহার উচ্ছ্বসিত প্রশংসা করিয়াছেন, তাহাতেই আমি পরম তৃপ্ত এবং কৃতজ্ঞ আছি। যাহাতে বর্ধার রসাত্মক হয়, তাহার চেষ্টা করিতেছি—বাসনা পূর্ণ হইবে কিনা জানিনা!

নাটকীয় চরিত্র-পরিচয়

পুরুষ

মৃত্যুঞ্জয়	...	মধ্যবিত্ত গৃহস্থ, অবসরপ্রাপ্ত পুলিশ-কর্মচারী
উমাচরণ	...	প্রতিবাসী, মৃত্যুঞ্জয়ের নিত্যসঙ্গী, সহজরসিক, আনন্দময়
শচীন্দ্রনাথ	...	দরিদ্র শিক্ষিত-যুবক—মৃত্যুঞ্জয়ের আশ্রয়ে প্রতিপালিত, পরে তাঁহার জাতিভা
অতুল	...	শচীন্দ্রনাথের নিরুদ্দিষ্ট পুত্র
বধুসুন্দন	...	মৃত্যুঞ্জয়ের ভিটেবাড়ীর প্রজা
রঘুনাথ	...	মৃত্যুঞ্জয়ের চাকর
বিজবর	...	পদ্মানদীর মাঝি (শিক্ষিত)
মাঝি	...	“মচামায়ার চরের” মাঝি (সুগায়ক)
হেরষ	...	উমাচরণের দৌহিত্র (উকিল)
হুখীরাম	...	মিউনিসিপ্যালিটির চাপরান্দী

স্ত্রী

সুবর্ণলতা	...	বাড়ীর গৃহিণী, মৃত্যুঞ্জয়ের স্ত্রী
অগস্বাতী	...	ঐ কন্যা
বিজনবালা	...	অগস্বাতীর সমবয়সী উমাচরণের মেয়ে

উদ্বোধন-রজনীর নটনটীগণ

মৃত্যুঞ্জয়	যোগেশচন্দ্র চৌধুরী
উমাচরণ	উৎপলেন্দু সেন
শচীন্দ্রনাথ	নির্মলেন্দু লাহিড়ী
অতুল	ভূপেন্দ্রনাথ চক্রবর্তী
বধুসুন্দন	অমল্যরতন হালদার
রঘুনাথ	নরুল দত্ত
বিজবর	শিবকালী চট্টোপাধ্যায়
মাঝি এবং গায়ক	বিজয়মঙ্গল দাস
হেরষ	(পরে) কৃষ্ণচন্দ্র দে (তিন রাজি)
হুখীরাম	সুগল দত্ত
			কুঞ্জ সেন
সুবর্ণলতা	নীহারবালা
অগস্বাতী	শেফালিকা (পুতুল)
বিজনবালা	অপরূপা

গানের সুর দিরাছেন—অমর বসু

মহামায়ার চর

প্রথম অঙ্ক

(দৃশ্য—কলিকাতার নিকটবর্তী সহরতলী-বাগা। বহুদিনের পরিত্যক্ত একখানি ঘর। যে বাড়ীর ঘর, সে বাড়ীর মালিকদের কেহই জীবিত আছেন বলিয়া জানা নাই। বাড়ী এবং সম্পত্তি বর্তমানে এক ট্রাষ্টীর হাতে। বাড়ীখানির হানাবাড়ী বলিয়া দুর্নাম থাকায় প্রায়ই ভাড়া হয় না; ট্রাষ্টী বাড়ীখানি বিক্রয়ের নোটিশ দিয়াছেন। বাহিরের দরজার তাল খুলিয়া দুইজন লোক প্রবেশ করিলেন। একজন ভদ্রযুবক—বয়স প্রায় বত্রিশ, নাম অতুল; আর একজন মালী-জাতীয়—নাম মধুসূদন।)

মধুসূদন। এই নিন বাবু, শীগগির শীগগির দেখে নিন,—সক্কে হ'য়ে এল।

অতুল। সক্কে আর ক'র হাতধরা বল?—দিন গেলে আপনিই সক্কে হয়!

মধুসূদন। আমার অনেক কাজ বাকী আছে।

অতুল। এও তো একটা কাজ!

মধুসূদন। আপনারা দয়া ক'রলেই কাজ, নইলে আর—

অতুল। নৈলে অকাজ—?

মধুসূদন। তা ছাড়া আর কি—? বাবুর পর বাবু আসছে, আর বাড়ীই দেখছে—বাড়ীই দেখছে! আপনি ভাড়া নেবা?—না খালি খালি বাড়ী দেখে চলে যাবা?

অতুল। ওঃ!—এ বাড়ী বুঝি কেউ ভাড়া নেয় না?

মধুসূদন। তা নেবে না কেন? ভাড়া নেয়—

অতুল। বেশী দিন থাকে না?—

মধুসূদন। আগে থাকতো,—শেষ যারা ছেলেন...

অতুল। তাঁদের কি হয়েছিল?

মধুসূদন। কি জানি বাবু, কি হয়েছিল। আমি অতশত জানিনে—আপনি চল!

অতুল। আমার বাড়ীটা বড় ভাল লাগছে—বিশেষ এই ঘরখানি।

মধুসূদন। বাড়ী তো ভাল—। এই ঘরখানিই সব চেয়ে ভাল ঘর। বাড়ীর মালিক বুড়োকর্তার আমলে—এই ঘরের কত বাহার ছিল! তিনি দিনরাত এই ঘরে থাকতো।

অতুল। তুমি কতাকে চিনতে!

মধুসূদন। আমি তেনার ভিটেবাড়ীর পেরজা—আমি আর তেনারে চিনবো না—?

অতুল। তাঁর নাম কি ছিল—বলতো?

মধুসূদন। মৃত্যুঞ্জয় চাটুয্যে—আগে তাঁর মেয়ে মারা যান, তাবপর গিন্নিমা; তখন জামাই-বাবু তেনার কাছে থাকতো—।

অতুল। মৃত্যুঞ্জয়বাবুর জামাইকে তুমি জানতে?

মধুসূদন। হঁ—গাঙ্গুলিমশায়ী! তাঁর নাম শচীনবাবু; কি কারবার ক'রে তিনি খুব বড়লোক হয়েছিলেন—ক'লকাতায় বাড়ী ক'রলেন! তবে বাবু—ভোগে এলনা।

অতুল। কেন? ভোগে এলনা কেন?

মধুসূদন। তিনিও মারা গেলেন!

অতুল। ওঃ—তিনিও মারা গেলেন!

মধুসূদন। হ্যাঁ—! মাঝে মাঝে এখানে আসতেন—কতই বা বয়েস! তিনিও এই গায়েরই মানুষ—।

অতুল। শচীনবাবু কতদিন মারা গেছেন?

মধুসূদন। তা—হ'তিন বছর হবে; সেই থেকে বাড়ী প'ড়েই আছে—কখনো কখনো কেউ ভাড়া নেয়, আবার...

অতুল। মৃত্যুঞ্জয়বাবু তাহ'লে এইভাবে মৃত্যুকে ভয় ক'রেছেন—। তাঁর বংশের আর কেউ নেই?

মধুসূদন। তাঁর তো ছেলে ছিল না—একটি মেয়ে। সেই মেয়েই তো এখানে...

অতুল। সেই মেয়ে কি?—বল—

মধুসূদন। না বাবু, আমি মুখ্য মানুষ—কি বলতে কি বলে ফেলব। পাঁচজনে পাঁচ কথা বলে—সত্য মিথ্যে কে কি বলবে, বলে!

অতুল। তাঁর কি হয়েছিল?

মধুসূদন। কি যে হইছিল বাবু—তা কেউ বলতি পারে না। এইটুকু জানি, তিনি অনেক দিন এখানে ছিলেন না; যখন ফিরে এল—তেনার মাথা একেবারে খারাপ হয়ে গেছে!

অতুল। ফিরে এলেন?

মধুসূদন। হ্যাঁ—। দিনরাত ঘুন্ ঘুন্ ক'রে গান ক'রতো আর বলতো—“সে কোথায় গেল, সে কোথায় গেল?”... আপনি বাইরে চল—অন্ধকার হয়ে গেল!

অতুল। তুমি এই টাকাটা বকশিস নাও—আমি আরো কিছুক্ষণ এখানে থাকবো!

মধুসূদন। একটু পরে যে ভয়ানক অন্ধকার হবে—!

অতুল। তা হোক—অন্ধকার আমার বেশ ভালো লাগে!

মধুসূদন। অন্ধকার ভালো লাগে—

অতুল। এই যে, এখানে এক টুকরো পোড়া বাতি র'য়েছে—আমি আলো জালছি। (আলো জালিল)

অতুল। আচ্ছা, যার কথা বলছিলে, তাঁর কি নাম ছিল আমার বলতে পার? শতীনবাবুর জ্বর—চাটুযোহাশয়ের মেয়ের—?

মধুসূদন। তাঁর নাম ছিল অগন্ধাজী। তা মায়ের আমার যেমন নাম, তেমনি রূপ—একেবারে ঠিক যেন মা অগন্ধাজী! ছেলেবেলা থেকে আমার কোলে মানুষ—সূদনকাকা বলতে একেবারে অজ্ঞান!

অতুল। তোমার নাম সূদন?

মধুসূদন। মধুসূদন। আমি আমার মধু-কা'নের গান গাইতাম কিনা?—তাই ভণিতের,

নাম ক'রে লোকে আমার সূদন সূদন" বলতো। দাঁঠাকুর আমার খুব ভালবাসতো—।

(সূদন গুন্ গুন্ সুরে গাহিতে লাগিল; তাহাকে যেন প্রাচীনকালের স্মৃতিতে পাইয়াছিল)

গান

এস দেবকী, এস দেবকী—

তোমায় গোপাল দেব কি—?

যার গোপাল তার কোলে যাবে,

মাকে মা বলে ডাকিবে—

পায়ের ধূলা মাথায় লবে—

নইলে লোকে বলবে কি—!

অতুল। আচ্ছা সূদন—এখানে, এই জানলার পাশটায় একটা জামকল গাছ ছিল না—? তার ডাল বেয়ে—এই ঘরে আসা যেত।

মধুসূদন। হ্যাঁ—ছিল তো! এখন আর নেই—কেটে ফেলেছে!

অতুল। এই দরজাটা দিয়ে ওধারে একটা ঘরে যাওয়া যায় না—?

মধুসূদন। আপনি কি এবাড়ীতে কখনো এসেছেন বাবু?

অতুল। হ্যাঁ—তবে সে আনার একদম্মে কি পূর্নজন্মে,—তা ঠিক বুঝতে পাচ্ছি—! একটা আবছা আবছা ভাব। ঠিক মনে নেই। সূদন, আমি একবার ওই দিক্কার ঘরটায় যাব!

মধুসূদন। ওদিকে আর ঘর নেই তো—?

অতুল। আছে—এই সিঁড়ি দিয়ে যাওয়া যায়।

মধুসূদন। না বাবু—সিঁড়িতে ছাদে গেছে—!

অতুল। আমি যাব—

মধুসূদন। আপনি যাবেন না—যাবেন না—

অতুল। কেন?

মধুসূদন। কি জানি বাবু, ও দরজা কেউ খুলতে পারে না।

অতুল। চাবি দেওয়া—?

মধুসূদন। না বাবু, কেউ ওধারে যাব না—বাড়ী খারাপ হয়ে আছে। আপনি চল—(মধুসূদন আগাইয়া দরজার কাছে গেল)

(অতুল দরজা খুলিতে গেল—খুলিতে পারিল না)

মহামায়ার চর

মধুসূদন। (সভয়ে) আমি তো আপনাকে
বল্লাম বাবু—ভিতর থেকে বন্ধ থাকে।

অতুল। কে বন্ধ ক'রে রাখে—? নিশ্চয়ই
কেউ ওখানে থাকে।

মধুসূদন। আমি অতশত জানিনে বাবু—
আপনি এস।

(দরজার দিকে অগ্রসর হইল)

অতুল। সূদন—

মধুসূদন। বাবু—!

অতুল। তুমি ব'লছ, জগদ্ধাত্রী দেবী ফিরে
এসেছিলেন—?

মধুসূদন। হ্যাঁ বাবু, আপনি আসুন—রাত
হ'য়ে যাচ্ছে।

(আবার অগ্রসর হইল)

অতুল। (স্বগত) জগদ্ধাত্রী—শুনেনি, আমার
মা'য়ের নাম ছিল জগদ্ধাত্রী! আজ যদি মা'বেঁচে
থাকতেন, দিদিমা, দাদামশাই থাকতেন,—এবাড়ীর
চেহারা অত রকম হ'ত! হ'য়তো তাঁরা জীবনের
শেষ দিন পর্য্যন্ত আমি ফিরে আসবো ব'লে আমার
প্রতীক্ষায় ছিলেন।

অতুল। (প্রকাশে) সূদন—!

মধুসূদন। কেন বাবু!—কি হয়েছে?

অতুল। তোমার সেই জগদ্ধাত্রী দেবীকে
আমি যেন দেখতে পাচ্ছি। তিনি যখন ছোট-
মেয়ে ছিলেন—যখন তাঁর বিয়ে হ'ল, তারপর
যখন তাঁর ছেলে হ'ল, তিনি দিনরাত ছেলের
মুখের দিকে চেয়ে থাকতেন—

মধুসূদন। (সভয়ে) আপনি তেনার দেখে-
ছেন নাকি?

অতুল। আমি কল্পনায় দেখতে পাচ্ছি—!

মধুসূদন। যাঃ—আলোটা যে নিভে গেল
বাবু!

অতুল। তা যাকনা; তুমি তোমার ঘর থেকে
একটা হারিকেন নিয়ে এস। আমি বাড়ীটে
একবার ভাল ক'রে দেখবো। তোমার বাবু রাগ
ক'রবে না; এ বাড়ী হয় আমি কিনবো, না হয়
ভাড়া নেব,—যা হয় একটা কিছু ব্যবস্থা ক'রবো।
তুমি যাও, হারিকেন নিয়ে এস।

মধুসূদন। (একটু ইতস্ততঃ করিতে লাগিল)
তা যাচ্ছি বাবু;—কিন্তু আপনি এখানে একা
থাকবা—?

অতুল। দোকা আর কোথায় পাচ্ছি বল?

মধুসূদন। তা মোর সাপে বাইরেই চালনা—
তার পর এন!

অতুল। না—একেবারে ঘরগুলো দেখেই
যাব। তুমি পারতো আসবার সময় আমার সঙ্গে
এক কাপ চা এনো!

মধুসূদন। আমার ঘরে তো চায়ের ব্যবস্থা
নেই বাবু!

অতুল। চা না পাও, এক গ্লাস খাবার জল
এনো। আচ্ছা—আর একটা টাকা তোমায় দিচ্ছি,
দেখ যদি কোথাও কিনতে পাওয়া যায়।

মধুসূদন। গাঙুলিমশায়—ওই চাটুযোবাবুর
জামাই, যখন আসতো আমার গান শুনে টাকা
দিত। তিনিও আপনার মত আপনভোলা ছিল;
শেষবার ক'লকাতায় গেল, তারপর শুনি—আর
নেই।

অতুল। আমিও তোমার গান শুনবো—যাও
আলোটা নিসে এস!

মধুসূদন। (যাইতে যাইতে) মুখ ফুটে কিছু
বলাও তো মুন্সিল!—লোকটা বুঝেও বুঝল না।
জয় রাম, জয় রাম, জয় রাম—

[গাহিতে গাহিতে সূদনের প্রস্থান]

গান

নাথহে, রাম কি বস্তু সাধারণ!

ভূভার হরিতে অবতীর্ণ অবনীতে

সে ভবতারণ!

যে রামপদ ব্রহ্মা পূজেন তুলসীতে—

তুমি হ'রলে তার সীতে, বংশ বিনাশিতে,

ওগো কাটলে স্নেহের তরু স্বীয় কৰ্ম্মাসিতে

কারো না শুনৈ বারণ।

(গান শুনিতে শুনিতে আগন্তুক স্থির হইয়া
দাঁড়াইলেন—তিনি তাঁর চোখের সম্মুখে কি
এক অভূতপূর্ব দৃশ্য দেখিতে পাইলেন)

অতুল। (স্বগত) একি!—এরা কা'রা?
কে গান গায়? ওই তো মৃত্যুঞ্জয় বাবু, দাদামশায়

—না, আমি থাকে জানতেম, তাঁর বয়স অনেক বেশী, অনেকটা সেইরকম! সন্দের লোকটা কে? এ তো সেই ভসুচাখি দা'ঠাকুর—ই্যা, সেই রকমই মুখখানা! গলা ঠিক সেই রকমই আছে—! এরা বঁচে আছে—না আমার কল্পনা? আমি তো শুনেছিলাম, কেউ বঁচে নেই? (দেখিতে দেখিতে ঘরের বহির্দু'স্ত্র একেবারে বদলাইয়া গেল, আগন্তুক যুবকটি সেখানে আর নাই; তার বদলে দেখা গেল, প্রায় পঁয়ত্রিশ বৎসর পূর্বে একদিন সন্ধ্যায় যে জীবন-নাট্য এই ঘরে অভিনীত হইয়াছিল, তারই দৃশ্য—গৃহকর্ত্তা মৃত্যুঞ্জয় চট্টোপাধ্যায় এবং তাঁর নিত্যসঙ্গী উমাচরণ ভট্টাচার্য্য। ঘরখানি কর্ত্তার বাড়ীর ভিতরের বসিবার ঘর।)

(উমাচরণের কণ্ঠে পূর্বেকার গান—তিনি গাহিতে গাহিতে ভিতরে আসিলেন)

গান

যে রামপদ ব্রজা পূজেন তুলসীতে
তুমি হ'রলে তাঁর সীতে, বংশ বিনাশিতে,
কাটলে স্নেহের তরু স্বীয় কণ্ঠাসিতে
কারো না শুনে বারণ!

মৃত্যুঞ্জয়। গান থামাও উমাচরণ! বস!

উমাচরণ। তোমার জন্তে তো গান গাইনি দাদা, গেয়েছি আমার মা অগন্ধাত্রীর জন্তে—। গান শুনলেই ছুটে আসে, আজ দেখছি নে যে—বড়?

মৃত্যুঞ্জয়। কি জানি, শচীনের সঙ্গে কোথায় বেড়াতে গেছে!

উমাচরণ। শচীনের সঙ্গে—?

মৃত্যুঞ্জয়। হাঁ!...আজকের বাজার দর কত গেল?

উমাচরণ। পাটের—?

মৃত্যুঞ্জয়। নইলে কি আর তোমায় সন্দেশের দর বিজ্ঞাপা ক'রছি—?

উমাচরণ। দশ টাকা দু'আনা—

মৃত্যুঞ্জয়। এইবার ছাড়বো নাকি ভায়া—?

উমাচরণ। তোমার কেনা ছিল ছ'টাকা দু'আনার—?

মৃত্যুঞ্জয়। হ্যাঁ—

উমাচরণ। গ্যাট হয়ে ব'সে থাক—দাদা আরো পনের দিন পরে দাম হবে সাড়ে বার টাকা।
মৃত্যুঞ্জয়। শেষে 'লাভে মূলে বিনশ্রুতি' না হয়! অঘাণে মেয়েটার বিয়ে দিতে হবে। নগদ কিছু দরকার;—ওর থেকে যদি হ'য়ে যায়, তাহ'লে আর কাগজ ভাঙাইনে—।

উমাচরণ। কার সঙ্গে বিয়ে দেবে? পাঞ্জ কোথায়—? একটু দেখে শুনে দিতে হবে তো—।

মৃত্যুঞ্জয়। ভাবছি, ঘরজামাই রাখবো—।

উমাচরণ। অমন কাজ ক'রোনা দাদা, অমন কাজ ক'রোনা! সব উড়িয়ে পুড়িয়ে দেবে—। তোমার অত কষ্টের রোজগার, কিছু রাখবে না—বেটা কিছু রাখবে না।

মৃত্যুঞ্জয়। তুই বেহারী যাষ্টারের জামায়ের কথা ভাবছিস্?—সে বেটা যে মদ ধ'রলো—! হাড়বয়াটে—

উমাচরণ। তোমার জামাইটারই বা ধ'রতে আপত্তি কি দাদা—?

(উচ্চৈঃস্বরে) রগু—

রগু। (নেপথ্য হইতে) বাবু!

উমাচরণ। তামাক টামাক দিবি বাবা?—না বাড়ী চলে যাব?

(হ'কা ও কলিকা লইয়া রগুর প্রবেশ)

রগু। তামাকই লাজছিলাম বাবু—এই নিন্!

উমাচরণ। যা—বোঁঠাক্কণের কাছে এই ঠোঙাটা দিয়ে আর, তিনি যা কিনতে দিয়েছিলেন।

(রগু চলিয়া গেল)

উমাচরণ। আচ্ছা দাদা, তুমি পুলিশে কাজ ক'রতে—তাই আজো বেন তোমায় দেখলে কি রকম গা 'ছম ছম' করে!

মৃত্যুঞ্জয়। কিসের ভগিতে হ'চ্ছে—বল তো?

উমাচরণ। দাদা, আর তো চলেনা—তোমার বোমা তো ছ'বেলা উঠতে ব'সতে বোঁটা দেয়—একটা কিছু কাজকর্মের ধোঁগাড় ক'রে দেও।

মৃত্যুঞ্জয়। এইতো দালালি ক'রছিস্—পাট, চিনি, জমি, বাড়ী—আর কি চাস্?

উমাচরণ। তুমিও যেমন দাদা—আমি ক'রবো দালালি! কেপেছ—? আজকাল গাড়ীঘোড়া নইলে দালালি হয়—? হ্যাঁ, একটা কথা—ক'লকাতায় কিছু জমি কিনবে দাদা?

মৃত্যুঞ্জয়। আমার উপরেই দালালি চালাবে—? আর লোক পেলে না?

উমাচরণ। সত্যি দাদা, তোমার কেনা উচিত। বাড়ী কর না কর, জমি কিছু কিনে রাখ—এই কাঠা দশেক। জমির বাজার যা চলেছে দাদা, খুব ভাল আয়গা,—দশবছর পরে—ডবল দাম হবে।

মৃত্যুঞ্জয়। কোন্ জায়গাটা—বল তো?

উমাচরণ। হাতিবাগানের মোড় থেকে একটু পাড়ার ভিতর; ছ'শ টাকা করে কাঠা—তার পাশের জমি আটশ' টাকা।

মৃত্যুঞ্জয়। তুই কেপেছিস উমাচরণ?—কাঠার দরে ক'লকাতায় জমি কিনবো আমি? কেন বলতো? কি কাজে লাগবে সে জমি—? ছ'শ' টাকায় দশ দশ বিঘে ধানের জমি হবে—তার খবর রাখিস? ভাগ্যায় দিলেও বছর শালিয়ানা চার-পাঁচ বিঘা ধান পাব আনিস্ তো—?

উমাচরণ। না—না, তুমি বুঝতে পাচ্ছনা দাদা—ক'লকাতা সহর বাড়ছে,—খুব বাড়ছে!

মৃত্যুঞ্জয়। বাড়ছে—? কি ক'রে বাড়ছে—আমায় বুঝিয়ে দিতে পারিস্—?

উমাচরণ। না—তা পারিনে দাদা! তবে বাড়ছে—ধাঁ ধাঁ ক'রে বাড়ছে—এবেলা ওবেলা বাড়ছে। না হয়, একদিন ক'লকাতায় গিয়ে দেখেই এস না? তুমি যা দেখেছিলে—সে ক'লকাতা আর নেই—!

মৃত্যুঞ্জয়। ক'লকাতা বাড়ে—বাড়ুক, আমার ভাবনা নেই! তুই কি বলছিলি বল—দালালি ক'রে তোর সংসার চ'লছেনা?

উমাচরণ। তাই কখনো চলে দাদা?—ক'লকাতায় দালালি ক'রতে হ'লে ক'লকাতায় থাকতে হয়; তার গাড়ী চাই, বাড়ী চাই—নানান খাজানা।

মৃত্যুঞ্জয়। তুই কি চাকরী ক'রবি? কি কাজ আনিস্?

উমাচরণ। কেন?—গান গাইতে জানি, এ্যাঙ্কি ক'রতে জানি, নাচতে জানি, হার্মোনিয়ম বাজাতে পারি, খোল, ডুগি-তবলা—না জানি কি দাদা?

মৃত্যুঞ্জয়। আবার যাত্রার দলে যাবি—? একেবারে বাউণ্ডলে হ'য়ে পড়বি যে হতভাগা—সংসার ক'রতে পারবি নে তো।

উমাচরণ। সেইজন্মেই তো বউ বকে, কান্দে—গাল দেয়। এখন ছেলেপিলে হ'য়েছে, সংসার ক্রমেই ভারি হ'য়ে উঠছে—আর তো চুপ ক'রে ব'সে থাকা চলে না দাদা।

মৃত্যুঞ্জয়। তুই কি ক'রতে চাস্—আমার বল তো?

উমাচরণ। একটা যাত্রার দল খুলতে চাই দাদা!

মৃত্যুঞ্জয়। বলিস্ কি রে।

উমাচরণ। ভারি লাভের কারবার—দেখছ না, রায়মশাই লাল হ'য়ে গেল।

মৃত্যুঞ্জয়। রায়মশায় কে—?

উমাচরণ। মতিরায়—মতিরায়—

মৃত্যুঞ্জয়। তুই মতিরায়ের মত বক্তৃতা ক'রতে পারিস্? দূর!

উমাচরণ। কেন পারবো না?—আমি তো রায়মশায়েরই সাক্ষরদ,—ওঁরই কাছে আমার শেখা। আমি ঠিক দল চালাতে পারবো দাদা! তোমার তো কত দিকে কত টাকা খাটেছে, কিছু টাকা বার কর দাদা—আমি একবার বরাত ঠুকে লেগে যাই। যা ক'রবার, সব আমিই ক'রবো—তুমি শুধু গদিয়ান হ'য়ে আসরে এসে অধিকারী মশায় সেজে ব'সবে।

মৃত্যুঞ্জয়। আরে—মতিরায় যে বড্ড ভাল বক্তৃতা করে; তুই সে রকম পারবি নে—পাগল নাকি।—দূর।

উমাচরণ। আচ্ছা—তুমি কথা দেও, আমি যদি মতিরায়ের মত বক্তৃতা ক'রতে পারি, তুমি টাকা দেবে তো দাদা—?

মৃত্যুঞ্জয়। তুই বক্তৃতা কর তো আগে শুনি—তারপর বিবেচনা ক'রবো।

উমাচরণ। বৌঠাকরণ—বৌঠাকরণ।

বৌঠাকরুণ। (নেপথ্যে) বাচ্ছি চরণ-
ঠাকুরপো।

(বাড়ীর গৃহিণী—শ্রীমতী সুবর্ণলতা দেবী—বয়স
বিশ্লিষ্ট—মোটামোটা গোলগাল চেহারা
—গায়ের রং ফরসা—চা ও জলখাবার
লইয়া প্রবেশ করিলেন।)

মৃত্যুঞ্জয়। গলাটা শানিয়ে নিচ্ছি বুঝি।

উমাচরণ। বৌঠান, আমার মা জগদ্ধাত্রী
আজ বাড়ীতে নেই ব'লে—তোমরা কি আমার চা
খেতে দেবেনা নাকি?

সুবর্ণলতা। শুধু শুধু কলঙ্ক দিওনা ঠাকুর-পো।

মৃত্যুঞ্জয়। শুধু চা নয়—আবার চন্দ্রপুলি।

উমাচরণ। দেবী দেখে একটু রাগ হ'য়েছিল;
এখন দেখছি, সবুরে মেওয়া ফ'লেছে।

মৃত্যুঞ্জয়। চট্ট ক'রে সয্যবহার ক'রে ফেল।

উমাচরণ। বৌঠাকরুণ বস—আমি পাঠ
ব'লবো—শোন।

সুবর্ণলতা। তা জগদ্ধাত্রী আমুক না,—সে
ওসব শুনেতে বড় ভালবাসে।

উমাচরণ। তার কাছে আর একদিন ব'লবো।
তুমি বিচার ক'রবে বৌঠাকরুণ, আমার কেমন বলা
হয়। তোমরা দু'জনে কথা কও, আমি এ
পালাটা শেব ক'রে ফেলি। (মনোযোগ দিয়া
খাইতে লাগিল।)

সুবর্ণলতা। (স্বামীর প্রতি) ইয়াগা?—কি
হ'ল তোমার চুড়ি ভেঙে গড়িয়ে দেবার?
আজকাল আর চারগাছা ক'রে চুড়ি কেউ
পরে?

মৃত্যুঞ্জয়। না—কেউ পরে না। সকালে
গজার ধারে বেড়াতে গিয়ে দেখি, রাস্তায় যত
লোক চ'লছে, সবার হাতে দশগাছা ক'রে
সোনার চুড়ি। ছেলে, বুড়ো, যোয়ান—সবাই
দশগাছা,—কারো হাতে চারগাছা নেই।

সুবর্ণলতা। না, ওসব ঠাট্টা চ'লবে না।
চাকরীতে পেনসন্ পাবার পর আর দিয়েছ কখনো
কোনো গহনা গড়িয়ে—?

মৃত্যুঞ্জয়। মেয়ের গয়না গড়াতে দেব,—আবার
মেয়ের মায়ের জেজ্ঞেও গড়াতে হবে?

সুবর্ণলতা। তা আমি কি গয়না প'রে চিত্তেয়
শোব নাকি? মেয়ের জেজ্ঞেই তো রেখে
যাব!

মৃত্যুঞ্জয়। তুমি যে শীগগির চিত্তেয় শোবে, এ
শুভসংবাদটা আমার না দিলেও পারতে।

উমাচরণ। বাস,—আর নয়। তোমাদের
ঝগড়া মূলতুবি রাখ। বৌঠাকরুণ শোন।

সুবর্ণলতা। বল ঠাকুর-পো। (স্বামীর প্রতি)
আর আমি তোমায় কোনো দিন গহনার কথা
ব'লবো না; গঙ্গাজল ক'দিন ধ'রে ব'লছে—তোরা
হাতে চারপাছা মানায় না ভাই, তাই
ব'লেছিলাম—!

মৃত্যুঞ্জয়। আহা তা—রাগ ক'রছ কেন?
একটু পরিহাস ক'রলাম, তাও বুঝতে পারলে না।
তোমার গঠনা গড়াতে দেবনা তো ক'রবো কি—
আমায় ব'লতে পার? কাজ নেই কর্ত্ত নেই, মাঝে
মাঝে যদি জ্বীর গহনা গড়িয়েও না দিই—তো
জীবনে ক'ল্যাম কি?

উমাচরণ। বৌঠাকরুণ, শুভকর্মেয় আগে মুখ
ভার ক'রে থেকোনা—একটু হাস।

মৃত্যুঞ্জয়। ইয়া—একটু হাস! তবে তুই আর
ভণিতে করিসনে উমাচরণ, যদি কিছু জানিস তো
বল—আরম্ভ কর।

উমাচরণ। এই যে দাদা—আরম্ভ করি। গাঠে
এ্যাক্ট ক'রবো—না, পণ্ডে এ্যাক্ট ক'রবো—?

মৃত্যুঞ্জয়। যাতে হোক বল না—ও গন্তপ্ত
আমি বুঝিনে, মতিম্বারের মত হওয়া চাই।

উমাচরণ। আচ্ছা শোন। গাঠেই বলি—
রায়মশা'র পদ্ম সুবিশেষ হয় না!

উমাচরণ। দাদা—

মৃত্যুঞ্জয়। কিরে—?

উমাচরণ। একটু উঠে এস—!

মৃত্যুঞ্জয়। কেন?

উমাচরণ। এস না—?

মৃত্যুঞ্জয়। জালালে! (উঠিলেন)

উমাচরণ। আমার সামনে একটু হাতবোড়
ক'রে দাঁড়াও—তুমি যেন আমার মজী। রাজার
পাট ক'রছি কিনা?—মজী সামনে না থাকলে ঠিক
ফীলিং আসবে না। তোমার পায়ে পড়ি দাদা,

একটু হাতযোড় কর না?—এরপর আমি তোমার পায়ের ধূলো নেব'খন।

(মতিরায়ের ধরণে বক্তৃতা)

উমাচরণ। “কৃষ্ণ কৃষ্ণ ব'লে সুখযামিনী প্রভাতা হ'ল, আবার দুখময়া দিবা এল! এবার আবার বিষয়-হলাহলে মত্ত হ'য়ে না জানি কি কুকর্মই ক'রতে হবে? কারো সব-ধনহরণ, কারো সর্বের সর্ব জীবনসর্বস্বকে তার স্নেহময় ক্রোড় হ'তে অপহরণ ক'রে, ভীষণ যন্ত্রণাময় লৌহ-কায়াগারে নিষ্ফেপ ক'রতে হবে। উঃ—কি ভীষণ শাসন! কি ভয়াবহ স্বামিত্ব! তব্বময় শ্রীহারর উপর আমার আবার স্বামিত্ব! মজিন্, না জানি পূর্বজন্মে কি মহা পাপই ক'রেছিলাম—”

মৃত্যুঞ্জয়। বল?—খামলি কেন?

উমাচরণ। আর মনে নেই দাদা। এবার পদ্মে ব'লবো—?

মৃত্যুঞ্জয়। যাক, আর ব'লতে হবে না—বুকে নিয়েছি! এই বুঝি তোর মতিরায়?—মতিরায় ঐ রকম বলে? দূর—দূর!

উমাচরণ। একেবারে—“দূর দূর”!

মৃত্যুঞ্জয়। তা ছাড়া আর কি—? তুই মতিরায়ের পায়ের নখের যুগ্ম ন'স্! মতিরায়ের কি ভাব—।

উমাচরণ। বটে—? আমার ভাব নেই?

সুবর্ণলতা। কেন?—আমার তো বেশ লাগলো। খাসা মিষ্টি গলা—বেশ ব'লেছ ঠাকুর-পো।

উমাচরণ। বলতো বোঁঠাকরুণ—বলতো।

মৃত্যুঞ্জয়। থাম্ থাম্—! তুই মতিরায়ের দলে ছিলি? তাকে সাজাতো—?

উমাচরণ। সাজাতো না?

মৃত্যুঞ্জয়। “ভীষ্মের শরশয্যায়” কি সাজতিস্—

উমাচরণ। অর্জুন সেজিছি কতবার—।

মৃত্যুঞ্জয়। তুই পারবিনে—পারবিনে তুই। দল ক'রতে যাসনে ছোঁড়া। এই রকম এ্যাক্ট ক'রলে তোমায় মেরে তাড়াবে।

উমাচরণ। মেরে তাড়াবে? কেন?—মেরে তাড়াবে কেন? তুমি যাত্রার কচু বোঝ।

আমি সাজি, গান গাই, বেহালা বাজাই, হার্মোনিয়ম বাজাই, বাঁরা-তবলা বাজাই—

মৃত্যুঞ্জয়। ‘তামাক সাজি’—বল?—

উমাচরণ। ই্যা—তামাক সাজবার জন্তে পঁচিশ টাকা মাইনে দিয়ে লোক রেখেছিল?—তার নাম রায়মশাই।

মৃত্যুঞ্জয়। তুই পঁচিশ টাকা মাইনে পেতিস্—।

উমাচরণ। না—তা পাব কেন? অমনি আমার মুখ দেখে খুশির মেয়ে দিয়েছিল—। আমি যে ঘরে বিয়ে ক'রেছি, করুক দেখি কোন্ শালা যাত্রাওয়ালার সাথি সেই ঘরের মেয়ে বিয়ে—?

সুবর্ণলতা। মানুষকে রাগানো তোমার কেমন স্বভাব।

মৃত্যুঞ্জয়। ও হতভাগা মতিরায়ের নাম ক'রলে কেন?

উমাচরণ। না—রায়মশায়ের নাম ক'রবো না তো কি যাদব বাঁড়ুয়ের নাম ক'রবো নাকি? অমন তিনটে দল আমি ট্যাকে জুড়ে চালাতে পারি। তেলাপোকা আবার পাখী, যাদব বাঁড়ুয়ের দল আবার যাত্রার দল—মফঃসলে একান টাকায় গায়। নিয়ে এস দিকি একান টাকায় রায়মশায়ের দল?—দারোগাই হও, আর ম্যাজেস্টারই হও—সে বান্দাই নয়।

মৃত্যুঞ্জয়। আরে—মব্! কে তোর রায়মশায়ের দল একান টাকায় বায়না ক'রছে? এই বুদ্ধি নিয়ে তুই দল বসাবি—?

উমাচরণ। আচ্ছা, দেখে নিও—আমি দল বসাতে পারি কি না। বোঁঠাকরুণ, তোমায় ব'লে যাচ্ছি—যাত্রার দলের অধিকারী একদিন হবে, তবে আমার নাম উমাচরণ। তোমার বাড়ীতে একদিন অমনি একপালা গেয়ে যাব।

মৃত্যুঞ্জয়। অমনি গাইবি কেন?—আমি টাকা দেব।

উমাচরণ। কত টাকা দেবে?—একান? তাতে উমাচরণের দল হয় না—যাদব বাঁড়ুয়ে—।

মৃত্যুঞ্জয়। তুই যদি যাদব বাঁড়ুয়ের মত দলও ক'রতে পারিস্, এক রাত্রির জন্ত তাকে ৭৫ টাকা দেব—আর একটা ডোয়ারকিনের হার্মোনিয়ম কিনে দেব।

উমাচরণ। বাদব বাঁড়ুয়ের মত দল উমোচরণ
ভাষ্য করেন। চ'ল্লাম বোঁঠাকরণ—

(উমাচরণ উঠিয়া গেল; রোজই এমনি করিয়া
তাঁহাকে রাগানো মৃত্যুঞ্জয়ের অভ্যাস—এবং
উমাচরণেরও রাগ করিয়া চলিয়া যাওয়া
অভ্যাস)

উমাচরণ। (যাইতে যাইতে) উনি বড়
দারোগা ছিলেন, তবেই আর কি? ছনিয়ার সব
জিনিষ উনি যা বুঝেছেন, তার উপর কথা নেই—

[উমাচরণের গ্রন্থান।

মৃত্যুঞ্জয়। এইবার যাও, তোমার কর্তব্য কর—
ওটাকে ফিরিয়ে নিয়ে এস।

সুবর্ণলতা। কেন বল দেখি?—ওকে রোজ
রোজ রাগাও?

মৃত্যুঞ্জয়। কি জানি—কি রকম অভ্যাস হয়ে
গেছে। ওকে একবার ক'রে না রাগালে আমার
শরীরটা গরম হয় না। উমাচরণ আমার “নারভিগার”।

সুবর্ণলতা। (যাইতে যাইতে) ঠাকুর-পো,
ও চরণ-ঠাকুরপো—শোন শোন।

[সুবর্ণলতার গ্রন্থান, পরে দুইজনে নৈপথ্য হইতে
আসিতে আসিতে]

উমাচরণ। না বোঁঠাকরণ, এবাড়ীতে আমি
আর আসবো না। তবে, তোমার বড়দিদির মত
দেখি, মা জগদ্ধাত্রীকে ভালবাসি—বেশী দিন না
দেখে থাকতে পারবো না—মাঝে মাঝে আসতে
হবে।

মৃত্যুঞ্জয়। তুই এলে আমি অন্তদিকে যুখ
কিরিয়ে থাকবো!

উমাচরণ। কি বলছিলে বোঁঠাকরণ—বল।

সুবর্ণলতা। বলছিলাম কি, তোমার মা
জগদ্ধাত্রীর বিয়ের একটা পরামর্শ আছে তোমার
সঙ্গে।

উমাচরণ। ওকে একটা রাজপুত্র দেখে বিয়ে
দিতে হবে—যার তার সঙ্গে বিয়ে দেওয়া চলবে না—

সুবর্ণলতা। না—তাতো চলবেই না!

উমাচরণ। গলা ভাল থাকা দরকার—‘গাইয়ে
জামাই’ চাই, যেম্নরো বেতালা চলবে না। চেহারা

ভাল হ'লে কি হবে?—পেটে গুণ থাকা
দরকার।

মৃত্যুঞ্জয়। ও যাত্রার দল থেকে একটা ভাল
দেখে রাজপুত্র এনে দেবে—তুমি ভাবছ কেন?

উমাচরণ। তোমার সঙ্গে কে কথা কইছে?
আমি আর দাঁড়াব না বোঁঠাকরণ—চ'ল্লাম!

সুবর্ণলতা। বাঃ—ছ'খানা চন্দরগুলি দিই,
ছেলেমেয়েদের জন্ম নিয়ে যাও। এস—বাড়ির
ভিতর এস!

[গ্রন্থান

মৃত্যুঞ্জয়। এই—ওনে যা!

উমাচরণ। কি?

মৃত্যুঞ্জয়। (একখানা দশ টাকার নোট দিয়া)
এই মোটখানা রেখে দে। খবরদার, তোমার
বোঁঠাকরণকে আর যেন গয়নার ক্যাটলগ এনে
দিও না!

উমাচরণ। যুগ—? আমি এখুনি গিয়ে
বোঁঠাকরণকে ব'লে দিচ্ছি।

মৃত্যুঞ্জয়। তুইই ঠকবি—ওদিকে ওই চন্দর-
গুলির উপর আর উঠবে না! বোমাকে একজোড়া
কাপড় কিনে দিবি, বুঝলি হতভাগা! আর বিজনকে
একখানা ‘শান্তিপুত্র’।

উমাচরণ। ব'ল্লাম, একটা যাত্রার দল খুলে
দাও,—দশ টাকায় আমার কি হবে?

মৃত্যুঞ্জয়। আমার কাপ্তেন ঠাউরেছ হতভাগা!
যা, পালা—দূর হ।

উমাচরণ। তোমায় দিয়ে যাত্রার দল খোলাব,
তবে আমার নাম উমোচরণ!

(সুবর্ণলতার পুনঃপ্রবেশ)

সুবর্ণলতা। এই নাও ঠাকুর-পো! (খাবারের
পুঁটুলি দিলেন) তোমার দাদার সঙ্গে ভাব হ'রে
গেছে?

উমাচরণ। ওই তো আমার দোষ বোঁঠাকরণ
—শরীরে রাগের ভাগটা বড় কম!

[উমাচরণের গ্রন্থান

মৃত্যুঞ্জয়। হতভাগাটার জন্তে—সত্যি আমার
বড় ভাবনা হয়! একেবারে বাউণ্ডলে—! মেয়ে
বড় হ'রেছে—একটুও ভাবে না।

স্ববর্ণলতা। তা একটা চাকরী বাকরী ক'রে পাওনা ওকে?—একটু স্থিতি হ'ক; তোমার তো কত লোকের সঙ্গে জানাশোনা আছে।

মৃত্যুঞ্জয়। চাকরী পেলে ওকি চাকরী রাখতে পারবে? হতভাগা কিনা! ওই যাত্রার দলই ওকে মারবে দেখছি।

স্ববর্ণলতা। তা যাত্রার দলই একটা ক'রে দেওনা ওকে। কত টাকা লাগে—?

মৃত্যুঞ্জয়। তোমায় লোভ দেখিয়েছে বুঝি?—বড়লোক ক'রে দেবে?

স্ববর্ণলতা। ও সব কথা যাক; তোমার মেয়ের কাণ্ড দেখেছ? রাত হ'য়ে গেল—এখনো বাড়ী ফেরার নাম নেই! শচীনকে এত ক'রে ব'ল্লাম—সন্ধ্যার আগে বাড়ী পৌঁছে দিবি।

মৃত্যুঞ্জয়। মেয়েটা রোজই যেন একটু ক'রে বড় হ'চ্ছে—না?

স্ববর্ণলতা। ওই দেখতেই যা ডাগর-ডোগরটা হ'য়েছে। লজ্জা-সরমের ধার ধারে না—কেমন যেন পুরুষ পুরুষ ভাব! তুমিই পাঁচজনের সামনে বার ক'রে, ইংরিজি ইস্তলে পড়িয়ে ওকে মাটি ক'রে ফেললে। এরপর শাণ্ডড়ীর খোঁটা খেতে খেতে অস্থির হতে হবে!

মৃত্যুঞ্জয়। তুমি তো জান—আমার ইচ্ছে নয়, শাণ্ডড়ী আছে এমন ঘরে ওর বিয়ে দিই!

স্ববর্ণলতা। পাঁচজনের সঙ্গে বনিয়ে তো চ'লতে হবে?—যে এক-গু'য়ে মেয়ে তোমার। আমার তো ভয় হয়!

মৃত্যুঞ্জয়। শচীনের সঙ্গে যদি বিয়ে হয়—তাহলে আর ঋগুর-শাণ্ডড়ীর বাংলাই থাকেনা। আমরা যতদিন থাকবো, আমাদের কাছে রইলো; তারপর শচীন টাকাকড়ি ভাল রোজগার ক'রতে পারে, বহুৎ আচ্ছা! না পারে, যাহোক এক-রকম চলে যাবে; বা রেখে যাব—বুঝে চলে কষ্ট পাবে না।

স্ববর্ণলতা। শচীনের সঙ্গে বিয়েতে আর কোন আপত্তি নেই, আজ সাত বছর শচীন আমাদের এখানে আছে, মেয়ে ওকে 'দাদা দাদা' ব'লে ডাকে—ওরা ঠিক যেন ভাইবোন। বর-বোঁ সম্পর্ক হ'লে কি রকম হবে—কে জানে।

মৃত্যুঞ্জয়। বেশ হবে—বেশ হবে! ওতে আটকাবে না।

স্ববর্ণলতা। হ্যাঁ—মানাবে ভাল! তবে কিনা ঘরজামা'য়ে বরকে মেয়েরা তেমন পছন্দ করে না। মেয়ে যদি স্বামীকে ভক্তি ক'রতে না শেখে—তাহলে তার মেয়েজন্মই বৃথা! ওসব দরকার, বুঝলে?

মৃত্যুঞ্জয়। কি দরকার?

স্ববর্ণলতা। স্বামীর ঘর, ঋগুর, শাণ্ডড়ী, ভাসুর, দেওর, ননদ—। ঋগুর-বাড়ীতে সবার সঙ্গে মিলে মিশে ঠিক বউটা হ'তে পারে—তবেই না?

মৃত্যুঞ্জয়। বুঝছি সব, কিন্তু তুমি তো জান—পাঁচজনের সংসারে ও কি বনিয়ে চ'লতে পারবে?

স্ববর্ণলতা। সে যেমন ঘরবরে বিয়ে হবে, তার উপর নির্ভর ক'চ্ছে। শচীনকে আমরা জানি,—হঁ, তুমি যা মনে ক'রেছ, কথাটা আর কাউকে বলা মুশ্কিল!

মৃত্যুঞ্জয়। শুধু মুশ্কিল নয়—শুনলে আমাদেরই পাগল ব'লে উড়িয়ে না দেয়! আমারই এখন এক এক বার মনে হয়, ঘটনাটা সত্যি নয়।

স্ববর্ণলতা। সত্যি নয় কি গো?—জলজ্যান্ত ঘটনা, পুরো কুড়িতে দিন—আমি বিছানায় শুয়ে!

মৃত্যুঞ্জয়। আচ্ছা, কতদিন আগেকার কথা—বলতো?

স্ববর্ণলতা। পুরো ন' বছর!

মৃত্যুঞ্জয়। আমি বড় বড় পণ্ডিত ভাজ্ঞারের মত নিয়েছি—

স্ববর্ণলতা। তারা তো উড়িয়ে দেবেই। ওরা ওসব কিছু বিশ্বাস করে কিনা! কিন্তু, আমি তোমায় বলছি—ও স'র আছে।

মৃত্যুঞ্জয়। তবেই তো! যার সঙ্গে বিয়ের সম্বন্ধ হবে, তাকে আগে থেকে ওকথা ব'লে—সে কি বিয়ে ক'রতে রাজি হবে? পাঁচটা ক্যাঙ্কড়া তুলবে; ছেলের বাপ শুনলে তো পণের টাকা দশগুণ বাড়িয়ে দেবে! এ ক্ষেত্রে জানাশোনা ছেলে হ'লে—কিন্তু যদি ঘটনাটা একেবারে চেপে যাওয়া যায়—এখানে আর কেউ জানে না—

স্ববর্ণলতা। পরে যদি অল্প কারো কাছে শোনে—তার চেয়ে নিজেরা বলা ভাল।

মৃত্যুঞ্জয়। কলিকাতার আট-দশজন লোক জানে—ক্যান্ডিয়ার্ট সাহেব, বার্ড সাহেব, আর, এল, দস্ত, পুলিশ-কমিশনার, 'বঙ্গবাসী'র যোগীন বাবু—আরো ছ'চারজন ছিল, এখন তারা মারা গেছে।

সুবর্ণলতা। এরা কেউ বিশ্বাস করেনি—?

মৃত্যুঞ্জয়। কেবল এক যোগীন বাবু বলেছিলেন—হ'তে পারে! তব্ধে আছে—

সুবর্ণলতা। (একটু চিন্তার পর) হুঁ—তোমার মতলবই ঠিক! জানাশোনা ঘরেই মেয়ের বিয়ে দিতে হবে। তা শচীনকে সঙ্গেই বা দোষ কি? বিয়ের দিন তিনেক আগে ওকে গঙ্গাজলের বাড়ীতে পাঠিয়ে দেব। সেখান থেকে বর সঙ্গে বরযাত্রী সঙ্গে নিয়ে বিয়ে ক'রতে আসবে—! গঙ্গাজলের সঙ্গে বেয়ান সম্পর্ক পাতাবো, মন্দ হবেনা! শচীনকে সব কথা বলা যাবে—?

মৃত্যুঞ্জয়। আমি আবার তাও ভাবছি—বল্লে, শচীন বিগড়ে না যায়। তাই মনে ক'রছিলাম...; আচ্ছা, তোমার কি মনে হয়?—শচীন জগদ্ধাত্রীকে ভালবাসে, কিম্বা জগদ্ধাত্রী শচীনকে—

সুবর্ণলতা। তা আবার কখনো হয় নাকি—! ও সব নভেল-নাটকেই দেখতে পাওয়া যায়!

মৃত্যুঞ্জয়। নভেল নাটক ওরাও তো পড়ে—! হোঁচট লাগতে কতক্ষণ!

সুবর্ণলতা। (বাঁহিরে শব্দ শুনিয়া) ওই বুঝি ওরা আসছে—!

(জগদ্ধাত্রী ও তাহার সখী বিজনবালার প্রবেশ)

সুবর্ণলতা। হ্যাঁরে—তোদের কি আক্কেল বল দেখি!—বেড়াতে গেলি তো, ফিরবার নামটী নেই! কত রাত হ'য়ে গেছে দেখতে!—! কোথায় গিয়েছিলি—? (বিজনের প্রতি) তোর বাপ এই চলে গেল!

বিজনবাল।। বলছি জ্যাঠাইমা, আগে তোমার মেয়েকে শাস্ত কর বাপু! (একটি আসনে জগদ্ধাত্রীকে বসাইয়া) আর ছেলেমানুষি করে না—ব'ল, চোখের জল মোছ!

সুবর্ণলতা। কেন?—মেয়ের আবার কি হ'ল?

মৃত্যুঞ্জয়। কি হ'য়েছে মা সিংহবাহিনী!

সুবর্ণলতা। তোরা কোথায় গিয়েছিলি?—শচীন কোথায়?

বিজনবাল।। শচীনদা আসছে। আমরা বেড়িয়ে ফিরছি—ইষ্টিশানের কাছে ঘোষদের মদন-মোহনের মন্দিরে কীর্তন হ'চ্ছিল, জগদ্ধাত্রী ব'ললে,—চল, গান শুনিগে; আমরা গেলাম।—

সুবর্ণলতা। তোমাদের কেউ কিছু ব'লেছে সেখানে?

বিজনবাল।। না—না, কে কি ব'লবে? তারা বরং কত যত্ন ক'রে বসালে।

সুবর্ণলতা। তবে ও কীদেছে কেন? হ'য়েছে কি?

বিজনবাল।। খানিকক্ষণ গান শুনতে শুনতে হঠাৎ কীদেতে লাগল! তারপর গান থেমে গেল, ওর কান্না আর ধামেনা!

মৃত্যুঞ্জয়। বটে! খুব সাংঘাতিক গান তো! হ্যাঁ মা সিংহবাহিনী, কি গান শুনে এলি—বলতো?

বিজনবাল।। সেই থেকে আর কথাও ব'লছেন! আমরা কত কথা ব'ললাম, ঠাট্টা ক'রলাম, হাসাবার চেষ্টা ক'রলাম—কোন কথার উত্তর দেয় নি!

(মৃত্যুঞ্জয় ও সুবর্ণলতা পরস্পর চাহিলেন)

মৃত্যুঞ্জয়। ও কিছুনা—ও কিছুনা। তুমি এক কাজ কর, যিকে আর শচীনকে সঙ্গে দিয়ে বিজনকে বাড়ী পাঠিয়ে দাও

সুবর্ণলতা। আয় মা বিজন, রাত অনেক হ'য়ে গেছে—তোরা মা আবার না জানি ভাবছে।

বিজনবাল।। আমি তাহ'লে বাইরে জগদ্ধাত্রী! তুই কথা কইবিনি?—এখনো চুপ করেই থাকবি!

(জগদ্ধাত্রী শুধু একবার মুখ তুলিয়া চাহিল, কথা কহিল না; তার চোখের দৃষ্টি এখনো অবহীন)

সুবর্ণলতা। আয় মা বিজন—আয়। শচীন—কোথায় গেলিরে?

শচীন। (নেপথ্য হইতে) এই যে মা—আমি আমার পড়ার ঘরে।

সুবর্ণলতা। বিজ্ঞনকে বাড়ীতে দিয়ে আসতে হবে—হারিকেনটা নিয়ে একটু বাইরে আস বাবা।

[বিজ্ঞন ও সুবর্ণের গ্রন্থান

মৃত্যুঞ্জয় কিছুক্ষণ স্থির হয়ে দাঁড়াইলেন; তারপর মেয়ের কাছে গিয়া মেয়ের পিঠে হাত বুলাইতে লাগিলেন; জগদ্ধাত্রী মুখ তুলিয়া অনেক ক্ষণ বাপের মুখের দিকে চাহিয়া রহিল।)

জগদ্ধাত্রী। বাবা!

মৃত্যুঞ্জয়। ইয়ারে—আমি!

জগদ্ধাত্রী। তুমি? ইয়া—তুমিই তো বটে! তুমি এখানে কেন?

মৃত্যুঞ্জয়। আমি এখানে থাকবো না তো—কোথায় থাকবো?

জগদ্ধাত্রী। না—না,—তোমার এখানে আসার কথা নয়।

মৃত্যুঞ্জয়। কেন? এইতো আমাদের বাড়ী?

জগদ্ধাত্রী। না, না—সেখানে কত গান, কত গান!

মৃত্যুঞ্জয়। কোথায় কত গান?—মদনমোহনের মন্দিরে?

জগদ্ধাত্রী। না—সে মন্দির নয়, ঘরবাড়ী নয়; আমি আমি আমি যেন... (কি মনে করিতে চেষ্টা করিল, মনে করিতে পারিল না)

(সুবর্ণলতা আসিলেন)

সুবর্ণলতা। কথা ক'ছে?

মৃত্যুঞ্জয়। (মুখের দিকে চাহিয়া ইয়া—কথা ক'ছে।

সুবর্ণলতা। কি হ'য়েছিল?

মৃত্যুঞ্জয়। (চাহিলেন)

সুবর্ণলতা। ভাস্কর ভাকবে?

মৃত্যুঞ্জয়। না!

জগদ্ধাত্রী। যা!

সুবর্ণলতা। কেন মা?—তোমার কি হ'য়েছে?

(জগদ্ধাত্রী উঠিল, ঘরের চারি ধারে ঘুরিয়া বেড়াইতে লাগিল; তার পর মায়ের কাছে গেল)

জগদ্ধাত্রী। মা, আমি বাড়ী এসেছি?

সুবর্ণলতা। ইয়া—বাড়ীতেই তো এসেছ মা!

জগদ্ধাত্রী। কেমন ক'রে বাড়ী এলাম? ওরা

আমায় ফেলে রেখে এসেছিল?

সুবর্ণলতা। কারা?—শচীন আর বিজ্ঞন?

জগদ্ধাত্রী। ইয়া—আমি হারিয়ে গিয়েছিলাম?

সুবর্ণলতা। বালাই—বাট! হারিয়ে যাবে

কেন? এইতো তুমি বাড়ীতেই এসেছ!

জগদ্ধাত্রী। শচীন?—শচীন কোথায়?

হারিয়ে গেছে?

সুবর্ণলতা। (স্বামীর মুখের দিকে চাহিলেন)

হারিয়ে যাবে কেন?

জগদ্ধাত্রী। এখানে নেই তো?

সুবর্ণলতা। বিজ্ঞনদের বাড়ী গিয়েছে—এখনি

আসবে।

জগদ্ধাত্রী। ওকে বিজ্ঞনদের বাড়ীতে যেতে দিওনা—কোথাও যেতে দিওনা। ও লুকোচুরি খেলা করে, লুকিয়ে থাকে—দেখা দেয় না! এখানে থাকবে না—এখান থেকে চলে যাবে।

মৃত্যুঞ্জয়। কোথায় চ'লে যাবে?

জগদ্ধাত্রী। কি জানি, কোথায়? আমি জানিনে—অনেক দূর!

মৃত্যুঞ্জয়। তোমার সঙ্গে কি শচীনের ঝগড়া হ'য়েছে?

জগদ্ধাত্রী। না—ঝগড়া হয় নি। সে বলে—জীবনে উন্নতি ক'রবে। 'খড় হবে! যারা বড় হয়, তারা নাকি এক জায়গায় থাকে না; অনেক দূরে যায়—টাকা রোজগার করে; সবাইকে ছেড়ে একা চ'লে যায়। সত্যি বাবা?—তার কথা সত্যি?

মৃত্যুঞ্জয়। ইয়া—সত্যি বই কি!

সুবর্ণলতা। তুই কি শচীনকে যেতে বারণ করেছিল?

জগদ্ধাত্রী। ইয়া—বারণ ক'রেছিলাম; আমার কথা শুনবে না—উন্নতি ক'রবে।

মৃত্যুঞ্জয়। বেশ তো, পুরুষ মানুষ—সে যদি টাকা উপার্জন ক'রতে বিদেশ যায়, তোমার আপত্তি কি?

জগদ্ধাত্রী। যদি হারিয়ে যায়? তোমরা যেতে দিওনা—বারণ ক'রো!

সুবর্ণলতা। শচীন এখানে থাকলে ভাল হয় ?
(অগছাত্ত্রী কথা র উত্তর দিল না)

সুবর্ণলতা। ওই শচীন এসেছে—ডাকবো
এখানে ?

অগছাত্ত্রী। না—ডেকোনা ; তোমাদের কাছে
যখন যাবার কথা ব'লবে, তোমরা বারণ ক'রো ;
যেতে দিওনা। আমার কথা শুনবে না ! মা,
তুমি এস—আমি এখানে থাকবো না।

[মা কে টানিয়া লইয়া গেল]

মৃত্যুঞ্জয়। 'পর্যন্তো বহিমান্—ধৃৱাৎ' ! শচীন—
শচীন। (নেপথ্যে) আজ্ঞে—যাই !

(শচীন আসিল)

মৃত্যুঞ্জয়। ব্যাপার কি শচীন ?

শচীন। এখন কথা কইছে তো ?

মৃত্যুঞ্জয়। তা কইছে ; কিন্তু ব্যাপারখানা কি ?

শচীন। ও বড্ড বেশী emotional !

ঐরাধিকার বিরহ গান হ'ছিল—শুনে কেঁদেই
অস্থির।

মৃত্যুঞ্জয়। গান শুনে না হয় কাঁদলো, গান
ধামার পর কথা কইলো না কেন ?

শচীন। জোর ক'রে emotion চেপে ছিল
কিনা—তারই ফলে অনেকক্ষণ চুপ ক'রে ছিল।
কিছুনা—কিছুনা। বিজন ব্যাপারটাকে খুব
রংফলিয়ে বলে বুঝি ?

মৃত্যুঞ্জয়। তুমি ব'লছ—emotion ?

শচীন। ইয়া—emotion বই কি।

মৃত্যুঞ্জয়। এর আগে emotion এর বালাই
ওর ছিলো ব'লে তো মনে হচ্ছেনা !

শচীন। না—; আজ সকাল থেকে পরিবর্তন
দেখছি।

মৃত্যুঞ্জয়। পরিবর্তনটা কিসে হ'ল ? তুমি
ওকে কিছু ব'লেছিলে—?

শচীন। ইয়া—তবে সেটা ওকে বলার চেয়ে
আপনাদেরই আগে জানানো উচিত ছিল।

মৃত্যুঞ্জয়। কথাটা কি ?

শচীন। আমি একটা কাজের জ্ঞাত দরখাস্ত
ক'রেছিলাম—উত্তর এসেছে। একটু চেষ্টা ক'রলে,
কাজটা পাওয়া যায়।

মৃত্যুঞ্জয়। কি কাজ—?

শচীন। আমাদের আর কি কাজ হবে—?
কলেজের প্রফেসর।

মৃত্যুঞ্জয়। ক'লকাতায় ?

শচীন। না, ক'লকাতায় নয়—ভাগলপুরে।
কেমেট্রির প্রফেসর।

মৃত্যুঞ্জয়। তুমি কেমেট্রিতে এম-এ দিয়েছিলে ?

শচীন। ইয়া—এবার ফিজিক্সও দিয়েছি ;
নইলে আর আমার দিতে চাইবে কেন ?

মৃত্যুঞ্জয়। দক্ষিণে কত ?

শচীন। তা মন্দ নয়—১২৫ টাকা।

মৃত্যুঞ্জয়। আমার ইচ্ছে ছিল—তুমি কোন
business কর। manufacturing business—

শচীন। আমার তো ক্যাপিটাল নেই।
টাকার দরকার যে—

মৃত্যুঞ্জয়। ধর—তার ব্যবস্থা যদি করা যায়।

“ডিঃ গুপ্ত”র মত একটা ওষুধ—কি “কেশরজন”
বা “জ্বাক্ষুস্মে”র মত একটা গন্ধতৈল বার
ক'রতে পার—? ওরা তো লাল হ'য়ে
গেল।

শচীন। এ কথা আমার আগে মনে হয়নি—
ভেবে দেখবো।

মৃত্যুঞ্জয়। ইয়া—ভেবে দেখো ! (শচীন
চলিয়া যাইতেছিল)

মৃত্যুঞ্জয়। শোন—

শচীন। কি ?

মৃত্যুঞ্জয়। অগছাত্ত্রীর এই emotionটা হঠাৎ
এল কেন ? তোমার কি মনে হয় ? ওর বয়সের
অনুপাতে ওতো বয়স একটু ছেলেমানুষের মতই
ছিল।

শচীন। এতদিন ছিল ব'লে কি বয়সেরই
ছেলেমানুষ থাকবে ? after all—she is a
woman.

মৃত্যুঞ্জয়। আচ্ছা—তুমি তো ওকে অনেক
দিন থেকে দেখছো ?—কাউকে ভালোবাসে টাসে
ব'লে মনে হয় ?

শচীন। (মৃত্যুঞ্জয়ের দিকে চাহিয়া মুহূর্তের
দেখুন, কাল পর্যন্ত she was nothing more
than a child।

মৃত্যুঞ্জয়। হ্যাঁ!—লজ্জাসরযের ধার ধারে না, তোমার সঙ্গেই ঝগড়া করতো! I was rather disappointed in her.

শচীন। আজ সকাল থেকেই পরিবর্তনটা লক্ষ্য করছি—She is no longer a girl!

মৃত্যুঞ্জয়। No longer a girl! হঠাৎ কাউকে ভাল বেসেছে না কি? love at first sight?—এই যেমন নভেল নাটকে থাকে আর কি?

শচীন। না—ঠিক তা নয়; আজ যেন ও সবাইকে নতুন করে দেখছে। ও যেন এতদিন ঘুমিয়েছিল—সাজ সহসা জেগে উঠেছে।

মৃত্যুঞ্জয়। ‘সহসা জেগে উঠেছে’—তোমার কথামতো যেন একটু কাব্যবোঁবা! শোজা গজয় একটা প্রশ্ন করবো তোমায়?

শচীন। (মুছ হাসিয়া) করুন না?

মৃত্যুঞ্জয়। জগদ্ধাত্রীর সঙ্গে যদি তোমার বিয়ের প্রস্তাব করি, তুমি তাতে রাজি হবে?

শচীন। আপনাদের কাছে আমি এমনই যথেষ্ট ধনী। আরো ধনের ভার বাড়াব!

মৃত্যুঞ্জয়। তা—বাড়ালেই বা! দোষ কি? তুমি শোধ করতে না পার, তোমার ছেলেমেয়েরা শুধবে।

শচীন। কাল পর্যন্ত এক কথা আমি ভাবিনি, —ভাববার প্রয়োজনও হয়নি।

মৃত্যুঞ্জয়। আচ্ছা, ওর আঙ্গকের সন্ধোবেলায় এই গান শুনে কারা আর চুপ করে থাকে! তুমি কি মনে কর?

শচীন। love বলতে পারেন—It was a psychological moment of her life.

মৃত্যুঞ্জয়। সাইকোলজিক্যাল, and not সাইকিক—you are sure?

শচীন। “সাইকিক রিসার্চ” সম্বন্ধে আমার কোন প্রত্যক্ষ জ্ঞান নেই—আমি বিশ্বাস করিনে, অনুসারেটিকি!

মৃত্যুঞ্জয়। জগতে বা কিছু ঘটনা ঘটে, তার সারেটিকি হেতু আছে—এই তোমার ধারণা?

শচীন। বর্তমান যুগের পণ্ডিতরা তাই তো বলেন—

(সুবর্ণলতার প্রবেশ)

মৃত্যুঞ্জয়। কি করছে জগদ্ধাত্রী?

সুবর্ণলতা। শুয়ে আছে!

মৃত্যুঞ্জয়। খেতে দিয়েছ?

সুবর্ণলতা। কিছুতেই খেলে না। ব’লে, আমার সঙ্গে থাকে—মেয়েদের আগে খেতে নেই। সবার খাওয়া হ’ক, তারপর থাকবে।

মৃত্যুঞ্জয়। দেখছো?—তোমার মেয়ে আর ছোটমেয়েটা নেই!

সুবর্ণলতা। হ্যাঁ—দেখে আশ্চর্য হ’চ্ছি। হ্যাঁ—ঘরগী গৃহিণী মেয়েদের মত পাকা কথা।

মৃত্যুঞ্জয়। এইবার তাহ’লে ওর বিয়ে দিতে হয়, আর কুমারী রাখা ভাল দেখায় না!

শচীন। আমি তাহ’লে আসি—?

সুবর্ণলতা। তোমাদের খাবার দিই—?

মৃত্যুঞ্জয়। কিছু কথা ছিল—শচীনের সঙ্গে; তা বেশ—খেতে বসে ব’লেই হবে—।

শচীন। আমি আজ আর খাব না; বিজ্ঞদের বাড়ি থেকে খেয়ে এলাম—বিজ্ঞের মা ছাড়লেন না।

মৃত্যুঞ্জয়। তাহ’লে কথাটা শেষ করে তারপর যাব...! তাড়াতাড়ি কি—?

সুবর্ণলতা। কথাটা কি?

মৃত্যুঞ্জয়। তোমায় গোপন করার কথা নয়—বরং তোমার শোনাই দরকার—। ব’ল। আমি ব’লছিলাম কি, আমাদেরও জগদ্ধাত্রীর বিয়ে দিতে হবে—যার সঙ্গে হোক, বিয়ে দিতে হবে; আর শচীনের, আজ হোক দু’দিন বাদে হোক, বিয়ে করতেই হবে—;

সুবর্ণলতা। তা তো বটেই!

মৃত্যুঞ্জয়। আমরা যদি জগদ্ধাত্রীকে অল্প জায়গায় বিয়ে না দিয়ে শচীনের সঙ্গে বিয়ে দিই,—কিছু অসুবিধে নেই!

সুবর্ণলতা। না—অসুবিধে আর কি?

মৃত্যুঞ্জয়। বরং কিছু অসুবিধেই আছে। মানে—(জনাগতিক) তোমায় তখন যে কথা ব’লছিলাম, আমি চেয়েছিলাম—জগদ্ধাত্রীকে আগে কেউ ভালবাসুক, তারপর তার সঙ্গে যেকোন বিয়ে দেব।

স্ববর্ণলতা। (জনান্তিকে) শচীন জগদ্ধাত্রীকে ভালবাসে ?

মৃত্যুঞ্জয়। (জনান্তিকে) সেই রকম মনে হচ্ছে। 'চ্যাপ্‌টারটা' অনেক দিন শেষ হয়েছে, পুরোণ পড়া—লক্ষণগুলো সব মনে নেই। পরীক্ষা ক'রে দেখা যাক—সত্যি মিথ্যে জেরায় ধরা পড়বে।

স্ববর্ণলতা। (জনান্তিকে) সে কথাটা শচীনকে ব'লেছ ?

মৃত্যুঞ্জয়। (জনান্তিকে) না—সেইটেই তো 'পরীক্ষা'; এইবার ব'লবো—। (শচীনের প্রতি) হ্যাঁ—দেখ শচীন, আমাদের দুইজনেরই হচ্ছে তোমার সঙ্গে জগদ্ধাত্রীর বিয়ে দিই !

শচীন। আমি স্বীকার ক'ছি, আপনাদের মেরেকে আমি ভালবাসি। তবে আমি দরিদ্র। আমার বাপ মা, আত্মীয়স্বজন—কেউ নেই ! আমাকে আপনারা—

মৃত্যুঞ্জয়। আমাদেরও আত্মীয়স্বজন বিশেষ কেউ নেই ; উপরন্তু আমিও কিছু রথ চাইল্ডও নই, কি লাটুবাবু ছাত্তুবাবুও নাই—। এই ক'টা টাকা পেঙ্গন পাই—নগদ টাকা নেই বলেই হয় ; বাড়ী-খানা আছে আর ধানক'টা পাওয়া যায়—

শচীন। আমার তুলনায় আপনি—

মৃত্যুঞ্জয়। আচ্ছা বাবা, আমি বড়লোক হ'লে তুমি যদি খুশী হও—স্বীকার ক'ছি, আমি বড় লোক—। হ'লো তো—? এখন শোন, একটা কথা আছে। সেটি আজই তোমায় শুনিয়ে রাখতে চাই।

শচীন। কি—?

মৃত্যুঞ্জয়। দেখ,—আমি চেয়েছিলাম, আমার মেরেকে কোনো ছেলে আগে ভালবাসুক, তারপর বিয়ে হবে। আগে ভালবাসবে তারপর বিয়ে—আমাদের হিন্দু গেরস্তোর পক্ষে এটা ভয়ানক risky ব্যাপার ! খানিকটে natureএর উপর নির্ভর ক'রতে হয়। natureএর তো জাতিভেদ, কৌলীজবিচার নেই।

স্ববর্ণলতা। তুমি আসল কথাটি বল।

মৃত্যুঞ্জয়। একটু বুঝিয়ে না ব'লে ধ'রতে পারবে না ; বুঝিবান ছোকরা, লেখাপড়া জানে, —এতো আর উষোচরণ নয় যে ধ'মকে সারবো।

শোন,—আমি হেন conservative, আমি যে এই রকম একটা ব্যাপার খটুক চেয়েছিলাম, তার কারণ ছিল—।

শচীন। আমি বুঝতে পেরেছি।

মৃত্যুঞ্জয়। কি বুঝেছ—বলতো ?

শচীন। আপনাদের মেরেটা সম্পূর্ণ স্বতন্ত্র শ্রেণীর মেরে। ও ঠিক আর পাঁচজন মেরের মত নয়—একটা বিশিষ্টতা আছে।

মৃত্যুঞ্জয়। ধরেছ ঠিক ; তবে আরো কথা আছে—। সেটা যার সঙ্গে ওর নিশ্চয় বিয়ে হবে, তাকে ছাড়া আর কাউকে বলা চলে না।

শচীন। ওর বিরুদ্ধে কোন কথাই আমি বিশ্বাস ক'রবো না।

স্ববর্ণলতা। না না—সে ব্যাপারে ওর কোনো হাত নেই। ও জানেও না।

মৃত্যুঞ্জয়। আর ওকে সে কথা আমরা শোনাতেও চাইনে। (স্ত্রীর প্রতি) তুমি একটু দেখে এস—হঠাৎ জগদ্ধাত্রী যেন এখানে এসে—

স্ববর্ণলতা। আচ্ছা—

[গ্রন্থান

মৃত্যুঞ্জয়। এটা শুধু একটা ঘটনা—আট ন'বছর আগে ঘটেছিল। আমি আজ পর্যন্ত তার কোন মানে খুঁজে পাইনে—

শচীন। অলৌকিক ব্যাপার—?

মৃত্যুঞ্জয়। ব'লতে পার ; এখনো আমার মাঝে মাঝে মনে হয়, হয়তো ঘটনা আদৌ ঘটেনি—আমার আর আমার জীৱ মানসিক বিকার !

(স্ববর্ণলতার পুনঃপ্রবেশ)

স্ববর্ণলতা। চুপটা ক'রে শুয়ে আছে, আমি আর ডাকলুম না।

শচীন। আপনি বলুন—।

মৃত্যুঞ্জয়। বছর আট নয় আগেকার কথা। আমি তখন মালদ' জেলায় খুব interiorএ একটা গ্রামে ছিলাম, থানার incharge—মানে Sub-inspector—আয়গাটার একটা অসাধারণ প্রাকৃতিক সৌন্দর্য ছিল—। ভ্রমলোকের বসতি খুব কম ; জেলে, মালো—এই সব অনেক ছিল। পদ্মার একটা

খাল বেরিয়েছে—তারই ধারে গ্রাম। খালের ওপারে একটা চর; চরের ওদিকটায় খুব খানিকটে জলা জায়গা—বিলের মত; চরটার নাম ছিল—“মহামায়ার চর”। ওদিকে যে বিলটা ছিল, সেখানটায় খুব বড় মাছ পাওয়া যেত। বোধ হয় লক্ষ্য ক’রে থাকবে—আমার খুব ছিপে মাছ ধরার সখ আছে।

শচীন। তা লক্ষ্য ক’রেছি—তারপর?

মৃত্যুঞ্জয়। সখ আজো আছে—সেকালে বেশী ছিল। আমি মাঝে মাঝে নৌকো ক’রে সেই বিলে মাছ ধরতে যেতাম। মাঝে মাঝে খুকী আমার সঙ্গে যেত। খুকী মানে জগদ্ধাত্রী। (জীর প্রতি) ওর বয়স তখন কত হবে?

সুবর্ণলতা। ন’ বছর আগেকার কথা—ঠিক ন’ বছর।

মৃত্যুঞ্জয়। একদিন জগদ্ধাত্রী বামনা ধরলে—আমার সঙ্গে যাবে। সেকালে আমি আমার একটু ভাবুক, কাব্যপ্রিয় ছিলাম—

শচীন। কাব্যপ্রিয় ছিলেন—?

মৃত্যুঞ্জয়। হ্যাঁ—হেম বাঁড়ুয়োর অনেক কবিতা আজও মুখস্থ আছে। মাছও ধ’রতাম, আমার প্রাকৃতিক গৌলন্দ্যও দেখতাম; তাই আমার অভ্যাস ছিল, একা বেরুনা—বুকে? সে দিন খুকী সঙ্গে ছিল, আর কেউ নয়। বিলে বাওয়ার আগে আমরা একবার “মহামায়ার চরে” নৌকো থামিয়ে চরে উঠলুম, এমনি একটু বেড়াবার জেতে—! অনেকটা ফাঁকা জায়গা—লোকজন কেউ নেই,—জায়গাটা বেলে জমি, তরমুজ কি আলুর ফসল খুব ভাল হ’তে পারতো; কিন্তু কেউ সেখানে কোন ফসল করেনা—ওখানকার স্থানীয় লোকের মনে একটা সংস্কার আছে—বলে “পীঠস্থান”—ভাকিনী, হাকিনী, যোগিনী, ভৈরবী নাকি রাঙিরে গান গায়—জেলেরা শুনেছে!

শচীন। “মহামায়ার চর” সন্ধে এসব কিংবদন্তী আপনি তখন শুনেছিলেন?

মৃত্যুঞ্জয়। কিছু শুনেছিলাম,—সব নয়; আমি হেসে উড়িয়ে দিতাম, বিশ্বাস ক’রতাম না। পরে অনেক কথা শুনি। খুকী সেখানে গিয়ে ‘বেন’ যেতে উঠলো! এত আনন্দ ওর কখনো দেখিনি—

ফুল তোলে, গান গায়, মৌড়িয়ে বেড়ায়; বেশী বড় চর নয়—বন জঙ্গল নেই, বেশ ফাঁকা জায়গা। খুকী বলে—“বাবা, আমি এখানে বলি, তুমি নৌকোর গিঁয়ে মাছ ধরবে”। আমি বারবার বলুম—“তুই একা থাকতে পারবি তো?” ও ব’লে বসলো—“নিশ্চয় পারবো, এ আমার চেনা জায়গা! এখানকার গাছপালার সঙ্গে আমার ভাব যেন”।

শচীন। বলেন কি?—এই কথা ব’লে জগদ্ধাত্রী!

মৃত্যুঞ্জয়। ব’লে বই কি!—আমারও দুর্ভাগ্য! আমিও ভাবলুম, নৌকোর না যায়, সে ভাল; যে দুঃখ মেরে—জলেটলে প’ড়ে যাবে! তা থাক, চরেই ব’সে থাক। এই না মনে ক’রে জগদ্ধাত্রীকে সেখানে রেখে আমি নৌকোর ফিরে এলুম! বেশী দূর না গিয়ে নিকটে নৌকো বেঁধে ‘চার’ ক’রলুম। মাঝে মাঝে মুখ তুলে দেখি, খুকী কি ক’রছে। ও একটা চাপা ফুলগাছের শুঁড়ি হেলান দিয়ে দাঁড়িয়েছিল—

শচীন। তারপর?

মৃত্যুঞ্জয়। তারপর যা ঘটল, সেইটেই হ’চ্ছে আসল কথা। বড় জোর মিনিট পাঁচেক আমি একটু ছিপের দিকে নজর দিয়েছি, মুখ তুলিনি,—তারপর চাপা গাছতলার দিকে চেয়ে দেখি, কেউ নেই সেখানে—!

শচীন। বলেন কি? কোথায় গেল!

মৃত্যুঞ্জয়। আমি তো খুকী খুকী ব’লে ভাকতে লাগলুম। কে উত্তর দেবে?—কেউ কোথাও নেই।

শচীন। তারপর?

মৃত্যুঞ্জয়। নৌকো বেয়ে চরে গেলাম; আরো দুইএকখানা নৌকো বাচ্ছিল—তাদের ভাকলুম, আমার খাতিরে তারা এল। সবাই মিলে খুঁজলুম—কোথাও তার চিহ্ন পর্যন্ত নেই!

শচীন। বলেন কি, চিহ্ন পর্যন্ত নেই! তারপর? পাওয়া গেল কি ক’রে—কতদিন পরে?

মৃত্যুঞ্জয়। বলছি। আমি ফিরে এলাম। উনি সব শুনলেন; প্রথমে কারা, তারপর মুর্ছা—মেয়েদের যা হ’য়ে থাকে। আমি তো ভবিত! আমার শোক হ’ল না—আমার হ’ল বিষয়!

শচীন। পাত্তজ পেল কি ক'রে?

মৃত্যুঞ্জয়। কুড়ি দিন পরে। উনি তখন অনেকটা শান্ত হ'য়েছেন। আমি স্তম্ভিত হওয়া ছেড়ে দিয়েছি, তবে যোজ বিকেলে আমি নিজে একবার করে “মহামায়ার চরে” যেতাম। কুড়ি দিন পরে যখন যাই, নৌকো থেকেই দেখতে পেলাম—জগদ্ধাত্রী যেখানে দাঁড়িয়ে ছিল, ঠিক সেই-খানে—সেই চাপাগাছ ঠেসান দিয়ে ঠিক দাঁড়িয়ে আছে।

শচীন। স্যা! কুড়ি দিন পরে, ঠিক সেই-ভাবে—সেইখানে!

মৃত্যুঞ্জয়। হ্যা—আমি দেখিছি। সেদিন মান্নি ছিল হারাণ চৌকিদার। সে লোকটাও ব'ললো—“ওই তো থুকা!” নৌকো চরে লাগিয়ে ডাঙায় উঠলাম। থুকা শুধু ব'লে—“চল বাবা, বাড়ী যাই”।

শচীন। আর কিছু ব'লে না?

মৃত্যুঞ্জয়। না—;

শচীন। এতদিন কোথায় ছিল, কি বৃত্তান্ত,—এই কুড়িতে দিনের কথা?

মৃত্যুঞ্জয়। কিছু না! নৌকোয় আরো পাঁচটা কথা কইতে লাগল, যেন কিছুই হয় নি। বাড়ী ফিরে এসে ওর মায়ের সঙ্গেও ঠিক আগেকার মত কথা কইল, হাসল, গান গাইল। ব্যাপারটা কি হয়েছিল জান?

শচীন। কি?

মৃত্যুঞ্জয়। এই কুড়িটা দিনের অস্তিত্ব ওর কাছে একবারেই ছিল না।

শচীন। আপনারা ওকে সব কথা ব'লেছিলেন?

মৃত্যুঞ্জয়। আমি ব'লতে বাচ্ছিলাম, উনি আমার বারণ ক'রলেন। না ব'লে বোধ হয় ভালই করেছি, বলে কি হ'ত—কে জানে

মৃত্যুঞ্জয়। এই ঘটনা! You can explain it in your own way. আচ্ছা, এরকম ঘটনা হ'তে পারে তোমার বিশ্বাস হয়?

শচীন। আমি তো কখনো দেখিও নি, শুনিও নি! আপনাকে তো অবিশ্বাস ক'রতে পাচ্ছি নি! আচ্ছা, আপনি তো সেখানে অনেক দিন ছিলেন, —“মহামায়ার চরে” আর কোনো অলৌকিক ঘটনা আপনি দেখেছিলেন?

মৃত্যুঞ্জয়। না—দেখিনি। তবে পুরোনো কাগজপত্রে পাওয়া যায়, বহুকাল থেকে ভায়গাটার-ইর্নায় আছে। ১৮৭৮ সালের একটা রেকর্ড দেখলুম, একদল বাজী নৌকো ক'রে যাচ্ছিল —“মহামায়ার চরে” তারা রান্না ক'রে খায় যারা ডাঙ্গায় নেমেছিল, তাদের ভিতর থেকে একটা ছেলে আর নৌকোয় ওঠেনি।

শচীন। কুড়ি দিন পরেও নয়?

মৃত্যুঞ্জয়। আজো নয়!

শচীন। জগদ্ধাত্রী তার ছেলেবেলার অনেক গল্প আমায় ব'লেছে, কিন্তু “মহামায়ার চরে”র কথা তো কোন দিন বলেনি!

মৃত্যুঞ্জয়। সেখানকার কোন কথাই ওর মনে নেই। আমারও ওকে মনে করিয়ে দিতে চাইনে।

মৃত্যুঞ্জয়। শুধু, যে ওকে বিয়ে ক'রবে, তাকে ঘটনাটা জানিয়ে রাখা উচিত মনে ক'রে তোমায় আজ আমরা বলুম।

মৃত্যুঞ্জয়। তুমি এখনো বিবেচনা ক'রে দেখ বাবা—ওকে তুমি বিয়ে ক'রবে কিনা।

মৃত্যুঞ্জয়। আমার কাছে জীবন একটা বাধাধরা নিয়মে চলে। তার ব্যতিক্রম মানুষ ঠিক সহিতে পারে না। সেইজন্মেই ঘটনাটা তোমায় জানিয়ে রাখলুম। অনেক দিন হ'য়ে গেল—এখন আমার ক্রমেই মনে হ'চ্ছে—perhaps it never happened. আমি অনেক পণ্ডিত লোকের সঙ্গে আলোচনা ক'রেছি, তাঁরা বলেন—মনের খেয়াল!

মৃত্যুঞ্জয়। মনের খেয়াল ব'লেই অমনি হ'ল কিনা? কুড়িতে দিন, কুড়িতে রাত—মনের খেয়াল বলে উড়িয়ে দেওয়া চলে?...তুমি খেয়ে নেও।

মৃত্যুঞ্জয়। চল যাই; শচীন থাকবে না?

শচীন। না—আমি তো খেয়ে এসেছি।

মৃত্যুঞ্জয়। ঘটনা শুনলে—এখন তুমি বিবেচনা ক'রে দেখ। কাল সকালে তুমি আমাদের জানিয়ে, ওকে বিয়ে ক'রতে তোমায় কোন আপত্তি আছে কিনা!

শচীন। আমি আজই জানিয়ে দিচ্ছি! আপত্তির কথা আমার কি ব'লছেন? শুধু—এই

কারণেই She will be dearer to me for ever all through my life !

মৃত্যুঞ্জয়। Well youngman, I wish you a long happy life of love ! (জীর প্রতি) চল—।

স্ববর্ণলতা। (অনাস্তিকে) ইংরিজি ক'রে কি ব'লে ?

মৃত্যুঞ্জয়। বাংলায় ওর মোক্ষা কথাটা দাঁড়ায়—“সেধো ভাত খাবি ?—না, হাত ধোব কাধায় ?” শচীনকে তুমি জান না ?—আজ সাত বছর ওকে মাহুষ কচ্ছ ? (শচীনের প্রতি) ওকে যেন তুমি এ কথা ব'লো না।

শচীন। না—।

মৃত্যুঞ্জয়। তুমি একটু ব'সো—। বিয়ের সম্বন্ধে আরো ছ'টার কথা তোমার সঙ্গে আলোচনা ক'রতে চাই।

স্ববর্ণলতা। হ্যাঁ—আমরা এই মাসেই বিয়ে দেব—।

[উভয়ের প্রস্থান

শচীন। আশ্চর্য্য ঘটনা—অলৌকিক ! অলৌকিক ! অসাধারণ নয়, অস্বাভাবিক নয়,—অলৌকিক ! আমি কখনো অলৌকিক বিশ্বাস করিনি। বিজ্ঞান অলৌকিক স্বীকার ক'রতে চায় না—সামাজিক মাহুষ অলৌকিক বিশ্বাস করে না, হেসে উড়িয়ে দেয় ; কিন্তু অলৌকিক আছে, অলৌকিক জন্মের ! মাহুষ নিজেই অলৌকিক ! ভ্রূণ থেকে আরম্ভ ক'রে তার দেহের মৃত্যু পর্যন্ত, তার সমস্ত Physiological development লৌকিক—শুধু কার্য্যকারণের শৃঙ্খলে সীমাবদ্ধ ; কিন্তু তার মন তো লৌকিক নয়,—অসীম, বিরাট, আশ্চর্য্য নামব-মন—। আজ আমার অলৌকিক বিশ্বাস ক'রতে ইচ্ছা হ'চ্ছে ; জগদ্ধাত্রী অলৌকিক ! সে শুধু একটা মেয়ে নয়,—তাকে যতটুকু চিনি, তার চেয়ে বেশী চিনি নে—তাই তাকে ভালবাসি ! আকাশের নক্ষত্র, চাঁদ, সূর্য্য, বাহ্য প্রকৃতি, বিরাট সৌর জগৎ—এরাও কি অলৌকিক নয় ?—এদের কতটুকু পরিচয় বিজ্ঞান জানে ? দিনের আলোর যা সত্য, রাত্রির অন্ধকারে তাঁ অলৌকিক !

(পা টিপিয়া টিপিয়া জগদ্ধাত্রী আসিল)

জগদ্ধাত্রী। শচীন !

শচীন। জগদ্ধাত্রী !

জগদ্ধাত্রী। হ্যাঁ ?—আমি লুকিয়ে এগেছি ; যা বাবা জানতে পারেননি !

শচীন। তুমি এখন কেমন আছ ?

জগদ্ধাত্রী। খুব ভাল আছি ; তুমি কেমন আছ শচীন—শচীন ?

শচীন। তুমি আমায় শচীন ব'লে ডাকছ কেন ?

জগদ্ধাত্রী। কি ব'লে ডাকব ? তোমার নাম তো শচীন—শচীন—।

শচীন। তুমি কি আমায় শচীন ব'লে ডাকতে ?

জগদ্ধাত্রী। না। যা ব'লে ডাকতুম—আর তা ব'লতে পারবো না, আমার মুখে আসবে না !

শচীন। কেন ?

জগদ্ধাত্রী। জান না ?

শচীন। (মৃদু হাসির সহিত) না জানি না !

জগদ্ধাত্রী। সত্যি জান না ?—কিছু বুঝতে পারিনি ?

শচীন। তোমার মুখে শুনতে চাই !

জগদ্ধাত্রী। দুঃখি ক'চ্ছ ?

শচীন। না, তুমি বল না !

জগদ্ধাত্রী। কাউকে ব'লো না যেন—শচীন, সে কথা ব'লতে নেই। গোপন কথা !

শচীন। আমার কাছেও গোপন ক'রবে ?

জগদ্ধাত্রী। না—শুধু তোমাকেই ব'লবে ; আমি ভালবাসি, তোমায় ভালবাসি শচীন ! তোমায় ভালবাসি, তোমার নাম ভালবাসি ; আমি তোমার—আর কারো নয়। আমার ছেড়ে তুমি কোথাও যেওনা। হয় তো হারিয়ে যাবে—আমি তোমায় খুঁজে পাব না !

শচীন। আমিও তোমায় ভালবাসি ! তোমায় ছেড়ে কোথাও যাব না।

জগদ্ধাত্রী। কোথাও যাবে না ?

শচীন। না—।

জগদ্ধাত্রী। বিজনদের বাড়ী যাবে না ?

শচীন। বিজনদের বাড়ী কেন যাবে না ?

অগছাত্রী। না—যেওনা। তুমি যদি যাও, বিজন তোমার ভালবাসবে—তুমি তাকে ভালবাসবে।

শচীন। বাড়ী গেলেই কি ভালবাসতে হয়?

অগছাত্রী। তুমি যদি ভালো না বাস, সে ভালবাসবে। তার মনে কষ্ট হবে। তুমি তার সামনে যেওনা।

শচীন। আচ্ছা—যাবনা। তোমার কাছেই থাকব।

অগছাত্রী। চিরদিন তুমি আমার কাছে থাকবে?

শচীন। হ্যাঁ—চিরদিন তোমার কাছে থাকব?

অগছাত্রী। বাবা-মা চিরদিন তোমার আমার কাছে থাকতে দেবেন তো?

শচীন। তাঁরা আমার সঙ্গে তোমার বিয়ে দেবেন।

অগছাত্রী। তাঁরা বলেছেন—বিয়ে দেবেন?

শচীন। এই মাত্র বলেন।

অগছাত্রী। আমার মনের কথা তাঁরা কেমন করে জানতে পারেন?

শচীন। হয়তো অনুমান করেছেন—কিষ্কা না জেনেই ব'লেছেন।

অগছাত্রী। তোমার সঙ্গে আমার বিয়ে হবে?

শচীন। হ্যাঁ—বিয়ে হবে।

অগছাত্রী। বিয়ে হ'লে আর তো তোমার নাম ধ'রে ডাকতে পারব না।

শচীন। যতদিন বিয়ে না হয় ততদিন রোজ পাঁচ সাতশ' বার নাম ধ'রে ডেকো—তা হ'লেই পুথিয়ে যাবে।

অগছাত্রী। না—আমার লজ্জা ক'ছে—নাম ব'লতে লজ্জা ক'ছে। তুমি আমার বর?

শচীন। হ্যাঁ—বর হব।

অগছাত্রী। আচ্ছা, বিয়ে হ'লে বর-বোঁ কেউ কোনদিন কাউকে চোখের আড় করে না?

শচীন। না—; বারা ভালবাসে, তারা কাছে কাছে থাকে,—চোখের আড় করে না।

অগছাত্রী। আমরা যখন যেখানে যাব, হুঁজনে একসঙ্গে যাব। (সহসা ষষ্ঠকক্ষ প্রবেশ দেখিল)

একটি চমৎকার আরগা আছে—সুন্দর আরগা! আমরা সেখানে যাব, তুমি আমার নিয়ে যাবে?

শচীন। কোথায় সে আরগাটা আগে বল?

অগছাত্রী। আমার মনে গাঁথা আছে। আশ্চর্য্য। এতদিন ভুলেছিলাম, একবারও মনে হয় নি। চারিধারে জল আর আকাশ, মাঝখানে ছোট্ট একটা দ্বীপ, নৌকা ক'রে যেতে হয়—জেলেরা গান গায়, চমৎকার গান।

শচীন। গান মনে আছে তোমার?

অগছাত্রী। না। গান মনে নেই—সুঁর মনে আছে;

(সুঁরে) আমি তাঁটির টানে ভাসিয়ে দিলাম না,
দেখি কোথায় নিয়ে যাবে
আমার নবীন তরুণী।

তুমি আমার সেখানে নিয়ে যাবে?

শচীন। হ্যাঁ—নিয়ে যাবো।

অগছাত্রী। অনেক নৌকা—নানা রঙ্গের পাল! একটা কনকচাঁপা ফুলের গাছ। ধূধু ক'রছে জল—আর জল; কত পাখী, কত পদ্মফুল।

শচীন। আরগাটার নাম আমার বল? নইলে কেমন করে নিয়ে যাব।

অগছাত্রী। নামটা মনে আসছে না। মনে হবে—মনে হবে! একটু পরেই মনে হবে। এখনি বাবা মা আসবেন, আমি পালিয়ে যাই। ওঁরা জিজ্ঞাসা ক'লে আমার কথা কিছু ব'লো না। ব'লোনা—যেন।

শচীন। কেন? ব'লে দোষ কি?

অগছাত্রী। ছিঃ—ওঁরা কি ভাববেন।

(সুবর্ণলতা সহসা প্রবেশ করিলেন)

সুবর্ণলতা। হ্যাঁরে খুকী—তুই এখানে?

অগছাত্রী। (হঠাৎ ঘোমটা দিয়া) না—আমি এখানে নয়, তোমার কাছে; (কানে কানে) আমি মায়ের কাছে।

সুবর্ণলতা। অবাক কাণ্ড! তুই ঘোমটা দিলি কেন? তোমার আবার কাকে লজ্জা।

জগদ্ধাত্রী। (জনাঙ্কিকে মুদ্রবরে) যিনি
তোমার আমাই হবেন, তাঁকে। শুভদৃষ্টি হয়ে গেছে
যে! বাবাকে ব'লোনা যেন! এস—
সুবর্ণগতা। শচীন,—বাবা, রাত অনেক হ'য়ে
গেছে—তুমি শোওগে।

[জগদ্ধাত্রী সুবর্ণগতাকে টানিয়া লইয়া গেল]

দ্বিতীয় অঙ্ক

দৃশ্য—মহামায়ার চর

[উক্ত ঘটনার পর আরো তিন বছর চলিয়া
গেছে। ইহার ভিতর নিম্নলিখিত ঘটনাগুলি
ঘটিয়াছে। (১) শচীন-জগদ্ধাত্রীর বিবাহ হইয়াছে;
(২) তাহাদের একটি ছেলে হইয়াছে; ছেলেটি
দিদিমা দাদামহাশয়ের গলার হার, মায়ের নয়ন-
মণি! (৩) শচীন্দ্র কলিকাতায় একটি কলেজে
কাজ করিতেছে—এবং সঙ্গে সঙ্গে একটি ঔষধের
কারখানা খুলিয়াছে, তাহাতে অল্পস্বল্প লাভও
হইতেছে। (৪) এবার পূজার ছুটিতে স্বামী-
জীতে বেড়াইতে বাহির হইয়াছে। (৫) অনেক
জায়গা ঘুরিবার পরে জগদ্ধাত্রীর অনুরোধে “মহা-
মায়ার চর” দেখিতে আসিয়াছে। শচীন্দ্র তার
ইচ্ছার বিরুদ্ধে যেন কোন ছুনিবার আকর্ষণে এখানে
আসিয়াছে। চরের ধারে বিলে একখানি নৌকা
বাধা আছে; তাহাতে একজন মাঝি বসিয়া আছে;
জলে কুশুদ কল্লার আর তীরে কাশফুল ফুটিয়াছে;
উর্দ্ধে শরতের শুভ্র আকাশ! একখানি নৌকা হইতে
ভাটিয়ালি সুরে গান ভাসিয়া আসিতেছে।]

(গানের মধ্যে এক সময় জগদ্ধাত্রী ও শচীন আসিল)

গান

ওরে ও মায়াবিনি

আজ কেন তোর আঁখিতরা জল

কেন চোখছুটি ছল ছল?

উজান বেয়ে চ'লতে হবে—

তরঙ্গী ঢকল।

এতো নয় সে ভরা ভাদর
যেথেষ্টে নেই জল—
সোনায় বরণ রবির কিরণ,
আকাশে বলমল!
মিছে মায়ার কাঁদিসনে আর,
সময় হ'ল বিদায় নেবার;
ওপারে ওই জ'ন্তী গাছে—
ধ'রবে নুতন ফল!
অচিন গাঙে ভাসবে তরী
করিসনে আর ছল!
হাসি মুখে আসি ব'লে
যোছরে চোখের জল॥

[নৌকা চলিয়া গেল

জগদ্ধাত্রী। কতদিন পরে আবার এ গান
শুনলুম! এর সুর আমার প্রাণের ভিতর ছিল।
মনে ক'রবার চেষ্টা ক'রতুম, মনে প'ড়তো না—

শচীন। না—না, এ গান আমার ভাল লাগছে
না—বড় উদাস সুর। তুমি ধেদ ধ'রলে ব'লে
এখানে আসতে হ'ল—! আমার আসবার তেমন
ই'চ্ছে ছিল না!

জগদ্ধাত্রী। কেন?—বিয়ের আগে থেকে
তুমি আমায় ব'লে আসছ—এখানে আসবো,
“মহামায়ার চর” দেখবো, বিলে নৌকা ক'রে
বেড়াব, নালফুল তুলবো—

শচীন। বিজ্ঞান আর বিজ্ঞানের বরকে সঙ্গে
আনলে বেশ হোত—!

জগদ্ধাত্রী। বিজ্ঞানের বরের সঙ্গে তোমার
আলাপ হ'য়েছে?

শচীন। সেবার এসেছিল—আলাপ হ'ল;
বেশ ভদ্রলোক, ভাল গাইয়ে—!

জগদ্ধাত্রী। কি নাম বল দেখি?

শচীন। নন্দগোপাল বাবু—

জগদ্ধাত্রী। (হাস্ত)

শচীন। ওকি?—শুধু শুধু হাসছো কেন?

জগদ্ধাত্রী। ‘নন্দগোপাল’ নাম শুনলে আমার
বড় হাসি পায়! মনে হয়, বেশ নাহুল হুচুল একটি
ছেলে “ননী দে—ননী দে” ব'লে হাসা দিচ্ছে।
(পুনরায় হাসি) ওর বয়ের নাম নিয়ে বিজ্ঞানকে
আমি খুব ঠাট্টা করি।

শচীন। নন্দাবারু কিন্তু খুব ভাল গান করেন,
—বাজার দলে ছিলেন কিনা!

অগদ্ধাজী। (সহসা যেন নিজের মধ্যে ডুবিয়া
গেল) তিন বছর আমাদের বিয়ে হয়েছে?

শচীন। হ্যাঁ—কেন?

অগদ্ধাজী। তিন বছর আর ন'বছর—বারো
বছর পরে এখানে এলাম। খোকাকে ছেড়ে বাবা-
মা যে কেমন ক'রে আছেন!

শচীন। সেই অন্তেই আমার এখানে আসবার
ইচ্ছে ছিল না।

অগদ্ধাজী। আমি ছাড়তাম কিনা? এবার
আমি বাড়ী থেকে প্রতিজ্ঞা করে বেরিয়েছিলাম—
“মহামায়ার চর” দেখবোই দেখবো।

শচীন। দেখা তো হ'ল—এখন চল, আর
বেশীকণ থাকবো না। খোকা একা বিয়ের কাছে
রয়েছে। যদি বায়না ধরে?—কি কি ভুলিয়ে
রাখতে পারবে—?

অগদ্ধাজী। তা বটে। না—বেশীকণ থাকা
চলবে না। খোকাকে এখানে আনলে বেশ হ'ত—
বাবা যেমন আমার সঙ্গে নিয়ে আসতেন।
খোকাকে আনলে আমি তাকে কনকচাঁপার কাছে
বসিয়ে দিতাম।

শচীন। কোথায় তোমার কনকচাঁপা?—তুমি
তো খুঁজেই পেলেনা। তোমার মনে নেই।

অগদ্ধাজী। মনে আছে, মনে আছে; তবে
তখন বর্ষাকাল—কূলে কূলে জল! এখন যে অনেক
জল স'রে গেছে—। চরের বালি বেরিয়ে
পড়েছে—। বর্ষাকাল আর শরৎকাল কি এক, যে
দেখেই চিনতে পারব?

শচীন। শীগগির শীগগির খুঁজে বার কর—
তোমার কনকচাঁপার গাছ। বাগায় ফিরে বাড়ীতে
টেলিগ্রাম ক'রতে হবে—।

অগদ্ধাজী। না—আমরা যে এখানে এসেছি,
মা-বাবাকে তা জানতে দেওয়া হবে না। মা-বাবা
কেউই—এ আরগাটা পছন্দ করেন না।

(মনোযোগ দিয়া যেন কি শুনিতে লাগিল)

শচীন। ওকি—কি শুনছ?

অগদ্ধাজী। না—আমার হঠাৎ যেন মনে হ'ল,
খোকা কেঁদে উঠল। ওকে সঙ্গে আনলেই হ'ত।

দেখি—আর একটু খুঁজে দেখি, চাঁপার সঙ্গে দেখা
ক'রে তাকে ছুঁটো কথা বললেই চ'লে যাব।

শচীন। চাঁপার সঙ্গে কথা বলবে?

অগদ্ধাজী। বলবো না?—তবে আর খুঁজছি;
কেন? আমার সঙ্গে ভাব কিনা! আরে—
এইতো, গাছতলায় দাঁড়িয়ে আছি, দেখতেই পাইনি।

শচীন। সত্যিই তো, কনকচাঁপা গাছই বটে!
এতকণ নজরে পড়েনি। নেও, তোমার চাঁপাকে
কি বলবার আছে—বল।

অগদ্ধাজী। চাঁপাকুল, তোমার কাণে কাণে
একটা কথা বলবো। দেখ দেখ—মজা দেখ।

শচীন। কি?

অগদ্ধাজী। আমার আঁচল ধ'রে টানছে—
আমায় ধ'রে রাখতে চায়। তোমায় বিয়ে ক'রেছি
ব'লে তোমার উপর রাগ!

শচীন। আমার উপর রাগ! বাস্তবিক,
অনেক ছেলেমানুষ দেখিছি, তোমার মত ঠিক
এরকম ছেলেমানুষ আর একটাও দেখিনি।

অগদ্ধাজী। আমি ছেলেমানুষ! তুমি যে
বিশ্বাস করনা। সত্যি?—ওদের প্রাণ আছে,
অল্পভূতি আছে, ওরা কথা কয়, গান গায়। তুমি
যদি বুঝতে না পার, সে দোষ কি কনকচাঁপার?
কেন?—তুমিই তো সেদিন বলছিলে?

শচীন। কি বলছিলাম?

অগদ্ধাজী। প্রোফেসর জগদীশ বসু বলছেন
—গাছের প্রাণ আছে, সুখ-দুঃখবোধ আছে।

শচীন। না—আমারই ভুল হয়ে গেছে। তা
—তুমি তোমার কনকচাঁপাকে একখানা গান
শুনিয়ে দাও। ওই শোন, চাঁপা তোমায় গাইতে
ব'লছে—।

অগদ্ধাজী। গান শুনবে? সত্যি—মাইরি
ব'লছি, আমার ব'লে,—গান গাও। আচ্ছা,
গাইছি—।

গান

চোখে আমার ভাল লাগেরে—
(আমার) কনক চাঁপার সোনার বরণ ফুল—।
কাণে আমার ভেগে আগেরে—
মধুর সুরে তান ধরেছে পাণিরা বুলবুল!

তুমি কাছে এস, মনের কথা কইবো কাণে কাণে,
নদীর জলে ঢেউ লেগেছে
কি গভীর কলতানে।
ছলাৎ, ছলাৎ, হলু, হলু, হলু—
গান গেয়ে যায় ওই কালো জল।
জোয়ার জলে ডুবিয়ে দিল
তীরের তরুমূল।

শচীন। জিজ্ঞাসা ক'রে দেখ—তোমার কনক-
বরণী চাঁপা কি বলেন? গান কেমন লাগল?

জগদ্ধাত্রী। (যেন কি শুনিয়া হাসিল)

শচীন। হাসছ কেন?

জগদ্ধাত্রী। ব'লছে, তোমার বরের গান
শুনবো। বিয়ের সময় আমায় তো নেমন্তন্ন করনি
—বাসর আগিনি। সত্যি, এইবার তুমি গাও;
গাও?—শুনতে চাইছে!

শচীন। কি গাইব? কালোয়াতি? সুরট-
মল্লার গাইব, না পঞ্চম-সোম্মারি গাইব?

জগদ্ধাত্রী। না—'বাসর ঘরে' যে গানখানা
গেয়েছিলে, সেই গানখানা গাও।

শচীন। 'বাসর ঘরে' আমি গেয়েছিলাম
নাকি?

জগদ্ধাত্রী। গাওনি?

শচীন। তুমি তাহ'লে ঘুমিয়ে ঘুমিয়ে শুনে-
ছিলে। যাক—তোমার চাঁপা-সইকে আর কি কি
ব'লবে, বলে নাও। আমার বড় খিদে পেয়েছে।

জগদ্ধাত্রী। নৌকোয় তো খাবার আছে,
মাঝিকে আনতে বলনা।

শচীন। যে তোমার দেশের মাঝি, ওকে
ডাকতে আমার ভরসা হয় না।

জগদ্ধাত্রী। ও বুঝি আমার দেশের মাঝি?

শচীন। যার দেশেরই হোক, ওর মেজাজটি
ঠিক মাঝির মত নয়।

জগদ্ধাত্রী। তুমি ডাকই না! আমি একটু
চাঁপার সঙ্গে কথা কই। দেখ চাঁপা, তুমি প্রায়
তেমনটিই আছ; আমি কিন্তু আর সেই ছোট
মেয়েটা নেই। আমি কত বড় হ'য়েছি! আমার
কর্তাটিকে দেখলে তো? আমার আর একটি
বজিন্স আছে—আমার খোকন। তোমার ফুলের

মতন সোনার রঙ! তাকে ভুল ক'রে ওপারে
রেখে এসেছি। তার নাম অতুল। সঙ্গে আনলে
দেখতে পেতে; কাল যদি এখানে থাকি, নিরে
আসবো। তোমার ফুল নিরে যাব—আমার
বরকে দেব, খোকর ছুই হাতে দেব,—আর আমার
খোঁপায় প'রব। এতদিন কেন আসিনি জিজ্ঞাসা
ক'রছ? মা, বাবা আসতে দেননি। তোমার এ
চর, এ বিল তাঁরা ভালবাসেন না। এখন আমরা
বড় হ'য়েছি কিনা—আমরা নিজেরাই এসেছি।
বাবা আগের চেয়ে অনেক বড়ো হ'য়েছেন। হঠাৎ
দেখলে তুমি চিনতে পারবে না—অর্ধেকের বেশী
চুল পেকে গেছে। মাকে তো তুমি চেনই না, মাও
তোমায় চেনেন না।

শচীন। আরো সব জরুরী কথা আছে—
তোমার চাঁপাকে বল না?

জগদ্ধাত্রী। কি জরুরী কথা?

শচীন। এই যেমন ছেলের ভাতের সময়
নেমন্তন্ন করতে পারিনি, পৈতৃভর সময় নিতে
আসবো—যেতে হবে কিন্তু! বল,—এখনো আমরা
নিজদের বাড়ী ক'রতে পারিনি, বাপের বাড়ীতেই
আছি। বল—তোমার স্বামী রোজ সকাল বেলা
ব্যারাকপুর ষ্টেশন থেকে “ডেলি প্যাসেঞ্জার”,
“বঙ্গবাসী কলেজ” কেমিস্ট্রি প্রফেসর। আজো
মাইনে বাড়িনি। তোমার নামে একটা তেল বার
করে পেটেন্ট ক'রবার ইচ্ছে আছে—“কনকচাঁপা”
জগদ্বিখ্যাত কেশতৈল, ছোট শিশি ৯/০—বড়
বোতল ১৫/১০ দাম।

জগদ্ধাত্রী। সত্যি “কনকচাঁপা কেশতৈল”,
বড় ভাল নাম হবে। তেলের রঙটা ঠিক এই রকম
হওয়া চাই কিন্তু।—আচ্ছা আমি জিজ্ঞাসা ক'রে
দেখি, ওর আপত্তি আছে কিনা!

শচীন। উঃ—পাগল কি আর গাছে ফলে?
(উচ্চৈঃস্বরে) এই মাঝি—মাঝি!

মাঝি। (নেপথ্যে) কি বাবু!

শচীন। তোমাকো ডাকতা, ক্যা নাম হ্যায়?
হ্যা হ্যা, তোমাকো ডাকতা হ্যায়—হামকো
নৌকোকো মাঝি। ইধার আও!

(মাঝি দ্বিঃবর নৌকা হইতে নামিয়া আসিল)

শচীন। আমরা কথা বুঝতে পারতা হ্যায়?

বিজবর। আমি বাঙালী। হিন্দিতে কথা কইছেন কেন।

শচীন। তুমি বাঙালী? He disappoints me. I took a chance of talking bit of Hindusthani.

বিজবর। You need not sir—আমরা ছ'জনেই বাঙালী।

শচীন। My God! তুমি ইংরিজিও জান না কি?

বিজবর। একটু একটু জানি স্তর।

শচীন। যাকগে—তুমি এক কাজ কর, নৌকা থেকে আমাদের খাবারের পাত্রটা আনতে পার?

বিজবর। আনতে পারি; কিন্তু আমার আনা উচিত হবে কি?

শচীন। কেন—উচিত হবে না কেন?

বিজবর। মাঠাকরুণ আমার ছৌওয়া খাবার খাবেন?

শচীন। তাই ত। হ্যাঁগা? কি বল—ওর ছৌওয়া খাবার খাবে?

জগদ্ধাত্রী। তোমরা কি জ্ঞাত বাবা?

বিজবর। আমরা ক্ষত্রিয়।

শচীন। 'ক্ষত্রিয়'!—তার মানে তোমরা যুদ্ধ কর?

বিজবর। আমার পূর্বপুরুষেরা যুদ্ধ ক'রতেন বটে; আমাদের যুদ্ধ করার দরকার হয় না।

শচীন। যুদ্ধ করা দরকার হয় না? কি করা দরকার হয়? তোমাদের জ্ঞাত-ব্যবসা কি?

বিজবর। এখন আমরা জাল বুনি, মাছ ধরি, আর নৌকো চালাই।

শচীন। জেলে?

বিজবর। আমরা রাজবংশী।

শচীন। তাই বলনা বেটা—রাজবংশী জেলে; তা না ক্ষত্রিয়। অতো ষটা ক'রবার কি দরকার ছিল বাবা!

বিজবর। আপনি আমায় বেটা ব'লেন। আমি আপনার কোন অসম্মান করিনি, আপনি জ্ঞাত তুলে পালাগালি দিলেন। আপনার ব্যবহার ঠিক ভদ্র-ব্যবহার নয়—যদিচ, আপনাকে দেখতে ভদ্র লোকের মত!

জগদ্ধাত্রী। আমি তো তোমায় বাবা ব'লে ডাকছি—বিজবর!

বিজবর। আপনি যথার্থ ভদ্রমহিলা।

জগদ্ধাত্রী। তুমি খাবার নিয়ে এস, আমি তোমার ছৌওয়া খাবার খাবো।

বিজবর। এখানে আপনি খেতে পারেন আমার ছৌওয়া; এ জায়গাটার নাম "মহামায়ার চর"—মা-কালীর স্থান, পবিত্র তীর্থ। এখানে জ্ঞাতের বিচার নেই। আচ্ছা—আমি নিয়ে আসছি মা!

[প্রস্থান

শচীন। বেটা আমায় একেবারে অভদ্র বানিয়ে দিলে যে! তুমি একটু অপারিশ কর।

জগদ্ধাত্রী। তা তুমি ওর সঙ্গে একটু ভাল ক'রে কথা কইলে পারতে?

শচীন। পারতাম তো। পারিনি। গেরো আর কি। বেটা যে "দ্বিতীয় ভাগে"র ভাষায় কথা কইছে—মা-কালীর স্থান, পবিত্র তীর্থ। বিষ্ণু-বাগীশ মশায় মাঝির ছদ্মবেশে এসেছেন, কেমন ক'রে বুঝবো বল? যাই হোক, তোমার উপর খুব খুণী দেখছি। বোধ হয়, মনে মনে 'লভে' প'ড়েছে।

জগদ্ধাত্রী। 'লভে' প'লে বুঝি লোকে মা ব'লে ডাকে? খুব বুদ্ধি তো!

শচীন। ঠিক জানা নেই। ওই মাঝি আসছেন, আমি গম্ভীর হ'লাম।

জগদ্ধাত্রী। আর কখন ওর কাছে ছ্যাবলামো ক'রো না যেন।

(বিজবর খাবার লইয়া পুনরায় প্রবেশ করিল)

বিজবর। এই নিন, আপনার খাবার।

জগদ্ধাত্রী। এই নাও, তোমার খিদে লেগেছে ব'লছিলে—খাবার খাও।

শচীন। বাঃ রে—তুমি খাবে না?

জগদ্ধাত্রী। তুমি খাওনা। আমার জন্তে 'ভাবতে হবে না।

শচীন। তুমি খাবেনা—আর আমি খাব? সে হয় না—

জগদ্ধাত্রী। আমি কোনদিন তোমার সামনে খাই ?

শচীন। “আতুরে নিয়মো নাস্তি”।

জগদ্ধাত্রী। (জনান্তিকে) তোমরা নৌকায় গিয়ে ব’সলে, আমি সেই ফাঁকে খেয়ে নেব’খন।
দ্বিজবর, তুমি কিছু খাও বাবা !

দ্বিজবর। না মা, থাক্।

জগদ্ধাত্রী। কেন—থাকবে কেন ? এই নাও।

দ্বিজবর। খুব ঘনিষ্ঠতা না থাকলে ভদ্রমহিলার সামনে খাওয়া উচিত নয়। আপনার স্বামীর সঙ্গে আমার পরিচয় হয়নি—আপনারা আমার নৌকা ভাড়া নিয়েছেন, আমার নিমন্ত্রণ করেন নি তো !

জগদ্ধাত্রী। আচ্ছা—ওর সঙ্গে আমি তোমার পরিচয় করিয়ে দিচ্ছি। উনি আমার স্বামী, (স্বামীর প্রতি) তুমি ওকে খেতে বল।

শচীন। কিছু খাওনা—ওহে ?

দ্বিজবর। ওভাবে অহরোধ ক’রলে কেউ খায়না স্তর।

জগদ্ধাত্রী। আমি অহরোধ ক’ছি, তুমি আমার খাতিরে খাও।

দ্বিজবর। আচ্ছা—দিন !

শচীন। He seems to be my rival in love, I see !

দ্বিজবর। Certainly not, this is ungentlemanly I tell you sir ! I am a boat-man by profession, but a gentleman at heart.

শচীন। Please excuse me, really I am sorry !

দ্বিজবর। Never mind sir ! তবে প্রতি মাহুঘেরই তার মাতৃভাষায় কথা কওয়া উচিত।

শচীন। ঠিক কথা ! দেখুন, দ্বিজবরবাবু !

দ্বিজবর। কথাটা আপনার মুখে ঠাট্টার মত শোনাচ্ছে। আপনি আমার ‘বাবু’ ব’লবেন না। আমি আপনার সমকক্ষও নই, আপনার নীচেও নই।

শচীন। আপনি আর কি করেন ?

দ্বিজবর। ‘আপনি’ ব’লবারও দরকার নেই। আমি এবার এম-এ পরীক্ষা দেব ; “ফিজ” এর টাকা

যোগাড় ক’রবার জেতে ছুটির সময় জাতব্যবসা করি।

শচীন। My God ! You are a wonderful boy. কিসে এম-এ দেবে ?

দ্বিজবর। ফিলসপিতে—

জগদ্ধাত্রী। তোমার বাবা কি করেন ? তিনিও লেখাপড়া জানেন ?

দ্বিজবর। আমাদের জাত-ব্যবসা মাছধরা আর চাষাবাস করা। বাবা আগে লেখাপড়া জানতেন না ; আমার কলেজে পড়ার সময় থেকে পড়া আরম্ভ ক’রলেন,—গত বছর এণ্ট্রান্স পাশ ক’রেছেন। আমিই বাবাকে পড়াই।

শচীন। তোমার বাবা ছেলের কাছে পড়েন। খুব হুবোথ বাবা তো। তা তোমার বাবার বলল এখন কত ?

দ্বিজবর। পঞ্চাশ—

শচীন। তুমি এম-এ পাশ ক’রে কি ক’রবে ? —চাকরী ?

দ্বিজবর। না—আমার রাজবংশী ক্তির, আমাদের চাকরী ক’রতে নেই। আমি জাতব্যবসাই ক’রবো। তবে রাজে স্থল ক’রবো, আমার জাত-ভাইদের পড়াবো।

শচীন। You are a great man—I see !

দ্বিজবর। না। আমাদের জাতের ছেলেরা লেখাপড়া শেখেনা ; তাই আমাদের ভিতর কুসংস্কার খুব বেশী, জীবন-যাপনপ্রণালী অত্যন্ত দরিদ্র আর অস্বাস্থ্যকর। আমি আমাদের অবস্থার পরিবর্তন ক’রতে চাই।

শচীন। তুমি আমার চেয়ে বেশী ভদ্রলোক। কিন্তু যারা কারিক পরিশ্রম ক’রে জীবিকা অর্জন করে, তাদের জ্ঞানবৃদ্ধির ফল খাইয়ে কাজটি ভাল ক’রবে কি ?

দ্বিজবর। “যদ্বিধেদর্শনসি হিতম্”—দেখাই যাকনা, কি ফল হয়।

জগদ্ধাত্রী। তোমার বিয়ে হ’য়েছে ?

দ্বিজবর। না—আমি বিয়ে ক’রবো না।

জগদ্ধাত্রী। বিয়ে ক’রবে না কেন ?

দ্বিজবর। আমাদের জাতে ভাল স্ত্রী স্ত্রীশিক্ষিতা মেয়ে নেই। একটা পুরো “জেনারেশন”

দীক্ষা দিতে হবে; তবে ভাল মেয়ে পাওয়া যাবে—

শচীন। তারপর বিয়ে করবে?

দ্বিজবর। তখন আর বিয়ে করবার বয়স আমার থাকবে না। আমি বৃদ্ধ হ'য়ে প'ড়বো।

জগদ্ধাত্রী। যদি ভাল সুন্দরী শিক্ষিতা মেয়ে পাও?—বিয়ে করবে?

দ্বিজবর। আমাদের জাতে তেমন মেয়ে পাওয়া যাবে মনে করা আর আকাশ-কুসুমের কল্পনা করা, একই কথা।

শচীন। কোন ভদ্রবরের মেয়েকে বিয়ে কর না কেন?

দ্বিজবর। আমি অসবর্ণ বিবাহের পক্ষপাতী নই!

শচীন। ওঃ—তুমি নিশ্চয়ই এক সময় ভাল-বেসেছিলে;—কি বল?

দ্বিজবর। আপনার অনুমান সত্য।

শচীন। খুব সুন্দরী?

দ্বিজবর। এই চাঁপাফুলের মতই তার গায়ের রঙ।

শচীন। সে তোমায় ভালবাসতো না?

দ্বিজবর। আমি জানতে চাইনি; লোকে যেমন আকাশের বিদ্যুৎকে ভালবাসে, আমি তেমনি ভালবাসি—।

শচীন। You are a terribly romantic fellow! আকাশের বিদ্যুৎকে কেউ ভালবাসে নাকি? কে জানে বাবা—।

দ্বিজবর। আমি নোকায় গিয়ে বসি বাবু—

জগদ্ধাত্রী। না—না; তুমি বস, এখানে বস। তোমার কথা আমাদের বেশ ভাল লাগছে।

দ্বিজবর। আমি এখানে ব'সবো না—।

শচীন। ব'সবে না কেন?

দ্বিজবর। এ “মহামায়ার চর”—এখানে কেউ আসেনা। এলেও এখানে ব'সতে নেই।

শচীন। তুমি এম-এ প'ড়ছ, এ সব কুসংস্কার তোমার আছে?

দ্বিজবর। এটা কুসংস্কার নয়,—এর ইতিহাস আছে, কিংবদন্তী আছে। এ চর সব সময় এক জায়গায় থাকে না—।

শচীন। বটে? জাহাজের মত চলাফেরা ক'রে বেড়ায় বুঝি!

দ্বিজবর। হ্যাঁ—।

জগদ্ধাত্রী। কোথায় যায়?

দ্বিজবর। আমি জানি না—।

শচীন। লোকে বলে—এখানে ডাকিনী, হাকিনী, যোগিনী, ভৈরবী রাত্রে গান গায়।

দ্বিজবর। আমিও শুনেছি, গান গায়—।

শচীন। তুমি গান শুনেছ?

দ্বিজবর। না, আমি নিজে শুনিনি—।

জগদ্ধাত্রী। যে শুনেছে, এমন লোককে দেখেছ?

দ্বিজবর। না—কিংবদন্তী আছে।

শচীন। কিংবদন্তী কি সত্য?

দ্বিজবর। কিংবদন্তী “কিংবদন্তী”—দৈনন্দিন সত্যমিথ্যার তালিকায় কিংবদন্তীর স্থান নেই!

শচীন। তুমি বিশ্বাস কর?

দ্বিজবর। অবিশ্বাস করিনে—।

শচীন। বিশ্বাস কর কিনা? I ask you as an educated young man, do you believe the stories?

দ্বিজবর। আমি যখন কলেজে পড়তে যাই, তখন বিশ্বাস করিনে; যখন এখানে মাছ ধরি, নৌকো বাই,—তখন বিশ্বাস করি।

জগদ্ধাত্রী। তুমি বড় চমৎকার মানুষ। তোমার কথা আমার ভাল লাগছে।

শচীন। তুমি যখন কলেজে পড়, তখন তুমি এক মানুষ—আর তুমি যখন নৌকা চালাও, তখন তুমি অন্য মানুষ? তোমার মধ্যে দু'টো মানুষ আছে নাকি?

দ্বিজবর। সব মানুষই সারা জীবন এক মানুষ থাকেনা, বদলায়। আমার মধ্যে বহু মানুষ আছে।...আমি ভক্ত পড়েছি,—আশা করছি, একদিন “মহামায়ার চরের” রহস্য জানতে পারবো।

শচীন। সর্কনাশ! তুমি ভক্ত পড়েছ! কতগুলো ভক্ত প'ড়েছ?

দ্বিজবর। অনেক ভক্ত পড়েছি, প্রায় সব—।

শচীন। কি সর্কনাশ! (দ্বীর প্রাতি) চাল দিচ্ছে নাকি?

দ্বিজবর। না। তবে শুধু প'ড়ে কিছু হয় না—“শাস্ত্রাণ্যধীত্যাপি ভবন্তি মূর্খাঃ, যন্ত ক্রিয়াবান্ পুরুষঃ স বিদ্বান্”!

জগদ্ধাত্রী। তুমি এই চর সহজে দুই একটা গল্প আমায় বল, আমার শুনতে ইচ্ছে হচ্ছে!

দ্বিজবর। শুনবেন না, প্রলোভন দমন করুন।

জগদ্ধাত্রী। না—তুমি বল!

দ্বিজবর। আপনার বেক্রপ অভিকৃতি—।

শচীন। না—তুমি বলোনা; চল, আমরা ওপারে যাই।

জগদ্ধাত্রী। (স্বামীর প্রতি) না-না—তুমি বলো, তোমার পায়ে পড়ি। বল দ্বিজবর!

শচীন। বেশতো। ও তো আমাদের সঙ্গেই যাচ্ছে, নৌকায় উঠে গল্প শুনবে। ওঠ ওঠ, চল—।

জগদ্ধাত্রী। না—আমি এইখানে বসেই শুনবো।

দ্বিজবর। আমিও এইখানে দাঁড়িয়ে ব'লবো। এখান থেকে চলে গেলে এর গাঙ্গীর্ষ্য থাকে না, আমার বিশ্বাস কমে যায়, সংশয় আসে।

শচীন। আচ্ছা, বল বাবা বল!

দ্বিজবর। এই “মহামায়ার চর”—বড় ভয়ানক জায়গা! এর আকর্ষণ প্রচণ্ড, অদৃষ্টের আকর্ষণের মত, বাধা দেওয়া যায়না।

শচীন। অত সাধু তাবা চালিয়েনা বাবা—আমার ভয় ক'চ্ছে। একটু সোজা কথা বল—।

দ্বিজবর। আপনি ঠাট্টা ক'রছেন—কিন্তু কথাটা আদৌ সোজা নয়, এখানে সত্যি ডাকিনী, তাল-বেতাল গান গায়, মহামায়া নৃত্য করেন!

শচীন। কেউ দেখেছে? কেউ শুনেছে?

দ্বিজবর। এ মহাশয়কের সিদ্ধপীঠ! সাধক সে গান শোনেন, আর কেউ শুনতে পায় না বাবু—।

শচীন। সাধকের কথা ছেড়ে দাও, সোজা-সাপ্টা মানুষের কথা বল। আর একটু সরল ভাষায় বল, “সীতার বনবাস” চালিয়ে না!

দ্বিজবর। জগতে এত জটিল পদার্থ আছে বাবু, তাদের সব সরল হবার নয়—তারা জটিলই থাকে। তাই তাদের পরিচয় নিতে হ'লে জটিল ভাষায়ও প্রয়োজন হয়।

শচীন। আচ্ছা, বল—।

দ্বিজবর। সন্ধ্যাবেলা এখানে অনেক পাখী আসে; জনশ্রুতি, তারা ওই গান শুনবার লোভেই আসে।

শচীন। কোন মানুষ সে গান কখনো শুনেছে?

দ্বিজবর। যারা শোনে, তারা এইখানেই থাকে—এখান থেকে ফিরে যায় না।

শচীন। এরকম ঘটনার কোন ইতিহাস আছে? কিংবদন্তী নয়—ইতিহাস?

দ্বিজবর। ছুটি ঘটনা ঘটেছিল। একটা ঘটনা ঘটে—আমি তখন জন্মানি, ইংরিজি আটাস্তর সালে। একটি পরিবার নৌকো ক'রে যাচ্ছিল। তারা চরে নামে; তাদের ভিতর একটি ছেলে আর নৌকোয় ওঠেনি—তাকে পাওয়া যায়নি।

শচীন। ওঃ—!

জগদ্ধাত্রী। তুমি এ ঘটনা জানো নাকি?

দ্বিজবর। না—আমি কেমন ক'রে জানব? আমি তখনো জন্মাইনি।

শচীন। এমনো তো হ'তে পারে, ছেলেটা জলে প'ড়ে যায়।

দ্বিজবর। হ'তে পারে, কিন্তু কেউ তাকে জলে প'ড়ে যেতে দেখেনি। আমি যখন কলেজে যাই, তখন মনে হয় ছেলেটা জলেই ডুবে গেছে; আবার যখন এখানে নৌকো 'বাই, তখন মনে হয়,—সে এই চরেই আছে!

শচীন ॥ চরে কেমন ক'রে থাকবে?

দ্বিজবর। তা আমি জানিনে। শুনেছি, ভৈরবী যোগিনীরা তাদের জুঁকিয়ে রেখে দেয়—উড়িয়ে নিয়ে যায়; আবার এখানে নিয়ে এসে তাদের সঙ্গে খেলা করে।

শচীন। অদৃষ্ট যেমন মানবশিশুকে নিয়ে জন্ম-মৃত্যুর দোলায় ছলিয়ে ঘুম পাড়ায়, জাগায়, খেলা করে—তেমনি!

দ্বিজবর। চমৎকার উপমা! আর একটা ঘটনা ঘটেছিল—তখন আমার বয়স এগার-বার,—আমার বেশ মনে আছে। আপনাদের মত একজন বাঙালীবাবু চাকরী উপলক্ষ্যে এখানে কিছু ছিলেন—।

শচীন। যাক গে—আর ওসব কথায় দরকার নেই। চল, নৌকোয় উঠি—।

অগদ্ধাত্রী। না-না—বিজবর, তুমি বল।

শচীন। না, আর বলতে হবে না। দুইই সমান পাগল!

অগদ্ধাত্রী। না, বলতে হবে। আজ তুমি কেবল আমার বাধা দিচ্ছ কেন বল তো? তুমি তো এরকম অবাধ্য ছিলে না—! আর পছন্দ হচ্ছে না নাকি?

বিজবর। আমার সামনে বাবুকে একথা যলা আপনার উচিত হ'ল না মা! আপনার মত মহিলার উপযুক্ত নয়।

অগদ্ধাত্রী। (লজ্জিত হইয়া মুখ নীচু করিলেন)

শচীন। (স্ত্রীর প্রতি) কেমন জন্ম। এতক্ষণে আমার মনে একটু শান্তি হ'ল। বেঁচে থাক বিজবর!

বিজবর। আপনারা স্বামীস্ত্রী দু'জন দু'জনকে বড্ড বেশী ভালবাসেন।

শচীন। হ্যাঁ—তা একটু বাসি। তুমি ঠিক ধরেছ তো ছোকরা? আর ধরবে নাই বা কেন?—তুমি নিজে একজন হতাশ প্রেমিক কিনা!

বিজবর। কিন্তু, এত ভালবাসা ভাল নয়—।

অগদ্ধাত্রী। (প্রাণে ব্যথা পাইয়া) ভাল নয়! কেন—ভাল নয় কেন?

বিজবর। দেবতার মাছুষকে নিয়ে খেলা করেন; মাছুষ খুব স্নেহে আছে দেখলে দেবতাদের চোখে ভালো লাগে না। মাছুষের প্রাণ নিয়ে দেবতাদের খেলা, শাস্ত্রে বলে লীলা।

অগদ্ধাত্রী। তুমি সেই বাঙালী বাবুটির কথা বল—যিনি চাকরী উপলক্ষ্যে এখানে ছিলেন।

শচীন। আমার কথা শোন বিজু, আর গল্প বলো না—অনেক বলেছ। (স্ত্রীর প্রতি) ওঠ, ওঠ—।

অগদ্ধাত্রী। তুমি বুঝতে পাচ্ছ না—আমি কেন জিজ্ঞাসা করছি?

শচীন। আমি বুঝতে পারি আর নাই পারি, তাতে কিছু যায় আসে না। আমি তোমায় নিবেদ্য ক' দিচ্ছি বিজু।

বিজবর। আমি যখন আরম্ভ ক'রেছি—আমার বলতেই হবে। “মহামারার চরে” যা আরম্ভ করা যায়—তা শেষ ক'রতেই হয়।

শচীন। চুলোয় যাক তোমার “মহামারার চর”! বিজবর। (অত্যন্ত শরিত হইয়া) ছি: ছি: বাবু—অমন কথা মুখে আনবেন না! হে মা শাসনকালী, বাবুর অজ্ঞতা মার্জনা কর মা! অপরাধ নিরোনা মা, অপরাধ নিরোনা! (কপালে হাত ঠেকাইয়া প্রণাম করিল, প্রার্থনা করিল।)

বিজবর। শোন মা, সেই বাঙালী বাবুটির একটি মেয়ে ছিল—।

অগদ্ধাত্রী। যেয়ে ছিল?

বিজবর। হ্যাঁ, একটা মেয়ে ছিল—। মেয়েটার বয়স তখন আট-ন'বছর; আমি তাঁকে অনেক দিন দেখেছি—সে চেহারা ছবির মত। আমার মনে গাঁথা আছে।

শচীন। তারপর—? তুমি তাকে ভালবাসতে?

বিজবর। আপনার অসুমান মিথ্যা নয়। সেই বাবুটা মেয়েটিকে সঙ্গে নিয়ে প্রায়ই এখানে মাছ ধ'রতে আসতেন।

অগদ্ধাত্রী। শুনছ?—আমিও তো আমার বাবার সঙ্গে এখানে আসতুম।

শচীন। আর কোন বাঙালী বাবুতো চাকরী করেনি,—আর মেয়েও তাদের কারো ছিল না! এখানে যা কিছু ঘটনা ঘটেছে, তোমাকে আর তোমার বাবাকে নিয়ে—rubbish।

বিজবর। না—আরো অনেক বাঙালী এসেছেন; তাতে কিছু যায় আসে না। একদিন তিনি মেয়েটিকে এইখানে এই চাঁপাগাছের কাছে দাঁড় করিয়ে মাছ ধ'রতে নৌকোয় যান; এমন সময়—

অগদ্ধাত্রী। এমন সময়—কি হ'ল?

বিজবর। কি হ'ল, তা জানিনে; কিন্তু একটু পরে বাবুটা মুখ তুলে দেখলেন, মেয়েটা সেখানে আর নেই!

শচীন। বল?—তুমিই সেই মেয়েট?

অগদ্ধাত্রী। (হাসিয়া) না—আমি আর কি ক'রে হব? আমি তো আছি। তারপর কি হ'ল? মেয়েটিকে আর পাওয়া গেল না?

বিজবর। শুনেছি, কুড়ি দিন পরে পাওয়া গিয়েছিল।

জগদ্ধাত্রী। পাওয়া গিয়েছিল!

বিজবর। হ্যাঁ, কুড়ি দিন পরে—

জগদ্ধাত্রী। (ব্যাকুল আত্মপ্রশ্ন) কুড়িদিন পরে, কুড়িদিন পরে, কুড়িদিন পরে? এ কুড়ি-দিনের কোন স্থিতি তাঁর ছিল?

বিজবর। আমি শুনেছি, ছিল না; কিন্তু, ছিল কি ছিল না—তিনি ছাড়া আর কে জানবে?

জগদ্ধাত্রী। আচ্ছা, সেই মেয়েটা ভৈরবীর গান শুনেছিল ব'লে তোমার মনে হয়?

বিজবর। আমার মনে হয়, শুনেছিলেন। আমি তো আপনাকে ব'লছি, সবাই শুনেতে পায় না। জনশ্রুতি, যারা গান শুনেতে চায়—তারাই শুধু গান শোনে!

শচীন। কি রকম?

বিজবর। এমনও হতে পারে, এখনই এখানে গান হ'চ্ছে—আমরা কেউ শুনেতে পাচ্চিনে। হয়তো আমি শুনেলাম, আর এখানে রইলাম; আপনারা শুনেতে পেলেন না—চলে গেলেন!

শচীন। তুমি যেন কোনদিন শুনেতে চেওনা বিজবর, তোমার “নাইট স্কলটি” মাটি হবে।

বিজবর। আপনার এইভাবে বিক্রপ করাটা আমার ভাল লাগছে না বাবু! যাক, আমার গল্প শেষ হয়েছে—এখন আমি নৌকায় যাই। দরকার হ'লে আশ্রয় ডাকবেন। দেখুন, মানুষের বুদ্ধি খুব বড় বটে, কিন্তু বুদ্ধিই সর্বস্ব নয়।

শচীন। আমার কথায় রাগ ক'রোনা বিজু, আমরা সহরে বাবু কিনা—কিছুই বিশ্বাস করি নে।

বিজবর। সহসা বিশ্বাস ক'রবেন না, সহসা অবিশ্বাসও ক'রবেন না—। যা আশানকালী আপনারদের রক্ষা করুন। এখানে বৈশীকণ না থাকাই ভাল, থাকবেন না।

[বিজবরের প্রস্থান]

শচীন। না—আমরা আর বৈশীকণ থাকবো না, চল। তুমি তখন কিছু খাওনি, খেয়ে নাও—একটা রসগোল্লা খাও, হাঁ কর।

জগদ্ধাত্রী। আমি খাব না—যাও।

(মৃদু সলজ্জ হর্সিস)

শচীন। লক্ষ্মীটি খাও—আমি খাইয়ে দিই; এস, এখানে কেউ নেই—লজ্জা ক'রবে কাকে?

জগদ্ধাত্রী। কনকচাঁপা আছে, সে হাসছে—দেখতে পাচ্চনা?

শচীন। ওদিকে বিজবর, আর এদিকে কনকচাঁপা,—এই রকম আর কু'একটি সঙ্গী পেলেই আমাদের মত মানুষের হয়েছে আর কি।

জগদ্ধাত্রী। আমার একটি কথা মনে প'ড়ছে—

শচীন। কি মনে প'ড়ছে—খোকার কথা?

জগদ্ধাত্রী। খোকা তো সব সময়ই মনে আছে, সে অল্প কথা! সে দিন যখন বাবার সঙ্গে আসি, আমি ছোট্ট মেয়েটি। সে দিন চলে গেছে। আজ আমি বড় হয়েছি—আমার স্বামী আছে, খোকা আছে। খুব শীগগির, এদিনও চলে যাবে। তুমি বুড়ো হবে, খোকা বড় হবে—। দিনের আরম্ভ হয়, দিনের শেষ হয়—সংসার বড় অস্থির! একদিন আমি থাকবোনা, একদিন তোমার আমার শেষ দেখা হবে, শেষ কথাবার্তা হবে—তারপর আর দেখা হবে না, আর কথা হবে না!

শচীন। না-না, তুমি এমন কথা ব'লো না। তোমার মুখে ওসব পাকা কথা শুনেতে ভাল লাগে না। কথা বন্ধ কর—সন্দেশ খাও, রসগোল্লা খাও; বল'তো একটা ইলিশ মাছ কিনে বিজুকে দিয়ে ভাজিয়ে নিই—

জগদ্ধাত্রী। না আমি খাব না—আমার খেতে ইচ্ছে ক'চ্ছে না।

শচীন। তা হ'লে এস—গাছের-মেয়ের মত হাত-ধরাধরি ক'রে বেড়াই,—get up darling, get up!

জগদ্ধাত্রী। এটা মা-কালীর স্থান নয়? অত ভুলে যাও কেন? এখানে ছেলেমানুষি ক'রতে নেই।

শচীন। আচ্ছা কানমলা থাকি; তা হ'লে কি ক'রবো বল?

জগদ্ধাত্রী। তোমায় কিছু ক'রতে হবে না—তুমি একটু সরে এস। আমি তোমায় প্রণাম ক'রবো—

শচীন। প্রণাম ক'রবে কেন?

জগদ্ধাত্রী। মা-কালীর কাছে প্রার্থনা করবো।

(প্রণাম করিল)

জগদ্ধাত্রী। আমাদের অপরাধ মার্জনা করো মা! আমরা পায়ে এই রক্ত মাখা রেখে আমি যেন হাসতে হাসতে চলে যাই!

শচীন। খবরদার মা, ওর প্রার্থনা পূরণ করানো। তুমি হাসতে হাসতে চলে যাবে, আর আমি বুড়ো বয়সে বিপজ্জীক হয়ে একা একা থাকবো, সে হবে না। তোমার প্রার্থনা খাটবে না, পতির স্মৃতি ছাড়া পত্নীর প্রার্থনা পূরণ হয় না। আমি অল্প দিকে চেয়ে আছি—তোমার প্রতি বিশ্বাস হয়েছি।

(সঙ্গীত আরম্ভ হইয়াছে, জগদ্ধাত্রী গুনিয়াছেন,
শচীন শোনেন নাই)

জগদ্ধাত্রী। ওগো শোন-শোন, শুনছ?—কি মিষ্টি গান! আমার ডাকছে—; ওগো তুমি কোথায়—আমার ডাকছে। থোকা, থোকা কোথায়? আমি যে তোমার দেখতে পাচ্ছি নে! থোকা থোকা—

(জগদ্ধাত্রীকে আর দেখা গেল না)

শচীন। হয়েছে প্রার্থনা? স্বর্গ্যদেব পাটে বসেছেন—আর নয়, চল!

(জগদ্ধাত্রী যেখানে ছিল, সেই দিকে ফিরিয়া)

শচীন। কোথায় গেলে—জগদ্ধাত্রী, জগদ্ধাত্রী! একি,—কি হল! জগদ্ধাত্রী, লুকিয়ে থেকোনা—আমি আর বিজ্ঞপ করবোনা, তুমি আমার কাছে এস। দ্বিজু,—দ্বিজু, দ্বিজবর—

দ্বিজবর। (নৌকা হইতে) কি হ'ল বাবু? যাই।

(দ্বিজবর আসিল)

দ্বিজবর। মা-ঠাকরুণ, মা-ঠাকরুণ কোথায়?

শচীন। কি জানি—দেখতে পাচ্ছি নে, তুমি খুঁজে দেখ।

দ্বিজবর। কোথায় খুঁজবেন বাবু, এই তো বালির চর ধু ধু করছে—কেউ কোথাও নেই—

শচীন। জগদ্ধাত্রী, জগদ্ধাত্রী—

দ্বিজবর। ডেকে কি হবে বাবু! তিনি তো এ ডাক আর শুনে পাবেন না।

শচীন। কেন, কেন?—কেন ডাক শুনে পাবে না দ্বিজু?

দ্বিজবর। তিনি সেই গান শুনেছেন,—“মহামায়ার চরের” গান; যে গান শুনে কাঁকে কাঁকে পাখীরা ছুটে আসে, আর ফিরে যায় না—এইখানেই থাকে।

শচীন। কেন, এখানে থাকবে কেন?

দ্বিজবর। আমি জানি নে বাবু!

শচীন। (পাগলের মত) না, না—তুমি বুঝতে পাচ্ছ না দ্বিজবর—! এই তো ছিল, কোথায় যাবে? লুকিয়ে আছে—আমার ভয় দেখাচ্ছে! জগদ্ধাত্রী, জগদ্ধাত্রী! আমি আর তোমার সঙ্গে রহণ করবো না—জগদ্ধাত্রী ফিরে এস, ফিরে এস।

তৃতীয় অঙ্ক

বিকৃত্তক

(একজন গায়ক গান গাহিতে গাহিতে

প্রবেশ করিল)

গান

জীবন যেন বন্ধুজন্ম জল,

—নিম্বরঙ্গ অচঞ্চল।

সেই সকাল, সেই সাজের আলো,

সবাই এদের বলে ভালো,

যাদের চোখে নিকষ কালো,

নাই পাথের, নাই সফল!

চলে গেল তারা

এলনা আর ফিরে,

কত দিন মাস—

আসে ঘুরে ফিরে,

ব'সে আছি একা

বাব ব'লে পারে,—

নাই পাথের, নাই সফল ॥

[প্রস্থান।

[দৃষ্ট—সেই ঘর।—পূর্বোক্ত ঘটনার পর তেরো মাসের চলিয়া গিয়াছে—। এই তেরো বৎসরের শোকতাপের চাপে মৃত্যুঞ্জয় খানিকটা বুড়ো হইয়া পড়িয়াছেন; তাঁর আনন্দময় চরিত্র সংসারের জালায় একটু তিস্ত হইয়াছে—মৃত্যুঞ্জয় ঘরময় ঘুরিয়া বেড়াইতেছেন, সুবর্ণলতা প্রবেশ করিলেন।]

মৃত্যুঞ্জয়। আচ্ছা, কি করি বল তো?

সুবর্ণলতা। কোনো সন্ধান পাওয়া গেল না?

মৃত্যুঞ্জয়। না, এক মাসের উপর হ'য়ে গেল। অতুলের ফটা ছাপিয়ে কাগজে বিজ্ঞাপন দিলুম, হাজার টাকা পুরস্কার ঘোষণা ক'রলুম, পুলিশ খবর দিলুম—এ ক্ষেত্রে লোকে যা যা ক'রে থাকে, সবই তো ক'রেছি—কোন দিক থেকে একটা উত্তর এল না!

সুবর্ণলতা। শচীন কি খোঁজ ক'রলে?

মৃত্যুঞ্জয়। শচীন যদি একটু ভাল ক'রে গা লাগাতো, তা হলে কি ভাবি! সেই জগদ্ধাত্রী চলে যাওয়ার পর থেকে, কি যে ওর হ'য়েছে, নিজের কাজ নিয়েই ব্যস্ত! বলে, আমার সময় কই?

সুবর্ণলতা। ছেলেটা রাগ ক'রে চলে গেল—একটু খোঁজ ক'রবে না? ওরই তো ছেলে—।

মৃত্যুঞ্জয়। রাগ ক'রলেও তো বোঝা যেত! রাগ কই ক'রলে? শচীন তো উন্টো চাপ দিচ্ছে! বলে, আপনারাই আদর দিয়ে দিয়ে ওকে নষ্ট ক'রেছেন—এখন ফলভোগ করুন। শোন কথা একবার—।

সুবর্ণলতা। আদর দিয়েছি, তাতে হ'য়েছে কি। মেয়ের ছেলে, আমার জগদ্ধাত্রীর ছেলে—ম'রবার পর এক গুণ্ড বজল দেবে। ওর মা তো ঐ রকম ক'রে চলে গেল—মা-মরা ছেলে! আমরা আদর দিলে বুঝি দোষ হ'ল!

মৃত্যুঞ্জয়। পরের ছেলে মানুষ করার ফল—।

সুবর্ণলতা। কিছুতেই পোষ মানলে না! ছেলে বেন কি—। তুমি কত যত্ন ক'রতে, আমি খাইয়ে দাইয়ে কোলের কাছটিতে নিয়ে ততাম, এ ছেলের মুখে আর কথা নেই,—কেবল বলে, আমার মায়ের গল্প বল—নইলে আমি আন্নার

বাবার কাছে ক'লকাতায় চলে যাব। শুনেছ ছেলের কথা—?

মৃত্যুঞ্জয়। শুনেছি—শুনেছি! তুমি ধাম! আচ্ছা, গেল যে, তা কোথা দিয়ে যাবে? হর রেলের গাড়ীতে যাবে—আর না হয়, নৌকো করে গঙ্গা পার হবে! ছুটীতো পঞ্চ—তা যেমন হয়েছে ইন্টিশন-মাস্টার, তেমনই হয়েছে গঙ্গার ঘাটের মাঝি—গুলো—সব সমান! ছোট ছেলেকে টিকিট বিক্রি করাই তো 'ক্রিমিনাল',—তিনগুণ্ডা পরসার জন্তে ওই কচি ছেলেকে ক'লকাতার টিকিট বেচলি! একবার ভেবে দেখলিনে—ছেলেটা ক'লকাতায় গিয়ে কোথায় উঠবে—?

সুবর্ণলতা। চরণ-ঠারপোকে বড় ভাল-বাসতো! যা পরামর্শ তার, ভ্রাশ্যি দাদার সঙ্গে; সে হয়তো কিছু সন্ধান ব'লতে পারে। তা আজ এক মাসের উপর চরণ-ঠাকুরপোরও তো দেখা নেই—!

মৃত্যুঞ্জয়। এখন দেখা দেবেন কেন? পাছে আমাদের একটু উপকার হয়! কলিকাল কিনা? দেখ, হয়তো ওই উমোচরণই তাকে জুজু ভাড়া দিয়ে যাত্রার দলের সখী সাজাবার জন্তে নিয়ে গেছে—।

সুবর্ণলতা। হ্যা, তোমার যেমন কথা—।

মৃত্যুঞ্জয়। হ্যা হ্যা—তাইই। ও ছেলের প্রাণে রস ঢুকেছে—ও সিঁথে কাটে, পান খায়, পামণ্ড পায়ে দেয়,—ওকি কম হারামজাদা ছেলে—!

সুবর্ণলতা। তা চল, ছুটো মুখে দেবে তো?

মৃত্যুঞ্জয়। তুমি আর জালিও না। মেয়ে-মানুষ কিনা,—শুধু রাগা আর খাওয়া!

সুবর্ণলতা। হ্যাগা, তা আমার উপর রাগ ক'রছো কেন? আমার দোষ কি?

মৃত্যুঞ্জয়। তোমার দোষ নয়, আমার দোষ নয়, শচীনের দোষ নয় তো, কার দোষ—আমার বল? ছুই বুড়ো-বুড়ীতে মিলে একটা কচি ছেলেকে পোষ মানাতে পারলেম না। লজ্জা করে না? শুধু খাওয়ালেই মানুষ বশ হয় না—মানুষ বশ করবার অস্ত্র মস্তুর আছে।

সুবর্ণলতা। হ্যাগা তা আমি কি কিছু কন্যর করেছি? আমার জগদ্ধাত্রীর ছেলে, আমার

পাঁজরার হাড়, তাকে অবস্থ ক'রবো আমি? আর পোষ মানে নি, তাই বা বলি কেমন ক'রে? পনেরটা বছর তো আমার কাছেই ছিল; ১ক যে মাথায় ঢুকলো—

মৃত্যুঞ্জয়। ওরে র'ঘো, র'ঘো!

সুবর্ণলতা। সে তো বাজারে গেছে।

মৃত্যুঞ্জয়। তবে আর কি, আমার মাথা কিনেছে। সবাই সমান! আমায় না জানিয়ে সাত তাড়াতাড়ি তাকে বাজারে পাঠানোর দরকার কি ছিল?

সুবর্ণলতা। কি দরকার, আমার বল।

মৃত্যুঞ্জয়। আমার আগে মনে হয়নি, ঐ উমোচরণই তাকে ঘরছাড়া ক'রেছে, ও আর দেখতে হবে না—ও সব চালাকি আমার কাছে চলবে না। আমি ঠাণ্ডা ক'রে দিচ্ছি! একটা ডায়েরী লিখে থানায় পাঠিয়ে দিই—

সুবর্ণলতা। চরণ-ঠাকুরপোর নামে?

মৃত্যুঞ্জয়। নিশ্চয়ই! ও মিটমিটে শয়তান—

সুবর্ণলতা। কি যে কথা বল, মাথাযুগু নেই! চরণ-ঠাকুরপো অতুলকে ভুলিয়ে নিয়ে গেছে?—তোমার মাথার ঠিক নেই!

মৃত্যুঞ্জয়। না—আমার মাথার ঠিক থাকবে কেন? আমি পঁচিশ বছর পুলিশে কাজ ক'রে এলুম—আমি কিছু বুঝিনে, আর তুমি রান্নাবরে ব'সে সব বুঝে ফেলেছ! ছেলে বাপকে বিষ দেয়, জান? মা ছেলের গলা টিপে ঘেরে ফেলে, বিখাস কর? সংসার বড় ভয়ানক জায়গা! এখানে কে যে কি করে, আর কে যে কি না করে, তা কারো বুঝবার সাধ্য নেই! উমোচরণ, উমোচরণ একে-বারে সত্যপীর কিনা!

(উমোচরণের প্রবেশ)

উমোচরণ। কি দাদা—আমার নাম ক'ছ, আর আমি এসে হাজির; অনেক দিন বাঁচব—কি বল? রঘু, একছিলিম তামাক নিয়ে আগ্নেয়ে বাবা। অনেকদিন দাদার 'ফোজদারী বালাখানা' খাইনি। বাজার দলের 'ধরমান'—বাবা, সেকি তামাক। এই কিরছি দাদা। গোয়াড়ি, কেটনগর, নদে, শান্তিপুর,—গদার ধারে অন্ততঃ দশখানা

গাঁয়ে বায়নার পর বায়না; গান শেষ হতে না হতে বায়নার টাকা এসে হাজির। ছাড়ি কি ক'রে বল—? ছোটো পরসার জন্মেই তো, কি বল দাদা! বোঠান, ওরকম চুপচাপ দাঁড়িয়ে আছ কেন?—ব'স। এবার মাথুরের পালা যা জমিয়েছি, দাদা, একদিন তোমায় শোনাব। একটা ছেলে রাধিকে সেজে যা গাইছে— (স্বরে)

“ওই না মাধবী তলে

মাধব দাঁড়িয়ে ছিল—”

একাই আসর মাং ক'রে দিলে, আমি শুধু মাঝ-খানটায় একটা তান তুলতাম! একমাসে পনের-খানা মেডেল পেয়েছে। বুঝেছ দাদা?

মৃত্যুঞ্জয়। হ্যাঁ বুঝেছি বৈকি! “গেরস্তোর ঘর পোড়ে, আর ফিঙে ধোঁওয়া খায়!” তুমি ভারি শেয়ানা। আমিও মৃত্যুঞ্জয় চাটুয্যো, পঁচিশ বছর পুলিশে কাজ ক'রে তোমার মতন অনেক বাস্তবু চরিয়েছি—

(রঘু তামাক লইয়া আসিল, উমোচরণ তামাক খাইতে লাগিল)

মৃত্যুঞ্জয়। সব সড় আছে! ওই র'ঘো বেটাই কি কম পাজী? (সুবর্ণলতার প্রতি) আমি যখন ডাকলেম—বাপটি ঘেরে ছিল, উত্তর দেয়নি; আর দা'ঠাকুর এসে যেই তামাক চেয়েছে, অমনি রঘুনাথ তামাক নিয়ে হাজির। ওকে দিয়ে পাঠাব না, আমি নিজেই যাব; দরখাস্তখানা লিখে নিই—

(কাগজ কলম বাহির করিয়া খসখস করিয়া দরখাস্ত লিখিতে লাগিলেন)

মৃত্যুঞ্জয়। (রঘুর প্রতি) এখানে হাঁ ক'রে দাঁড়িয়ে থাকিসনে র'ঘো! বেরো আমার সামনে থেকে—চাবকে লাগল ক'রে দেব হারামজাদা! বাইরের দোরে চাবি লাগিয়ে রাখিসনি কেন পাজী? (রঘুর প্রস্থান) আমি কারো খাতির রাখবোনা—। অনেকদিন নিজমুর্ত্তি খরচি কিনা, তাই সব ভাবছে—মৃত্যুঞ্জয় চাটুয্যো তো, মৃত্যুঞ্জয় চাটুয্যো—।

(আবার লিখিতে লাগিলেন) :

উমাচরণ। (সুবর্ণলতার প্রতি) ব্যাপারখানা কি বোঁঠাকরণ ?

সুবর্ণলতা। তুমি শোননি ?

উমাচরণ। না—আমিতো এখনো বাড়ীই বাইনি ; মোটবাট বাড়ীতে পাঠিয়ে দিয়ে—তোমাদের এখানে আগে এলুম। কি হয়েছে, বল'ত ?

সুবর্ণলতা। কি আর তোমায় বল'বো ঠাকুরপো—যেমন আমার পোড়াকপাল। আমার অতুল আজ এক মাসের উপর ঘরছাড়া।

উমাচরণ। অতুল ঘরছাড়া। কোথায় গেছে ?

সুবর্ণলতা। কোথায় গেছে তা কেমন ক'রে জানবো। সে কি আমাদের ব'লে গেছে—না ব'লে পালিয়েছে। এক মাসের উপর কোন খোঁজও নেই, খবরও নেই।

উমাচরণ। তাইতো, অতুলো ছোঁড়াটা একা : পালিয়ে গেল। ওর বাবার কাছে যাবনি তো ?

সুবর্ণলতা। না। শচীন এর মধ্যে একদিন এসেছিল ; কি মনে ক'রলে তা কে জানে ! বলে, খোঁজ খবর ক'রে দেখা যাক, কি আর হবে ? উনি তো খালি খালি রেগেই যাচ্ছেন—একবার একে সন্দেহ, একবার তাকে সন্দেহ—!

উমাচরণ। অল্প লোককে সন্দেহ ক'রবার কি আছে ?

মৃত্যুঞ্জয়। পুলিশের কনেষ্টবল এসে যখন রুলের ওঁতো দেবে, সত্যি কথা তখন বেরুবে। অমনি কি আর কেউ সত্যি কথা বলে !

উমাচরণ। তোমার কি সন্দেহ হয়—কেউ তাকে ভুলিয়ে নিয়ে গেছে ?

মৃত্যুঞ্জয়। (উমাচরণের দিকে ক্রুরদৃষ্টিতে চাহিলেন) দেখ উমাচরণ, তাকামি ক'রোন'—!

উমাচরণ। আমার জগদ্ধাত্রী-মা, তার ছেলে অতুল। সেই অতুলকে পাওয়া যাচ্ছেনা, আর আমি তাকামো ক'রছি—এই তোমার ধারণা ? তুমি গুমোর কর, তুমি পুলিশে কাজ ক'রেছ—মাহুষ চেন ? তুমি মাহুষ চেন ঘোড়ার ডিম ! বরাতে কিছু পরসী রোজগার ছিল, তাই কোম্পানী মাস মাস মাইনে দিয়েছে—আজও জলপানি

দিচ্ছে। তুমি আমার চেয়েও দুখা। তুমি কিনা বল, অতুলোর কথা নিয়ে আমি তাকামি কছি !

সুবর্ণলতা। ঠাকুর-পো চুপ কর—চুপ কর !

উমাচরণ। চুপ আমি কছি ! কিন্তু এসব ভাল নয় ! অল্পলোকে এ কথা ব'লে এখনি এখান থেকে চলে যেতাম, জন্মের মত মুখ-দেখাদেখি বন্ধ হ'ত। কিন্তু অতুল পালিয়েছে, এখন তো আর মান-অভিমানের সময় নয়। খুঁজে বার ক'রতে হবে, যেমন ক'রে হোক। বড় বারমুখো ছেলে।

সুবর্ণলতা। বারমুখো।

উমাচরণ। হ্যাঁ হ্যাঁ—বারমুখো বইকি ! ওছেলের নাড়ীনক্ষত্র আমার জানা আছে। ওকে মাহুষ ক'লে কে ? লেখাপড়া শিখিয়েছে কে, গান শিখিয়েছে কে ?—চব্বিশ ঘণ্টার ক'বটা তোমাদের কাছে থাকতো ? আমি থাকলে আমার কাছেই থাকে ; কেবল বিজ্ঞন এখানে এলে আমার কাছেও আসেনা। তোমরা ওকে বুঝতেই পারনা ! ছেলেবেলায় মা হাঙ্গিয়েছে, মাওড়া ছেলে—এক বিজ্ঞন ছাড়া কার সাধ্য ওকে ঘরবাগী করে !

সুবর্ণলতা। বিজ্ঞন তো এখানে এসেছে—!

উমাচরণ। কবে এল ?

সুবর্ণলতা। গত আটদিন এসেছে।

উমাচরণ। শুনেছে অতুলের কথা ?

সুবর্ণলতা। কান্দতে লাগল।

উমাচরণ। ওর বাপ যে বিজ্ঞনের কোলে ওকে তুলে দিয়েছিল। যখন জগদ্ধাত্রীকে পাওয়া গেল না ; তখন বিজ্ঞন অতুলকে কোলে তুলে না নিলে—ও বাঁচতো ? বিজ্ঞন ওর নিজের ছেলে পট্টলাকে ফেলে রেখে অতুলকে মাই খাইয়েছে। সব তুলে গেলে দাদা ? আমার ব'লে দিলে,—তাকামি কছি, পুলিশে দেবে। হাঃ-স্তোর ভালহোক—!

(বাইবার জন্ত প্রস্তুত হইল)

সুবর্ণলতা। ঠাকুরপো, ওঁর কথার রাগ ক'রোন—ওঁর কি মাথার ঠিক আছে ?

মৃত্যুঞ্জয়। ওরে—উমাচরণ, শোন শোন—

উমাচরণ। বল—!

মৃত্যুঞ্জয়। অতুল চলে গেছে—উনি বা ব'ল-ছিলেন, আমার মাথার ঠিক নেই, আমার উপর রাগ করিসনি—!

উমাচরণ। তোমার উপর যে রাগ করে, সে ভুল গাথা!

মৃত্যুঞ্জয়। জগদ্ধাত্রী এভাবে গেল; তার ছেলেটাকে মাহুস ক'রলাম—ছেলেটা পর্যন্ত ঘরে রইলোনা,—এতেও মাহুসের মাথা ঠিক থাকে? কি ক'রবো বল দেখি—?

উমাচরণ। সন্ধান ক'রতে হবে বৈকি! ঐটুকু ছেলে, যাবে অ'র কোথায়? এই যে—শচীন বাবাজী;—এস!

(শচীন প্রবেশ করিলেন, মুখে হুশিয়ার ছাপ)

সুবর্ণলতা। হ্যাঁ বাবা, সন্ধান কিছু পেলে?

শচীন। হঁ—পেয়েছি।

মৃত্যুঞ্জয়। সন্ধান পেয়ে ছেড়ে দিয়ে এলে? সঙ্গে ক'রে আনলে না কেন? তুমিও ছেলেমাহুস! বোর্ডিংএ রেখে এলে বুঝি? ও ছেলে বোর্ডিংএ থাকে?—ও ঠিক আবার পালাবে। আমার কাছে আনলে—এবারে আমি ওর হাতে হাতকড়ি, পায়ে বেড়ি দিয়ে ঘরে আটকে রাখবো। ও যেমন কুকুর, তেমন যুগুর। (সুবর্ণলতার প্রতি) তোমায়ও দিবি দেওয়া রইলো, আর যদি কখনো ওকে আদর দেও।

উমাচরণ। তুমি থাম দিকি দাদা! আগে আঙ্গুর, তারপর শাসন ক'রো!

সুবর্ণলতা। কোঁথায় পাওয়া গেল?

শচীন। ব'লছি, একটু স্থির হ'য়ে শুনুন—উতলা হবেন না। উতলা হয়ে কোন লাভ নেই।

সুবর্ণলতা। তাহ'লে তাকে পাওনি।

শচীন। শুধু একটা সন্ধান পেয়েছি, তাকে পাইনি।

মৃত্যুঞ্জয়। তাকে পাওনি?

শচীন। হারানো কাকে বলে আমি জানি। দিনের পর দিন আমার কেবলি সেই বিজবরের কথাটা মনে পড়ে। জেলের ছেলে, কিন্তু জীবনের অভিজ্ঞতা তার আছে। সে ব'লেছিল—বেশী ভালবাসা ভাল নয়, দেবতার মাহুসের হৃদয় দেখতে পায়েন না।

সুবর্ণলতা। কি সন্ধান পেয়েছ, আমাদের একটু ভাল ক'রে বল।

শচীন। সে এদেশেই নেই—

সুবর্ণলতা। এদেশে নেই কিগো?

উমাচরণ। কোন্ দেশে গেছে বাবাজি!

শচীন। আমার একবার মনে হ'ল—ক'লকাতার ভিতর কোথাও যখন ধোঁজখবর পাওয়া গেলনা, হয়তো জাহাজে ক'রে বিলেত কি আর কোথাও গেছে।

মৃত্যুঞ্জয়। ঐটুকু ছেলে বিলেত যাবে কি!

শচীন। ওর চেয়ে অনেক ছোট ছেলেও বিলেত যায়। যাবার আগের দিন আপনার সঙ্গে বগড়া ক'রেছিল?

মৃত্যুঞ্জয়। আমি তাকে কি আর ব'লেছিলুম? 'এগজামিন' শেষ হয়ে গেছে ব'লে কি দিনরাত খেলা ক'রতে হবে? আমি 'দাদামশায়' হ'য়ে একথাটা তাকে ব'লতে পারবোনা?

সুবর্ণলতা। সে কথার কি উত্তর ক'রল জান?—“আমার মা নেই; বাবা দিনরাত কাজ নিয়ে প'ড়ে আছে—আমায় দেখবার সময় পায় না; তাই তোমাদের এখানে প'ড়ে আছি। তোমরা দয়া ক'রে খেতে প'রতে দিচ্ছ, তোমরা কথা শোনাবে বৈকি?” একি ছেলের মুখের কথা—বাবা!

শচীন। আমিও আপনাদের মুখ থেকেই শুনেছি, আর সেই কথাই ব'লছিলাম—

মৃত্যুঞ্জয়। এত অভিমান ওর কিগের?

উমাচরণ। অভিমান নয় দাদা, ও স্বভাব! ওসব ছেলে ঐ রকম! ওদের সংসারের চেয়ে সংসারের বাইরের টানই বেশী। ছেলে ভাল, তবে ঐ রকম; ওকে বলে—“মা-ঘরকা ছেলে”। কোঁথায় গেছে—ব'লত বাবাজি? সেইটেই সব চেয়ে বড় কথা।

শচীন। “থেলুমা” ব'লে একখানা জাহাজ—২৯শে মার্চ খিদিরপুর ডক ছেড়ে সাউথ আমেরিকায় যায়, সেই জাহাজে চলে গেছে। “পাসপোর্ট” দরকার হয়নি, “জু”দের সঙ্গে কি একটা চাকরী নিয়ে চলে গেছে!

মৃত্যুঞ্জয়। এখন এই যুদ্ধের সময় জাহাজে ক'রে গেল,—সে জাহাজ যদি “টার্গেট” করে—?

শচীন। বা মনে ক'রতে হয়, করুন; তবে যুদ্ধ বা সমুদ্রে বিপদ-আপদ আছে ব'লে তো আর মানুষের কাজকর্ম বন্ধ নেই। একা আমার ছেলেই সমুদ্রে যায়নি, আরো অনেকের ছেলে গেছে—।

মৃত্যুঞ্জয়। তুমি কি মনে কর, আমার কথায় রাগ ক'রে ঘর ছেড়েছে?

শচীন। আমি তা মনে করিনে! ওটা যৎসামান্য একটা উদ্বেজক কারণ। মন খারাপ কর্দাই উড়ু উড়ু ক'রতো। যখন আরো ছেলেমানুষ ছিল, আমার কাছে পড়াশুনা ব'লতে এলে—কেবল জিওগ্রাফি নিয়ে বসতো! এদেশ কোথায়, ওদেশ কোথায়, ভারতসমুদ্র দিয়ে কোথায় যাওয়া যায়, প্রশান্ত মহাসাগরের জলে ঢেউ খেলে কিনা—এই সব ওর গল্প।

উমাচরণ। হ্যাঁ, হ্যাঁ, ওই সব ছেলেরাই সাত সমুদ্রের তের নদী পার হ'য়ে রাজকন্তে বিয়ে ক'রে বাড়ী আসে।

(দরজার পাশে বিজনবালাকে দেখা গেল)

বিজনবালা। জ্যোঠাইমা!

স্ববর্ণলতা। কে—বিজন?

বিজনবালা। আমি আজ চ'লে যাচ্ছি—রাতের ট্রেনে; অতুলের কোনো খবর পাওয়া যায়নি?

স্ববর্ণলতা। পাওয়া গেছে; তবে সে খবর পাওয়ার চেয়ে, না পাওয়া অনেক ভাল ছিল। সে নাকি জাহাজে ক'রে কোথায় চলে গেছে। এমন কথা কেউ কখনো শুনেছে মা? পনের বছরের ছেলে লুকিয়ে জাহাজে ক'রে বিলেতে গেল! খাইয়ে দাইয়ে বড় ক'রবো, আর এমনি ক'রে একদিন বুকে বাজ মেরে চলে যাবে! ওর মা গেল—ওকে নিয়ে বুক বেঁধে ছিলাম; এখন আর কার জন্তে সংসার—ব'লতো মা!

মৃত্যুঞ্জয়। মায়ের ছেলে তো?—কত ভাল হবে। মা রইলেন পদ্মার চরে, আর ছেলে রইলেন ভারতমহাসাগরে। বাস, বুড়োবুড়ী ঘরে ব'লে মুখ চাওয়াচাওয়ি কর আর কি?

স্ববর্ণলতা। এমন পোড়া অদৃষ্ট আর কারো দেখেছ মা?

বিজনবালা। চূপ কর জ্যোঠাইমা; তুমি হাত-হাতাশ ক'রলে জ্যোঠামশাইকে কে দেখবে? ক'দিন তো দেখছি, উনি পাগলের মত হয়েছেন।

উমাচরণ। হ্যারে বিজন—নন্দ এসেছে?

বিজনবালা। হ্যাঁ, বাবা!

উমাচরণ। তোরা কি আজই চলে যাবি?

বিজনবালা। তোমার জামাই তো তাই ব'লছেন; তাঁরতো ছুটি নেই—এক সপ্তাহ ছুটি নিরে এসেছিলেন। আমিই জোর ক'রে এনেছিলাম। অতুল বাড়ী থেকে চলে গেছে, আমার মন জানতে পেরেছে, ছুটে এসেছি!

উমাচরণ। তাইতো, ছেলেটা জাহাজে ক'রে চলে গেল, আর আমরা কিছু ক'রবো—চূপচাপ ব'লে থাকবো?

শচীন। বিজন, আমার বিশ্বাস,—তুমি এখানে থাকলে অতুল যেতনা।

বিজনবালা। হয়তো যেতনা; তোমার সঙ্গে আমি কথা ব'লতে পাচ্ছি নে শচীনদা।

শচীন। তোমার পট্টলা স্ত্রীলা সব ভাল আছে?

বিজনবালা। স্ত্রীলা ভাল আছে, পট্টলার আজ ক'দিন জ্বর।...বাবা!

উমাচরণ। তুমি বাড়ী যাও; আমি একটু পরে যাচ্ছি। নন্দকে ব'লগে, আজ যাওয়া হবে না; আমি এলুম, আজই সব চ'লৈ যাবি? হ্যারে, তোমার মায়ের শরীর কেমন—?

বিজনবালা। মায়ের শরীর ভাল নয়; চল, বাড়ী গিয়ে ব'লছি সব কথা।

মৃত্যুঞ্জয়। দিনরাত ঘুড়ি ওড়াবে—'ফুটবল' খেলবে, কতকগুলো বদমায়েস ছেলের সঙ্গে রাত আটটা পর্যন্ত আড্ডা দেবে,—আমি যদি একটু পড়তে ব'লে থাকি, তাতেই কি এত দোষ হ'ল? আমার কলঙ্কের ভাণ্ডি ক'রে গেণ!

শচীন। আপনি ও কথা মনে ক'রছেন কেন?

মৃত্যুঞ্জয়। মনে ক'রবোনা? দশজনে আমার মুখেই তো চূপকালি দেবে। তুমি প্রথমে এসেই কি ব'লে?—যাবার আগে রাতে আপনার সঙ্গে ঝগড়া ক'রেছিল?

শচীন। আমি কিছু মনে ক'রে ও কথা বলিনি।

মৃত্যুঞ্জয়। তুমি না হয় ভাল ছেলে, কিছু মনে করলে না। পাড়ার পাঁচজন আমার কি বলবে? আর, চুলোয় যাক 'পাড়ার পাঁচজন'—আমি নিজেকে কি বলে প্রবোধ দেব? বুড়োমিন্বে, আজ বাদে কাল গোরে যাব, একটা কচি ছেলেকে পোষ মানাতে পারেন না। এখন কাকে নিয়ে সংসার ক'রবো? আমি তার ভালর জন্তে ব'কলাম, এ কথাটা বুঝতেই পারেন না? রাগ ক'রে ছুদিন তোমার কাছে গেল, কি বিজনের খণ্ডরবাড়ী গেল, তাও বোঝা যায়,—একেবারে জাহাজে সাউথ আমেরিকা!

শচীন। আপনি চুপ করুন। আজকালকার ছেলে সব ওই রকম Oversensitive, adventurer। আমার কথা কি একবারও মনে ক'রেছিল? তার দিদিমার কথা মনে ক'রেছে? এই বিজন তো তাকে ছেলেবেলা থেকে মায়ের মত ক'রে মানুষ ক'রেছে, বিজনের কথা একবার ভেবেছে? ওই উমোচরণ-থুড়ো যা ব'লেছেন, ও সব ছেলে বারমুখো—ওরা ঘরের নয়। দেশের চেয়ে বিদেশ ভালবাসে। আপনি ওর কথা আর ভাববেন না—ওর কথার দরকার নেই; আপনি অত কথা ব'লুন।

মৃত্যুঞ্জয়। তুমি তো উপদেশ দিলে,—ওর কথা ভাববেন না। আমি না ভেবে থাকি কি ক'রে বল'তো? তুমি এখনো ছেলেমানুষ, লেখাপড়া জানো, একটা পণ্ডিত লোক, পাঁচটা কাজকর্মে জড়িয়ে আছ, মনের জোর আছে। আমরা ছ'জন এই পনের বছর ধরে তার কথা ছাড়া আর কোন কথাই যে ভাবিনি,—এখন অত কথা ভাবি কি ক'রে!

স্ববর্ণলতা। বাবা, তোমার অতুলকে পেয়ে আমি আমার জগদ্ধাত্রীর শোক চাপা দিয়েছি।

শচীন। বুঝতে পাচ্ছি সব; কিন্তু উপায় কি বলুন? সহ করা ছাড়া আর কি উপায় আছে। তেরো বছর আগে যেদিন আমি একা থোকাকে নিয়ে ফিরে এলাম, আপনাদের মেয়ে বাড়ীতে এল না, সে দিনটার কথা মনে ক'রে দেখুন দেখি? সেদিনও মনে হয়েছিল—কেমন ক'রে থাকবো, কেমন ক'রে বাঁচবো! সেদিন চলে গেছে—আমিও বেঁচে আছি, আপনারাও বেঁচে আছেন আজকের

দিনও কাটবে। আপনাদের মেয়ের যাওয়ার তুলনায় এর যাওয়া তো অনেক ভাল। অতুলের সম্বন্ধে আমরা আশা ক'রতে পারি, আমার অতুলও একদিন মানুষের মত মানুষ হয়ে দেশে ফিরবে। আমি তো এই আশা নিয়ে বেঁচে থাকবো। আপনারা তাকে আশীর্বাদ করুন, তগবানের কাছে প্রার্থনা করুন—আপনাদের আশীর্বাদে তার ভালই হবে!

মৃত্যুঞ্জয়। সে ফিরে আসবে? তুমি আমাদের প্রবোধ দিচ্—না, এই তোমার বিশ্বাস?

শচীন। এই আমার আশা। তবে এই আশাই একদিন বিশ্বাসে পরিণত হবে।

মৃত্যুঞ্জয়। জগদ্ধাত্রী আবার আসতে পারে? তুমি আশা কর?

শচীন। না। তবে আমার বিশ্বাস, পরলোকে তার সঙ্গে নিশ্চয় দেখা হবে।

মৃত্যুঞ্জয়। তুমি পরলোক বিশ্বাস কর?

শচীন। আপনিও করেন। হিন্দুমাঝেই পরলোকে বিশ্বাসী। আপনি না করুন, আপনার ভাইবন্ধু আজো তর্পণ করে—পিতৃশ্রাদ্ধ করে। আচ্ছা—যতদিন অতুল আপনাদের কাছে ফিরে না আসে, ততদিন আমি ছেলেবেলাকার মত আবার এখানেই থাকবো। আপনারা আমার নিয়ে বুক বাঁধুন—আমায় নিয়ে সংসার করুন। আপনি একেবারে ভেঙে প'ড়েছেন। উঠুন, এখনো ষাওয়া-দাওয়া করেন নি বোধ হয়। মা, চলুন—বাড়ীর ভিতর চলুন; আর দেরী ক'রবেন না, খাবার দিতে বলুন—উঠুন।

মৃত্যুঞ্জয়। (উঠিয়া) উমোচরণ, এখন বাড়ী যাবিতো?

উমোচরণ। হ্যাঁ। শচীন বাবাজি রয়েছে, ভাবনা কি দাদা! ও একটা বিলিবিবস্থা ক'রবেই। আমি আবার ওবেলা আসবো; বোঠাকরুণ ষাও, বাড়ীর ভিতরে ষাও।

(মৃত্যুঞ্জয়, স্ববর্ণলতা ও শচীনের প্রস্থান)
বিজনবালা। তুমি বাড়ী চল বাবা—আর দেরী ক'রোনা।

উমোচরণ। তুই যা বা! আমি শচীন বাবাজির সঙ্গে দু'টো কথা ব'লেই যাচ্ছি।

বিজ্ঞানবালা। বেলা বারোটা বেজে গেছে!
উমাচরণ। আমাদের কি আর বারোটা একটা
আছে মা, আমরা যে যাত্রাওরালা। তুই যা,
আমি যাচ্ছি।

[বিজ্ঞানের প্রস্থান

(উমাচরণ পকেট হাতে একটা বিড়ি বাহির
করিস্না ধরাইল; তারপর গুন্ গুন্
করিস্না গান ধরিল)

উমাচরণ। আঃ হরি, হরি—

“এ মায়াপ্রপঞ্চময় ভবের রঙ্গমঞ্চমাঝে,
রঙ্গের নট নটবর হরি, যারে যা সাজান
সে তাই সাজে।”

(শচীন প্রবেশ)

শচীন। খুড়ো, এখনো যাওনি?

উমাচরণ। না—তোমায় ছুঁটো কথা বলবো
বাবাজি।

শচীন। কি কথা?

উমাচরণ। তোমার খুব মনের জোর বাবা!
এ রকম মনের জোর আমি, তোমার মত ছেলে-
ছোকরাদের ভিতর দেখিনি।

শচীন। তোমাদের ওখানে গিয়ে নন্দর সঙ্গে
দেখা ক’রবো’খন। আমার সঙ্গে দেখা না ক’রে
নন্দ-বিজ্ঞান যেন চ’লে না যায়—

(শচীন একটা স্মটকেশ খুলিয়া একটা
বাঙিল বাহির করিলেন)

উমাচরণ। ও সব কি বাবা?

শচীন। চারটে সিঙ্কের শার্ট, অভূলের জুতো
অর্ডার দেওয়া ছিল—তোমার পটুলাকে দিও।

উমাচরণ। তোমার খুব মনের জোর বাবা!
আশীর্বাদ করি, বৈচে থাক—উন্নতি কর! তোমার
কথাই ক’লবে বাবা—তোমার অতুল খুব উন্নতি
ক’রে দেশে ফিরবে।

শচীন। তাই আশীর্বাদ কর খুড়ো। আমিও
মাছুষ—মনে আমারও কষ্ট হয়। মাঝে মাঝে
বনে হয়, কার জন্তে পরিশ্রম করছি? আবার
.. বনকে বোঝাই, হাউ হাউ ক’রলেও লোকে পাগল

বলবে—চূপ্ চাপ্ কাজ কর,। আচ্ছা খুড়ো,
ওবেলা তোমাদের ওখানে যাবো’খন।

[শচীনের প্রস্থান

উমাচরণ একা দাঁড়াইয়া। ‘তার প্রাণে পূর্বোক্ত
বৈরাগ্যের গানের সুর গুল্লরিত
হইতেছিল—সে গাহিল—

“যার যখন হ’তেছে সাক্ষর রঙ্গভূমির অভিনয়,
কাকত পরিবেদনা, আর তখন সে কারো নয়,
কোথা রয় প্রেমসীর প্রণয়, পুত্রকৃত্যার কাতর বিনয়,
মানো না কারো অমুনয়—

চ’লে যায় সাজ-সজ্জা তাজে।”

চতুর্থ অঙ্ক

বিষ্ণুভক্ত

(পদ্মার ধারে একজন গায়ক গান গাহিতে
গাহিতে চলিয়াছে)

গান

এপারে পদ্মা—ওপারে পদ্মা
কোথায় বাড়ী ঘর
মাঝখানে ওই ধু ধু করে
মহামায়ার চর।
রাতের বেলায় তাল বেতালে
নাচে ভয়ঙ্কর।!

ডাকিনী হাঁকিনী হাঁকে,
শিয়াল শকুন কঁাকে কঁাকে,
গুনতে আসে শ্মশানকালীর
মাঠে, মাঠে: স্বর—
হেথায় এলে, সবাই তোলে
কোথায় বাড়ী ঘর,
কে আমার আপন ছিল, কেবা—ছিল পর॥
[গাহিতে গাহিতে চলিয়া গেল

(দৃষ্ট—প্রথম অঙ্কের সেই ঘর—প্রায় সেই রকমই সাজানো। তুই একটি “ফার্গিচার” বদলাইয়া হাল ফ্যানারের ফার্গিচার আসিয়াছে। পূর্বোক্ত ঘটনার পর আরো তেরো বৎসর অতীত হইয়া গিয়াছে, গৃহস্থানী মৃত্যুঞ্জয়বাবুর মাথার চুল আর একটীও কাঁচা নাই। অল্প পরিবর্তন বুলিবার উপায় নাই। তুইজন লোক তাঁহার কাছে বসিয়া আছে; তাহাদের সঙ্গে কাজের কথা হইতেছে। বেলা চারিটা—লোকদুটির মধ্যে একজন স্থানীয় মিউনিসিপ্যাল অফিসের চাপরাশী।—নাম ছবীরাম। আর একজন বিজ্ঞানবালার পুত্র পট্টনা, এখন বি-এল পাশ করিয়া উকিল হইয়াছে, তাহার ভাল নাম—হেরথ। মৃত্যুঞ্জয়বাবু এখন স্থানীয় মিউনিসিপ্যালিটির “চেয়ারম্যান”। সংসার যেমন চলিয়া থাকে তেমনই চলিতেছে।)

মৃত্যুঞ্জয়। (কাগজ দিয়া) যা—নিষে যা।

ছবীরাম। এই চিঠি ক’খানা—।

মৃত্যুঞ্জয়। এ আবার কিসের চিঠি?—‘মিটিং’?

ছবীরাম। হ্যাঁ বাবু—কাউন্সেলারদের নামে।

মৃত্যুঞ্জয়। আলালে! এগুলো তো “ভাইস”-বাবু সই ক’রতে পারতেন!

হেরথ। তাই কি হয় শুভ্র, আপনি চেয়ারম্যান।

মৃত্যুঞ্জয়। ‘চেয়ারম্যানের’ খুব মান, কি বল হেরথ?

হেরথ। নইলে এতগুলো লোক—শুধু শুধু আপনার কাছে আসে?

মৃত্যুঞ্জয়। ছবীরাম, তুই কি বলিস?—এখানকার লোকেরা আমার খুব মানে, কেমন?

ছবীরাম। মানে না আবার! আপনাকে মানবেনা তো কাকে মানবে? আপনি চেয়ারম্যান, রায়সাহেব, স্কুলের প্রেসিডেন্ট। আপনি সন্মার উপর।

মৃত্যুঞ্জয়। আজকাল অবিশ্যি নাকি খুব বুক ফুলিয়ে বেড়ায়?—উন্টোডিঙিতে বড় আড়ং করেছে। স্কুলে কত টাকা দিয়েছে—হেরথ?

হেরথ। আরে—রায় রাম, মোটে সাড়ে তিনশো টাকা। আপনি কত দেবেন শুভ্র—বলুন, লিখে নিই।

মৃত্যুঞ্জয়। শচীন বাড়ী আসুক, আজ তুমি কাল সকালে এস।

হেরথ। আপনি এবার রায়সাহেব হ’ন শুভ্র, নইলে আর ভালো দেখায় না। কি বলিস ছবীরাম?

ছবীরাম। কেন বাবু, রায়সাহেব মন্দটা কিসে?

হেরথ। আরে দূর দূর—কিসে আর কিসে। “রায়সাহেব” উপাধি আজকাল ষ্টেশন-মাষ্টারদের দেয়। অত্যাশঙ্ক হ’লে শুধু ওই “কনকটাপা” তেলের অল্প আপনাকে “শুভ্র” উপাধি দিত।

মৃত্যুঞ্জয়। ওটার অল্প আমার বাহাছুরি কিছু নেই, আবিষ্কার ক’রেছে শচীন। “ফরমুলা” ওর। বাজার একচেটে ক’রে ফেলেছে, কি বলিস ছবীরাম?

ছবীরাম। তা আর ক’রবে না বাবু? কি তেল—যেমন রঙ, তেমনই গন্ধ।

মৃত্যুঞ্জয়। শচীনের স্বত্ব ছেলে আর হয় না, কি বলিস ছবীরাম?

ছবীরাম। আজ্ঞে—হ্যাঁ বাবু। আপনি সই ক’রে দিন—আমার আবার বাবুদের বাড়ী বাড়ী গিয়ে চিঠি দিয়ে আসতে হবে।

মৃত্যুঞ্জয়। তুই যে দেখছি ষোড়ার জিন দিয়ে এলি!—দাঁড়া। হেরথ, তুমি আজকাল মাষ্টারি করনা বুলি?

হেরথ। না, এখন তো ওকালতি ক’রছি।

মৃত্যুঞ্জয়। ওকালতি যদি ক’রতেই হয়, হাইকোর্টে কয়টি ভাল—কি বলিস ছবীরাম?

ছবীরাম। আজ্ঞে হ্যাঁ বাবু; লোকে কথায় বলে—হাইকোর্টের উকীল।

মৃত্যুঞ্জয়। খুব মান—কি বলিস?

ছবীরাম। খুব মান।

মৃত্যুঞ্জয়। তুমি এক কাজ ক’রতে পার হেরথ?—ছ’দিনে লাল য়ে বাবে।

হেরথ। কি কাজ বলুন তো?

মৃত্যুঞ্জয়। কাউকে ব’লনা। চুপি চুপি গিয়ে কালীঘাটে একখানা চপ-কাটলেটের দোকান খোল।

হেরথ। কালীঘাটে চপ-কাটলেটের দোকান।

মৃত্যুঞ্জয়। আমি তোমায় মতলব বাতলে দিচ্ছি, শোন। খুব ভাল সাইন বোর্ড আর্টিষ্টকে দিয়ে লিখিয়ে নেবে—বেশ বড় বড় অক্ষরে সাইন বোর্ড—“মা-কালীর সম্মুখে সম্মুখি হ্যাংমাংসে প্রস্তুত সুপবিত্র চপ ও কাটলেট! স্বহস্তে পাচক-কর্তা—শ্রীহেরষ মুখোপাধ্যায় এম-এ, বি-এল, উকিল, হাইকোর্ট”।

হেরষ। বলেন কি?

মৃত্যুঞ্জয়। দু’দিনে লাল হ’য়ে যাবে হে! ক’লকাতায় বাড়ী ক’রবে, মোটর চ’ড়বে—। শটীনের “কনকটাপা” খুব চ’লছে—নইলে আমি শটীনকেই ব’লতুম। গিরিশ চক্কোত্তি লাল হ’য়ে গেল! তার দোকান সিমলয়ে, আর এ কালীঘাট—জায়গা কি! মতলব আমার মাথায় খুব খেলে কি বলিস দুখীরাম!

দুখীরাম। ইয়া বাবু, আপনার মাথায় সব—নতুন নতুন ফন্দী!

মৃত্যুঞ্জয়। আরে—ফন্দী বাজ না হ’লে আজকের দিনে টাকা রোজগার হয়? তুমি আর দেবী ক’রোনা হেরষ! কালপরশুর ভেতর পাঁজি দেখে একটা ভাল দিন ঠিক ক’রে আরম্ভ কর।

হেরষ। আজকের মিটিংএর কথাটা মনে আছে তো?

মৃত্যুঞ্জয়। মিটিং তো পরশু?

হেরষ। সে তো আপনার মিউনিসিপ্যাল মিটিং—আজ “ইউডেন্স লাইব্রেরী”তে ছেলেদের “সাহিত্যসভার” গ্রাইজ ডিষ্ট্রিবিউশনে আপনি যে সভাপতি।

মৃত্যুঞ্জয়। আমাকে ছাড়া কি তোমাদের কোন কাজ হবে না বাবা?—কখন মিটিং?

হেরষ। রাত আটটার!

মৃত্যুঞ্জয়। কি সম্বন্ধে ব’লতে হবে?

হেরষ। বাংলা সাহিত্যের নবযুগ।

মৃত্যুঞ্জয়। বাংলা সাহিত্যের নবযুগ?—ব্যাপার খানা কি? এর আগে কতগুলো যুগ হয়ে গেছে?

হেরষ। সে আপনি বা ব’লবেন, তাই; আপনার মুখ থেকেই লোকে শুনতে চায়।

মৃত্যুঞ্জয়। ঠিক ঠিক—হেরষ খুব বুদ্ধিমান! বেশ ব’লছে—খাঙ্গা বুদ্ধি! কি বলিস দুখীরাম?

দুখীরাম। ইয়া বাবু। সাড়ে পাঁচটা বেজে গেল!

মৃত্যুঞ্জয়। একটু ব’স হেরষ—দুখীরামটাকে বিদেয় করি। (কতকগুলি চিঠি সই করিয়া) এই নে।

দুখীরাম। (লইল) বাবু—

মৃত্যুঞ্জয়। বলনা?—আর লজ্জা কেন?

দুখীরাম। ছোট ছেলেটার বড় অসুখ, একটা “ডি-গুপ্ত” কিনতে হবে—হু’টো টাকা।

মৃত্যুঞ্জয়। টাকা আমার ভারি সস্তা কিনা? টাকা আমি আর কাউকে দেবনা—একটা পরশাও না।

দুখীরাম। মাইনের বিল তো আপনিই পাশ ক’রবেন, সেই সময় বেটে নেবেন।

মৃত্যুঞ্জয়। ঠিক “ডি-গুপ্ত” কিনবি তো?

দুখীরাম। “ডি-গুপ্ত” কিনবো বই কি?

মৃত্যুঞ্জয়। খুব অসুখ—ডি-গুপ্ত—এক ওষুধে তিন পুরুষ লাল—কি বলিস দুখীরাম?

দুখীরাম। আজ্ঞে—ইয়া!

মৃত্যুঞ্জয়। দেবিস, যেন নিবারণ ডাক্তারকে ডাকিস নে—একটু জল পড়া দেবে আর গালে চড় মেরে দুটো টাকা নেবে।

দুখীরাম। আমার বাড়ীতে বাবু জলপড়ার কিছু হয় না—কাঁঝালো ওষুধ চাই। দিন—

মৃত্যুঞ্জয়। এই নে! (টাকা দিলেন) বাস কাবারে মনে করিয়ে দিবি—বুঝলি?

দুখীরাম। ইয়া—তা দেব বই কি! তাহ’লে এখন আনি বাবু।

[প্রস্থান]

মৃত্যুঞ্জয়। গেল দুটো টাকা—। ও আর শোধ দিয়েছে। কি বল হেরষ?

হেরষ। যাদের শোধ দেবার ইচ্ছে থাকে, তারা বড় একটা ধার করেনা।

মৃত্যুঞ্জয়। ছেলেরা আমার প্রেসিডেন্ট ক’রেছে—কি প’রে যাই ব’লতো হেরষ? স্কট প’রবো?

হেরষ। আপনি যা প’রবেন, তাই মানাবে।

মৃত্যুঞ্জয়। সেইজন্মেই তো তোমার জিজ্ঞাসা কছি, কোন্ পোষাকে আমার বেশী মানাবে?

হেরষ। আজকাল “শাশনাল সেটিমেন্ট” খুব চ’লছে, স্কুলের ছেলেদের “সাহিত্যসভা”,

বিশেষ, পূজার ছুটির আগে—আপনি ধুতিচাদরই নিন!

মৃত্যুঞ্জয়। আচ্ছা—গলাটার একটা ‘মাকলার’ জড়িয়ে নেব?

হেরষ। ধুতিচাদরের সঙ্গে ‘মাকলার’ মানাবে কেন?

মৃত্যুঞ্জয়। নতুন হবে—ষ্টাইল হবে। বড় হ’তে হ’লে একটা নিজস্ব ষ্টাইল থাকা দরকার—বুঝলে? শুধু ধুতিচাদর তো সবাই পরে।

হেরষ। আমি তা’হলে এখন উঠি—ছেলেরা ঠিক আটটার গাড়ী নিয়ে আসবে।

মৃত্যুঞ্জয়। শোন শোন, সভাপতি তো ক’ছ—কিছু ‘লোকুতো’ করা দরকার তো?

হেরষ। তা দিতে হবে বই কি! আপনার যা মানসম্মত, তাতে—

মৃত্যুঞ্জয়। কত দিলে খারাপ দেখায় না; খুব বেশী দেওয়াটা কিছু নয়—কি বল?

হেরষ। তা, বেশী দেওয়ার দোষ কি?

মৃত্যুঞ্জয়। বেশী দেওয়ার দোষ নেই?—খুব দোষ? লোকে মনে ক’রবে—টাকার গুমোর, টাকা দেখাচ্ছে, আর যেন কারো টাকা নেই!

হেরষ। তাই বলে কি খুব কম দেবেন? সেইটেই কি ভাল? আপনার যা ষ্টাইল, সেই ষ্টাইলে যা মানায়—।

মৃত্যুঞ্জয়। আচ্ছা—শচীন আসুক; আজ তো আলবার কথা আছে।...হ্যাঁ—তোর দাদা-মশায়ের খবর টবর পেলি? বেঁচে আছে তো—?

হেরষ। মা তো বলছিল—“কুশপুতুর” ক’রবে।

মৃত্যুঞ্জয়। না না, “কুশপুতুর” করিসনে—সে চট ক’রে ম’রবে না। তোর মাকে একবার আমার কাছে পাঠিয়ে দিবি।

হেরষ। মা বোধ হয় বাড়ীর ভিতর দিদিমার কাছে এসেছে—।

মৃত্যুঞ্জয়। তোর বাবা “লাইফ ইন্সিওর” করেনি—না?

হেরষ। না। মফঃস্বলের জমিদারের বাড়ীর কাজ—সেখানে কি আর কেউ “লাইফ ইন্সিওর” করে?

মৃত্যুঞ্জয়। তোমার একটু লেখাপড়া শিখিয়ে গেছে, এই যা। বাক, তবু মাতামহর ভিটেটা ছিল, তাই মাথা গুঁজে আছ।

হেরষ। তাতো বটেই। পৈতৃক বাড়ী তো এমন জারিগার, সেখানে থেকে এক পরশাও উপার্জন হয় না।

মৃত্যুঞ্জয়। তোর ছোটমাগীর খবর কি?

হেরষ। তাদের অবস্থা খুব ভাল। মেসো-মশা’র চারটে ধানের কল, চালানি কারবার, তেজারতি মহাজনি, বাজারে গোলদার দোকান—বেশ ভাল অবস্থা।

মৃত্যুঞ্জয়। বেশ গেরস্ত লোক!...তোর মায়ের হাতে নগদ টাকাকড়ি কিছু নেই?

হেরষ। যা ছিল, জুশীলার বিয়ের সময় বেরিয়ে গেল।

মৃত্যুঞ্জয়। তোর মায়ের বড় ইচ্ছে ছিল, অতুলের সঙ্গে মেয়ের বিয়ে দেয়। খবরের কাগজে টাগজে ওর কোনো খবর পাস?

হেরষ। অতুলের—? না—সে তো ব্রেজিলে আছে।

মৃত্যুঞ্জয়। তোর দাদামশাই তার মাথাটা খেয়ে গেছে। এদানি রাতদিন এখানেই থাকতো, আর কাণে ‘ছিটে মস্তুর’ বাড়তো—!

(দরিত্রবেশে উমাচরণের প্রবেশ। সে গান ধরিস্নাই আসিল। তার মুখে দাড়ি, মাথার চুল সাদা)

গান

গা তোল, গা তোল!

বাঁধ মা কুন্তল,

ঐ এল পাবাণি! তোর দিশানী।

ল’য়ে যুগল শিশু কোলে,

(জননী গো!) মা কই, মা কই বোলে,

ডাকছে রে তোর শশধরবদনী।

ওমা তোমার তারা,

চন্দ্রচূড়-দারা,

চন্দ্রদর্পহরা—চন্দ্রাননী।

এমন রূপ দেখি নাই কারো,

(রাণি গো) মনের অন্ধকার—

হরণ করে মা তোর হরমনোমোহিনী॥

(বাড়ীর ভিতর হইতে সুবর্ণলতা ও বিধবার

বেশে বিজনবালা প্রবেশ করিলেন।)

মৃত্যুঞ্জয়। বৈরাগী ঠাকুর, আজকালকার
বৈরাগীরা এ-সব পুরানো আগমনী গায় নাকি?

সুবর্ণলতা। বৈরাগী না তোমার মাথা! গলা
শুনেও বুঝতে পারলে না?

মৃত্যুঞ্জয়। কে—ব'লতো?

সুবর্ণলতা। চরণ-ঠাকুরপো!

মৃত্যুঞ্জয়। এ্যা—উমাচরণ, তোর এ দশা
হয়েছে? ওয়ারেন্ট বার ক'রেছে বুঝি?

উমাচরণ। না—ওয়ারেন্ট নয়, ওয়ারেন্ট নয়
—সখ!

মৃত্যুঞ্জয়। সখ? তা এতদিন কোথায় ছিলি?

উমাচরণ। বোম্বাই গিয়েছিলাম।

মৃত্যুঞ্জয়। বোম্বাই? সেখানে কি ক'রতিস?

উমাচরণ। আজকাল 'ফিলিম' হয়েছে,
শুনেছ?

মৃত্যুঞ্জয়। বায়োস্কোপ?

উমাচরণ। ই্যা—দেখেছ?

মৃত্যুঞ্জয়। না। সেখানে তুই কি ক'রতিস?

উমাচরণ। 'এ্যা'ক্টিং' ক'রতাম!

মৃত্যুঞ্জয়। তুই—?

উমাচরণ। নিশ্চয়ই!—বিড়েটা জানা আছে,
চুপ ক'রে কি আর ব'সে থাকতে পারি? সে ভারি
মজার 'এ্যা'ক্টিং' দাদা।

মৃত্যুঞ্জয়। কি রকম, কি রকম?

উমাচরণ। পাট মুখস্থ ক'রতে হয় না; শুধু
হাতমুখ-নাড়া। উঃ—অনেক টাকা দিত।

মৃত্যুঞ্জয়। টাকা কি ক'রলি?

উমাচরণ। তুমি তো জানো দাদা, আমার
কুষ্টির ফল—রোজগার হবে, ভোগে আসবে না!
বাড়ী আসছিলাম, হু'হাজার টাকা জমিয়েছিলাম—
ব্যাগভর্তি নোট, টাকা! ওঃ—যদি 'সেকেন ক্লাসে'
আসতাম, দিষ্টিকিগ্নন মানুষ তো?—'থার্ড ক্লাসের'
টিকিট কিনেছি, ব্যাগ মাথায় দিয়ে গুরে, সকালে
আসানসোলে ঘুম থেকে উঠে দেখি—ব্যগ!

মৃত্যুঞ্জয়। হু'হাজার টাকা গেল।

উমাচরণ। গেল বই কি! শুধু তাই?—সঙ্গে
সঙ্গে টিকিটখানাও খুঁজে পেলাম না!

মৃত্যুঞ্জয়। পুলিশে খবর দিগিনে কেন?

উমাচরণ। আমার আর পুলিশ ডাকতে হল
না, "টিকিট কালেক্টার"ই "উইদাউট টিকিটে"
ট্রাভল করার জন্তে পুলিশের হাতে দিলে।
হাজতে নিয়ে যাচ্ছিল, হাতে পায়ে ধ'রে নিষ্কৃতি
পেয়েছি!

মৃত্যুঞ্জয়। তারপর?

উমাচরণ। তারপর আর কি? আসানসোল
ইন্টিসেন 'কম্পাউণ্ড' পেরিয়ে যখন বাইরে এলাম,
তখন দেখি পকেটে সাড়ে তের আনা পরস।
মাড়োয়ারির দোকান থেকে দশ পরসার গরম
জিলিপি কিনে খেলাম।

মৃত্যুঞ্জয়। বলিস কি?—হু'হাজার টাকা
গেল! তুই বাড়িয়ে ব'লছিস! তুই হু'হাজার টাকা
জমিয়েছিলি, উঃ মিছে কথা বলছিস!

উমাচরণ। এখানেই অস্ত্রায় হ'য়েছিল দাদা!
সেইজন্তেই তো একেবারে দশ পরসার গরম
জিলিপি খেলাম। আর মনকে ব'জ্জাম—“আম্মা
রাম, আর পড়া বুলি প'ড়োনা—অন্ত বুলি ধর”।
আজ ছ'মাস বৈরাগী হ'য়েছি।...তুমি তো ঠিক
আছ দাদা।

মৃত্যুঞ্জয়। হু—still going strong!

উমাচরণ। জানি-ওয়ারাকার? আমি জানি
দাদা—জানি; বোম্বেতে খেতায়—খাশা জিনিস!
বোম্বে গিয়ে একেবারে ভোল ব'দলে ফেলেছিলাম
দাদা। সাইবি পোষাক প'রতাম—ছবিগুলো বে
ব্যাগে ছিল, প্রমাণ দিতে পারছি নে।

(বিজন আগিয়া প্রণাম করিল)

উমাচরণ। এ মেরেটি কে দাদা?

সুবর্ণলতা। চিনতে পারছ না, ঠাকুর-পো?

বিজনবালা। বাবা—আমি!

উমাচরণ। বিজন—?

(হেরষ প্রণাম করিল)

উমাচরণ। এটা কে—অতুল?

মৃত্যুঞ্জয়। না—না, অতুল তো সেই তুই
থাকতে কোথায় গেছে—আর ফেরেনি।

বিজনবালা। এ তোমার পটীলা।

উমাচরণ। পটুলা? তাই তো, তুই যে একেবারে “স্টেটলুম্যান” হ’য়ে প’ড়েছিল? চেনবার উপায় নেই।

হেরষ। তোমাকেই বা কোন্ চিনবার উপায় আছে—?

উমাচরণ। তাইতো, তা তোরা এখানে কেন? তোরা তো দিনাজপুর ছিলি। কবে এলি? তোর বাপ কোথায়?

হেরষ। বুঝতে পাচ্ছ না?—মায়ের পরণে ধানকাপড়।

(বিজন চোখে কাপড় দিল)

উমাচরণ। তাইতো, ধান কাপড়ই তো বটে! এ্যা—নন্দটা ফাঁকি দিলে? আমার ফাঁকি দিলে। উঃ—কি অভায় দেখতো দাদা!...হ্যাঁবে বিজন, তোর মা বেঁচে আছে?

সুবর্ণলতা। তাই কখনো থাকে? তুমি কি অবস্থার ফেলে গিয়েছিলে?

উমাচরণ। উঃ, খুব কষ্ট পেয়ে ম’রেছে—না?

বিজনবালা। না—কষ্ট পাননি; সময় মত আমি এসে প’ড়েছিলাম।

উমাচরণ। (অনেকক্ষণ চুপ করিয়া বসিয়া রহিল, তারপর বিবাদ ঝাড়িয়া ফেলিল) বাক্য—কি আর হবে! হ্যাঁবে—তোরা ছোট বোনটা আছে তো?

বিজনবালা। তা’রা বেশ আছে—ভালই আছে।

উমাচরণ। মাছভাত খাচ্ছে তো?

বিজনবালা। তা খাচ্ছে—।

উমাচরণ। (আবার কিছুক্ষণ চুপ করিয়া কি চিন্তা করিল) তা বার বছর পরে দেশে ফিরলুম, তুই একটা যাবে বৈ কি—কি বল দাদা?

মৃত্যুঞ্জয়। তাতো বটেই! (জীর প্রতি) শুনছো?—ভাল দেখে শাট একটা, আর সেই ‘ফ্যান্সি মাকলার’টা পাঠিয়ে দিও তো।

সুবর্ণলতা। কোথাও বেরবে নাকি?

মৃত্যুঞ্জয়। হ্যাঁ—ইন্ডুলের ছেলেরা আমার গুলতাপতি ক’রেছে যে; এখনি গাড়ী নিয়ে আসবে। কটা বাজলো হেরষ?

হেরষ। সাড়ে ছ’টা—আটটার আগবে।

মৃত্যুঞ্জয়। বিষয়টা হচ্ছে “বর্তমান বাংলা-সাহিত্য”—কেমন?

হেরষ। হ্যাঁ—!

বিজনবালা। চল বাবা, বাড়ী চল।

উমাচরণ। দাদা-বোঠাকরুণের সঙ্গে একটু গল্পগুজব করি?—কত দিন পরে দেখা।

সুবর্ণলতা। একটু চা খাবে নাকি ঠাকুর-পো?

উমাচরণ। না—এসেই ব্রতভঙ্গ ক’রবো? চা কাল সকালে খাব—আজ একটু তামাক খাই। রঘু আছে?—রঘু।

(তামাক লইয়া বৃদ্ধ রঘুর প্রবেশ)

রঘু। আছি বই কি বাবু—এই তামাক ধান। বুড়োরা ঠিক বেঁচে থাকে—যারা যাবার, তারাই যায়! যমরাজ তো বেছে মাছুষ নেয়না—।

মৃত্যুঞ্জয়। তুমি ধাম-ধাম—তোমার আর যমরাজের সমালোচনা ক’রতে হবে না।

[রঘুর গ্রন্থান

সুবর্ণলতা। আর বিজন, বাড়ীর ভিতরে গিয়ে বসি; বাপকে সঙ্গে নিয়ে যাবি—

বিজনবালা। বাবা, তামাক খেয়েই যেতে হবে কিন্তু—বেশী দেৱী ক’রোনা! হেরষ—

হেরষ। আমি একটু স্থলের দিকে যাই—ছেলেগুলো আমার মুখ চেয়ে বসে আছে—।

উমাচরণ। ছোকরা লেখাপড়া শিখেছে বুঝি!

বিজনবালা। তা শিখেছে বাবা। তোমার জামাই এটা ক’রে গেছেন—ছেলে মাছুষ ক’রে’ছেন। তোমার পটুলা এখন উকিল—।

উমাচরণ। বলিস কিরে—পটুলা উকিল? আর পটুলার দাদামশায়—“যে পান্নালাল, সেই পান্নালাল।”

হেরষ। ওই উকিলই হ’য়েছি দাদামশায়—পসার হয়নি, কেউ—ডাকেনা।

উমাচরণ। ডাকবে—ডাকবে দাদা, ডাকবে। আগল কথা—বিভে। বিভে থাকলে একদিন ঠিক ডাকবে! (মুগ্ধ দৃষ্টিতে হেরষকে দেখিয়া) আরে—তুই তো দিকিটি হ’য়েছিল পটুলা। আমি বখন

তোকে দেখি, গলাসক পেটমোটা—যেন হুসইকারের মত চেহারা। এখন তো বেশ হ'য়েছিল—ঠিক যেন “বিলমোরিয়া”।

হেরথ। বিলমোরিয়াকে তুমি চেন নাকি ?

উমাচরণ। চিনবো না ? এক সঙ্গে এ্যাঁক্তি ক'রেছি—কি যে বলে।

হেরথ। এক সঙ্গে এ্যাঁক্তি ক'রেছ ? “তুফান মেলে” কি সেজেছিলে ?

উমাচরণ। বিলমোরিয়ার ঠাকুরদা—

হেরথ। “তুফান মেলে” আবার বিলমোরিয়ার ঠাকুরদা কোথায় ?

উমাচরণ। আগে ছিল—“এডিটিঙে” কেটে দেছে।

মৃত্যুঞ্জয়। ‘এ্যাঁক্তি’ আবার কাটধে কিরে হতভাগা ?

উমাচরণ। কাটে—ও তুমি বুঝবে না দাদা ! “মন্তিরায়ের যাত্রা” নয়, এর নাম “ফিল্ম এ্যাঁক্তি”—এ কাটে, জোড়ে ; কেবল কেটে জোড়া দেয়।

হেরথ। শুনলে মা, তোমার বাবা এমন এ্যাঁক্তি ক'রেছেন যে, এডিটার সব কেটে বাদ দেছে !

উমাচরণ। তাই তো, পটুলাটা তো খুব উত্তরে গেছে। আমি তেবেছিলাম, তোমার অতুল লায়ক হবে—আর পটুলাটা প'টুকে যাবে, ‘থার্ডক্লাস’ পেরুবে না।

মৃত্যুঞ্জয়। (জীর প্রতি) তুমি আর দাঁড়িয়ে থেকোনা। ভাল-ইঞ্জিরি শার্ট, সিঙ্কের মাফলার, শালের টুপী, আর একখানা ঢাকাই উড়ুনি—

হেরথ। বেশ মানাবে। আমি চল্লায়—দালামশায়, আর যেন বেরিয়ে প'ড়োনা। মা, তোমার বাবাকে বাড়ী নিয়ে যেও। ঠিক আটটার ছেলেদের আসবার সময়। “বর্তমান বাংলাসাহিত্য”—President election, just at 8-30 P. M. and then meeting at 9 P. M. sharp, আমি ইঙ্কলে ফুলের মানাটালাঙলো এল কিনা দেখি।

[হেরথের প্রস্থান]

স্বর্ণলতা। আররে বিজন ! ঠাকুরপোকে কি খেতে দিবি রাত্তিরে ? সন্নিসি মোহন্ত মাষ্টর, একটু গাওয়া দি নিয়ে যা।

বিজনবালা। যাই—জ্যেঠাইমা ! বাবা, দেবী ক'রোনা—

(স্বর্ণলতা ও বিজনবালার বাড়ীর ভিতরে গমন)

উমাচরণ। দাদা, সংসার বড় মজার জায়গা—সেই আমি, সেই তুমি, সেই বোঠাকরণ, সেই বিজন—অথচ কিছুই কিছু নয়। বিজের ছেলে পটুলা কিনা ইংরিজিতে কথা কয়—9 P. M. sharp।

মৃত্যুঞ্জয়। ই্যা—; (উমাচরণকে খামিতে ইঙ্গিত করিয়া মনোযোগ দিয়া লিখিতে লাগিলেন)

উমাচরণ। ও আবার কি ?

মৃত্যুঞ্জয়। কিছু-না, কিছু-না। তোর নাতি এসে ধ'রলো, নইলে আমার আর কি ?

উমাচরণ। বুঝলে দাদা, প্রায় সব ঠিক ক'রে এনেছিলাম, শেষরক্ষে করাই মুন্সিল। আবার লাগতে হবে। কাল যাই একবার টালিগঞ্জের দিকে—

মৃত্যুঞ্জয়। টালিগঞ্জ কেনরে ? “রেল” খেলবি নাকি ?

উমাচরণ। ই্যা, ও একরকম “রেলখেলা”ই বটে। শুনছি, আজকাল “বাংলা টকি” হ'চ্ছে, হাজার হোক, গলাটা তো এখনো আছে ; বিভেটা জানি।

মৃত্যুঞ্জয়। তুই একটু চুপ কর বাপু, আমি একটু “বর্তমান বাংলা-সাহিত্য” সর্ধক্ষে চিন্তা ক'রে নিই।

উমাচরণ। ও চিন্তাচিন্তা ক'রলে হবে না দাদা—টাকা চাই।

মৃত্যুঞ্জয়। তুই টাকা কি ক'রবি ? সন্নিসি মোহন্ত মাষ্টর—

উমাচরণ। সন্নিসি আর থাকতে দিল কই ? বউটা গেছে গেছে, কি আর ক'রবো ? ওতো ম'রেই ছিল—জামাইবেটার আকেল দেখ দেখি—ফাঁকি দিয়ে পালাল ? আমার বিজন থান কাপড় প'রে, স্বামীর ভিটের জায়গা হ'ল না ; বুঝি তো সব ?—ছেলেমেয়ে নিয়ে আমার কুঁড়ের এসে উঠেছে ; পটুলাটা লেখাপড়া শিখেছে বটে—রোজগার তো তেমন হ'চ্ছে না। আর সন্নিসি হওয়া চলে ?—তুমিই বল দাদা। কাল থেকেই আবার জোয়াল কাঁধে ক'রতে হবে—

মৃত্যুঞ্জয়। তা করিস—করিস, এখন একটু থাম!

উমাচরণ। তুমি আবার এসব চণ্ড ধর'লে কেন? তোমার 'সভাপতি' ক'রেছে?

মৃত্যুঞ্জয়। পটলকে জিজ্ঞাসা ক'রে দেখিস—আমার আজকাল খুব মান, খুশি!

উমাচরণ। খুব মান?

মৃত্যুঞ্জয়। হুঁ—; “স্কল কমিটি”র প্রেসিডেন্ট, মিউনিসিপ্যালিটির চেয়ারম্যান; আবার ব'লছে—“অনারারি ম্যাজিস্ট্রেট” হও!

উমাচরণ। তা হ'লে তুমিই তো একটা চাকরী ক'রে দিতে পার।

মৃত্যুঞ্জয়। আচ্ছা—ওসব কথা পরে হবে। আমি এখন “বর্তমান বাংলা-সাহিত্য” নিয়ে বড়ই মুস্থিলে প'ড়েছি; মস্ত বড় নামডাক—মানটা বজায় রাখতে হবে তো!

উমাচরণ। শতীন বাবাজি—

মৃত্যুঞ্জয়। আছে আছে—ভালই আছে!

(চঞ্চল হইয়া বেড়াইতে লাগিলেন)

উমাচরণ। মায়ের আর কোন সন্ধান পাওনি?

মৃত্যুঞ্জয়। সে সব ঠিক আছে, তুই চুপ কর। আমি চিন্তা ক'রছি—

উমাচরণ। কি ঠিক আছে? সন্ধান পেয়েছ?

মৃত্যুঞ্জয়। কার কথা ব'লছিস?

উমাচরণ। আমার মা জগদ্ধাত্রী!

মৃত্যুঞ্জয়। পাগল হ'য়েছিস নাকি? পঁচিশ বছরের উপর মারা গেছে যে, তার সন্ধান কে দেবে!

উমাচরণ। না—তাই ব'লছিলাম!

মৃত্যুঞ্জয়। আমার—এখন মাঝে মাঝে মনে হয়, জগদ্ধাত্রী কোন কালেই ছিল না!

উমাচরণ। ছিল না কিগো? ছিল বই কি—দম্ভর মত ছিল!

মৃত্যুঞ্জয়। না, এক সময় যখন আমার প্রাণে স্নেহমমতা ছিল, সেই সময় মনে ক'রতাম—আমার মেরে আছে; আসলে মেরে কোন দিনই ছিল না!

উমাচরণ। এখন কি তোমার মায়ামমতা নেই

দাদা—?

মৃত্যুঞ্জয়। মায়ামমতা?—না। আটাত্তর বছর বয়স হ'ল—এখনো মায়ামমতা? পাগল নাকি! মায়ামমতা থাকলে এতদিন কবে পটল তুলতাম! এখন নির্ভাবনায় কেবল শরীরের তোয়াজ ক'ছি। খাশা আছি!

উমাচরণ। শরীরের তোয়াজ ক'চ্ছ?

মৃত্যুঞ্জয়। হুঁ; ভোর পাঁচটার উঠি—বেড়াতে বেরুই, রোজ চার মাইল ক'রে হাঁটি। গাওয়া ঘি খাই, খাঁটা দুধ, দিনমানে ভাত, রাতে লুচি। হুঁ আউল ক'রে জনিওয়াকার, চাক্ বইন্ড্ মুরগীর ডিম। ঠিক রাত দশটার ঘুমুই, ভোর পাঁচটার উঠি। শরীরে কোনো রোগ নেই—। খাবি নাকি একটু জনিওয়াকার?

উমাচরণ। আজ থাক—বড্ড প্রাণটা কেমন ক'চ্ছে দাদা! তোমার বয়স আটাত্তর, আমার বয়স সত্তর, আর পঞ্চাশ হ'তে না হ'তে জামাই-বেটা ফাঁকি দিয়ে চ'লে গেছে?—ছি: ছি: ছি:! তুমি একবার বিজ্ঞানের মুখখানার দিকে চেয়ে দেখেছিলে—? ওই কি ওর গায়ের রং!

মৃত্যুঞ্জয়। আমি এখন আর কারো মুখের দিকে চেয়ে দেখিনে। মুখ দেখবার দরকার হয়, একখানা বড় আয়না রেখে দিইছি—নিজের মুখ দেখি। তুই কাল সকালে বরং আসিস, আজ বাড়ী যা; আমার এখনি বেরুতে হবে।

উমাচরণ। আচ্ছা, আজ তাহ'লে উঠি!

(উঠিয়া সঙ্কোচের সঙ্গে)

উমাচরণ। দাদা—

মৃত্যুঞ্জয়। কি রে—কি?

উমাচরণ। একটা কথা ছিল—

মৃত্যুঞ্জয়। (লিখিতে লিখিতে) কাল হবে, কাল হবে।

উমাচরণ। আজই হওয়া দরকার দাদা! বারো বছর পরে ভিটের যাচ্ছি—পূজো এসে প'ড়েছে, মেরে আছে, নাতি-নাতনী আছে, একেবারে খালি হাতে যাব!

মৃত্যুঞ্জয়। তাই যা—খালি হাতেই যা!

উমাচরণ। শোন শোন, খালি হাতে যাওয়াটা ভাল দেখায় না। তুমি এক কাজ কর দাদা, গোটা পঁচিশেক টাকা আমার—

মৃত্যুঞ্জয়। নবাব—! বাড়ী বাড়ী ভিক্ষে ক'রে বেড়াচ্ছিলে যে, এখন পঁচিশ টাকা নইলে ঠুঁর ভিটের পা উঠবে না। যা-যা চলে যা, টাকাকড়ি আমার নেই!

উমাচরণ। অমন কথা মুখে এনো না দাদা! মাহুকের মুখ বড় ভয়ানক, ক্ষ্যাণে অক্ষ্যাণে কথা বেরোয়! কথা ফিরিয়ে নেও।

মৃত্যুঞ্জয়।—জালালে! দিলে মনটায় ধোঁকা লাগিয়ে! কথা আবার ফিরিয়ে নেব কি ক'রে?

উমাচরণ। বল,—যা ব'লেছি, সব মিথ্যে কথা; টাকা আমার যথেষ্ট আছে। তারপর ক্যাশ বাজ খুলে পঁচিশটে টাকা বার করে দাও।

মৃত্যুঞ্জয়। যখনি এসেছ, তখনই বুকেছি—কিছু না খসিয়ে নড়বে না!

(বাজ খুলিয়া টাকা বাহির করিলেন)

মৃত্যুঞ্জয়। এঃ—মুন্সিলে ফেললে দেখছি!

উমাচরণ। কেন, কি মুন্সিল হল আবার?

মৃত্যুঞ্জয়। একশ' টাকার নোট রয়েছে যে।—তাইতো। এক কাজ ক'রবি, কাল সকালে বাকী পঁচাত্তর টাকা ফিরিয়ে দিবি, বুঝলি?

উমাচরণ। হ্যাঁ—দেব বৈকি। (টাকা লইয়া) কাল তো হবেনা দাদা', কাল বেস্পতিবার।

মৃত্যুঞ্জয়। আচ্ছা—পরশু দিস্।

উমাচরণ। পরশু বগী, তারপর তো পূজো। তুমি একেবারে লক্ষীপূজার পর পাবে।

মৃত্যুঞ্জয়।—তবেই তুমি ফিরিয়ে দিয়েছ। ততদিন তোমার হাতে টাকা থাকবে? মূর্ত্তিমান শনি যে তুমি! দেখ, আর যা কিন্‌বি কিন্‌বি—শ'খানেক মুরগীর ডিম কিনিস—বুঝলি?

উমাচরণ। মুরগীর ডিম কি হবে দাদা?

মৃত্যুঞ্জয়। হেরষ, মানে তোর পটলাটাকে ছুবেলা ছটো ক'রে হাফ্ বইল্ড ডিম খাওয়াবি, বুঝলি। ছোকরার ইন্টেলেক্ট আছে, সব আছে, শুধু একটু নিউট্রিন'এর অভাবে—বুদ্ধি খুলছেন! ও বাঁচলে, তোকে ছটো খেতে দেবে, বুঝলি?—এখন বিদেয় হও, আমি একটু সাহিত্য-চিন্তা করি, যা—

(স্তবর্ণলতা ও বিজনের পুনঃ প্রবেশ)

বিজন। তোমার হ'ল বাবা?

উমাচরণ। হ্যাঁ হ'য়েছে।

স্তবর্ণলতা। কাল সকালে এস ঠাকুরপো—শচীন'র আসবার কথা আছে।

উমাচরণ। শচীন বড় ভাল ছেলে—নন্দটাও খুব ভাল ছিল বৌঠাকরুণ!

স্তবর্ণলতা। সে কথা তুমি ব'লে বোঝাবে? সোয়ামী গেল, মা গেল, ক'টা কাছা বাছা নিয়ে ছুঁড়ীর যা ভোগাস্তি। আ-হা হা!

বিজন। তবু জ্যেষ্ঠাইমা ছিলেন তাই, নইলে আর মান-সম্মত থাকতো না। আমি রোজ ভাবি, আজ বাবা আসবে, আজ বাবা আসবে! কোথায় বাবা! বাবার কি আর মায়া-মমতা আছে!

স্তবর্ণলতা। আর যেন পালিয়েনা তাই!

মৃত্যুঞ্জয়। কই, আমার জামা মাফলার?

স্তবর্ণলতা। ঐ যে রদ্ আনছে—যাক্, বৈচে থাকলে মাহুস তবু একদিন ফেরে।

উমাচরণ। তা যা ব'লেছেন বৌঠাকরুণ, আমার তো বৃথা জন্ম, বৃথা সংসার করা। তোমাদের কি হ'ল ব'ল দেখি? কত আশা ছিল—জগদ্ধাত্রীর বিশ্বে দেবে, রাজপুত্রের মত জামাই হবে। নাস্তি, নাতনী চারদিকে ঘুরবে—হ'লও সব। কিন্তু কেন যে হ'ল—আর কেন যে গেল—

মৃত্যুঞ্জয়। তোমার আর মায়া কাড়াতে হবে না হতভাগা। যা বাড়ী যা। বারো বছর পরে—বাবু ট্যাক্স দেবার ভয়ে সন্নিসী হয়ে দেশে ফিরলেন। বৌটোকে ঘেরে ফেলে এখন মেয়ের জন্তে শোক উথলে উঠল। ঠুঁর আবার ছ'হাজার টাকাসমেত ব্যাগ চুরি যায়, কত বড় রোজগারি পুরুষ! বেরো—

বিজন। এস বাবা, বাড়ী এস—

স্তবর্ণলতা। আহা কেন ওকে শুধু শুধু গালা-গাল দিচ্ছ? তোমার কি যে স্বভাব—

উমাচরণ। দাদা, গালাগাল দিচ্ছ দেও—তবে আমারও মায়া-মমতা ছিল, করতে পারিনি কিছু—আমার দোষ, কি অদৃষ্টের দোষ, আজো বুঝতে পার্জেন না—দাদা!

সুবর্ণলতা। ঠাকুরপো রাগ করোনা তাই—
আমাদের সবাইই সমান অদৃষ্ট!

উমাচরণ। না—না রাগ করবো কেন—
দাদার কথাই কি আর রাগ করি—চলু মা বিজ্ঞান
বাড়ী যাই। বোঁঠাকরুণ, আমি ভুলতে পাচ্ছি নে
নন্দ আর আসবে না, বিজ্ঞানের সিঁধীতে আর সিঁদুর
দেখবো না। তোমরা মেয়েমানুষ—চোঁচিয়ে কাঁদতে
পার; আমাদের তো সে উপায় নেই, তাই হেসে
উড়িয়ে দিই!

বিজ্ঞানবালা। (জনাঙ্কিকে) জ্যোতামশায় রাগ
ক'রছেন—তুমি এস বাবা।

উমাচরণ। (ভাবের আতিশয্যে গান ধরিল)

গিরি, আমার ছিল মনে এই বাসানা—

আমি জামাতা সহিতে

আনিব ছুহিতে

গিরিপূরে ক'রবো শিবস্থাপনা।

আমি

বিশ্ব-বুদ্ধমূলে করিব বোধন,

হবে

গণেশের কলাণে গৌরীর আগমন,

আমি

ঘরে আনব চণ্ডী, শুনবো কত চণ্ডী,

কত

দণ্ডী অটোধারীর হবে আনাগোনা!

আমার সাধ মিটিল না,

(মনের সাধ রইল মনে) আশা পূরিল না,

আমার অঙ্গপূর্ণা হলেন

ঋশান-শবাসনা ॥

[বাপ ও মেয়ে চলিয়া গেল

(বুদ্ধবৃদ্ধা অনেককণ স্থির হইয়া বসিয়া রহিলেন)

মৃত্যুঞ্জয়। গায় ভাল—বরাবরই ভাল গায়।

সুবর্ণলতা। হ্যাঁ;—যখন প্রথমে এসে “গা
তোল গা তোল” গান ধরলো, আমার প্রাণের
ভিতর যেন মোচড় দিয়ে উঠল।

মৃত্যুঞ্জয়। কাঁদালে তবে ছাড়লে। আচ্ছা,
মামুষের বুক কেন ভেঙে যায় না, আমার বলতে
পার?

সুবর্ণলতা। বুক তো ভেঙেই গেছে।

মৃত্যুঞ্জয়। না-না—ঠিক আছে, ঠিক আছে।
বুক ভেঙে গেলে কি আর মামুষ মিউনিসিপালিটির
চেয়ারম্যান হয়—না আটাকুর বছর বয়সে নিয়ম

ক'রে হইছি মৃত্যুঞ্জয় ডিম খায়? আমি তো
দেখছি—নিজের দেহ ছাড়া আর কারো কথাই
ভাবিনে। এই দেহই সত্য। আর কিছু সত্য
নয়। অনেক সময় মনে হয়, তুমিও নেই। একদিন
ছিলে, আজ নেই—

সুবর্ণলতা। এখনো তোমার পায়ে মাথা
রেখে যদি যেতে পারতাম। ঐ একটু কামনা
এখনো মনের ভিতর আছে। ভগবান কি তাও
পূর্ণ ক'রবেন না!

মৃত্যুঞ্জয়। আচ্ছা—সত্যিই কি জগদ্ধাত্রী বলে
আমাদের মেয়ে কেউ ছিল!

(রঘু সার্ট ইত্যাদি লইয়া আসিল)

সুবর্ণলতা। কই, সার্ট গায়ে দাও?—মাক্‌লার
পর? এখনি ছেলেরা গাড়ী নিয়ে আসবে—

মৃত্যুঞ্জয়। আমি এখনো বাবুগিরি ক'রে
বেড়াই, আমার দেখে লোকে বোধ হয়—হাসে।
সামনে কিছু বলে না।

[রঘুর প্রস্থান

সুবর্ণলতা। না না—কেন, হাসবে কেন?
বাঁচতে হ'লে সবই যে চাই। আমিও তো হাসি,
কথা বলি। আজও ছপূরবেলা পাড়ার মেয়েরা
এসে বসে—“দিদিমা, তাস খেলতে হবে”। তাদের
সঙ্গে তাস খেললাম। দিনরাত মুখ পুড়িয়ে ব'সে
থেকে লাভই বা কি? ইঙ্কলের ছেলেদের সঙ্গে
মেলামেশা করা ভাল। জামা গায় দাও—

মৃত্যুঞ্জয়। তাহ'লে হাসেনা?—কি বল?

সুবর্ণলতা। না—না, হাসবে কেন? বাবু-
গিরি তো আজকাল সবাই ক'রে।

মৃত্যুঞ্জয়। (সজ্জা করিতে করিতে) হ্যাঁ,
পাঁচ টাকার বাবুসজ্জা। চল, পূজোর পর কোথাও
বেড়িয়ে আসা যাক। আর ভালো লাগছে না,
কিছু ভালো লাগছে না। শতীন আত্মক, পরামর্শ
ক'রে দেখি। উমাচরণটাকে সঙ্গে নিতে হবে।
আচ্ছা, শতীনের এত দেবী হ'চ্ছে কেন? কটা
বাজলো—

সুবর্ণলতা। না দেবী হবে কেন—এইতো
সবে ৭-১৫; বড়ি নেবেত?

মৃত্যুঞ্জয়। হ্যাঁ—বড়ি নেব বই কি; তবে হাত-
বড়ি নয়—আমার বড়ি, বড়ির-চেন বার কর।

সুবর্ণলতা। ওই শচীন এল।
মৃত্যুঞ্জয়। এল ?
সুবর্ণলতা। হ্যা—একটা গাড়ী থামল।
মৃত্যুঞ্জয়। ছেলেরা হয়তো গাড়ী নিয়ে এল
—মুন্সিলে ফেলবে দেখছি।

(শচীন আসিলেন)

শচীন। ওহে রঘুনাথ—জিনিষপত্তরগুলো সব
ওই ঘরে বোঝাই কর। একটা ট্রাক আর বারোটা
বাঙাল—

মৃত্যুঞ্জয়। অর্ধেক ক'লকাতা কিনে ফেলেছ
বুঝি ?

শচীন। পুজোর বাজার—কিনতে কিনতে
বেড়ে গেল।

সুবর্ণলতা। ভাল কথা, তোমার নামে একটা
টেলিগ্রাম আছে শচীন।

(ভিতরে গেলেন)

শচীন। আপনি এরকম সেজেগুজে বসে
আছেন—বরযাত্রী যাবেন নাকি ?

মৃত্যুঞ্জয়। না, এই ছেলেরা—

(টেলিগ্রাম লইয়া সুবর্ণলতার প্রবেশ)

সুবর্ণলতা। এই নাও বাবা! কাল সন্ধ্যা-
বেলায় এসেছে।

শচীন। খুলে দেখলেন না কেন ?

মৃত্যুঞ্জয়। আমায় মানা ক'রলে—খুলতে
দিল না।

সুবর্ণলতা। টেলিগ্রামের খবরকে আমার বড়
ভয় বাবা! সেবার বিজনের মায়ের নামে তার
এল, জলজ্যান্ত জামাইটা জলে ডুবে ম'ল।

শচীন। (তার খুলিয়া) বিজবর পাড়ুই!
আশ্চর্য—না!—একি! একি হ'তে পারে?
অসম্ভব—!

সুবর্ণলতা। কি-কি, ব্যাপার কি বাবা!
কোথা থেকে এসেছে—?

শচীন। এও কি সম্ভব ?

মৃত্যুঞ্জয়। কি হ'ল ?

শচীন। আপনাদের ঘরের খবর পাওয়া
গেছে—সে বেঁচে আছে।

মৃত্যুঞ্জয়। আমাদের ঘরে ?

সুবর্ণলতা। বেঁচে আছে—আমার মা—জগদ্ধাত্রী
বেঁচে আছে ?

শচীন। হ্যা—

মৃত্যুঞ্জয়। না—না, পাগল নাকি ? পচিশ
বছর পরে—বলে কিনা জগদ্ধাত্রী বেঁচে আছে—!
হয় না—হয় না—

শচীন। যে তার ক'রেছে, তাকে আমি
যতদূর জানি, মিছে কথা ব'লবার মানুষ সে নয়!

সুবর্ণলতা। টেলিগ্রাম ক'রেছে কে ?

শচীন। বিজবর পাড়ুই; সেই যে—যার
কথা কতবার আপনাদের ব'লেছি। লেখাপড়া-
জানা নোকোর মাঝি। অত্যন্ত ধর্মভীরু লোক,
মিথ্যে কথা লিখে না।

মৃত্যুঞ্জয়। কথাগুলো পড়—

শচীন। (পড়িলেন) “Your wife alive,
found today sleeping on the Chur. She
is all right. I bring her to you. must be
very careful.”

মৃত্যুঞ্জয়। দেখি, (পড়িয়া) একি সম্ভব ?
হয়তো আর কেউ। বিজবর পাড়ুইয়ের সঙ্গে
তোমাদের এমন কি পরিচয় হ'য়েছিল—! সে
হয়তো ঠিক চিন্তে পারিনি।

শচীন। নিশ্চয়—চিন্তে না পারলে সে কি
টেলিগ্রাম ক'রতো ? সঙ্গে নিয়ে আসতো ?

মৃত্যুঞ্জয়। কিন্তু, পচিশ বছর পরে চেনা সোজা
কথা কি? সন্দেহ হয়! হয়তো কোন পাকা
জোচ্চোর কাউকে জগদ্ধাত্রী সাজিয়ে এনে হাজির
ক'রবে।

সুবর্ণলতা। তুমি ওসব কথা মুখে এনোনা;
অবিশ্বাস, ঠিক তেমনটি নেই,—তাই ব'লে আমার
চিন্তে পারবো না ?

শচীন। যতই বদলাক, আমি তাকে দেখেই
চিনতে পারবো। মুখ চোখ আর এমন কি বদল
হবে ? আজ বেলা নটা দশটার তারিখ ক'লকাতায়
পৌঁছেছে। এতক্ষণ তো এখানে আসার কথা;
হ্যা, হ্যা—এসেছে, এসেছে—

মৃত্যুঞ্জয়। কি ব'লছো ?

সুবর্ণলতা। কোথায় এসেছে!

শচীন। আমি যে গাড়ীতে এসেছি, সেই গাড়ীতেই এসেছে; আমি তাকে দেখেছি, লক্ষ্য করিনি—এখন মনে হচ্ছে। ই্যা—ই্যা—ই্যা, দ্বিজবর পাড়ুইকেও দেখেছি! তা'রা হেঁটে আসছে: ষ্টেশনে একখানা গাড়ী ছিল—গাড়ীখানা আমিই ভাড়া করলাম। তা'রা হেঁটে আসছে—এখনি পৌছবে। আমার তখন একবার মনে হ'রেছিল—বুঝি চেনা! আমি যাই, আমি যাই—এগিয়ে নিয়ে আসি। সে আশা ক'রেছিল—আমি তাকে নিয়ে আসবো, ষ্টেশনে থাকবো, হয়তো রাগ করেছে! আপনারা তো জানেন—তার কথায় কথায় রাগ, কথায় কথায় অভিমান। আমি শান্ত ক'রে নিয়ে আসছি—

(শচীন দ্রুত চলিয়া গেলেন)

সুবর্ণলতা। এখনি এসে প'ড়বে! কি আশ্চর্য্য, পঁচিশ বছর পরে—

মৃত্যুঞ্জয়। ই্যা—পঁচিশ বছর পরে! একটু ঠাণ্ডা পড়েছে কি? আমার যেন একটু শীত ক'ছে! জর হবে কি—?

(দরজার কাছে দ্বিজবর পাড়ুই আসিলেন)

মৃত্যুঞ্জয়। আসুন—আসুন, আপনিই বুঝি—

দ্বিজবর। ই্যা—আমারই নাম শ্রীদ্বিজবর পাড়ুই!

মৃত্যুঞ্জয়। বসুন—

সুবর্ণলতা। অগছাত্রী কই?

দ্বিজবর। শচীনবাবু তাঁকে সঙ্গে নিয়ে আসছেন। আমি সব কথা ব'লেছি। আপনারা উদ্বেজিত হবেন না। আপনারা তাঁর কাছে এমন ভাবটা দেখাবেন—যেন কিছু হয়নি। পঁচিশ বছর আগে তিনি আর তাঁর স্বামী যেমন বেড়াতে গিয়েছিলেন, তার দিন-পনের পরে—আজ যেন ফিরে এলেন, এই রকম একটা ধারণা তাঁর মনে আছে। তাঁর চেহারার কোন পরিবর্তন হয়নি, ঠিক তেমনিই আছে; মাকে এই যে দীর্ঘ পঁচিশ বছর চলে গেছে, এর কোন প্রভাব তাঁর মনের কি দেহের উপর নেই।

সুবর্ণলতা। সেবারেও তো ঠিক এমনই হ'রেছিল—

মৃত্যুঞ্জয়। ই্যা; করে পাওয়া গেল? আপনি পেলেন?

দ্বিজবর। পাওয়া গেছে কাল-সকালে—। জেলেরা মাছ খ'রছিল, তা'রাই প্রথম দেখতে পায়—। উনি তখন ঘুমুছিলেন। আমি নীরবে ধারেই থাকি; তা'রা এসে আমার খবর দেয়: হঠাৎ চারিদিকে কেমন ক'রে রটনা হয়ে গেল—“মহামায়ার চরে” এক অপরূপ স্তম্ভরী ঘুমুচ্ছে—নিশ্চয়ই মা কালীর কোনো ভৈরবী হবে! আমি তখনই গেলাম—।

মৃত্যুঞ্জয়। আপনি গিয়ে কি দেখলেন—?

দ্বিজবর। উনি তখনো ঘুমুচ্ছেন—। যুগে প্রশান্ত ভাব, মধুর হাসি—। আমি অপেক্ষা ক'রতে লাগলাম—আমি দেখেই চিন্তে পেরে-ছিলাম।

মৃত্যুঞ্জয়। ঘুম ভেঙে কি ক'রলে?

দ্বিজবর। কাউকে না দেখে আশ্চর্য্য হ'রে গেলেন। আমার জিজ্ঞাসা ক'রলেন, “আমার স্বামী কোথায়—আমাদের নৌকো কোথায়?” আমার পঁচিশ বছর আগেকার কথা মনে প'ল। চরের ইতিহাস আমি জানতাম। আমিই তার সাক্ষী। গুঁর ধারণা, শচীনবাবু আমার সঙ্গে পরামর্শ ক'রে ওঁকে ভয় দেখাবার জন্তে একা ফেলে এখানে চলে এসেছেন—। শচীনবাবুর উপর গুঁর প্রচণ্ড অভিমান হয়েছে।

মৃত্যুঞ্জয়। আপনাকে চিন্তে পেরেছিল—?

দ্বিজবর। না; তা কি ক'রে চিনবেন—? তখন আমার বয়স চব্বিশ পঁচিশ, আমার চেহারায় অনেক পরিবর্তন হয়েছে! আমি ওঁকে চিনেছি—উনি আমার চেনেননি!

সুবর্ণলতা। ছেলের কথা জিজ্ঞাসা করেছিল—?

দ্বিজবর। শচীনবাবুকে না দেখে—ছেলেকে না দেখে, উনি প্রাণে খুব ব্যথা পেয়েছেন—গভীর ব্যথা—সঙ্গে সঙ্গে ভয়ও। শচীনবাবুর কথা আমি কিছু কিছু জানতাম; ওঁকে শান্ত ক'রবার জন্তে অনেক কথা ব'লেছি—। কিন্তু গুঁর ছেলেকে তো আমি দেখিনি—।

সুবর্ণলতা। বোধহয় মনে ক'ছে, তার খোকা আজও সেই খোকাটাই আছে—।

বিজবর। তা তো ক'রবেনই—কিন্তু কোথা কোথায়? সে বেঁচে আছে তো? তাকেও একটু গশখিরে পড়িয়ে নিতে হবে—সে কোথায়?

সুবর্ণলতা। কেমন ক'রে জানবো সে কোথায়? বেঁচে আছে কি নেই, তাই বা কে জানে! বছর বারো হ'ল, বিলেত না কোথায় গেছে—আর ফেরেনি!

বিজবর। এই যে, গুঁরা আসছেন—

(জগদ্ধাত্রী—পশ্চাৎ শতীন)

জগদ্ধাত্রী। মা—তোমার জামাইয়ের—আচরণ—
এ আগাইয়া গিয়া পিছু হটিল, খানিকক্ষণ চুপ করিয়া দাঁড়াইল; তারপর ধীরে ধীরে প্রণাম করিল।
সুবর্ণলতা। এস মা, এস—ব'স!

জগদ্ধাত্রী। (বাপের কাছে আসিয়া)
বাবা—!

(ধীরে ধীরে প্রণাম করিল)

শতীন। তুমি অমন ক'ল কেন? এস, আমার সঙ্গে কথা কও—

জগদ্ধাত্রী। তুমি—তুমি—(ঠিক যেন চিনিতেন)

শতীন। আমি—আমায় চিনতে পাচ্ছ না?

জগদ্ধাত্রী। সে কোথায়? কোথায়—গেল? তাকে দেখতে পাচ্ছিনে কেন!

শতীন। কার কথা বলছ?

জগদ্ধাত্রী। বুঝতে পাচ্ছনা? আমার কাছ থেকে কেড়ে এনে—

মৃত্যঞ্জয়। তোমাদের অসুবিধে কিছু হয়নি তো? রেল—ভিড় ছিল? কোন্ কোন্ জায়গায় গিয়েছিলে? ব'স, ব'স!

এ সবাই নির্বাক—কে কি কথা কহিবে বুঝিতে পারে না; জগদ্ধাত্রী যেন কি খুঁজিতেছে—
—তাহার এই অসুস্থকান ক্রমে ক্রমের
সুরে গুজরিয়া উঠিল—)

জগদ্ধাত্রী। কোথায় লুকিয়ে রেখেছ তাকে?
—কোথায় লুকিয়ে রেখেছ?

মৃত্যঞ্জয়। (ক্ষীণ প্রতি) ও কাকে খুঁজছে?
—অতুলকে

সুবর্ণলতা। হ্যা—, এস মা, আমার সঙ্গে এস!

জগদ্ধাত্রী। না—আমি বাবনা? তোমরা পরামর্শ ক'রেছ—আমার কাছে লুকিয়ে রাখতে চাও। কি একটা ছুঁচটনা ঘটেছে, তোমরা বলছ না—ব'লছ না—! কেন ব'লছ না?

সুবর্ণলতা। আমি বলবো—তুমি আমার সঙ্গে এস!

(সকলে আবার শক্তিত হইল)

জগদ্ধাত্রী। ওই দেখ, সবাই তোমার বারণ ক'ছে। বল মা বল, বল—সে কোথায়; তোমাদের পায়ে পড়ি, তোমরা আর আমার দ'খে মেরোনা! আমি সহিতে পাচ্ছিনে—সহিতে পাচ্ছিনে! শোবার ঘরে ঘুমাচ্ছে? আমি দেখছি—আমি দেখছি—

(দরজা খুলিয়া সিঁড়ি দিয়া নিজের
শয়ন-ঘরে গেল)

সুবর্ণলতা। শতীন—এস, আমরা কাছে কাছে থাকি।

[উত্তরের প্রস্থান]

(বিজবর ও মৃত্যঞ্জয় বসিয়া রহিলেন; অনেকক্ষণ
ছ'জনেই চুপচাপ; পরে মৃত্যঞ্জয় জোর
করিয়া নিজেকে আগাইয়া তুলিলেন)

মৃত্যঞ্জয়। আচ্ছা বিজবরবাবু, এবার পদ্মায়
ইলিশ মাছটা খুব জন্মেছে, কেমন?

বিজবর। আমি আজকাল আর মাছের কার-
বার করিনে! তবে বাজারে ইলিশের আমদানি
ঠিকই আছে—

মৃত্যঞ্জয়। মাছের কারবার করেন না বুঝি;
ওঃ! কি করেন তাহ'লে—?

বিজবর। আমি হেডমাস্টার; তা'ছাড়া,
আমার নিজের “নাইট ক্লব” আছে।

মৃত্যঞ্জয়। ভাল কাজ করেননি মশায়! ইলিশ
মাছ বেচলে এতদিন লাল হ'রে যেতেন। আমার
ইচ্ছা ছিল—

বিজবর। দেখুন, এ ব্যাপারটার কোন মানে
পাওয়া যায় না—

যোগেশপ্রস্থাবলী

মৃত্যুঞ্জয়। কোন্ ব্যাপারটা—?

দ্বিজবর। আপনার মেয়ে যেভাবে ফিরে এলেন—

মৃত্যুঞ্জয়। ওকথা থাক দ্বিজবরবাবু! সাঁইত্রিশ বছর আগে একবার এই ধরণের ব্যাপার হয়, তখন আমার ভাববার শক্তি ছিল—I was then intellectually stronger than what you see me now, the wreck of my former self, তবু ভেবে পাইনি। বুদ্ধির অতীত! আজকের এ ব্যাপার তো কেউ বিশ্বাস ক'রবেনা—

দ্বিজবর। তা বোধ হয় ক'রবে না—; তবে আমি তত্ত্বে পেয়েছি—হতে পারে। কালকে হরণ করেই তো মহাশালী হয়েছেন?

মৃত্যুঞ্জয়। জেজ মানবে না—পঁচিশ বছর পুলিশের কাজ ক'রেছি মশায়, জানি সব! থাক, ও কথা থাক। আপনি তো ছেডঘাটার, “বর্তমান বাংলাসাহিত্য” সম্বন্ধে আপনার কিছু জানা আছে—?

দ্বিজবর। হ্যাঁ,—আমি সাক্ষিত্য ভালবাসি।

মৃত্যুঞ্জয়। ঠিক হ'য়েছে—আপনিই উপযুক্ত লোক, চলুন—

দ্বিজবর। কোথায়?

মৃত্যুঞ্জয়। এই আমাদের পাড়ার স্কুলে “প্রাইজ ডিগ্রিবিউগনে” আপনাকে “বর্তমান বাংলাসাহিত্য” সম্বন্ধে একটু বক্তৃতা দিতে হবে।

দ্বিজবর। কিন্তু, আপনার মেয়েকে এইভাবে ফেলে—

মৃত্যুঞ্জয়। আমার মেয়ে! আপনি কি সত্যিই মনে করেন দ্বিজবরবাবু, আমার মেয়ে বেঁচে আছে?—পঁচিশ বছর পরে ফিরে এসেছে?

দ্বিজবর। আপনি তো নিজের চোখে দেখলেন, বেঁচে আছেন!

মৃত্যুঞ্জয়। হ্যাঁ, বেঁচে আছেন বটে,—বেঁচে না থাকলে ভাল হত! দেখুন, আমি ওকে দেখতে পাচ্ছি না। আচ্ছা—দ্বিজবরবাবু, আপনার বোধহয় ছেলেমেয়ে নেই?

দ্বিজবর। আজ্ঞে—না।

মৃত্যুঞ্জয়। থাকলে, আমার মত আপনিও ব'লতেন—ফিরে না এলে ভাল হ'তো! ওর অবস্থাটা একবার ভাবুন তো! ও বড় হয়নি, অঞ্চ

সংসার বদলে গেছে, আমরা সবাই বুড়ো হয়ে গেছি। আমাদের ও ঠিক চিনতে পারিনি, ওর মাকে চিনতে পারিনি, স্বামীকে অল্প মানুষ ব'লে মনে হচ্ছে—ও কেমন ক'রে এ সংসারে থাকবে? যে ছেলের জন্ম পাগল হ'য়ে ছুটলো, সে ছেলে যদি সত্যি ওর সামনে এসে দাঁড়ায়, ও কি চিনতে পারবে আপনি মনে করেন?

দ্বিজবর। আমি আপনাকে ঘটনার কথাটা ব'লছিলাম।

মৃত্যুঞ্জয়। আমি ঘটনার কথা ভাবছিলাম। আমার মেয়ে ব'লে নয়—মানুষ, মানুষ হিসাবে—আমি ভাবতে পারিনি, আমি ওকে দেখতে পারলেম না! এখন ও যদি বেঁচে থাকে, সে বাঁচা—সে তো মৃত্যুর চেয়েও ভয়ানক! উঃ—ভগবান কি এতই নির্ভর! আমার তা মনে হয় না; তাঁর দয়া আছে, তাই তিনি সংসারে মৃত্যু দিয়েছেন। থাক ওকথা। চলুন—ছেলেরা গাড়ী নিয়ে এল; আশুন, আশুন—

[দ্বিজবরের হাত ধরিয়া মৃত্যুঞ্জয়ের প্রস্থান

(ধীরে ধীরে আটশ বৎসরের ইতিকথার চিত্রপুঞ্জ ও সুরের ঝঙ্কার আবার অতীতে মিলাইয়া গেল। দেখা গেল, যে যুবক বাড়ী দেখিতে আসিয়াছিলেন, তিনি সেখানে সেইভাবে বসিয়া আছেন; এক অশরীরী সঞ্জীতবাণী গৃহের কক্ষ হইতে কক্ষে মৰ্ম-বেদনায় ধ্বনিত হইতেছে!)

বিকৃতক

গান

কত বরষ মাস গেল চলিয়া—

পঞ্চপানে চেয়ে রই—কে আসিবে বলিয়া!

এ বুক পাষণ চাপা,

ক্লি স্বাধা—কহিব কায়?

স্বপ্নের কথা যোর

মুখে নাহি বলা যায়।

কে তুমি—কোথায় গেছ

এ হৃদয় দলিয়া।

‘মম) আঁখি পিপাসিত, তৃষিত মনপ্রাণ—
কেন সে আসিল না, কিসের অভিমান ?
বার বার কত আর
আশা যাবে ছলিয়া ॥

(ধীরে ধীরে কক্ষের রুদ্ধ আকাশে সঙ্গীত
মিলাইয়া গেল)

(বাগানের মালী মধুসূদন অতুলের অন্তর চা
আনিয়াছে)

মধুসূদন। বাবু—বাবু! বাবু কি শুয়েছেন ?
বাবু!

অতুল। কে—কে ?

মধুসূদন। আমি—সূদন; আপনার চা
এনেছি—

অতুল। চা এনেছ ? তুমি কোথা থেকে
আসছ ?

মধুসূদন। আপনি যে আমায় চা আনতে
ব’লেন ? ট্যাকা দিলেন—

অতুল। ওঃ ই্যা—ই্যা, তুমি চা এনেছ ?—
বেশ ক’রেছ; দাও—চা খাই। (চা খাইলেন)
আচ্ছা, তুমি কতক্ষণ এখান থেকে চ’লে গেছ,
বল তো—?

মধুসূদন। রাজার গিয়ে চা কিনে, চা তৈরী
ক’রে এনেছি—একঘণ্টা হয়নি বাবু!

অতুল। পঁচিশ বছর—একটা ঘণ্টার ভিতর!

মধুসূদন। আপনি কিছু দেখেছেন বাবু ?

অতুল। হঁ—;

মধুসূদন। আপনার ভয় করেনি ?

অতুল। না—;

মধুসূদন। একটা কথা জিজ্ঞাসা ক’রবো বাবু ?

অতুল। কর—

মধুসূদন। আপনি কি আমাদের গাঙ্গুলি-
মশায়ের কেউ হন ? মুখানায় গাঙ্গুলি মশার
মুখের আদল একটু আসে—

অতুল। আমি তাঁর ছেলে—!

মধুসূদন। ওঃ—তাই বন্ধন! আপনাকে
ছেলেবেলায় দেখিছি, আপনার নামটা কি যেন—

অতুল। আমার নাম অতুল।

মধুসূদন। ই্যা, অতুলই বটে! তা’লে এ
তো আপনারই বাড়ী।

অতুল। ই্যা—আমার বাড়ী। আমার শৈশবের
স্বর্ণ, জীবনের স্বপ্ন।

মধুসূদন। তা আপনি আমার বাড়ীতে আসেন,
আমি আপনাকে হেরষ উকিলের বাড়ী নিয়ে যাই।

অতুল। না, এখন যাবনা—আরো কিছুক্ষণ
থাকবো। এ বাড়ী কেউ ভাড়া নেয় না কেন ?

মধুসূদন। বাড়ীটার দুর্নাম হয়ে গেছে;
লোকে বলে, এই বাড়ীতে একটি মেয়ে ঘুরে ঘুরে
বেড়ায়—গান গায়।

অতুল। একটি মেয়ে—?

মধুসূদন। আমি এসে দেখলাম, আপনি চোখ
বুজিয়ে বসে আছেন; আমি মনে ক’রেছিলাম,
আপনি তানাকে দেখতে পেয়েছেন—

অতুল। তুমি যার কথা ব’লছ, তিনি তো
আমার মা ?

মধুসূদন। ই্যা—;

অতুল। তুমি দেখেছ ?

মধুসূদন। দেখেছি—

অতুল। তিনি কি দিনরাত তাঁর শোবার
ঘরেই থাকেন ?

মধুসূদন। না, বাড়ীর সব জায়গা ঘুরে
বেড়ান—

অতুল। কত দিন মারা গেছেন—?

মধুসূদন। বছর পাঁচসাত আগে—

অতুল। কোনো অস্থখে মারা যান ?

মধুসূদন। অস্থখের কথা শুনিনি। কেবল
ব’লতেন, “সে কোথায় গেল—তার কথা তোমরা
আমায় ব’লছ না কেন।” তারপর একদিন রাতে
দম আটকে মারা যান। সপ্নান্তি হয়নি তো ?
তাই এখনো মায়ার বাঁধনে ঘুরে বেড়াচ্ছেন।
এখনো চোখ দেখলে মনে হয়, যেন কাকে খুঁজছেন ?
হয়তো আপনাকে।

অতুল। দেখতে কেমন ? মায়ার মত ?

মধুসূদন। ঠিক যেমনটা ছিলেন—অবিকল
সেই রকম। খুব ধীর, শান্ত—বাতাসের মত হালকা;
সঙ্গী নেই, সাথী নেই,—একেবারে একা।

অতুল। তুমি মিছে কথা ব’লছ না ?

মধুসূদন। না—না, মিছে কথা কেন বলবো বাবু! আমি নিজের চক্ষে যা দেখেছি, তাই আপনাকে বললাম। কখনো দাঁড়িয়ে থাকেন, কখনো খুব আস্তে আস্তে হেঁটে বেড়ান,—আবার কখনো ঝড়ের মত জোরে চলে যান; দেখতে দেখতে ঝড়ের সঙ্গে মিশে এক হ'য়ে যান—তখন আর চেখে দেখা যায় না।

অতুল। সূদন, তুমি বাড়ী যাও; আমি এখানে থাকবো। কাল সকালে দেখা হবে।

মধুসূদন। আপনার ভয় লাগবে না?

অতুল। না—; তুমি যাও, এখানে থাকো না।

[মধুসূদন একটু ইতস্ততঃ করিয়া চলিয়া গেল]

(দূর হইতে মধুসূদনের গান ভাসিয়া আসিতে লাগিল—“এগ দেবকী, তোমায় গোপাল দেব কি?” অতুল অল্প দিকে ফিরিয়া গানের স্বর শুনিতেছিলেন; সামনে ফিরিয়া দেখেন, তাঁর চোখের উপর তাঁর মায়ের প্রেতাত্মা দেহ ধরিয়া দাঁড়াইয়া আছেন)

জগদ্ধাত্রী। (খুব ধীরে) এই দিকে এস, তোমায় একটা কথা জিজ্ঞাসা করবো।

অতুল। (নিকটে গেল)

জগদ্ধাত্রী। তুমি এই বাড়ী কিনবে?

অতুল। যদি কিনি?

জগদ্ধাত্রী। আমার তাড়িয়ে দিও না যেন—আমি এখানে থাকবো। আমি এই বাড়ী ভাল-বাসি—খুব ভাল বাড়ী, চমৎকার বাড়ী।

অতুল। হ্যাঁ, চমৎকার বাড়ী। এ বাড়ীতে অনেক লোক ছিল?

জগদ্ধাত্রী। হ্যাঁ—ছিল, আগে ছিল—আমার বাবা, আমার মা, আমার স্বামী, আমার—আমার,—এখন আর কেউ নেই। কারো সঙ্গে আমার দেখা হয় না, আমি একাই থাকি—।

অতুল। একা একা কি কর?

জগদ্ধাত্রী। ঘুরে বেড়াই—খেলা করি—

অতুল। তোমার কোন কষ্ট হয়?

জগদ্ধাত্রী। আগে হ'ত—এখন ঠিক বুঝতে পারিনে। তুমি এ বাড়ী চিনতে?

অতুল। ছেলেবেলায় আমি এ বাড়ীতে ছিলাম—।

জগদ্ধাত্রী। অনেক দিন আগে—কে জানে কত দিন, আমি সময় বুঝতে পারিনে—এ বাড়ীতে একটা ছোট ছেলে হাসতো, কাঁদতো! তোমায় কি মনে হয়?—ছোট ছেলের হাসিও ভাল, কান্নাও ভাল, সব ভাল,—তাই নয় কি?

অতুল। হ্যাঁ—ভাল বইকি! আমি ছোট-ছেলের সঙ্গে বেশী মিশিনি।

জগদ্ধাত্রী। তা বটে—তুমি তো বেশ বড়!

অতুল। হ্যাঁ, ক্রমেই বড় হ'চ্ছি—একদিন ছোট ছিলাম!

জগদ্ধাত্রী। ছোট ছিলে?

অতুল। হ্যাঁ—

জগদ্ধাত্রী। আমার ব'লতে পার, এত শীগুির লোকে বড় হয় কি করে? আমি বুঝতে পারিনে—আমি তো বড় হইনি!

অতুল। না, তুমি বড় হওনি—।

জগদ্ধাত্রী। আমার বাবা, মা বেশ ছিলেন—তারপর একেবারে বুড়ো থুথুড়ে হ'য়ে গেলেন! আমার স্বামী একদিন আমার এক জ্বরগায় রেখে এলেন—তখন তিনি তোমার মত; বাড়ী ফিরে এসে দেখি, মাথার চুল পাকা—আমার সঙ্গে কথা ব'লতে পারে না! অনেক বয়স, একেবারে যেন আলাদা মানুষ! চেনা যায় না। তুমি, তুমি—তোমার মুখখানি আমার ভাল লাগছে।

(চিনিবার চেষ্টা করিল)

অতুল। তুমি আমার চিনতে পাচ্ছনা?

জগদ্ধাত্রী। না—তোমায় ভাল লাগছে—চিনতে পাচ্ছিনা!

অতুল। আমার নাম অতুল!

জগদ্ধাত্রী। না না—অতুল কেন হবে? তুমি অতুল নও—অতুল নও! তার আর এক নাম খোকা—সে হাসে, সে কাঁদে! সে বড় নয় ছোট—ছোট! তুমি এ বাড়ীতে ছিলে—তুমি তাকে দেখনি?

অতুল। তুমি আমার একবার অতুল ব'লে ডাকনা—ডাকবে? আমার শুনতে ইচ্ছে হয়!

জগদ্ধাত্রী। (মাগ করিয়া) না—তোমায় কেন অতুল ব'লবো? তুমি অতুল নও!

অতুল। আমার উপর রাগ ক'রলে? রাগ ক'রোনা,—

জগদ্ধাত্রী। আমার দেখে তোমার দুঃখ হ'চ্ছে?

অতুল। আমার কান্না পাচ্ছে।

জগদ্ধাত্রী। (স্নেহ) তুমি কি অতুলকে লুকিয়ে রেখেছ?

অতুল। তাইই বটে! তোমার কথাই ঠিক, আমিই তাকে লুকিয়ে রেখেছি।

জগদ্ধাত্রী। কেন লুকিয়ে রেখেছ? ফিরিয়ে দাও!

অতুল। ইচ্ছে হয়, ফিরিয়ে দিই—কিন্তু উপায় নেই। তুমি যাকে খুঁজছ, ঠিক তাকে আর কখনো খুঁজে পাবে না—

জগদ্ধাত্রী। পাবনা?—সেকি!

অতুল। যাকে খুঁজছ, সে তোমার কে—তাও তুমি জাননা?

জগদ্ধাত্রী। আগে জানতাম—এখন মনে নেই। আমি বড় ক্লান্ত। কতদিন—কতদিন আমি একা আছি। যারা ছিল, তারা নেই। নতুন লোক কেউ আসে না। আমি বড় একা—বড় একা!

অতুল। তুমি এখানে থাক কেন?

জগদ্ধাত্রী। জানিনে—। আমার ডাকতে এসেছিল—তারা সুন্দর, ভাল; আমি যেতে পারিনি।

অতুল। কোথায়—সেই “মহামায়ার চর”? যার চারিদিকে পদ্মানদী আর বিল!

জগদ্ধাত্রী। না, আরও ভাল জায়গা—আমি যেতে পারিছি। এখন আর একা থাকতে ভাল লাগেনা—যেতে ইচ্ছে হয়! তুমি নিয়ে যেতে পার? পথ দেখিয়ে দিতে পার?

অতুল। ইচ্ছে হয়—তুমি যাতে ভাল থাক, তাই করি। কিন্তু কি ক'রবো, আমি মানুষ—আর তুমি একদিন মানুষ ছিলে। সে স্মৃতি আজও ভুলতে পারিনি, তাই যাবার পথ খুঁজে পাচ্চনা। আমি কেমন ক'রে তোমায় পথ দেখিয়ে দেব।

জগদ্ধাত্রী। আমি বেঁচে নেই?

অতুল। না—। ম'রবার পরেও কেন তুমি পৃথিবীর মায়া কাটাতে পারনি, কিসের গোতে?—
আমার ব'লতে পার মা!

জগদ্ধাত্রী। তুমি আমার মা ব'লে কেন? আমি কি তোমার মা?

অতুল। আমিও মা, ছেলেবেলার কতদিন তোমায় খুঁজেছি। আমি বুঝতে পারতাম না—সবার মা থাকে, আমার মা নেই কেন? আমার কখন মনে হয়নি, তুমি নেই। বাবা স্পষ্ট ক'রে কোন দিন তোমার কথা আমার বলেননি। তুমি যেমন আমার খুঁজেছ—আমিও তেমনি তোমায় খুঁজেছি মা!

জগদ্ধাত্রী। অতুল, অতুল? তুমি আমার সেই অতুল? তুমি যখন ভূমিষ্ঠ হ'লে, আমার মনে প'ড়ছে—ঘর-আলোকেরা রূপ! আজ আমার মনে আবার সেই আনন্দ হ'চ্ছে—এতদিনে আমার সব কষ্ট সার্থক হল!

অতুল। তুমি আমার মা—আমি তোমার অতুল!

জগদ্ধাত্রী। তুমি অতুল—সেই অতুল?—সেই ছোট, ছোট অতুল? অতুল, অতুল—আমার ব'লতে ভাল লাগছে। অতুল, অতুল—মিষ্টি নাম!

অতুল। মা—মাগো!

জগদ্ধাত্রী। এইবার তোমায় চিনতে পেরেছি, তুমি অতুল। যারা আমার ভালবাসতো, তারা আমার ভুলে গেল; তাই তোমার জেগেই আমি এখানে ছিলাম—

অতুল। তুমি এভাবে আরো এখানে থাকতে চাও, মা!

জগদ্ধাত্রী। না—আমি বুঝতে পেরেছি। সুখ চ'লে গেলেও সুখের আশা আমার যায়নি, তাই আমার এ শাস্তি ভোগ ক'রতে হ'চ্ছে। সে দোষ কি আমার! উঃ—বড় যন্ত্রণা পেয়েছি! তুমি আমার হ'য়ে ভগবানকে ডাক—এই যন্ত্রণার হাত হ'তে আমার বাঁচাবার জেগে ভগবানের কাছে প্রার্থনা কর! আমি সব ভুলে গেছি—আমায় ভুলিয়ে দিলে। তুমি ডাকতে জান? ভগবান আছেন—শুনেছি, ডাকলে তিনি শোনে, দয়া করেন,—তুমি ডাকতে জান?

অতুল। না—আমি জানিনে, কখনো শিখিনি। তবু, আমি তোমার জেগে ভগবানকে ডাকবো। মা—মাগো, তোমায় কোন দিন প্রণাম করিনি—প্রণাম ক'রছি, আশীর্বাদ কর!

অগচ্ছাত্রী! আশীর্বাদ? আমি কেমন ক'রে
আশীর্বাদ ক'রবো? আমি জানিনে! তুমি
(আমার ছেলেনও, আমি তোমার মেয়ে! আমি
বড় হইনি, আমি কিছুই জানিনে! তুমি ডাক—ডাক,
ভগবানকে ডাক। তোমার কথায় দেবতার দয়া
হবে!

অতুল। জানিনে, কোন্ কামনা তোমার
সংসারে বেঁধে রেখেছে! মৃত্যু তোমার কাছে
মুক্তির দূত হ'য়ে আসেনি—তোমার অন্ত্রে ভগবানের
কাছে কি চাইব, কোন্ ভাবায় প্রার্থনা ক'রবো।
আমি ধর্ম জানিনে, অমুষ্ঠান জানিনে, কিছু বুঝিনে!
ওগো নিশীথ রাত্রির অসংখ্য তারা, তোমরা আমার
সেই মন্ত্র শিখিয়ে দাও, যার সুর আছে—কথা নেই।
আমি অন্ধ—আমি জানিনে, আমি জানিনে!

(সঙ্গীত আরম্ভ হইল, দিব্য সঙ্গীত ও পুষ্পবর্ষণ)

গান

শুভ লগনে বীণা বাজে গগনে,
বঙ্কত সুর জ্যোতি মধু পবনে।
তুমি এস, এস, এসগো!
বাধা বেদনা কর দূর—
এস কুহম-রথে
ফুল-বিছানো পথে
পুষ্পিত নন্দন-বন-ভবনে ॥

অতুল। মা, ভগবান আমার ডাক শুনেছেন—
তোমার কামনার দেহ মিলিয়ে গেল! তুমি শান্তি
পাও, তুমি শান্তি পাও! জীবনে যন্ত্রণা পেয়েছ—
যরণে যন্ত্রণা পেয়েছ, তুমি জন্মমৃত্যুর পারে যাও!
(আলো দেখা গেল—বাহির হইতে হৃদনের সঙ্গ
বিজনবালা ও হেরষ আসিলেন)

হৃদন। এই দেখ মা, দানাবাবু এখানে চূপটি
ক'রে দাঁড়িয়ে আছেন।

বিজনবালা। অতুল।

অতুল। কে?

বিজনবালা। আমার চিনতে পাচ্ছ না?

অতুল। মাসিমা!

বিজনবালা। বাড়ী এস বাবা, বাড়ী এস!

হেরষ। আমার দেখ দেখি। মনে পড়ে?

অতুল। পটল?

হেরষ। হ্যাঁ—তোমার বালাবজু। তুমি
বাইরে এস, আর এখানে দাঁড়িয়ে থেকোনা।

অতুল। চল মাসিমা, আমি আমার মাকে
দেখিছি, জ্ঞান হওয়ার পর এই প্রথম দেখলুম।
ভেবেছিলুম—আমি মাতৃহারা! মা আমার এত
ভাল বাসতেন। এইখানে—এই মাটিতে এসে
তিনি দাঁড়িয়ে ছিলেন। আর তিনি অতৃপ্ত নন, মা
আমার শান্তি পেয়েছেন!

বিজনবালা। চল বাবা, বাড়ী চল।

—যবনিকা—



